

Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.108









Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.108







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.108





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.108








2. 6. 108













2.6.108

B

XXX

BRANDL

Te







26-108

21

PACIFICATIONVM  
Austro-Hispano-Gallicarum  
HISTORIA

Ab annis plusquàm ducentis breviter repetita, atque  
ad hæc usq; tempora continuata;

*Chi accessis*

ILLVSTRIVM CONSVLATIONVM

Decas cum annexo Discursu de vera Victoria  
ante aliquot annos conscripta.

AUCTORE


Georgio Braudlacht JCto Westph.



Augustæ Vindellicorum

*Impensis Johannis Web Bibliopola, impressa typis Johannis Pratorij.*  
Anno M. DC. XLIV.









## Ad Lectorem.

**C**Um non ita pridem *horis succisvis* ad vetera studia, & lucubrationes, haecenus vel injuriâ temporis, vel aliis ex causis intermissas redirem, fortè in *selecta quadam de Pacificationum jure* incidi, quæ relegendò, nescio an occasione temporis (quo omnes boni pacem tandem summoperè exoptant) an ipsius materiæ (de cujus jucunditate, utilitate & tractandi necessitate non est uti verba plura faciam) amore victus, *meditamenta* nonnulla, secus ac ab aliis haecenus tentatum video, non quidem circa vulgaria solùm, sed præcipuè quæ ad *communem usum*, ad *amnestiæ* publicæ, *abolitionis* plenariæ, & *reconciliationis* injuriarum, damnorum &c. vel è contrâ dignitatum, bonorum, honorum aliorumq; similium *restitutionis* amplissimas, atq; hisce præsertim temporibus, in compositione Pacis valdè proficuas materias propriè spectant, concinnare, eaq; præ aliis avorum nostrorum, ac horum quoq; temporum, *exemplis historicis*, præter alia *Juris & Politices fundamenta* illustrare, firmare & stabilire animo concepi.

In hisce dum pedem figo, & *Historicorum* (sine quorum adjumento valdè frigida & incauta, rerum ad publicum statum pertinentium videtur esse tractatio, nam sicuti, ait *Lipsius*, in navi dirigendâ, respectus habendus est ad cynosuram, sic in publica administratione ad facta prioris ævi; Quod & experientia confirmat) varia mo-



## P R Æ F A T I O

numenta revolve, tot *Austro-Hispanorum* cum *Gallis*, atq;  
horum cum illis, illustria *Pacificationum exempla* occurre-  
bant, ut intermittere non potuerim, quin eadem sepa-  
ratim exciperem, in ordinem redigerem, atq; hoc ævo  
quo de similibus agitur, publici juris facerem; Quod  
volui feci, & reperis Lector hic in compendio *Pacificatio-  
num historiam*, non ex Regum & Principum *Archivis*, sed  
prout dixi ex *Historicorum scriptis* contextam. Horum  
quanta sit fides notum est, nil addidi nec detraxi præter  
*contextum* & rerum quodammodò *eventus*. Brevis fui, fa-  
teor, cum tamen occasionem commodam habuisssem,  
in *Historicorum* amplissimum campum plusquam satis  
exspatiandi, verum tempori, aliisq; negotiis pepercii;  
Et quid impedit prata amœna sæpius visitare, atq; præ-  
dia fertilia bis colere? Si brevior hæc non satiant, instar  
*delinamentorum* & *præliminarium* nunc temporis sunt;  
*Stylum* eorum ut plurimum secutus sum, quorum verba  
recensui, & rerum prima mihi, (quod etiam *Cuspiniano*

(a) *Cuspinian.*  
in *Frider. III.*  
in *prim.*  
(b) *Otto Fri-*  
*ng. Chron.*  
*lib. 6. cap. 23.*

(a) Historico placuisse reperio) verborum cura secunda;  
Scio etiam quid *Otto Frisingensis* (b) noster moneat, decere  
*Historicum res gestas scribere, non rerum rationem reddere*;  
Quod nec temerè hoc loco factum, nisi quatenus veri-  
tas historica, rerumq; & negotiorum contextus id re-  
quisierit, atque fama Patriæ, Divorum Cæsarum, alio-  
rumq;, quorum interest, id expostulârit.

Ad quem *usum* & *effectum* hunc laborem susceptum  
si quæritas? Licet non inficiar, eos qui *publicis negotiis*  
*interfunt*, atq; eorum cognitionem habent, meliora for-  
san (quamvis & hæc non semper cuivis sint obvia) ex Re-  
gum & Principum suorum archivis polliceri sibi posse,  
alios



AD LECTOREM.

III  
alios verò qui ex *prescriptis* formulis agunt, parùm hæcce  
æstimaturos, cùm intra suos cancellos se contineant, ne  
facile impingant, nihilominùs planè sentio, fore qui di-  
versimodè fructum exindè colligere posse, quod reverà  
*Seneca* (c) monet, dum scribit; *Ex eadem materiâ, suis quemq.* (c) *Seneca*  
*studiis apta querere, sicuti ex eodem prato bos herbam, canis le-* Epist. 107.  
*porem, ciconia lacertam;* Accessit demum *Illustrium Consul-*  
*tationum* à Pacificationis materiâ non prorsus alienarum  
Decas unica, quarum plures ante annos duodecim, in  
exilio & otio quidem conscriptæ, verùm certis ex causis  
commodiori tempori & operi reservantur; *Errata typo-*  
*graphica* si quæ irrepsere, ob absentiam corrigi emenda-  
riq; non potuere, quod ignoscas velim candide Lector,  
& vale.

PACI.



# PACIFICATIONVM

Historiæ

SVMMA CAPITA.

1. De origine diffensionum & Pacificationum inter Galliæ Reges & Burgundiæ Duces, usq; ad Carolum audacem, eius gentis ultimum, cui demum successerunt Archiduces Austriæ, & Hispaniarum Reges moderni.
2. De Maximiliani Austriaci, Caroli Burgundi, in Burgundia & Belgio successoris, cum Galliæ Regibus Ludovico XI. & Carolo 8. ob Burgundicam & Belgicam successionem æmulationibus & Pacificationibus.
3. De Neapolitani & Siculi Regni inter Gallos Hispanosque controversiâ, atq; exinde natis Pacificationibus, quatenus ad præsens negotium spectant.
4. De Maximiliani Austriaci, jam post mortem Friderici III. Imperatoris in Cæsarem electi, atque eius nominis primi, cum Galliæ Regibus, præsertim verò Ludovico 12. de Ducatu Mediolanensi, controversiis & Pacificationibus.

5. De



- IV
5. De Navarræis & Roscionensibus controversiis, atque propterea inter Gallos Hispanosque susceptis Pacificationibus.
  6. De Francisci primi Galliæ Regis cum Maximiliano primo & Carolo 5. Imperatoribus, controversiis & Pacificationibus, ab anno 1514. ad annum 1526. quo celebris illa Pacificatio Madritana, inter Austro-Hispanos & Gallos facta est.
  7. De Francisci Regis Galliæ, contra Carolum Cæsarem novis motibus, deque eiusdem cum eodem Pacificationibus, præsertim verò Cameracensi & Nizzenfi ab anno 1526. ad annum 1538.
  8. Continuat ea, quæ inter Carolum Cæsarem, & Franciscum Regem, post Pacificationem Cameracensem, & inducias Nizzenfes ab anno 1538. usque ad annum 1544. quo nova Pax, apud Crepinium in Sueffionibus castellum, facta est, gesta fuerunt.
  9. De ulterioribus inter Carolum V. Cæsarem & Franciscum I. Galliæ Regem, atque utriusque successores, in Hispaniarum Regnis Philippum II. in Galliâ Henricum II. Reges, æmulationibus, dissidiis, foederibus  
cum



cum Turcis & aliis, atque inde subsequen-  
tis induciis Cambresiensibus, & Pacifica-  
tione alterâ Cameracensi, de anno 1559.

10. Refert quæ hinc inde tum in Imperio, cum  
in Galliâ, Hispaniarumque Regnis ab anno  
1560. ad præsens negotium spectantia, no-  
tatu digna inciderunt, & in specie agitur de  
Pacificatione Verviniana ab anno 1598.  
quæq; præterea eam, ad hæc usque tempo-  
ra, insecuta sunt, summariè & partim re-  
missivè.

11. Recapitulationem omnium harum Pacifi-  
cationum, cum præcipuis earundem fun-  
damentis & motivis exhibet.

12. Cujusdam Gallici Scriptoris de Pace futu-  
râ Germaniæ discursus continet: Quis eam  
hactenus impedierit? cujus ea conditionis  
esse debeat? & quomodo secura satis red-  
di queat?

Paci-





Pacificationum Austro-Hispano-  
Gallicarum,

CAPVT PRIMVM.

DE

Origine *Dissensionum* & Pacificationum, inter Gallia Reges,  
& Burgundia Duces usq; ad Carolum audacem, ejus  
gentis ultimum; cui deniq; successerunt, Archiduces Au-  
striae & Hispaniarum Reges.

**Q**uemadmodum Pacificationibus bella componuntur, ita  
vix illae explicari poterint, si non bellorum & dissensionum  
origines, causae & praetextus non nunquam attingantur.

Res ergo sic se habet. Cum Iohannes Valesius, Philippi  
Valesii Galliae Regis filius anno 1364. diem obiisset, filios  
reliquit quatuor, Carolum, Ludovicum, Iohannem, & Philippum. (a) Caro-  
lus natus major, Regi Patri Iohanni in Regno Galliae successit, & fuit  
eius nominis quintus, cognomento Sapiens. Philippo fratri minimo in di-  
videnda hereditate Burgundiae Ducatus obvenit, cum enim cum Patre  
Iohanne Rege, ab Anglis in praelio caperetur, Iohannes pater ipsi Bur-  
gundiam promissit; (b) Atq; hic Ducum Burgundiae, & si lineam mater-  
nam spectes, Austriacorum quoq; Archiducum, & Regum Hispaniarum, qui  
nunc imperant, progenitor est, uti ex seqq. patebit.

Philippus non minori prudentia, quam fortuna ditionem Burgun-  
dicam, mirifice auxit, matrimonio enim cum Ludovici Flandriae Comitiss  
filiâ Margaritâ contracto, Burgundiae Ducatus, Artesiam, Flandriam, Burgun-  
dia Comitatum, aliasq; Belgii provincias hereditario jure adjecit. (c)  
Quâ ratione & occasione, Burgundia & Flandria cum adjacentibus pro-  
vinciis,

Anno 1364.

(a) Robert.  
Guaguin. hist.  
Gall. lib. 9.  
Frossard. hist.  
lib. 1. p. 66.

(b) Frossard.  
d. lib. 1.

Anno 1369.

(c) Guaguin.  
d. lib. 9.

A



(d) Froffard.  
hist. lib. 1. &  
lib. 2. pag. 174.  
(e) Naclerus  
vol. 3. gener.  
46. in anno  
1369.

vinciis unita, atq; in unum corpus coaluere, (d) conditiones autem contractui matrimoniali annexas recenset Naclerus. (d)

Carolo Quinto Gallie Regi, postquam in fata concesserat, superstites permansere Regni hæredes, Carolus & Ludovicus filii.

Carolus primogenitus paternum Regnum obtinuit, Carolus Sextus nuncupatus. Hic cum Gallie regum more coronaretur, acerrima inter Philippum Burgundum, & reliquos Gallie Principes, maximè verò Ludovicum Andegavensem Ducem eius fratrem, de sessionis ordine & prerogativa exorta est controuersia. Quo facto prima inter Gallicam & Burgundicam domum, dissidiorum & æmulationum fundamenta jacta esse videntur, quod etiam eventus docuit, rem ipsam describit Gallie Historicus Guaguinus. (f) Rege enim Carolo 6. consecrato, cum ad convivii locum ventum est, inter Principes incidit, de Sessionis ordine & praelatione contentio; Ludovicus enim Dux Andegavensis, ætate Burgundie Duce Philippo grandior, præire contendebat, è contrà Philippus Burgundus, se Parem Francie, & quidem Parium Decanum esse, ac propterea, post Regem primam habere sedem argumentabatur. Sed litem hanc, Rex Carolus, consultatione cum Proceribus habitâ ita di remittit & composuit, ut Philippo Burgundo primam sessionem, quatenus ad præsens negotium pertineret, adjudicaret: Quam ob rem offensus Andegavensis, Regi nihilominus proximum locum usurpavit, verum Burgundus inter Regem Andegavensemq; medius insiliit, ex quo Audacis nomen adeptus est; Hæc Guaguinus (g)

(f) Guaguin.  
d. lib. 9. pag.  
m. 168.

Pacificatio I.

(g) Guaguin.  
d. lib. 9. in Ca-  
rolo 6.

Jurené Burgundus hanc prærogativam sibi attribuerit, tractat & affirmativè concludit Chastanæus, in Catalog. glor. mund. part. 4. confid. 45.

Hæc, licuti antea prædixi, inter Gallicam & Burgundicam domum exorta æmulatio, successu temporis radices agere cepit; Nam quum Carolus 6. Gallie Rex, fortuito quodam casu inter equitandum in mentis alienationem incidisset (h) qui tamen morbus saltem per intervalla redibat, Summa Regni administrationis ad Proceres Regni devoluta est, erant autem inter eos præcipui, Johannes Philippi Burgundi cognomento Audacis (de quo hætenus) filius, Regis patruelis, & Ludovicus Aurelianensis Dux, frater Regis, Quos inter de Principatu simultas intercessit, uterq; enim, ob adversam Regis valetudinem, primas administrationis partes obtinere satagebat. Consultatione desuper habita inquit Froffardus, (i) an Regis fratri (Duci Aurelianensi) administratio rerum esset com-

Anno 1392.

(h) de hoc casu scribunt Guaguin. d. lib. 9. in Carolo 6. & Froffard. hist. lib. 3. pag. 256.

(i) Froffard. d. lib. 3. pag. 256.

mitten-



mittenda, placuit, eam esse debere penes patruelem, eò quòd ille (Aurelianensis) per ætatem non satis regno providerat. Veruntamen dissidia hæc, cum radicibus evelli & componi non possent, atq; interim, quòd Aurelianensis Regnum affectasse, & magos adhibuisse, qui Regem Carolum imbecillum reddidissent; Quinimò Aurelianum auctorem fuisse eorum ludorum, ubi Carolus Rex ferè combustus, injiciente nimirum Aureliano facem, in lusorum villosas vestes, dicebatur (k) de quo hoc modo etiam Frossardus (l) Ducis Aurelianensis uxor (Valentina) Mediolanensis Ducis filia, cujus cap. 3. fit mentio) multum ambitiosa mulier, nihil æquè optabat, atq; maritum ad Regii sceptri fastigium, quâlibet etiam arte pervenire, pleriq; adeò de ipsâ suspicati sunt, quòd ipsius maleficiis mens Regis fuisset excantata, Hæc Frossardus latè huiusmodi suspicionis causas prosequens. Tandem Aurelianensis Dux, Lutetiæ Parisiorum noctu interfectus, eam eadem à Burgundo procuratam, vulgò dictum est; Vt cunq; sit, Aurelianensem boni publici causâ, & Reipublicæ bono interfectum esse Rex demum ipse confessus. Et quoniam Burgundo populus Parisiensis faveret, Rex cum Burgundo rem omnem composuit, & pacem iniit. (m)

An Burgundus vel Aurelianensis meliorem habuerit causam, peculiari tractatu examinat Johan. de terrâ Rubeâ tum temporis Fiscii advocatus, exstat inter opera Franc. Hottomanni.

(k) Guaguin.  
d. l. 9. fol. 198.

(l) Frossard.  
hist. lib. 3. pag.

267.

Anno 1407.

Pacificatio 2.

(m) Guaguin.

d. lib. 9.

Hanc compositionem Aurelianensis interfecti filii, ex æmulatione in Burgundos admittere noluerunt, quare odium in Burgundum recrudivit, qui cum Anglis se adlociasset, Gallia gravissimis bellis afflicta fuit, de quibus Guaguinus. (n)

(n) latè Guag.  
d. lib. 9. in Ca-  
rolo 6.

Inter hosce motus cum Delphinus Caroli 6, filius, postea ejus nominis Carolus Septimus grandiscesceret, de remedio, quomodo paternum Regnum ab intestinis dissidiis liberaret, cogitare cepit, quapropter Anglis (quibus Burgundus adherebat) Rotomagum obsidentibus, inter Delphinum & Burgundum convenit, ut fide utrinq; datâ, Burgundus & Delphinus apud Monstrelum (monstrelet) viginti supra Lutetiam miliaribus oppidum ad confluentiam Sequana & Iona in colloquium venirent, quo facto statim Burgundus, in conspectu Delphini, à quibusdam Aurelianensis Ducis familiaribus, quos ad colloquium Delphinus adduxerat, occisus est, congressum hunc & rem omnem describit Guaguinus (o). Secunda vel etiam tertia hæc fuit æmulationum inter Gallicam & Burgundicam domum causa.

(o) Guaguin.  
d. l. 9. fol. 206.



Hostem etiam acerrimum fide datâ occidere non licet, Bodin. de Repub. lib. 5. cap. 6. Avala de offic. bellic. lib. 1. cap. 6.

Exindè commotus *Philippus* cognomento *bonus*, *Iohannis Burgundi* filius, & patris in regimine successor, ut nefandam patris necem ulcisceretur, arctiori fœdere *Anglis* se iunxit, qui ambo miris modis Galliam afflixere, quod bellum ad triginta annos durasse, & tali prudentiâ à *Burgundo* gestum scribitur, ut eâ occasione, non solum provincias ab avo *Philippo* & patre *Iohanne* sibi relictas defenderit, sed etiam auxerit. (p)

(p) Guaguin.

d. loc. lib. 10.

Pius 2. Ponti-

fex in comm.

ter. sui temp.

lib. 9.

Pacificatio 3.

Atrebatensis

de anno 1438.

(q) Guaguin.

d. lib. 10. fol.

213.

Verum cum *Carolus* Galliarum Rex difficillimum fore prævideret, simulq; re ipsâ persentisceret, uno eodemq; tempore, cum *Anglis* & *Burgundo* bellum gerere, *Borbonio* Duce mediatore, cum *Burgundo* pacis tractationem iniit, quæ demum etiam *Atrebatibus* (Arras) anno 1435. sequentibus conditionibus conclusa est, *Guaguinus* (q) easdem in hunc modum refert.

Pleraq; loca *Burgundiæ* finitima, quæ Regis *Campaniam* versus erant, ad *Burgundi* Ducis ditionem pervenerunt, *Artesia* quoq; adjuncta sunt *Ambianum* civitas, *Corbia*, *Mondesiderius*, *Perona*, *Sanctum Quintinum*, & *Abbatis villa*, cum *Pontiviaco*, & *Bolonie* comitatibus.

Quas terras sub *Caroli* Imperio, *Parlamentis*; *Senatus* directione *Dux* *Philippus* possideret.

Eas autem civitates, quas postea nominavimus (pergit *Guaguinus*) quæ ad amnem *Somiam* sitæ sunt, redimere *Carolus* Rex poterat, quadringentis aureorum millibus.

Fuere etiam aliæ ad pacem conditiones, quæ quandoquidem hætenus absolutæ non sint, nec eas spes perficiendi manet, mortuis Principibus, silentio à me prætereuntur, hætenus *Guaguinus*.

Cujus quoq; pacificationis mentionem facit *Pius II.* Pontifex maximus. (r)

(r) Pius 2.

Pontif. d. com.

lib. 9.

(s) Guaguin.

d. lib. 10. fol.

251.

*Philippus Burgundus* quamdiu vixit pacem hanc illasam servavit, de *Carolo* verò *Galliarum* Rege, hisce verbis attestatur *Guaguinus* (s) Scriptor *Gallus*, eum expectasse saltem aliquem belli motum à *Burgundo* excitari, ne tam auctor dissensionis, quam propulsator injuriæ esse videretur; Sed morte præventus, *Ludovico* filio, ejus nominis undecimo *Galliæ* Regi, inquieti ingenii Principi Regnum cum affectu reliquit.

Anno 1462.

*Ludovicus* ergo undecimus *Galliæ* Rex inauguratus, licet non solum, cum



cum à patre multis ex causis (de quibus *Guaguinus* (t)) dissideret, in aulâ *Philippi Burgundi* educatus, multisq; beneficiis affectus, sed etiam post mortem patris, à *Burgundo* saluberrimis regnandi præceptis imbutus fuerit (u) uti erat consilio præceptis, ingenio, vario, & vix domesticis satis perspecto, tam in Gallia proprioq; Regno multa insolenter agi cepit, *Angliæ* enim Regis exemplo, nova & intolerabilia tributa subditis suis imperari iussit, multaq; alia contrà majorum instituta introduxit (vv) quàm etiam omnem lapidem movit, ut Principes vicinos turbaret, ergò *Carolus Philippi Burgundiæ* Ducis filium, per quendam *Rubemprium*, ad *Hagam Hollandiæ* vicum, ubi *Carolus* tunc erat, intercipi demandavit; (x) Quæ & alia Galliæ Proceres commoverunt, ut contrà *Ludovicum* Regem potestate suâ abutentem, boni publici bellum (ita enim id ipsum vocitârunt) inciperent, simul atq; *Carolus Burgundum* *Ludovico* Regi ex dictis causis infensum, in societatem fœdusq; allicerent, quàm variâ fortunâ bellum hoc gestum sit, *Galliæ Historici* (y) luculenter tradunt; Vt verò reliquas inter *Ludovicum* Gallum & *Carolus Burgundum* pactas aliquando inducias pacificationesq; præteream, inter eos tandem Anno 1468. *Vincennij* propè *Lutetiam*, pax licet satis infirma facta est, de quo sic *Comineus* (z)

Constitutum erat, ut Principes omnes Regis beneficiarii & clientes ad certum diem adessent *Vincennij* propè *Lutetiam*, & ne qua doli suspicio resideret, permittebat Rex *Carolo*, ut militum suorum præsidio eam arcem muniret, donec peracti essent conventus. Postquam eò ventum est *Biturix* eâ ditione, quàm hæctenus possederat, relictâ, fidem Regi dat pro *Normanniâ*.

*Carolus* autem pro illis *Picardiæ* oppidis quæ sunt ad *Somiam* fluvium. Et paulò post: Confectis apud *Vincennium* litteris de Pacificatione, & præteritarum offensionum abolitione discedunt pariter omnes.

Abeuntem *Carolus* in *Flandriam* Rex cum parvo comitatu, per aliquot milliaria deducit, subsequentijs eum circiter ducentis cataphractis, qui reducerent. *Carolus* multâ nocte, quàm se quieti daturus esset, eâ de re certior factus, collectâ suspicione jubet suos esse in armis. Atq; ita videre licet (subdit *Comineus* d. loc.) quàm agrè inter Principes consistat amicitia, propter diversitatem eorum, quæ singulis ferè momentis ad eos deferuntur.

(t) *Guaguin.*  
d. lib. 10. in  
*Carolo* 7. fol.  
229. 249.  
(u) *Nacler.*  
vol. 3. gener.  
49.  
(vv) de quibus  
*Polyd. Virgil.*  
de reb. *Anglic.*  
lib. 24. & 26.  
*Petr. Matthæ.*  
in vitâ *Ludov.*  
II. lib. 2. *Comineus* & alii.  
(x) *Cominæ.*  
comment. lib. I.  
*Guaguin.* d.  
lib. 10.  
(y) *Comineus*  
d. comm. per  
aliquot libros  
*Matthæ.* in vi-  
tâ *Ludovici.*  
*Guaguin.* d.  
lib. 10.  
Pacificatio 4.  
*Vicennensis*  
de anno 1468.  
(z) *Comineus*  
d. lib. 2. pag.  
353.



6 *Pacificationum Austro-Hispano-Gallicarum*

(aa) Guaguin.  
d. lib. 19. fol.  
260.

(bb) de qua  
redditione pa-  
cif. 3. dictum.

*Guaguinus* (aa) aliàs diligentissimus auctor de hac Pacificatione nihil ampliùs habet, quàm quòd

*Carolo Burgundo* cessere in perpetuam possessionem *Perana*, *Roya*, & *Mondesiderium*, ad hæc *Guinanum* & *Bolonia* comitatus, quamvis eadē loca *Ludovicus Rex* solutâ pecuniâ, à *Philippo* patre redemisset. (bb)

CAPVT SECVNDVM.

DE

*Maximiliani Austriaei, Caroli Burgundi, in Burgundiâ & Belgio successoris, cum Gallia Regibus Ludovico XI. & Carolo VIII. ob Burgundicam & Belgicam successionem, amulationibus & Pacificationibus.*

ANNO 1477.

**C**AROLUS Burgundus apud *Nanceium* Lotharingæ oppidum Anno 1477, ab *Helvetiis* interfectus, filiam unicam *Mariam*, Burgundiæ, aliarumq; opulentissimarum Belgicarum provinciarum hæredem ex asse reliquit. Opima hæc hæreditas, & puellæ virtus, multos ad matrimonium allexit, ex hisce præcipui fuere, *Ludovicus XI. Gallia Rex*, qui eam pro filio *Carolo* (postea ejus nominis Rege 8.) octo adhuc annorum adolescentulo ambiebat, & *Maximilianus Archidux Austriae*, *Friderici 3. Imperatoris* filius (a) consultatum aliquandiu fuit, pro rei dignitate & necessitate, ac demum quod refert *Cominatus* (b) pro *Maximiliano Austriaco*, Principe maturæ ætatis conclusum est. Sententiam protulit nobilis quædam femina, genere *Halluina*,

(a) *Cominæ*.  
d. com. lib. 8.

(b) *Cominæ*.  
d. lib. 8.

quæ masculè pronunciavit: *Nobis opus est aliquo Viro, non autem puero; Iam eâ ætate est Maria, ut liberos gignere possit, quod nobis, & toti provincie, maxime necessarium est: Ea vicit in consilio sententia.* *Mariâ* igitur Burgundicâ sic consentiente, matrimonium cum *Maximiliano Austriaco*, antea à patre *Friderico 3. Cæsare*, *Carolo Burgundo* (cùm adhuc viveret) promissum, omni ex parte conclusum consummatumq; est. Atq; hac occasione & ratione (procul dubio, Deo sic volente & disponente) *ditiones Burgundicæ*, cum universo *Belgio*, ad serenissimam domum *Austriacam* pervenere (c)

(c) *Cominæ*.  
d. lib. 8.  
*Gerhard de Roo. hist. Austriacæ* lib. 8.  
& 9.

At *Ludovicus Gallia Rex*, finitimas hæc regiones difficulter sibi eripere passus est, quod igitur per matrimonium non potuit, aliâ tentavit viâ,



viâ, Burgundiam juris Gallici esse dixit, in *Artesiam*, *Flandriam* aliaq; loca quoq; prætendebat, quapropter non solum *Burgundiam*, sed etiam *Picardiam* & *Artesiam* bonam partem invasit, occupavit & devastavit. *Maximilianus* è contrâ matrimonii jure acquisita sibi tuenda esse, *Ludovicum* nullo jure, sed solâ vinitu ratus, tum quod præcipuæ *Belgica* provinciae, atq; ipse *Burgundia Comitatus*, non ita pridem, sed etiam majorem atate, *matrimonij* jure ad alios, tam masculos quàm femellas devolutus fuerit, atq; ita provinciae hæc eam habeant naturam, ut & ad feminas sint transitoriae, quod *Heuterius*, *Paradinus*, *Guicciardinus* (d) & alii passim attestantur, sed quia & ipsi *Gallie Historici* (e) *Ludovici* sequaces in commentariis posteritati reliquerunt, *Ludovicum Regem*, in hæc provincias nihil juris habere, immò semper occasionem quasisse, universam domum *Burgundicam* delere & protinus extirpare, tentasse id *Ludovicum*, etiam vivo adhuc *Carolo*, quum ad *Fridericum Imperatorem*, *Tercellinum Legatum* ablegatis, eidem denunciari curasset, quomodo provincias *Belgicas*, *Carolo* devicto, inter se dividere vellent, cui si non ipso facto, saltem verbis *Fridericus* satisfecit, dum jocose *Ludovico* per Legatum renuntiavit, *Vrsi pellem*, antequam caperetur, non esse dividendam, apologum hunc recenset *Cominaeus* (f) nullam ergò superesse rationem, vel etiam conjecturam, quàm *Ludovicum* ex vulgari illo dominanijum præsupposito, ne quis nimium crescat, *Maximiliano* bellum intulisse (g) cui potentia augeatur legitimis successionebus & electionibus, numne tu eum bellum turbabis? *Gentiles de jure belli* lib. 1. cap. 14. in fin.

(d) Pont. Heuter. in histor. Burgund. libr. 6. Guicciard. de antiqu. statu Burg. cap. 16.

Guicciard. in descript. Belgii passim.

(e) Cominaeus. comment. d. lib. 8. & 9.

(f) Cominaeus. d. lib. 5. pag. 485.

(g) Sed quid si

Sed ad historiam revertor, *Maximilianus* arma armis opposuit, tandemq; ad prælium deventum, eoq; inter *Tornacum*, & *Ariam* commisso, multis licet ex suis desideratis, stationem tamen in campo tanquam superior tutatus est (h)

(h) Cominaeus. d. lib. 9. Guicciard. in descript. Belg. p. 368. Tarcagnota. nell' hist. del mondo. part. 2. lib. 20. ubi hæc omnia latius prosequuntur.

Quamvis verò *Maximilianus* victoriam re ipsâ retulerit, pacem tamen perpetuo bello præferre voluit. Ideoq; inter *Ludovicum Regem*, & *Maximilianum Austriacum* circa annum 1482. pax huiusmodi intercessit, quam ex *Historicis* recensere malo, in quo sic conveniunt *Cominaeus* & *Tarcagnota* (i)

(i) Cominaeus. d. lib. 9. Tarcagnota d. lib. 20.

Pacem Rex (*Ludovicus*) instituit facere per *Gandavenses*, hisce omnino conditionibus, ut ipsius (*Ludovici XI.*) filius (*Carolus 8.*) nunc

Galliae



(k) Guaguina.  
de reb. gest.  
Franc. lib. 10.  
fol. 289.

(l) Nacler.  
vol. 3. gener.  
50. anno 1482.

(m) Nacler.  
d. loc.

(n) Cominæ.  
de bell. Nea-  
polit. lib. 1.  
Tarcagnota d.  
part. 2. lib. 21.  
Anno 1484.

Anno 1490.

(o) Tarcagno-  
na d. lib. 21.  
(p) Cominæ.  
de bell. Nea-  
polit. d. lib. 1.  
(q) Tarcagno-  
na d. loc.

Galliæ Rex, in matrimonium duceret Maximiliani filium, Margaretam, atq; Boloniensem, Matisconensem, Altiſſiodorenſem, & Carolatenſem ditio- nem, in ſuâ poteſtate retineret. Iple viciffim Atrebatum (Arra) agrum omnem promittebat reſtituere, reſervatâ tamen ſibi eâ urbis parte, quam munierat. Vtriuſq; verò Burgundia, & eorum quæ ſunt ad Somiam fluvi- um, nulla fuit facta mentio. Robertus Guaguinus (k) eius quoq; pa- cis mentionem facit, dum ita ſcribit: Venere per id tempus ad Regem valetudinarium, Flandrenſium, Brabantinorum & Hannovientium oratores, quos per Iohannem de Vaccaria primarium Parlamenti Præ- ſidentem, & Philippum Deſquerdum audivit. Poſt aliquot contentio- nes, tandem de pace convenit, ut Carolus Ludovici filius, Margaretam Maximiliani filiam, dum legitima utriq; ætas eſſet, uxorem acciperet. Donantur Legati à Ludovico 30. millibus Scutorum aureorum, præ- ter pocula argenti cœlari, quod eorum cauſâ Rex cudere jufferat. Ea- dem habet Naclerus (l).

Margarita Burgundica licet adhuc teneræ ætatis, magnâ tamen cum pompâ Lutetiam Pariſiorum deducta, & ſolemniffimè à Patre Rege, fi- lioq; Carolo recepta, demumq; paulò poſt deſponſationis feſtum om- nium cum lætitia celebratum eſt. (m) Interea Mariâ Maximiliani Auſtriaci conjunx obierat. Ideoq; Maximilianus, ex conſilio patris Cæſaris, Annam Franciſci Britannia minoris (Bretagne in Franciâ) filiam, quam parens moriens eius ditionis heredem reliquerat, ab Auraico Principe, puellæ nutritio & avunculo ſibi publicè deſponſari fecerat. (n) Ludovico quoq; Galliæ Regi mortuo, Carolus 8. eius filius ſucceſſerat, Quem quamvis parens moribundus paternè admonuerat, ut cum vi- cinis, præſertim verò Maximiliano Auſtriaco pacem coleret: Iſ tamen duplici ex capite, pactis ſeu pacificationi contravenit, Maximilianūq; offendit. Non ſolùm enim Margaritam Maximiliani filiam, ante ali- quot annos ſibi deſponſatam repudiavit, eiq; remiſit, ſed præterea etiâ Annam Britannicam, Maximiliano promiſſam partim vi, partim perſua- ſionibus adductam, matrimonio ſibi junxit, hâc præcipuè ex ratione, & jure, ut Britannia, cuius antea quoque partem occupaverat, potire- tur. (o) De quo facto in hunc modum ſcribit Comineus. (p) De hiſce nuptiis, non idem erat hominum judicium, ſacrarum quoq; rerum pe- riti, non uno modo pronunciabant, ipſisq; quidem fœminis infelicitè accidit &c. Et Tarcagnota (q) ex Italico in latinum verſus, ubi eiſdem rei men-



Caput Secundum.

rei mentionem facit, tandem concludit. Facinus hoc violentum, cum repudio Maximiliani filiae Margaritæ, quemlibet vituperasse. Thomas Porcaccius, (r) Italicâ libertate notavit. Ex hoc (aliisq; similibus exemplis, quæ inter Austriam & Gallicam gentem reiteratæ pacificationes pandunt) concludendum fore, proprium esse Regum Franciæ, domum Austriacam promissionibus matrimonialibus fallere. Galli tamen hac in re nihil perperam factum censuere; Ajunt enim Margaritam (ita refert Nauclerus (s) ex mente Gallorum) annum nondum egisse quartum, cum ad Carolum pacis & matrimonii causâ deduceretur, pactum illud de nuptiis Maximilianum semper improbasse, tum quod à Flamingis (Gandavensibus & consocris) se inconsulto, & reclamante, factum, tum quoque, quod major æquo dos designata esset; Accessit his odium implacabile Maximiliani in Carolum, unde non mirandum, si ipsa his cognitis nondum adulta, remissa est, cum impuberis ante pubertatem inanis sit assensus, & dum pubescunt, licitum esse illis sponsalium pœnitere, secundum canones. Hæc & plura alia Nauclerus.

Vtuncq; verò Maximilianus propter remissam filiam, & ereptâ sibi sponsam, insigni contumeliâ affectus videbatur. Fridericus etiam Caesar, ipsius pater, Comes Palatinus & Helvetij missis legatis pro pace intercedebant. Quod ita factum scribit Cominæus: (t) Erant enim partes defatigatæ bellis, præcipuè verò Burgundiones, ob civiles etiam dissensiones, quod facilius erat pacem aliquam constituere; Ad eam actionem Rex misit Petrum Borbonia Ducem, Auricæ Principem, Condæ & me (id est Cominæum) compositio demum facta fuit in hunc modum.

Quicquid in Atrebatum agro Rex possideret, Philippo (hoc est Maximiliani filio) uti restitueret; Cum enim soror ipsius desponderetur Regi, pactum fuit, si quis casus matrimonium hoc impediret, ut tum, quod pro dote attulisset illa, redderetur familiæ.

Burgundiones autem ex insidiis jam ceperant Atrebatum & Samarum. Reliqua, solum Hesdinum, Aria, Betuna, quorum oppidorum arces Regi licebat ex pacto retinere, ad certum tempus, & præidiis etiam munire.

Hiscæ haud dissimilia habet Paulus Jovius (u) Historicus Italus, in hæc verba differens:

(r) Porcaccius.  
in not. Italic.  
ad Guicciard.  
lib. 5.

(s) Nauclerus  
vol. 3. generat.  
50. in anno  
1491.

(t) Cominæus  
de bell. Neapolit.  
lib. 1.  
p. 752.  
Pacificatio 6.  
de anno 1495.

(u) Jovius  
hist. lib. 1.

B

Ludo-



“ *Ludovicus Sfortia*, qui per eos dies *Blancam* Iohannis Galeacii so-  
 “ rorem *Maximiliano* (Cæsari) in matrimonium collocârat, & cum eo  
 “ *Helvetiorum* Legati, qui magnam apud utrumq; (*Maximilianum* Cæ-  
 “ sarem & *Carolus* Regem) auctoritatem obtinebant, omnem eo-  
 “ rum controversiam composuerunt; Quum *Carolus* remissâ in Ger-  
 “ maniam puellâ (Cæsaris filiâ) & restitutis *dotibus oppidis*, cum mul-  
 “ to verborum honore *Maximiliano* satisfecisset; Atque in excusatio-  
 “ nem inhumanioris facti, se non Regia libidine, aut superbia indu-  
 “ ctum, sed impulsum temporum ac bellorum necessitate, ad eas nu-  
 “ prias descendisse fateretur, ut provincia illa (*Britannia*) tantæ oppor-  
 “ tunitatis, ad arcendas Britannorum classes, pro qua toties cruentè  
 “ decertassent, redemptis eo conjugio, provincialium animis, pristinae  
 “ quieti redderetur. Atq; hæc de *Burgundia* & *Belgicis* provinciis ultima  
 “ tum temporis inter *Austriacos* & *Gallos* fuit Pacificatio, postquam in  
 “ hoc ferè statu res *Belgiæ*, usq; ad *Francisci I. Gallie Regis*, qui anno 1514.  
 “ in Regno successit, tempora permansere. Cæterum quemadmodum  
 “ *Maximilianus* Imperator, eiusq; successores, *Burgundiam* cum provin-  
 “ ciis *Belgicis*, in ordinem redegerint, *iuris Imperij* (cuius tamen antea  
 “ quoq; fuere) fecerint, jureq; *circulari* donârint, ex *Iurisprudentia publi-  
 “ ca*, & *Recessibus Imperij* videre licebit.

## CAPVT TERTIVM.

## DE

*Neapolitani & Siculi Regni inter Gallos Hispanosq;, con-  
 troversis, atq; exinde natis Pacificationibus, quatenus  
 ad præsens negotium pertinent.*

[a] Guaguin.  
 de reb. gest.  
 Franc lib. XI.  
 in Carolo 8.  
 Anno 1494.

**C**arolus 8. Gallie Rex, Burgundicis & Belgicis rebus compo-  
 sitis, licet plerisq; rerum expertis dissuadentibus, iter *Neapoli-  
 tanum* meditabatur. Cùm jam *Carolus*, (scribit *Guaguinus*  
 [a]) à bellis quiescere potuisset, cura illi incessit de *Neapolitano* &  
*Sicilia Regno*, quod a se patrimonii jure pertinere contendebat, nec  
 potuit ulla ratione à sententia dimoveri, nec Parisiorum Oratores,  
 eius rei causa ad eum missos audivit. Contractis itaq; terra mariq;  
 copiis,



copiis, in Italiam ducens *Lugduni* primò aliquamdiu moratus est, non satis certus, an alpes ipse transcenderet, detinebatur enim civitatis delitiis, & quarundam amoribus fæminarum &c. at demum ipse iter ingreditur, Regnum invadit, occupat, quæ omnia gravissimè describunt *Naucerus*, *Cominans*, *Guicciardinus* [b] & alii.

Ad majorem rerum notitiam, antequam ad Pacificationem progrediamur, nonnulla de variis in hisce Regnis *mutationibus* præmittamus, quo factò facilius quæ sequuntur, intelligi poterunt.

Primò autem *utramq; Siciliam*, quæ nunc duo Regna, *Siculum* & *Neapolitanum* constituit, *Nordmanni Duces Regesq;* tenuerunt, quorum stirpe extincta ad *Suevia Duces*, præsertim verò *Friderici 1.* Imperatoris cognomento *Barbarossæ*, filium *Henricum*, eiusq; posteros pervenere, penes quos permansere, donec infelix ille *Oonradinus* ex *Suevia* Ducibus ultimus, à *Carolo Andegavensi* prælio vinceretur, caperetur & capite plecteretur. Vnde aliquamdiu sub *Gallorum* dominatu fuere; *Arragoniis* postea celsere, & demum hisce quoq; pulsus ad *Hispanos* rerum summa delata est. Verum antiquioribus hisce omiſſis, quæ fusiſ ab *Historicis Neapolitanis*, *Michaële Ritio*, *Pandolpho Colennutio*, *Falcando*, atq; aliis *Cæsare Baronio*, *Crusio*, *Tarcagnota*, *Zurita &c.* traduntur, in rem præsentem ibimus; Habeant itaq; *Galli*, habeant *Arragonij*, atq; ab hisce *Hispani* suas investituras, adoptiones, testamenta, aliaq; documenta, quibus quælibet pars successionem suam probare annuitur, quæ nunc in medio relinquimus. *Arragoniorum* demum vel iustitia vel vigilantia prævaluit, & quemadmodum *Sicilia Regnum* per *Vesperas Siculas* jamdudum amisere *Galli*, atq; ad *Arragonios* rursus devolutum, ita quoque & *Neapolitanum* *Arragoniis* post longam disceptationem remansit. *Alphonſus* enim *Arragonius*, eius nominis I. capta *Neapoli*, utrumq; sibi Regnum subiecit. [c] Hic *Alphonſus* fratrem habuit *Iohannem Arragonia Regem*, *Ferdinandi* illius *Catholici Hispaniarum Regis*, (cuius infra sæpiſſimè fiet mentio) patrem. [d]

*Alphonſus* cum legitima prole careret, fratre *Iohanne Arragonia Rege* præterito, *Ferdinando* ex *Pellice* filio Regnum testamento reliquit. Huic demum circa annum Christi 1494. 1495. *Alphonſus*, & postmodum *Ferdinandus 2.* succelsere.

Nunc ad *Caroli 8. Gallia Regis expeditionem* regrediendo, is ex

B 2

præten-

[b] *Naucerus*.  
vol. 3. gener.  
50. in anno  
1494.  
*Cominans*. de  
bell. Near.  
lib. 1. & 2.  
*Guicciard.*  
hist. lib. 1.

De morte *C6-*  
*radini* vide  
*Collenut. hist.*  
*Neapol. lib. 4.*  
*Crus. in hist.*  
*Suev. lib. 12.*

De vesperis  
*Siculis* *Colle-*  
*nut. d. loc. lib.*  
5. *Camerar.*  
hor. succisv.  
cent. 1. cap. 83.  
Anno 1442.

[c] *Zurita* an-  
nal. *Arrag. lib.*  
15. cap. 3.  
*Bzov. in annal.*  
eccles anno  
Chr. 1442.  
[d] *Guicciard.*  
hist. lib. 5.

Anno 1494.  
1495.



*Pacificationum Austro-Hispano-Gallicarum*

prætensione cuiusdam *Renati Andegavenfis*, spem suam successionis, & testamento quodam *Ioannæ Secunda Regina Neapoleos* [e] deducendis,

[e] De hoc & aliis Gallorum fundamentis agunt pro Hispanis, Jacob. Valdes. de dignit. Reg. Hispan. cap. 17. Vernul. in apolog. pro domo Austriacâ & de Regno Neapolit. & testamentum illud Joannæ falsum fuisse, attestatur Scriptor classicus Pandol. Collenu-  
cius hist. Neap. lib. 6. fol. 179.

(uti suprâ diximus) felici conatu Regnum Neapolitanum occupavit, sed vix occupatum, relicto in quibusdam locis præsidio, rursus dese-

[f] Cominæ. ruit, atq; in Franciam non sine discrimine rediit [f] præmii loco sui  
de bello Nea- vix aliud, quàm famosam *Gallicam luem* (*mal Franceſe*) deportârunt, &  
pol. lib. 2. & postea per universum Christianum orbem disseminarunt, egregium  
scqq. herclè tantæ expeditionis præmium. (g)  
Guicciard. d. lib. 2. in fin. Anno 1496. [g] præter Historicos, de hac re tractat Fallopius medi-  
cus sing. tract. de morbo Gallico, cap. 1.

Adjecerat quidem animum ad recuperationem Regni Caro-

Anno 1498. lus, sed morte præventus successorem & executorem *Ludovicum XII.*  
[h] Guicciard. *Galliæ Regem* reliquit. (h)

Interea *Ferdinando* Regi Neapolitano successerat *Fridericus* pa-  
truus. *Ferdinandus* autem *Catholicus Hispaniarum Rex*, utpote qui (uti paulò post dicemus) non minùs quàm Galliæ Reges, in Regnum Neapolitanum prætendebat, cùm varias Neapolitani Regni mutationes cerneret, majoresq; metueret, præsertim *Friderico* Rege, cùm Gallis colludente (i) ne omninò jus suum prætentum spernere videretur, occupandi Regni, tanquam post mortem *Alphonſi senioris patru*, ad se devoluti, consilia iniit, atq; ut absq; Gallorum offensione id fieret, pactis inter se induciis simulq; fœdere iccto, *conjunctis viribus Neapolitanum Regnum* invadere decreverunt, qua de re ita *Guicciardinus*: (k)

d. lib. 5. pag. 455. Ulloa in vita Caroli V. lib. 1. & Fazellus hist. Neapol. lib. 9. *Ferdinandus Catholicus*, *Alphonſi legitimi Regni acquisitoris ex fratre filius*, Regnum Neapolitanum ad se pertinere aiebat.

*Galliæ Rex* omnia sua consilia ad Neapolitanum bellum convertit, in quo ne Hispaniæ Reges adversos haberet, illisq; potentiæ illorum metu Veneti, & fortassè etiam Pontifex conjungerentur veritus, negotia Caroli Regis tempore, de Regni illius divisione, in quo & *Ferdinandus Hispania Rex* jus se habere asseribat, agitari cepta renovavit; Nam etſi *Alphonſus Neapoleos & Arragonia Rex* peculiari, &  
ab Arra-



ab Arragoniæ regno separato jure id adeptus esset, ideoq; tanquam rem propriam Ferdinando filio notho tradidisset, tamen ad Iohannem eius fratrem, qui illi in Arragoniæ regno successit, & Ferdinandum (Catholicum Hispaniarum Regem) Iohannis filium, quum Alphonsus id Arragoniæ Regni armis & pecuniis adeptus esset, iure id Regnum spectare, & ad illud tempusq; tacita querela fuerat, quàm Ferdinandus patientia, non modo debitis inter propinquos officiis, cum Ferdinando Neapolitanorum Rege & successoribus non prætermisissis, sed etiam novo affinitatis vinculo auctis, hæcenus texerat; Ferdinando enim Neapolitano Regi, Ioannam sororem suam in matrimonium dedit, & ut altera Ioanna illius filia Ferdinando iuniori nuberet assensus est, &c. Eadem itaq; cupiditate in Ferdinando & in Galliæ Rege conspirante, alter ut impedimenta & difficultates removeret, alter verò, ut ejus, quod diu optaverat, partem adipisceretur, cum ad totum occupandum nulla occasio appareret, Neapolitanum Regnum eodem tempore invadere pacti sunt, quod inter ipsos hac ratione divideretur, ut Galliæ Regi Neapolis ipsa cum tota Leborij agri regione Aprutijq; provinciâ; Ferdinando verò Apulia & Calabria obtingerent, suam verò quisque partem, altero nec juvante, nec impediante occuparet &c. de hisce quoq; Bzovius [1] postquam multa de sollicita cura Ferdinandi dixerat. Ad eas demum conditiones recursum, quæ dudum à Gallis propositæ fuerunt, ab Hispano repudiata; Fridericum nempe propter parentis natales, injustum Regem esse; Gallus & Hispanus certiori jure, junctis viribus, Neapolitanum Regnum expugnatum, inter se per conditiones partirentur. Quod & factum tandem fuit, prout ex Historicis [m] constat.

Sed non diu stetit hæc Gallorum Hispanorumq; concordia, mox enim de consensibus inter eos exorta est controversia, quæ dum transactione sopiri non potuit, tandem in publicum erupit bellum, causam, originem & progressum, ita notavit Guicciardinus. [n] Sed majores, longè lateq; periculosiores motus, & ex quibus maximi momenti res immaturæ erant, in Regno Neapolitano, inter Gallos & Hispanos præfectos exorta, gliscere incipiebant, quorum origo fuit, quod quum ex illa Regni divisione, uni Leborij terra di Lavoro Agruzz &c. Campi & Aversum, alteri Apulia & Calabria provinciæ adjun-

[1] Bzovius in  
annal. eccles.  
circa A. Chr.

1499. n. 6.

[m] vide horum

Regum pro-

gressum apud

Bzovium d.

loc. & paulo

post. Guic-

ciard. lib. 5. &

6. Thuan. hist.

lib. 1.

Anno 1504.

[n] Guicciard.

d. lib. 5. & 6.

Ulloa. in vita

Caroli V. lib. 1.



At essent, provinciarum *fines & termini* non benè expressi fuerant, ex quo uterq; eam partem, quæ nunc *Capitanatus* dicitur, sibi deposcere cæpit, cui controversiæ priscorum nominum, ab *Alphonso Aragonio* eius nominis *I. Neapolitano Rege*, patruo *Ferdinandi Catholici*, immutatio facta, occasionem præbuit, qui ut censuum & vectigalium exactionem faciliorem redderet, Regnum universum in sex præcipuè provinciis distribuit, hoc est, *Leborem terram*, *Principatū*, *Basilicatam*, *Calabriam*, *Apuliam*, & *Aprutium*; ex quibus *Apulia* in tres partes dividebatur, videlicet in *Hydruntinam*, *Barensem*, & *Capitanatum*, qui *Capitanatus*, quum *Aprutio* sit conjunctus, à reliqua *Apulia*, *Lofanto Flavio*, qui olim *Aufidus* dicebatur, sejungitur. Galli igitur, qui novæ appellationis non habitâ ratione, in dividendo veterem spectaverant *Capitanatum*, aut sub nullâ quatuor dictarum provinciarum comprehendendi, aut potius *Aprutij* quàm *Apulia* partem esse volebant, nec tam regionis magnitudine movebantur, quàm quod nisi *Capitanatum* possiderent, nullum ex pecore vectigal, magnum eius Regni vectigalium membrum ad ipsos perveniebat &c. Sed in contrariam partem, quod *Aprutium* locis montanis terminatum ad planitiem minimè protendatur, & quia in controversiis de provinciarum nominibus & terminis semper præsens consuetudo spectatur, *Capitanatum* minimè ad Gallos pertinere adducebatur; Hactenus *Guicciardinus*, quem quoq; assequuntur *Bzovius*, *Mariana* [m] & alii eiusdem seculi Historici. *Albericus Gentiles* [n] hæcce considerans, sic ratiocinatur: Secunda est illa quæstio (ait) quæ ex distinctione finium in dividendo Regnum Neapolitanum nata est, inter Hispanum & Gal- lum. Nam *fines* hi erant nominibus demonstrati, quæ aliud olim, aliud postea significabant, & vetera Galli, præsentia Hispani urgebant (ad quod allegat *Alexandrum* in consiliis) Nostri verò interpretes (addit idem *Gentiles*) docent, intelligi actum de proximis, præsentibus, immediatis terminis & finibus, itaq; ratio præsentis significationis nominum habebitur. Et mihi (concludit auctor) certissima definitio videtur per multa, quæ dici possunt de usu verborum, significationum normâ, atq; arbitrio.

[m] Bzovius  
d. annal. anno  
Chr. 1502.  
Mariana de  
Reb. Hisp.  
lib. 27.

[n] Gentil. de  
jur. belli lib. 3.  
cap. 17.

[o] Guicciard.  
d. lib. 5. & alii  
suprà allegati.

Quicquid autem sit (pergit ulterius *Guicciardinus* [o]) *Gallus Prorox*, quod viribus longè superior esset, superbiâ elatus, intra paucos



cos dies aliâ latâ sententiâ, *Consalvo* (*Hispano Proregi*) ni illicò *Capitulum* relinqueret, bellum indixit, dein statim milites suos ad *Tripaldam* excurrere iussit, ex quo bellum cum continuatione à Gallis initium habuit. Idem fecere Hispani, donec tandem Galli non solum è Regno *Neapolitano*, sed etiam tota Italiâ pulsi fuerint.

Alias quoque rationes hujus dissensionis refert Jacob. Valdes. de dignit. Hisp. c. 17.

Tandem inter *Ludovicum* Gallie Regem & *Ferdinandum Catholicum*, pacis tractationes susceptæ, atq; in hunc modum Anno 1505. conclusæ sunt [p] *Connubium* inter *Ferdinandum Catholicum* Hispaniarum Regem, & *Germanam Fosseiam* Gallie Regis sororis filiam, eâ lege, ut illi *Rex Gallie* Regni *Neapolitani* partem, quæ ad se spectabat, dotis nomine daret. Et *Hispania* Rex vicissim illi decem annorum spacio, septies centena aureorum nummum millia, pro sumptibus faciendis persolveret, & novæ nuptæ tria millia auri pondo dotis nomine constitueret, contractum est.

Pacificatio 8. de anno 1505. [p] Guicciard. hist. lib. 6. fere in fin. Ulloa d. lib. 1.

Cui matrimonio cum pax conjuncta esset, conventum est, ut *Andiovinis Principibus*, illisq; omnibus, qui *Gallicam factionem* secuti erant, gratis *Libertæ*, *Patria*, *Imperia*, *Dignitates*, & *Bona*, eodem statu, quo eâ die, quâ bellum inter Gallos atq; Hispanos, primum captum fuit, erant, restituerentur, quam diem eam esse, quo Galli ad *Tripaldam* excurrerunt, declaratum fuit, omnes *bonorum publicationes* ab *Hispaniæ* Rege & *Friderico* factæ tollerentur.

Et paucis interjectis.

Si *Regina Germana* marito vivente sine liberis decederet, eius dotalis pars (puta Regni *Neapolitani*) *Ferdinando Catholico* cederet, quòd si illa eo (id est *Ferdinando*) mortuo, superstes esset, ad *Gallie* Regnum rediret.

Referuntur & alia huius conventionis, seu pacificationis capitula, quæ ad præsens negotium non spectant.

Atq; hæcce pacificatio postmodum Anno 1507. in congressu *Ludovici* Gallie Regis, cum *Ferdinando Catholico* apud *Savonam* instituto, confirmata est.

Anno 1507.

Sed ut *negotia Neapolitana* horum temporum absolvamus, ea enim, quæ interim inciderunt cap. seqq. prosequemur; Contigit *Ferdinandum* ante *Germanam* conjugem obiisse, quare Galli partem Regni *Neapolitani*, quæ *Germanæ* dotis loco constituta erat, ad se devolu-



[q] Guicciard.  
lib. 7.

Anné Vassallus  
inconsulto

Domino feu-  
di, feudum in

dotem dare  
possit? Hartm.

Ristor. lib. 2.

quæst. 37. 38.

Rosenth. de

feud. cap. 9.

conclus. 9.

Vult. de feud.

lib. 1. cap. 10.

n. 48. 49.

Anno 1510.

[r] Ciaconius  
in vit. Pontif.

in Julio 2.

Zurita d. hist.

cap. 11.

devolutam esse prætendebant, verum huic rei Ferdinandus Catho-  
licus, quum cum novâ nuptâ Neapoli erat, remedium quæsisse di-  
citur, nam cum à Pontifice Julio 2. investituram Regni petiit, scri-  
bit Guicciardinus, [q] Pontificem Ferdinando investituram eo mo-  
do denegasse, & voluisse, ut eam acciperet cum censu, aliisq; oneri-  
bus, prout alii ante eum fecissent. Quam ob rem Ferdinandum mo-  
tum, investituram totius Regni, suo nomine, & tanquam successorem, Alphon-  
si patris, petiisse atq; etiam obtinuisse; unde Hispani arguunt Ferdi-  
nandum non aliter, quàm si Pontifex feudi Dominus, in id consen-  
tiret, conventionem illam iniisse, at cum Pontificis voluntatem con-  
trariam vidisset, investituram jure proprio quæsisse & consequu-  
tum esse, atq; ita ad posteros transmisisse. Quemadmodum etiam  
postea evenit, maxime cum Ludovicus Gallia Rex conciliabulum Pi-  
sanum (qua de re cap. seq.) protegeret, & sedi Apostolicæ se oppone-  
ret, Julius 2. Pontifex Regni Neapolitani sine contradictione feudum  
Dominus, Regi Ferdinando Catholico, pro se & suis descendantibus in  
Regno, solennissimam investituram cum prægnantissimis clausulis,  
omnes priores investturas & concessiones abolendo, cassandoque,  
concessit. Quod latius prosequuntur Alphonsus Ciaconius & Hiero-  
nymus Zurita, [r] atq; hic fuit status Regnorum Neapolitani & Sicilia, usq;  
ad annum 1514. quo tempore Ludovicus 12. Gallia Rex obiit, ei que  
successit Franciscus eius nominis primus, cuius continuationem infra  
cap. 6. recensēbimus.

## CAPVT QVARTVM.

DE

Maximiliani Austriaci, jam post mortem Friderici 3. Cesaris,  
in Imperatorem electi, atq; ejus nominis 1. cum Gallia Regi-  
bus, præsertim verò Ludovico 12. de Ducatu Mediola-  
nensi Controversiis & Pacificationibus.

Continuatio.

**C**apite secundo de Burgundicis & Belgicis controversiis, pa-  
cificationibusq; egimus, deinde ad Neapolitana negotia di-  
gressi sumus, ut quemadmodum ex successione Maximiliani  
Austria-



*Austriaci*, in Burgundia & provinciis Belgicis, provincias illas ad *Austriacos* pervenisse ostenderemus, ita quoque ex matrimonio *Philippi Maximiliani* Caesaris filii cum *Ferdinandi* Catholici Hispaniarum Regis filiâ, Regna *Siciliæ* & *Neapoleos* vigore prædictarum *Pacificationum* & *Iurium*, ad *Philippi* posteros *Carolus* Cæsarem etiam devoluta esse, quodammodo innotesceret.

Nunc ad *Mediolanensem Ducatum* accedemus, cuius equidem controversiæ & pacificationes, ad *Maximilianum Austriacum*, non ex hereditaria quadam successione, nec jure matrimonii, sed quia *Caesar electus*, eiusque Dominus effectus fuerat, pertinebant, licet postea *Vasallagio* jure ad *Austro-Hispanicam* gentem pervenerit.

Ad cognitionem meliorem *Mediolanensium* rerum, hæc præmittere, necessum visum fuit. Esse scilicet *Alciato* (a) Icto teste, & semper fuisse *Mediolanum*, speculam & arcem totius *Italiæ*, *Galliæ* & *Germaniæ*, mirum in modum, sibi horum Regnorum propinquitate accommodant; Vnde *Cominæ* (b) in bellis *Neapolitanis* à *Carolo* 8. *Galliæ* Rege (cuius is Legatus in *Italia* fuit) gestis, id observavit, cum qui *Mediolanum* tenet, reliqua ad suum nutum & voluntatem habere. Atque hanc sine dubio causam esse, cur *Hispani* eum *Ducatum* tanti faciant defendantque, atque *Galli* eundem tantoperè ambiant.

Cæterum *Mediolanensis Ducatus* est, & semper fuit feudum *S. R. Imperij*. (c) Quod etiam *Bodinus* (d) Gallicus Scriptor non differtur hisce verbis: Ducem *Mediolanensem* fiduciarium esse *Imperij Germanici*, cui dominatum agri *Mediolanensis* accepto semper tulit, & consueta *Vasallorum* iura exsolvit, quod etiam *Ludovicum* 12. *Galliæ* Regem (de quo paulò post) fecisse, asserit. Ac propterea olim *Mediolanum* cum subiecto agro, per *Imperij Vicarios* fuit gubernatura, quos vulgò vocarunt *Viscontes*, seu *Vice-Comites*. Immo ipsa urbs, *Imperatorum* domicilium dictum teste ipso *Bodino*. (e) Postea verò *Galeacius* Vicecomes, *Mediolani Dux* ab *Imperatore* creatus & investitus est, reservatâ tamen *Imperij* superioritate. (f)

*Galeacius* ergo primus *Mediolanensium Dux*, *Sac. Rom. Imperij Vasallus* filios reliquit duos, *Iohannem* & *Philippum Mariam*, unicamque filiam *Valentinam*, *Ludovico Aureliano* Duci *Caroli* 6. *Galliæ* Regis

(a) Alciat. de formâ Rom. Imper. p. 103.

(b) Cominæ. de bell. Neap. polit. lib. 1.

(c) Johan. de Imola conf. 15. Recels. Imper. Noricus de anno 1542 s. Vnde videntur.

(d) Bodin. de Republ. lib. 1. cap. 9. p. 191.

(e) Bodin. de lib. 9.

(f) Blondus lib. 7. hist.



(g) Frohard.  
hist. lib. 3. p.

247.

De hac Valen-  
tinâ & Ludo-  
vico Aurelia-  
nensi, Parisiis  
interfecto,

vide cap. 1.

(h) Apostilla  
ad Alexandr.

lib. 2. conf. 87.

(i) Corius in  
hist. Mediola-  
gens. part. 4.

(k) Corius d.  
loc. part. 5.

Regis fratri matrimonio locatam. (g) Iohanne & Philippo Mariâ, Mediolanensium Ducibus, absq; masculis hæredibus extinctis, *Ludovici Aurelianensis* filii, ratione matris *Valentinæ*, Mediolanensem Ducatum ad se pertinere prætenderunt, atq; asseruerunt præterea in *dotali instrumento*, inter Ludovicum patrem & *Valentinam* facto, conventum esse, ut finitâ lineâ Vice Comitum, vel Galeaciorum, Ducatus Mediolanensis devolveretur ad descendentes *Valentinæ*, secundum Apostillam ad *Alexandrum*, (h) qui formulam instrumenti dotalis ibidem refert.

Verùm Mediolanenses, qui interregni tempore in forma Rei publicæ civitatem statûq; gubernabant, negabant *filios Ludovici* quicquam juris ratione matris *Valentinæ*, in Ducatu Mediolanensi habere, ideò quòd *investitura Venceslai Cæsaris*, ad solos masculos descendentes sit restringenda, atque fæminas à successione excludat. Conceptam enim eam esse, teste *Bernhardo Corio* (i) de Galeacio, eiusq; descendentibus masculis & legitimè natis. Atque sit ita (quod tamen non apparere) id dotalibus instrumentis insertum esse, id tamen pactum, inscio feudi Domino, atq; in eius præiudicium non valere, immò nec Imperatori, nec Mediolanensibus præiudicare posse, cùm Ducatus Mediolanensis tanquam Imperiale feudum, nullam dispositionem, nec dotis constitutionem, Cæsare non salutato, non admittat.

Sed quoniam *Valentina* filij *Galliciis armis* adjuti, Mediolanensis Ducatus possessionem vi occupare anniterentur, Mediolanenses arma armis opposuere, & virtute *Francisci Sfortiæ Mediolanensium Capitanei*, qui *Blancam* filiam naturalem *Philippi Mariæ* uxorem duxerat, Gallos in agro Alexandrino vicerunt, fugaruntq;. Hæc itaq; ratione & occasione *Sfortiæ*, non fæminæ sed armorum jure, Ducatum Mediolanensem occupavit. (k) Quod præterea exinde corroboratur, cùm certum sit, & negari non possit, *Maximilianum Imperatorem Ludovico Sfortiæ*, cognomento *Moro*, nullâ aliâ ex causâ investituram concessisse, quàm quòd *Philippo Mariâ Galeacio*, absque filiis masculis mortuo, Ducatus Mediolanensis ad Imperium fuerit devolutus, & hæc quidem peracta fuere illis temporibus.

*Ludovicus* autem XII. Galliarum Rex, *Ludovici Aurelianensis* (Parisii



filii interfecti) ex *Valentinâ* nepos, avia prætenso juri insistens iſto cum Venetis fœdere contra *Ludovicum Sfortiam* Mediolanensem Ducem, mense Octobri *Lombardiam* ingreditur, quo comperto, *Ludovicus* tùm quod solus resistere non posset, cùm etiam ob metum subditorũ, quos pessimè tractaverat, cum filiis & fratre *Ascanio Cardinale* in *Germaniam* ad Imperatorem *Maximilianum* fugit. (1) Interim *Ludovicus* Rex omnem Mediolanensem ditionem occupat, & *Iohanne Iacobo Triultio* Governatore Mediolani constituto & relicto, triumphando quasi in Galliam rediit.

Anno 1499

(1) Guicciardus  
hist. lib. 4.  
Ulloa in vita  
Caroli 5. lib. 1.  
pag. 7.

Et licet *Ludovicus Sfortia*, auxiliis *Maximiliani* Imperatoris, Mediolanum cum aliquâ Ducatus parte recuperârit, tandem tamen Gallis cedere, & *Novaram* fugere coactus est, ubi ex proditione & perfidiâ *Casparis Sileni Helvetij*, aliorumq; captus, in Franciam missus, miserrimè finiit vitam, quam historiam *Guicciardinus* (m) referens, ita concludit: *Ludovicus Sfortia Lugdunum*, ubi tunc erat Rex, perductus fuit, & in urbem meridiè introductus, infinitâ multitudine ad tantæ paulò ante amplitudinis & majestatis Principem, cui multi inviderent, quiq; nunc in tantam miseriam corruisset, visendum accurrente. Vnde ut ad Regis conspectum, quemadmodum summo-perè cupiebat, admitteretur, minimè consecutus, post biduum in *Locensem turrim* ductus est, in qua circiter decem annos, quibus vitam terminavit etiam, captivus fuit, periitq; idem contigit fratri *Ascanio Cardinali*. Hæc *Guicciardinus*. Atq; hoc modo *Ludovicus 12. Galliarum* Rex Ducatum Mediolanensem armis subegit.

Anno 1500

(m) Guaguinus  
d. lib. 4. in fin.

Hicce expeditis *Ludovicus* Rex Galliarum, ad recuperationem Regni *Neapolitani* animum adjecit, sed dubitavit, numnè *Maximilianus Cæsar* Mediolanensem Ducatũ interim invaderet, quapropter cum Cæsare omnino de pace tractandum censuit, quod etiam factum, in hunc enim modum conveniẽre, *Guicciardino* (n) attestante, ut *Claudia* filia primogenita Regis Galliarum *Ludovici*, *Carolo* (adhuc puero, *Maximiliani Cæsaris* ex filio *Philippo* nepoti, qui postea Imperator eius nominis quintus fuit) in matrimonium locaretur, & *Maximilianus Cæsar* investituram Ducatus Mediolanensis, omnibus aliis investituris antiquioribus protenus cassatis, Regi *Ludovico*, pro se suisq; filiis masculis, si quos haberet, traderet, deficiente autem Regi masculâ

(n) Guicciardus  
d. lib. 5.  
Eadem habet  
& prolixius  
refert Zurita  
d. hist. 1.5.c.91.  
Pacificatio 9.

C 2

prole,



Froffard. hist.  
lib. 3. p. 249.

In eiusmodi

Comicos (pu-  
râ matrimonii-  
ales) exitus,  
Principum si-  
multates ferè  
desinunt.

(o) Ulloa d.  
lib. 1. pag. 7.

(p) Guicciard.  
& Ulloa dd. II.

prole, Ducatus Mediolanensis in favorem prædicti matrimonii *Carolo Austriaco* cederet, & si Carolus ante matrimonii consummationem moreretur, investitura *Claudia*, & secundo genito *Philippi Archiducis & Castiliæ Regis*, si illi nubere contingeret, maneret. Adjicit hisce *Alphonſus Vlloa* (o) Imperatorem Maximilianum, & Philippum Archiducem eius filium, *Caroli* patrem, non solum hanc Pacificationem approbasse, sed etiam eo tempore, quo cum conjuge *Ioannâ*, Maximiliano patre consentiente, ex Belgio per Franciam in Hispaniam ivisset, matrimonium hoc *Parisiis* confirmasse, immò pactiōnem illam juramento vallatam, & non solum à *Ludovico Galliæ Rege*, sed etiam *Francisco* eiusdem proximo successore, atque aliis Regni Proceribus confirmatam esse. (p)

Ex quâ capitulatione, simul atq; investiturâ conditionatâ, super Ducatu Mediolanensi, hoc demum consequi videtur, Maximilianum Cæsarem, dando talem investituram, nec approbasse, nec approbare voluisse prætensiones Regis Franciæ, eiusq; filia *Claudia* in Ducatum Mediolanensem, quasi jure quodam hæreditario & avito, in prædicto Ducatu succederent, sed tum demum investituram valere voluit, cum *Claudia* filia Regis Franciæ, nepoti *Carolo Austriaco* matrimonio jungeretur. Idq; præscripto modo & formâ, Si *Ludovicus Rex* non haberet filios (uti nec habuit) ad *Carolū & Claudiā* Ducatus Mediolanensis pertineret. Et si *Carolū*, antequam matrimonium consummaretur, mori contingeret, *Claudia* prædicta non aliter succederet, nisi fratri *Caroli* (*Ferdinando* eius nominis Imperatori primo) nuberet. Quamvis verò utraq; pars in hac Pacificatione aliquandiu acquieverit, neutrum tamen effectum fuit, prout infra dicemus. At *Ludovicus Galliæ Rex*, cum se de Ducatu Mediolanensi atq; *Maximiliani* amicitia, securum cerneret, *Ferdinando* quoque *Catholico Hispaniarum Rege* certis pactiōibus sibi adjuncto, *Neapolitanam* expeditionem instituit, quæ quem finem sortita fuerit, capite antecedenti relatum est.

Anno 1501.

(q) Tarcagno-  
ca nell' istoria

Pactum autem conventionis principale quod attinet, ut *Rex Galliæ* filiam *Claudiā* *Carolo* vel *Ferdinando Austriacis* reservaret, observatum non fuit, dum eam *Francisco Angolensensi* eius in coronâ Gallicâ successoris matrimonio locavit. (q) Quo ipso superiores pacis con-



cis conditiones, & investituram conditionatam Maximiliani, conditione, seu matrimonio non insequuto, evanuisse Austro-Hispani argumentantur. Scribunt quoq; post hæc, & aliam inter *Cæsarem Maximilianum*, & *Ludovicum Gallie Regem de Ducatu Mediolanensi Cameraci* subsequutam esse Pacificationem. Nam eum Anno 1508. Pontifex, *Cæsar*, *Hispaniarum* & *Francie Reges*, aliq; contra *Venetos* conspirarent, ut quisq; suum à Venetis usurpatum, recuperaret (r) promississe *Cæsarem Gallo*, investituram de *Ducatu Mediolanensi*, pro Rege, eiusdemq; *Sucessore Francisco*, atq; horum *descendentibus masculis*, pro qua investitura Rex *Cæsari* solveret centum mille Ducatos. Quamquam ergò *Ludovicus Gallie Rex* priorem conventionem matrimonialem non servasset, *Cæsarem* tamen ex hac ultima investitura obstrictum obligatumq; remansisse. Sed *Austriaci* ut *Maximiliani Imperatoris* fidem liberent, *Maximilianum* non hoc simpliciter pollicitum esse dicunt, nec etiam in præjudicium *Caroli Austriaci* nepotis fieri id potuisse. *Carolus* enim per superiorem investituram conditionatam, *jus & investituram Ducatus Mediolanensis* sibi acquisivisse, sive is matrimonium cum *Claudia Francie Regis* filiâ consummaret, vel non, siquidem etiam casu posteriori, referente sæpè citato *Guicciardino* (s) Historico neutri partium addicto, clausula huiusmodi adjecta fuit, quòd si matrimonium absq; culpâ *Caroli* (uti factum) non sequeretur, investitura prædicta esset nulla, ut *Ducatus Mediolanensis* nihilominus ad *Carolus Austriacum* pertineret, quemadmodum etiam tali casu, *Philippo* patre præsentè, de eo investitus est. Recensentur & aliæ causæ, prætextusq; cur *Maximilianus* promissis non stetit, quoniam scilicet *Gallus*, *Geldrie Ducem*, *Maximiliani Cæsaris* Vassallum & subditum contrà se commoverit. Et quia contrà unitatem Ecclesiæ summumq; Pontificem Rex *Ludovicus Conciliabulum Pisanum*, propriâ auctoritate, tum instituisset, cum etiam defendisset, quamobrem à Pontifice excommunicatus fuerit (quâ de causâ cap. seq.) In summa *Maximilianus* tantoperè contrà *Gallie Regem* conquestum esse refert *Guicciardinus*, (t) ut demum exclamârit, & publice protestatus sit, se Regi amplius fidere non posse.

Quæ etiam causa fuit, cur *Maximilianus Cæsar* cum Pontifice & aliis Principibus, contrà *Gallum* fœdere se junxerit, ac demum

del mondo  
part. 2. lib. 22.

Anno 1508.

(r) Guicciard.  
hist. lib. 8.  
Pacificatio 10.  
Cameracensis  
de anno 1508.

(s) Guicciard.  
hist. lib. 14.

(t) Guicciard.  
d. lib. 10.



Anno 1512.

(u) Guicciard.  
d. lib. 11.  
Ulloa d. lib. 1.  
p. 39.

cum Gallis commisso prælio ad *Ravennam*, iidem coacti fuerint, *Itali*am deferere. Quâ occasione *Maximilianus Sfortia* in Gallia incarcerati & miserè defuncti *Ludovici Mediolanensis Ducis* filius, *Cæsare* connivente, *Mediolanensem Ducatum* recuperavit, salvis tamen juribus, *Carolo Cæsaris nepoti*, ex sæpius nominatâ pacificatione, & subsequutâ investiturâ acquisitis, quod testantur *Guicciardinus* & *Ulloa*. (u) ac propterea *Maximilianus Cæsar, Sfortia*, nec titulum *Ducis*, nec investituram unquam concessit.

*Ludovico* autem Galliarum Rege paulò post diem obeunte, *Mediolanense* hoc negotium in eo, (quem recensuimus) statu, usq; ad *Franciscum I. Galliarum Regem*, qui ei ad 1514. successit, permanfit.

Addunt præterea rerum harum curiosi (quod aliis indagandû annectere volui) Estò *Maximilianum Cæsarem*, investituram quandam in gratiam *Ludovici* vel *Francisci Galliarum Regum* concessisse, eam tamen cum horum stirpe, atq; descendantibus masculis, planè extinctam, cassatam & annullatam esse. Atque idcirco *Borbonios* ex lineâ collateralis, ab *Henrico 4.* descendentes (qui modò *Galliarum Regno* præfunt) *Ludovicum 13.* nimirum eiusq; filium, sive horum successores eiusmodi investituris gaudere, atq; ita in *Ducatu Mediolanensi* succedere non posse, cognitum enim iis, qui feudorum jura noverunt, *collaterales* non aliter, nisi in investitura fuerint comprehensi, in feudis succedere. (w)

(vv) vide tamen Pistor.

lib. 1. quæst. 19. Schrader. de feud. part. 7. cap. 7. Rosenthal. cap. 7. concl. 118. Vulte. lib. 1. cap. 9. n. 102. cum seqq.

## CAPVT QVINTVM.

DE

*Navarrae* & *Roscionensibus* controversiis, atq; propterea inter *Gallos Hispanosq; susceptis* Pacificationibus.

**S**Vpereft & alia caufa particularis diffensionû pacificationumq; inter *Austro-Hispanos* & *Gallos*, ob *Regnum* scilicet *Navarrae* & *Comitatum Roscionensem*. Vtrumq; conjungere placuit, quoniam utriusq; situs talis est, ut possidenti facile sit, *Hispaniam* vel *Galham* armis turbare.

De



De Regno Navarra controversia duplex occurrit, una paulò anti- Valdesius de  
quior, quàm Reges Arragoniæ & Castellæ jure successionis illud sibi dignit. Hi-  
vendicant; è contrà Galliæ Reges ad se pertinere dicunt, sicuti vi- span. histericè  
dere licet apud Zuritam, & novissimè Vernulaum. [a] deducit, etiam  
Galliæ Regnū

ad Hispanos pertinere, cap. 15. n. 9.

[a] Zurita in hist. Reg. Arragon. lib. 17. cap. 24. Vernulæ. in apolog. gent. Austriacæ cap. 9.  
pag. 113.

Illâ omisâ ad propinquiorem accedimus causam, & meminisse oportet eorum, quæ cap. antecedenti attigimus. Ludovicum 12. Galliæ Regem, pace cum Maximiliano Cæsare de Ducatu Mediolanensi, atq; etiam Ferdinando Catholico, ob Regnum Neapolitanum factâ, fœdere contrà Venetos icto, immò bello Veneto, postquam Iulius 2. Pontifex, id quod quæsierat, à Venetis obtinuisset, pænè confecto, vel persuasione Benivoliolorum vel etiam aliis ex causis, Bononiam Pontificiam civitatem, & ad Ecclesiam Romanam pertinentem occupasse, mox Conciliabulum Pisis, contrà voluntatem S. Pontificis, à quibusdam Cardinalibus & Prælati institutum fovisse & protegisse. [b] Quapropter Iulius 2. Pontifex concilio Lateranensi convocato, cum Rege Catholico & aliis fœdus (quod sanctissimum vocitarunt) contrà Gallum & fautores conciliabuli Pisani iniit. Rex Catholicus, & Anglus, Galliæ Regem adhorrtati, ut Bononiam Pontifici restitueret, & à protectione conciliabuli Pisani (utpotè quod Schisma saperet) abstinere, verbis & litteris nihil effecerunt, ergò ad arma ventum, & postquam primò Galli, ad Ravennam (uti cap. 4. annuimus) commisso prælio victi, paulatim Italiâ ejecti, Rex Ferdinandus in Hispaniis collecto exercitu, Albano Duce in Galliam movère cepit, sed tamen Iohannem Navarra Regem, ne Gallo tanquam Ecclesiæ inimico se jungeret, immò potiùs à S. Pontificis partibus staret, vel saltem ut transitum Regi Catholico permitteret, petiit (c)

Anno 1510.

[b] Tarcagno-  
ta nell' istor.  
del mondo  
part. 2. lib. 12.  
Ulloa in vitâ  
Caroli 5. lib. 1.  
Anno 1511.

Anno 1512.

(c) Tarcagno-  
gnota lib. 22.  
Ulloa. d. lib. 1.

An ob denegatum transitum amico Regi, bellum alicui inferri possit? Alberic. de  
jur. belli lib. 1. cap. 19. per tot.

Verùm post longam cunctationem & responsa ambigua, non solum nihil obtinuit Hispanus, sed præterea etiam Navarraus cum Ludovico Galliæ Rege fœdus iniit, Gallum contrà Pontificem juvit, & conciliabuli Pisani partes secutus est, Pontifex itaq; Navarræ Regem excommunicavit, ejusq; Regnum occupanti concessit. Quare  
Regis



[d] Guicciard.  
hiltor. lib. 11.

Anno 1512.

[e] ulloa. d. 1. 1.  
Zurita d. lib.  
17. cap. 24.  
Anno 1513.

[f] Tarcagno-  
ta d. part. 2. lib. 22.  
de Jurisdic. part. 1. cap. 23.

[g] Guicciard.  
hilt. l. 11. p. 61.

[h] Guicciard.  
d. lib. 17.

Pacificatio 11.  
de anno 1513.

[i] Jovius hist.  
lib. 11. in princ.

[k] Tarcagno-  
ta d. part. 3. l. 1.

[l] Zurita. d.  
vol. 4. libr. 17.

cap. 24.

[m] Lopez. de Lopez.

obtent. & retent. Navarræ.

Regis Catholici exercitus Navarræ Regnum ingreditur, & Pampellonam præcipuam eius civitatem occupat. [d] Quo facto ne Navarræ Rex de improvîsâ quâdam violentiâ conquereretur, Rex Catholicus Episcopum Zamorensensem ad Navarram misit, cum hisce postulatis, quod si Ecclesiæ partes sequi veller, Pampellona cum aliis locis, non ita pridem occupatis, æquis conditionibus ipsi restitueretur. At Navarræ Ferdinandi Legatum captivum detinuit, atque exercitu in Galliâ collecto, Navarram petiit, & Pampellonam obsidione cinxit, sed vano conatu, Albanus enim Ferdinandi Dux civitatem valorosissimè defendit, & Gallos terga vertere coëgit. [e]

Leo ergo decimus Pontifex Julii 2. successor, Ferdinandum Catholicum (ob auxilia submissa, & fidelitatem erga sedem Apostolicam, fidemq; Catholicam) Navarræ Regem dixit, eiq; & posteris investituram eius Regni dedit. [f]

De Pontificis potestate, an ex causâ tali, Reges privare possit? Martia de Jurisdic. part. 1. cap. 23.

Cæterum quum ea semper Ferdinandi Hispani Regis fuerit mens, à bello cum Gallis trans alpes gerendo abstinere, & quia Navarræ Regnum recenter partum meliùs quiete stabiliri posse autumabat. Ex hisce atq; aliis rationibus, quas recenset Guicciardinus, [g] ad pacem inclinabat, & ea quidem, per binos monachos (religiosis enim ad huiusmodi negotia uti consueverat) qui se boni publici studiosos ostendentes, occultè in Galliâ fuit tentata. Et licet Ludovicus Galliæ Rex prævideret, Ferdinandum Navarram non restitutum, è contrâ durum fore Navarræ Regno privatum derelinquere, vicerunt tamen aliæ causæ, ut pacem cum Ferdinando Hispano concluderet. [h] Conditiones huius pacis (brevis etiam fuit) non referuntur, occultam hanc pacificationem fuisse scribit Paulus Jovius, [i] & utrumq; Regem eas secretas esse voluisse attestatur Tarcagnota. [k] Hoc itaq; modo Ferdinandus Hispanus Navarræ Regnum occupatum retinuit, & ad Carolum Austriacum, ex filiâ nepotem, omnium Regnorum successorem, & postea eius nominis Imperatorem quintum transmisit, rem omnem prolixius recenset Zurita, [l] & de obtentione atq; retentione Navarræ peculiarem conscripsit tractatum Iohannes Lopez. [m]

Cum



Cum Comitatu Roscionensi (Ronsilion) cuius caput est Perpinianum, hoc caput claudemus. Res autem sic se habet, Comitatum hunc ad Arragonia Regnum pertinuisse, & Iohannem Arragonia Regem, eundemq; Ludovico 11. Gallia Regi pignori dedisse scribunt. Sed Carolus 8. Ludovici filius & successor, certis intervenientibus pactis & conditionibus eam ditionem Ferdinando Catholico restituit. Fuit in hoc fœdere, scribit Guicciardinus, [n] magna ceremonia, & iurejurando ab utrâq; parte in templo publicè sancto expressum, ne Ferdinandus & Isabella (ab hisce enim Hispania communibus auspiciis regebatur) neq; directè, neque indirectè Arragonios juvarent &c. Quæ tractatio postmodum per pactiones & Pacificationes subsequentes confirmata & corroborata est. [o]

[n] Guicciard.  
hist. lib. 1.

[o] Zurita d.  
lib. 17. cap. 32.  
Vernulæ. in  
apol. d. cap. 9.

## CAPVT SEXTVM.

DE

Francisci primi Gallia Regis cum Maximiliano I. & Carolo V. Imperatoribus, controversiis & pacificationibus ab Anno 1514. ad annum 1526. quo celebris illa Pacificatio Madritana inter Austro-Hispanos & Gallos facta est.

ET hætenus quidem particulares, atq; antiquiores dissensiones **Continuatio.** Pacificationesq; inter Austro-Hispanam & Gallicam domum, recensuimus, successu temporis (præter hæc antiquas) etiam alia emerferunt, quæ prioribus junctæ, Regum Catholicorum & Christianissimorum animos eò magis exacerbârunt.

Post bella sanguinolenta, atq; undiq; (prout ex prioribus patet) certis pacificationibus sopita, moritur Ludovicus 12. Gallia Rex Anno 1514. 1. Ianuarii, successorem relinquens Franciscum eius nominis primum, qui antecessoris vestigiis insistens, postpositis hætenus relatis pacificationibus, statim secundo Imperii sui anno, valorosissimo exercitu ad infestandum Ducatum Mediolanensem, Italiam invadit, & commisso cum Maximiliano Sfortia (qui Cæsare sic volente Mediolanensi ditioni præerat) ad sanctam Brigittam inter Mediolanum & Marinianum prælio, victoriam obrinuit. Maximilia-

Anno 1514.

Anno 1515.

D

nus



nus quidem Mediolanum in castrum fugit, sed & urbe à Gallis captâ, ipse cum arce Gallia Regi se dedit, & Patris exemplo, renuntiato titulo & Ducatu Mediolanensi in Galliam missus; Gallus *Burbonio Duce* Governatore ibidem relicto, hoc modo Mediolano rursus potitus est. (a)

(a) Ulloa in vitâ Caroli 5. lib. 1. pag. 41. Guicciard. lib. 12. Anno 1516.

Anno sequenti 1516. 22. Ianuarii, Ludovicum 12. Gallia Regem veterem æmulatorem, *Ferdinandus* quoq; *Catholicus Hispaniarum Rex* secutus, diem obiit, & *Carolus Austriacus* (postea eius nominis Imperatorem 5.) ex filiâ, *Maximilianiq;* I. Cæsaris, ex Philippo filio nepotem, omnium suorum Regnorum & ditionum in *Hispaniâ, Italiâ*, atq; alibi hæredem successoremq; reliquit. (b)

(b) Ulloa, Guicciardin. & alii.

*Maximilianus* equidem *Cæsar*, *Ducatus Mediolanensis occupationem* contrâ superiores pacificationes ægrè ferebat, ideoq; cum exercitu in Italiam movit, quam expeditionem *Guicciardinus & Jovius* (c) & alii recensent: Variis tamen atq; gravissimis ex causis pacem bello demum præferebat, tum quod, *Vladislao Vngariæ Rege*, genero suo mortuo, bellum Turcicum illis in partibus metueret, cum etiam, quia *Caroli nepotis Hispaniarum Regis* conditio id exigeret. Is enim post mortem Regis *Ferdinandi*, ad capeffenda Regia sceptrâ à Statibus Regni in Hispaniam accersebatur, cui utile, immò necessarium esse judicabat, post se nullum hostem relinquere. Et ut *Caroli Hispani* cum *Francisco Gallia Rege* de pace tractatus, de quibus ante annum egerant, silentio nunc involvam, (d) *Franciscus* quoq; non paucis ex causis ad pacificationem cum *Carolo* adigebatur, ita ut demum *Novioduni (Noyon)* 15. Augusti anno 1516. conventum instituerint, quo in loco, per utriusq; Regis Legatos, (ex parte quidem *Caroli, Marchio Ceverensis*, pro Gallia verò Rege, *Lutetianus Episcopus*, magnus Regiæ domus magister, & *Lutetiani Senatus princeps*) in hunc modum scribente *Guicciardino* (e) conclusa & confirmata est.

(d) de quibus Guicciard. d. lib. 12. Pacificatio 12. Noviodunen. sis de anno 1516. 15. Augusti. (e) Guicciard. d. lib. 12. Ulloa in vitâ Caroli lib. 2. in princ.

1. Inter Gallia atq; Hispania Regem *perpetua pax*, & fœdus ad ipsorum Regna & provincias contrâ quemvis tuendas esto.
2. *Gallia Rex* filiam annum unum natam *Catholico Regi* (*Carolo*) in matrimonium dato, eiq; jura quæ in *Regnum Neapolitanum*, ex divisione ab eorum majoribus olim facta haberet, dotis nomine concedito: Donec autem filia ad ætatem connubio aptam perveniret,

ret.



ret, Rex Catholicus in eius sumptus quotannis Galliae Regi mille auri libras pendito.

3. Quod si ea ante ex hac vitâ migraverit, & Regi alia nata fuerit, ea iisdem legibus Catholico Regi nubito.
4. Si fortè nulla superfuerit, Renata quæ ei Lutetiae desponsa fuerat uxor eius esto, quacunq; autem illarum in matrimonio absq; liberis defunctâ, ea Regni Neapolitani pars Galliae Regi restitutor.

Vt verò lector animadvertas, quomodo, quod notavimus alibi, Regum similitates, in *Comicos matrimoniales eventus* desinere, ac ferè ut *Anglorum Italarumq; Comædia* exire soleant, intermisceo quædam, quæ paulò ante de hisce nuptiis prudentissimè monuit *Guicciardinus loc. citato*, ita autem scribit: Nec dubium est, quin hi duo Principes in pace ineundâ, magis præsentis commodi, quàm eius in posterum servandi rationem habuerint. Quod enim fundamentum in connubio, quod pactum fuerat, cum sponsa, quæ nondum quartum annum (atq; præsentis in casu vix unum) attigisset, esse poterat? Et quomodo Galliae Regi Renatam Archiduci in matrimonium tradi placere poterat, cui cum ipse eius majorem natu in sororem uxorem haberet, in Britonum Ducatum actio competebar?

5. Cæterum Catholicus Rex antiquo Navarra Regi intra certum tempus Regnum restituito, quod ni fecerit, Galliae Regi cum ad id recuperandum juvare fas esto; (Sed ut post *Hispani* aiebant, si is prius se jus habere probasset) Hunc articulum paulò aliter habet *Iovius*, vide infra.
6. Cæsar (*Maximilianus*) intra duos menses huic fœderi sese adjungendi facultatem habeto. Quod etsi fecerit, tamen Galliae Regi *Venetos* ad *Veronam* recuperandam juvare licitum esto. Reliqui articuli Cæsarem & Venetos respiciunt.

Maximilianus demum Imperator pacem hanc, cum adjectis conditionibus accepit & confirmavit. Hæc *Guicciardinus*.

De eadem pace ita *Paulus Iovius* (f) ut concordantiam Scriptorum ostendamus. Tantis laboribus, ac *Veneto* tandem bello exoptatura finem imposuit memorabile fœdus (potiùs Pax) quod in finibus Lingonum & Sequanorum apud *Noviodunum* iactum est, inter *Franciscum Gallorum Regem* & *Carolym Belgarum Principem* (*Hispan: Regem*)

(f) *Jovius hist. lib. 18. in fine.*



Regem) quem moriens avus Ferdinandus, omnium Regnorum heredem reliquerat. Siquidem Adolescens (Carolus) Hispanorum ingeniis, & potentissimorum Regulorum voluntatibus diffusus, ne absente se, veluti per interregnum, rebellandi occasio præberetur, omnibus rebus postpositis, in Hispaniam sibi maturandum esse iudicârat. Quod neq; turd, neq; expedite fieri poterat, nisi prius cum Francisco certis legibus amicitia firmaretur. Timebatur namque Rex juvenis (Franciscus Gallia Rex) & acer, tantis subnixus opibus, qui dudum Helvetiis prælio devictis, etiam Maximiliani Cæsaris conatus egregie repressisset. Et tunc maximè se repetiturum armis regnum Neapolitanum, & Iohannis Navarra Regis paulò ante in Gallia defuncti filium adolescentem in paternum Regnum reducturum minaretur. Itaque conscriptæ Novioduni *Pacis tabula* per Legatos in hæc conditiones:

Vt Carolus Regnum Navarra, Iohannis filio, qui inde expulsus esset, restitueret. Si id Iudicibus, quos constituere summa rei arbitros deberent, ex aequo & iure videretur.

Centum millia aureorum nummum, quotannis Gallo penderet, ut eo tributum nomine aliquod Gallis Neapolitano Regno jus esse videretur.

Amicitiaq; & mutuum fœdas affinitatis vinculo confirmata; Nam Carolum sibi Franciscus generum adscivit, sic ut ei puella, quæ in cunis adhuc erat, desponderetur.

Gallus quoq; ad componendum Italiae statum, & ad res Mediolanenses confirmandas, ut Verona Venetis redderetur postulavit, eâ lege, ut à Venetis redemptionis nomine ducenta millia aureorum, duabus pensionibus Cæsari persolverentur.

Quibus conditionibus, sicuti Carolus adeundæ Hispaniæ curâ anxius, haud cunctanter subscripserat. Ita Cæsar oblata sibi ingenti pecuniæ summâ conditionem minimè detrectavit, ut qui nepotis (Caroli) consilia, atq; ipsam spem, ac rationem omnem obtinendi Imperii, importunâ tergiversatione corrumpere nolebat. Hactenus *Iovius*.

Hiscæ peractis Franciscus Gallia Rex in possessione Ducatus Mediolanensis permanet. At Carolus Hispaniarum Rex, benedictione ab

avo



avo Maximiliano Cæsare acceptâ, in Hispaniam navigavit, ubi in Asturiæ civitate *Villavitiola* Anno 1517. 19. Septemb. feliciter appulit. Dum verò cum Procerum & Statuum consilio, maximè verò *Adriani Cardinalis*, postea Pontificis eius nominis Sexti, Hispanicum Regimen disponit, *Imperator Maximilianus* ejus avus jam grandævus (cujus nomen vel ex hoc solum celebre, quòd cum *quatuor Gallie Regibus*, Ludovico XI. Carolo VIII. Ludovico XII. & Francisco I. vario Marte & arte bella gesserit) Anno 1519. 12. Januarii, diem obiit.

Anno 1517.

Anno 1519.

*Varia hæc in Imperio, & Hispaniâ mutationes*, Francisco I. Galliarum Regi jam alia suggesserunt consilia, erat is eo tempore & armis & victoriis assuetus, atq; dum præter *Carolus Austriacus* Hispaniarum novum Regem juvenem, neminem quem timeret, inveniri posse arbitraretur, hunc antequam fundamenta Regnorum & Imperii jaceret, aggrediundum & armis tentandum esse censuit.

Præter antiquas ergò & aliquoties (utî diximus) sopitas *Hispanicas, Burgundicas, Belgicas, Neapolitanas, Siculas, Mediolanenses, Navarras* & alias hæcenus enarratas controversias, novæ quædam emerferunt *præfensiones*, vel si mavis, *emulationes*, quæ in hunc usq; diem unâ cum obsoletis prætexuntur, & occasione sic ferente in scenam producuntur.

De *antiquis diffensionum causis*, atq; propterea subsequitis *Pacificationibus* hæcenus diximus, & in sequentibus quoq; capitibus dicemus: Injurias veteres meminisse, non decere Reges, jam olim *Niceta* (g) pronunciavit, ne tamen planè Barbari atq; omnium rerum (g) *Niceta* l. 1. ignari videamur, posteritati aliquid relinquendum est.

Sed ad historiam, Maximiliano Cæsare (utî dictum) mortuo, S. R. Imperii Electores more majorum, & ex præscripto *Aurea Bulla* (h) ad electionem Regis Romanorum *Francofurti* conveniunt. Vbi in deliberatione de novo Rege in Imperatorem eligendo acerrima exorta est controversia, Numné *Franciscum Gallia*, vel *Carolus Austriacus* Hispaniarum Regem eligerem? Consultatio hæc tum temporis magni momenti fuit, nec enim deerant rationes, quæ pro Francisco, & è contrâ pro Carolo militabant, quas longâ serie recensent *Scriptores* ejus temporis. (i) Sed demum *Carolus* Hispaniarum Rex, utpotè qui originem ab Austriacis Archiducibus traheret, Francisco præla-

(h) Aur. Bulla.  
tit. 2. & seq.  
Anno 1519.

(i) Sleidan.  
comment. lib. 1.  
Guicciard. hi-  
stor. lib. 12.



Arnold. Fer-  
ros. rer. Gal-  
lic. lib. 5.

An Gallus eligi  
potuerit?

Göden. conf. 1.  
Sim. Pistor.

vol. 1. conf. 15.

Heig. part. 1.  
quæst. 5.

(k) Germaniâ  
Galliâ provin-

ciam esse scri-  
bit Bodin. de

Repub. lib. 2.  
cap. 9. Alii Im-

perii ad Gal-  
los pertinere.

(l) Phil. More.  
tab. armor.

Gall. cap. 6.

(m) Michaël  
Piccart. obs.

hist. decad. 1.  
cap. 3. & de-

ead. 4. cap. 10.  
Anno 1520.

Anno 1521.  
(n) Hertenfeld

bello Germa-  
nico lib. 1.

Recessus Im-  
perii eiusd. an-

ni.

(o) Ufiloa. d.  
lib. 2.

tus in Imperatorem electus est, ita enim scribunt *Albertum Archiepi-  
scopum & Electorem Moguntinum* pronunciaſſe, *Gallum* quod attinet, le-  
gibus noſtris & jurejurando nos arbitror impediri, quibus cautum  
eſt, ne decus hoc Imperii transferatur ad externos.

*Gallia* Rex hanc repulſam graviffimè tulit, eò quòd aliàs *Caroli*  
ſuſpectam haberet potentiam, quam novâ hâc dignitate augeri con-  
firmariq; cerneret, quare non ſolùm *prætenſiones* quasdam antiquas,  
in *Imperium & Provincias Germanicas* (quibus etiam in hunc uſq; diem  
nonnulli innituntur, quod varia *Gallorum* (k) *Scripta* docent) nescio  
unde revocavit, *Coronam Regiam* mutavit, eandemq; Imperiali ſimi-  
lem confici curavit, quod rectè factum tradit *Philippus Moreus*, (l)  
quoniam Rex *Francia* ſit æqualis Imperatori; *Titulos Imperatoris &*  
*Aultriæ gentis* ludibrio habuit, vel unum *Galliæ Regnum* univerſis  
*Caroli Regnis & Provinciis* domandis ſufficere, immò ſolis ſuis  
*Scholaribus Pariſienſibus*, (quos eo tempore 40000. numeratos eſſe  
ferunt) *Carolum* totâ *Europâ* pulſurum jactitavit, (m) ſed etiam  
*Carolum* bello petiit.

Finitâ autem Electione Imperiali in perſonam *Caroli*, is factâ  
in *Hiſpaniâ* proviſione neceſſariâ, per *Angliam & Belgium* in *Ger-  
maniam* venit, atq; ab *Archiepiſcopo Coloniënſi*, ſolitæ ceremoniis *A-  
quiſgrani* anno 1520. in die ſancti *Matthiæ* Apoſtoli (quo eodem  
die anno 1500. natus, ac *Solimannus Turcarum Imperator*, non ſi-  
ne omine effectus fuerat) coronatus eſt. Vix verò Imperii negotia  
aggreſſus erat *Carolus*, *VVormatiæ* enim, ad componenda religionis  
diſſidia Comitibus indixerat, (n) ecce nuncius ex *Hiſpania* advolat,  
*Caſtilia* populos & civitates, ſub ſpe libertatis conſequendæ, contrâ  
Regis officiales arma ſumpſiſſe, *Reginam Ioannam Cæſaris ma-  
trem*, cum univerſo Regali conſilio captivam deduxiſſe, (o) & licet  
non deeſſent, qui rebellionem hanc conſilio reprimere ſtuderent,  
*Cæſaris* tamen præſentia requirebatur.

*Franciſcus Rex Galliæ*, cum *Carolum* tam in *Germaniâ*, ob natum  
religionis diſſidium, atq; inde inter *Proceres* exortas diſſenſiones,  
quàm in *Hiſpaniis* diſtrictum occupatumq; cerneret, immemor *Na-  
varræ* Pacificationis (de quâ ſuprà *Pacif.* 11. & 12. cap. 5. & 6.)  
inter *Ferdinandum Catholicum*, & *Ludovicum* 12. *Galliæ Regem*,  
eius



eius antecessorem, inita, Henricum Albretum, cui Margaritam sororem desponsaverat, in Navarra Regnum armis restituere annisus est, Pampellonam ergo & Fonterabiam expugnavit, notabilesq; fecit progressus, sed ab exercitu Hispanico, Castilianorum motibus nonnihil repressis, Galli superati & repulsi sunt. (p)

(p) Guicciard.  
hist. lib. 14.  
Tarcagnora  
d. part. 3. lib. 1.

Relata quoq; est à nobis cap. 4. Pacificatio super Ducatu Mediolanensi, inter Maximilianum I. Imperatorem & Ludovicum Gal- lum, quâ inter alia convenerat, ut Claudia Ludovici Regis Gallia filia, Carolo Austriaco nunc Imperatori matrimonio locaretur, hanc Franciscus Rex uxorem duxerat, quamobrem Carolus, Franciscum capitulationem non servasse conquestus est. (q) Accessit & alia sim- ultius, quidam enim Robertus Marciannus Leodiensis territorii regulus Gallorum ope Imperatoris quendam Vasallum Emericum nomine adortus, eumq; omnibus bonis spoliavit, Cæsar itaq; animadver- tens, non esse eam solius Roberti potentiam, nisi à Gallis juvaretur, exercitum & ipse conscribit, atq; ad Francia confinia mittit. In Italia quoque eodem ferè tempore nova belli causa emerfit. Dictum est paulò antè Franciscum Gallia Regem Mediolanensem Ducatum occu- passe, eoq; Maximilianum Sfortiam, qui eum Cæsaris nomine tenebat, privasse. At Maximiliano in Franciâ jam mortuo, frater eius Franci- scus, Ducatus restitutionem apud Cæsarem sollicitabat, cujus causæ cum Pontifex non parùm faveret, simulq; de Gallicorum ministro- rum insolentiâ conquereretur, cum Cæsare fœdus contra Gallia Re- gem, ex hisce aliisq; causis inire statuit, quod & demum factum, re- censente Guicciardino, (r) hâc conditione & modo, ut bellum in In- subria eodem tempore & ratione, quâ inter ipsos conveniret contra Gallos moverent, eâq; occupatâ, Parma & Placentia Pontificatui, à quo iisdem iuribus, quibus antea eas obtinuerat, possiderentur, ce- derent, cumq; Franciscus Sfortia, qui Tridenti exulabat, jus in Me- diolanense Imperium, ob diploma à Cæsare patri concessum, & fra- tris cessionem haberet, si id tenuissent, ei traderetur, & fœderati illû in Imperio tueri & conservare tenerentur. Hæc Guicciardin. & plura alia hâc de re lectu dignissima d. loc.

(q) Tarcagnora  
d. part. 3.  
lib. 1.

(r) Guicciard.  
d. lib. 14.

Hisce ergo de causis, aliisq; concurrentibus circumstantiis, in- ceptum est bellum Italicum, quod describunt (s) & varia fortunâ, anno

(s) Guicciard.  
d. lib. 14. 15.  
Tarcagnot. d.  
part. 3. lib. 1.  
Jovius l. 20. 21.

1522. cum



Anno 1522.

1523. 1524.

1525.

Captivitatem  
Regis, & diem  
versus hic in-  
dicat:ARMA  
AQUILÆ VINCVNT  
LILIA  
CELSA  
TVCIS.

Petr. Matt.

Gall. Histor.

(t) Ulloa in vi-  
tâ Caroli V.

lib. 2. pag. 74.

(u) Piccart.

obl. Pol. dec. 5.

cap. 4. in fin.

Anno 1526.

(vv) Guicciard.

lib. 16.

Ulloa. d. lib. 2.

pag. 70.

Pacificatio 13.

Madrîtana de

anno 1526.

14. Januarii,

1522. cum seqq. ad annum 1525. gestum, quo tempore cùm Franciscus Galliarum Rex, Ticinensem urbem, id est, *Papiam* per hyemem obsideret, commisso non procul ab eâ urbe prælio (24. Februarii die S. Matthiæ sacro Cæsarisq; natali, & in quo superioribus annis Imperialem coronam acceperat) Gallicus exercitus fusus, Rex captus, atq; in Hispaniam *Madrîtum* deductus est. Varia interea Galli, aliq; ex commiseratione cum Rege capto moliti sunt, à Scriptoribus paulò ante allegatis posteritati relicta. Ad *Pacificationes* me verò, de *Regis liberatione* in Hispaniâ gravissimæ habitæ consultationes, an & quomodo dimittendus? Quod prius attinet, multorum fuit sententia, neutiquam illum liberandum, quòd promissa non servaret. (t) Ac propterea sunt, qui Carolum Cæsarem solècissimum Politicum commisisse notant, (u) quòd Regi Gallo libertatem concesserit.

Verùm Cæsar, tùm boni & quietis publicæ causâ, cùm etiam ex aliis rationibus mitiorem sententiam amplexus, anno 1526. 14. Januarii, pacem universalem cum Gallo fecit, hisce conditionibus, quas refert *Guicciardinus*. (w)

1. Inter Cæsarem & Galliarum Regem *perpetua pax*, quâ ii omnes, qui communi consensu nominati fuerint comprehendantur, esto.
2. Galliarum Rex decimâ proximi Martii die liber in Regni sui finibus ad *Fontenrabia littus* constituitur.
3. Isq; intra quadraginta duos sequentes dies Cæsari *Burgundia Ducatum*, *Carolesia Comitatum*, *Niversii Principatum* & *Cami Castellum*, eidem adjuncta, *Ausonia Vicecomitatum*, & *Sancti Laurentii Resortum*, *Franci comitatus* membra, ac omnia eius Ducatus ac Vicecomitatus jura consueta, quæ in posterum prorsus à Galliarum Regno disjuncta, & ab eius supremo Imperio exempta sint, tradito.
4. Eâdem horâ & momento, quo Rex dimittetur, eius *maximus natu filius* (*Delphinum* vocant) & præter ipsum aut *Aurelianensium Dux*, Regis secundus, aut *duodecim Gallia Principes*, quos Cæsar nominavit, Cæsari *obsides* danto. Horum autem, nempe aut secundum filium, aut duodecim *Proceres obsides* dare, alterutrum eligere in Regis matris potestate esto.
5. Iiq; tamdiu, donec urbes & oppida sint restituta, & pax cum omnibus ca-



bus capitibus à totius Gallie Ordinibus *confirmata*, jurejurando *comprobata*, & in omnium eius Regni consiliorum codices, cum omni necessario solenni ritu (quod ipsi *interinata* dicunt) fuerit, *obsides* apud Cæsarem manento; quibus peragendis, *quatuor mensium* tempus præfixum esto.

6. Quo tempore cum *obsides* restituentur, *Angolismensis tertius Regis filius*, quò pax certior diuturniorq; sit, apud Cæsarem educandus, Cæsari tradito.
7. Gallie Rex Cæsari omnia *Regni Neapolitani jura*, etiam ea, quæ Pontificum privilegiis esset adeptus, tradito, ceditoq;. Idem de *Mediolanensi Ducatu, Gennà, Asto, Arelate, Tornaco, Lilla & Duaco* facito.
8. *Hesdinum* item oppidum cum arce, ut *Artesia Comitatus* membris, cum omni tormentario apparatu, tormentis & supellectile, quæ cum postremo caperetur, in eâ erant restituito. *Flandria & Artesia*, omniumq; aliorum locorum, quæ Cæsar possideret, supremi Imperii juri cedito.
9. Vicissim Cæsar omnium eorum, quæ Galli possiderent, præsertim verò *Perona, Mondiveria, Roia, Bononiaq;, & Picturni* Comitatum, omnium locorum trans & citra *Somam* amnem juri cedito.
10. *Perpetua societas & fœdus*, ad utriusq; Regnorum defensionem inter eos esto, & alter alterum, ubi opus fuerit, quingentis cataphractis, & decem peditum millibus juvato.
11. Cæsar *Eleonoram* sororem suam Regi in *matrimonium despondeto*. Rex autem ubi facultas à Pontifice impetrata fuerit, sponsalia verbis in præsens obligantibus facito, eamq; in *Galliam* eodem tempore, quo his legibus *obsides* liberandi erunt, ad matrimonium perficiendum ducito, duo millia auri pondo, cum decentibus muneribus eius dos sunto, cujus pecuniæ dimidia pars intrâ menses sedecim, reliqua intrâ annum persolvito.
12. Inter *Delphinum & Lusitania Regis* filiam, ex *Eleonora* natam, ubi ad pubertatem pervenerint, matrimonium esto.
13. *Gallie* Rex, ut antiquus *Navarra* Rex, Cæsari, eius Regni juri cedat, omnem operam dato, ni fœxit, Regi nullâ cum re juvare, fas esto.

E

14. Eodem



14. Eodem modo, ut *Geldrensum Dux*, & *Zulsi Comes*, & præcipuæ illorum civitates, cum idoneis cautionibus, post illorum obitum, Cæsari se daturas promittant, facito, Rex *Virrenbergenſiū Ducem*, & *Robertum Marcianum* nullâ re adjuvato.
15. Idem Rex Cæsari, quum in *Italiam* proficisci volet, & duos menses, postquàm ab eo id petatum fuerit, *duodecim triremes, quatuor onerarias naves*, totidem magnas, quas *Galeones* vocant, omnibus rebus, exceptis militibus, instructas, quæ ab eo die, quo è portu solvent, intra menses treis restituantur, tradito. Pro *terrestribus copiis*, quas Cæsari in *Italiam* ducendas obtulit, duo millia auri pondo, mille intrâ sexdecim menses, & deinde mille intra annum ei dato.
16. Eo tempore quo *obsides dimittendi* erunt, Rex Cæsari ab *Archentariis Cheirographa* in sex peditum millia, ad semestre stipendiū, ubi Cæsar in *Italiam* venerit, exigenda, dato, eumq; propriis sumptibus, quingentis *Cataphractis*, & certo tormentorum numero iuvato.
17. Ne Cæsar ob *pensiones*, quas *Galliæ Rex*, *Angliæ Regi* debebat, cuius summa continebat quinque millia auri pondo, ei à Cæsare promissum, ullum detrimentum patiat, curato; aut eam pecuniam Cæsari numerato.
18. Vterq; (Cæsar, Rex) *Pontificem* ut quàm citissimè fieri possit, *universale Concilium*, quo de *Christianorum pace*, & *Expeditione in Tuscas*, & in hæreticos agatur, indicat, & omnibus per tres annos, pecuniæ ad sacrum bellum exigendæ facultatem (*Cruciatam* vocant) concedat, rogato.
19. Rex item inter quadraginta duos dies *Borbonio* sua *Regna & bona*, quæ moveri loco non possunt, quævè possunt, cum recentis fructibus restituito, neq; eum ob præterita, molestiâ afficere, aut ut in *Galliæ Regno* degat, earvè, cogere ei fas esto.
20. Eidemq; iure de *Provincia Comitatu* disceptandi potestatem facito, omnes quicumq; illum secuti sunt, nominatim *Episcopum Autunensem* atq; *Sanvalerium* in pristinum statum restituito.
21. Qui utrinq; bello capti sunt, intra quindecim dies liberentur; Et *Margareta* omnia, quæ ante bellum possidebat, restituuntor.



22. *Aurangius Princeps* dimittitor, eiq; Principatus suus, cum omnibus iis, quæ eo tempore, quo pater obiit, possidebat, quibus propterea quod Cæsaris partes esset secutus, spoliatus fuerat, restituntur, idem & de nonnullis aliis *Nobilium primoribus* intelligitor.
23. *Salutiarum* Regulo regnum suum restitutor, Rex ubi ad primū Regni sui locum pervenerit, has leges *confirmato*, & ut à *Delphino*, ubi quartum decimum annum attigerit, confirmentur, efficit.

Multi de communi consensu nominati fuerunt, & inter hos *Helvetij*, se *lex Italiae* Principibus, præter *Pontificem*, quem hujus concordie conservatorem, magis honoris causâ, quam ut vim haberet, appellarunt.

Hiscæ *accesit fides* à Rege, se, nisi quamcumq; tandem ob causam promissa præstaret, sponte in *custodiam* rediturum.

Alia quæ hanc pacificationem insequuta sunt, referunt *Guiscardinus & Vlloa* dd. II.

## CAPVT SEPTIMVM.

### DE

*Francisci Regis Gallie contra Cæsarem novis motibus, deq; ejusdem cum eodem Pacificationibus, præsertim verò Cameracensi & Nicensi, ab anno 1526. ad annū 1538.*

**C**allis Regis liberatio quoniam ad compositionis auctoritatem, jurisjurandi, & fidei mutuò datæ religionem, & novæ affinitatis vinculum, duorum liberorum, & in his natu maximi ad tanti Regni successionem destinati pignus conditionibus (cap. antecedenti relatis) esset conclusa, Christianos Principes in maximam expectationem erexit, atq; omnes boni, jam quiete fruituros, arbitrabantur. Verum Rex libertati restitutus non diu, in quam partem inclinaret, servaretne pacta vel non, celavit, ut quemadmodum se quamprimū liberum in locum venisset facturum promiserat, compositionem confirmaret, Neapolitani ProRegis minister ab eo petiisset, rem variis excusationibus quotidie protrahebat, & ut Cæsaris spem foveret, proprium hominem qui se compositionem



ideò non confirmasse, quod priusquam ad id deveniret, suorum qui  
 [a] Guicciard. eas obligationes, quibus Galliarum Regnum minueretur, molestè fer-  
 lib. 17. rent, animos mitigare necessum esset, sed tamen omnibus difficul-  
 Ulloa lib. 2. tatibus antotis, omninò fidem servaturum ei significaret, ad eum  
 adde Jov. hist. misit. [a]  
 lib. 24. 25.

Fœderis capita de anno 1526. 22. Maii, Warem. ab Erenb. de fœder. lib. 2. p. 199.  
 cum seqq. recenser. Reges Galliarum an quicquam de Regno alienare possint? Hottom. de  
 Franco-Galliâ aliter id explicat. Alex. Patric. in Marte Gallico libr. 1. cap. 19. cum seqq.  
 Numné Franciscum captivitas & coactio quædam à promissis liberet? Hottom. ill. quæst. 7.  
 Grot. de Jur. belli lib. 2. cap. 11. Ayala de offic. bellic. lib. 1. cap. 5. & 6. per tot.

Interea cum Pontificis & Venetorum Legatis de fœdere & mutuâ de-  
 fensione agit, de Caesaris erga eum acerbitate & communi periculo  
 conqueritur, nec se promissis stare posse asseverat, utpotè quòd in  
 Gallia Regis potestate non sit absq; Regni communium conventuum  
 consensu ad quicquam ex iis, quæ ad Regni corpus spectarent alie-  
 nandum promittere, & quia quæ vi à captivis extorquerentur, nul-  
 lam vim habere, omnibus notum esse. Quamvis verò Caesar Regem  
 aliosq; ne novis se motibus immiscerent persuadere conaretur,  
 fœdus tamen inter eos iectum, in Francia 16. Augusti anno 1526. pu-  
 blicatum est. [b]

Anno 1526.  
 [b] Ulloa d. l. 2.  
 Horrenf. de  
 bell. Germ. l. 1.  
 Guicciard. d.  
 lib. 17.

Anno 1527.  
 1528.  
 [c] Guicciard.  
 d. lib. 17. 18.  
 Factum hoc  
 cum Pontifice  
 excusat Jac.  
 Valdesius. de  
 præst. Reg.  
 Cathol. c. 22.  
 Anno 1529.  
 [d] Auctor.  
 hist. Belg. ad  
 ann. 1529.

Hinc rursus bellum in Italiâ ceptum, Caesar ergò ne prævenire-  
 tur, & ipse exercitum collegit. Franciscus in Italiam movet, Savonam  
 occupat, Lombardiam ingreditur, à confœderatis varia expugnantur  
 loca, à Cæsareanis iterum repelluntur, Roma demum Burbonio Duce  
 capitur atq; cum Pontifice malè agitur. [c] Cæterum, uti variæ sunt  
 humanarum rerum vicissitudines, post multas clades, post tot discri-  
 mina rerum, post tantam Christiani sanguinis effusionem, omnes  
 dulcedinem pacis desiderant, quare primum Caesar cum Pontifice cer-  
 tis conditionibus pacem iniit, deinde quoq; cum Rege Gallie & aliis,  
 propterea tractatum fuit. Caesar enim & Franciscus Rex, scribit Au-  
 thor Historiæ Belgicæ Anno 1583. Francosurti impressæ, [d] non felli fra-  
 triq; tantum diuturno bello, sed etiam aliò intenti, quia nimirum  
 Imperator à Turca expeditionem Pannonicam jaciente, Austriæ suæ  
 metuebat (hoc enim eodem anno Vienna Austria à Solimanno obsessa  
 fuit) & Franciscus rerum cum publicarum, tum suarum acerbitate  
 commovebatur, ut concordiam inter se constituere determinarent.  
 Eamq;



Eamq; ob rem, *Cameracum* liberam adhuc, & neutrius partis urbem, (uti fatalem ad gravissimas R. P. C. consultationes, & induciarum, fœderum, ac pacis solenni promulgatione jam olim celebratam) delegerunt. Ad hanc 7. die Iulij Anno 1529. *Margarita* Cæsaris amita, *Maximiliani* I. filia, & *Aloysia* *Allobrox* Regis mater appulērunt; atq; per procuratores earum pacis capita tractari cæpta sunt, intervenērunt etiam aliorum Principum Legati, quorum intercessione utrinq; optata pax facilior, æquabiliorq; esset, qui nunc brevitatis causâ o-mittuntur. Tandem, cū de Pace inter Pontificem & Cæsarem con-tractâ 23. Iulij nūcīi allati essent, Pax inter Cæsarem quoq; & Regem Gallia confecta & conclusa, atq; quinto die Augusti *Cameraci* in tem-plo maximo promulgata est, cujus capita fuēre: [e]

1. Ut Regij filij (obsides in Hispaniâ relictī) dimitterentur, eamq; ob causam, Rex Cæsari duodecies centena millia aureorum, & Anglia Regi, Cæsaris nomine duc. nta millia persolveret.
2. Intrâ dies quinquaginta duos à Pacis sanctione, omnia quæ in *Insubriâ* possidebat Cæsari restitueret. Astam ei relinqueret, eiusq; juribus cederet, quamprimum posset.
3. *Barletam* & omnia quæ in Regno *Neapolitano* obtinebat Rex, redde-ret; *Venetos* ut ex *Cuneacentis* compositionis formula *Apulia* loca restituerent, idem Rex obtestaretur, ni facerent, sese illorum ho-stem profiteretur; Ac Cæsarem ad ea recuperanda, trecentis in singulos menses auri libris, duodecim triremibus, &c. in sex men-ses propriis sumptibus juvaret &c.
4. Atq; ut *Madritij* actum fuerat, supremo *Flandriâ*, atq; *Artesia Imperio*, & *Tornaci*, atq; *Atrebatum* juribus cederet.
5. *Borbonij* proscriptionem aboleret, ipsiq; defuncto honorem, & successoribus bona restitueret; (Quamquam Cæsar postquam Rex filios recepisset, ea illis iterum ademisse questus est.)
6. Bona belli causâ occupata, dominis vel illorum successoribus red-derentur, (In quo etiam, quia Rex *Aurangio* Principi bona sua non resti-tuit, Cæsari postulandi causam dedit.)
7. Omnes provocatorij famosive libelli, etiam *Roberti Martiani* libellus in perpetuum sublatis intelligerentur.
8. Ut Rex se in Italia Germaniarū rebus, pro nullo Principe in Cæsaris

E 3

damnum

Pacificatio 14.  
Cameracensis  
de anno 1529.  
5. Augusti.  
[e] Guicciard.  
d. lib. 19.  
Histor. Belg.  
d. anno.  
Mentionem  
quoq; facit  
hujus Pacis,  
Ludov. Guic-  
ciard. in de-  
script. Belg.  
pag. 368.



sup. cap. 6. pa-  
eif. 13. & ca-  
dem addit Ul-  
loa d. c. 2. ubi  
dicit Eleono-  
ram, postquā  
cum filiis Re-  
gis in Franciā  
venisset, Regi-  
nam corona-  
tam esse.  
[f] Jovius  
lib. 26.

damnum & fraudem immisceret. *Historia Belgica* citato loco sic habet: Ne Rex deinceps, ulli Principum officiosius adhereret, ne aut in rebus Italicis aut Germanicis contra Imperatorem intercederet. (Etsi postea Rex sibi hujusve pacis vi, quod minus ea, quae Sabaudus ex Gal-  
lia Regno occuparet, & quae ob matris suae jura, ad se spectabant, recupera-  
ret, non interdici adfereret.) Addit praeterea hunc articulum: Eleono-  
ra Austria, Imperatoris germana soror, Francisco Regi certò nu-  
ptum daretur; Ea propter Sponsa *obsides* (liberos Patri Regi con-  
gratulum) ab Hispaniā in patriam reduceret, ac ita Franciæ in-  
nuberet, id matrimonii & affinitatis vinculum, pariterq; concordiae  
stabilimentum esset.

9. In hanc pacem primum etiam locum habeat Pontifex, & Sabaudia  
Dux, ut Romani Imperii beneficiarius, ac praesertim ut à Cæsare  
nominatus adjunctus fuit.

10. Illud quoq; fuit expressum, ut Veneti & Florentini, si intra qua-  
tuor menses controversias suas cum Cæsare composuissent, fœ-  
derati intelligerentur. Quod perinde fuit, ac si tacite excluderentur.  
Ferrariensis in hoc fœdere ratio, neq; Regni Neapolitani  
Procerum & Exulum mentio ulla facta est.

Paulus Jovius [f] de eadem Pacificatione ita scribit: Apuli belli  
valis fuit exitus, ut Pace inter Cæsarem & Franciscum confecta, fini-  
retur. Nam Rex in eam curam totus incumbens, ut liberos, quos ob-  
sides dederat, redimeret, cunctas sociorum rationes, suae rei memor, atq; alie-  
nae oblitus, neglexerat: Caesarq; petendae Italiae cupidissimus, ut de mo-  
re, sicuti obtulerat Pontifex, honore diadematis ornaretur, facile obsides ab  
se redimi, passus est, quum illi, ducenta aurea moneta Myriades pro redemptio-  
ne numerarentur. Hanc pace (addit) vel muliebribus ingenis tractata &  
confecta, nihil Regi felicius, sociis verò fœderatis molestius atque  
damnosius fuit. Nam hoc fœdere, cum Veneti tum Florentini facile  
sunt praeteriti, qui non sine calumniā Gallorum eo pacis beneficio  
nihil adjuti, sed magnoperè injuriā affecti, de fluxa fide Regis Gallie  
querebantur. Qui tamen pudoris plenus, eam duarum civitatum of-  
fensionem, in feminas tanquam pacis avidiores rejiceret, atq; eas iniquè de-  
serere videtur, quibus: non poterat verbis humanissimè solaba-  
tur. Ludovica namq; mater Regis, cum Eleonorâ Regina nuru in Bel-  
garum

Gallica execu-  
tio.



garum fines ad *Cameracum* contenderat, ut ibi celebri conventu habito, cum *Margaritâ* Cæsaris amirâ, de pacis conditionibus & arbitrio, exclusâ omni, vel *Legatorum externorum*, vel *ICTorum* disceptatione statuerant. Hæc & alia *Iovius* d. loc.

Prædictâ pace conclusâ, *Veneri* & *Genueses* pace quasi exclusi, occupata restituunt, & Cæsar, *Florentino* bello finito, rebus ibidem instabilitis, ut *Alexandro Mediceo* Laurentii junioris filio, *Margaritam* filiam nuptiis jungeret, eiq; *Florentiæ* Principatam daret. Cæsar *Bononiâ* ingreditur, atq; à Pontifice, illo ipso die 24. Februar. D. *Matthiæ* sacro (quo natus, in Imperatorem electus, victoriosus contra *Galliæ* Regem exstitit) coronatus & Augustus salutatus est. Deniq; etiam *Clementis Pontificis* intercessione *Mediolanense* Imperium *Francisco Sfortia* reddidit. [g]

Anno 1539.

Quæ deinde Cæsar in *Germaniâ*, ut durantibus cum *Galliæ* Rege bellis, ob religionis negotium, inter *Germaniæ* Proceres exorta dissidia, seditiones & tumultus sopiret; Quæ in *Hungaria* contra *Turcas*; Quæ rursus in *Italiâ* contra alios gesserit, non est ut hoc loco prolixius referamus.

[g] Guicciard. d. lib. 19.

Jovius hist. lib. 27.

Año 1531. 1532. 1533. 1534.

An Religionis causâ, contra superiorem fœdus inire, seu bellum incipere liceat? Neotericis nonnulli id tractant. Modest. Pistor. vol. 1. conf. 19. 43. Coler. de jur. R. I. concl. 72. Alberic. de jur. bell. lib. 1. cap. 9. & seqq.

Causas saltem, cur rursus à *Pacificatione Cameracensi* discessum, digito saltem indicabimus. Religionis negotium tum temporis in *Germaniâ* eò devenerat, ut *Protestantes* non solum conventus, quemadmodum, si necessarium foret, armis religionem & intentionem suam defendere possent, instituerint, sed etiam in causis Politicis sub prætextu *Germanicæ* libertatis, Cæsari atq; Electoribus Imperii præscriberent. Istud in *Conventu Smalcaldico* tentatum, quo religionis & mutue defensionis fœdus inter *Protestantes*, qui à *Romanâ* sede desciverant, ictum. [h]

[h] De fœdere Smalcaldico.

præter Historicos, *Sleidanum*, *Surium*, *Hortensium* & alios, agit *Warem*. ab *Erenberg* de fœderib. lib. 2. ubi formulam eius refert. Coler. d. loc. con. 73.

Hisce favere videbatur *Rex Galliæ*, ex eo, quod eorum Legatis ad omnia benignè responderit, atque etiam *Protestantibus* liberum accessum & fugam in Regnum, si quid adversi accideret, aperire voluerit. [i] Et ingenuè fatetur *Petrus Matthæus Galliæ* Historicus, [k]

[i] Hortens. de bell. Germ. l. 1.

[k]



[k] Matthæ. in  
hist. de bell.  
Franc. & Gall.  
Reg. p. 12.

[l] Pet. Matth.  
d. loc.

Guicciar. l. 20.

Surius in com.

circa an. 1530.

Sleidan. lib. 7.

Cum tamen Rex Rom. vivo adhuc Imperatore certis ex causis eligi possit. Petr. Heig. p. 1.

quæst. 6. Coler. de Jur. R. Imp. concl. 8.

In Italiâ quoque Francisci cum Pontifice secreta consilia Cæsari suspecta videbantur, Clemens Pontifex ut contra Cæsarem aliquid moliretur, nullam aliam habuit causam, quam quod Cæsar Mutinæ Principatum Alfonso Atestino ex ICcorum sententiâ adjudicasset; Franciscus libertatem Italiæ Procerum, quas Cæsar omnes subjugaturus, prætexebat, hinc Gallos penitus contemnendos putabat. Ergo Salassiorum Marchioni, qui fratrem expulerat, & matrem custodiæ tradiderat, quia Cæsaris partium fuisse suspicabatur, auxilium promittit.

[m] Jovius  
hist. lib. 31.

Immo res eò demum deducta est, ut, quod Jovius [m] refert, Pontifex Catharinam, ex juniore Laurentio Mediceo genitam, Henrico, Francisci Regis Galliarum filio desponderit, quam ob causam Masilia conventus indictus est. Re subsecutâ, pergit idem auctor; Eam affinitatem, uti ambitiosius expetitâ, atq; id Colloquium (Masiliense) importuno tempore quæsitum, vehementer Cæsaris animum commovisse, adeo ut quoq; minores Principes, & Italia totius populi magnoperè terrerentur, quasi Pontifex, qui dudum tantæ prudentiæ cum laude, afflictæ devastatæq; Italiæ pacem atq; otium peperisset, depravato demum animo & commutatâ voluntate, renovandi belli causam esset præbiturus. Pressius hæc tradit Horatius Turselinus [n] dum ita scribit: Clemens porro Romanus Pontifex ob Regium Lepidi Ferrariensi Duci à Cæsare adjudicatum, se ab ejus amicitia denuò avertit, & fœdere cum Rege Francorum inito, Catharinam Florentini Ducis sororem germanam, Henrico Francisci Regis filio, collocavit.

[a] Turselin.  
epitome hist.  
lib. 10. in Ca-  
rolo V.

Franci-



Franciscus Gallie Rex, in militaribus sagacissimus Princeps, ut quod animo conceperat, felicius expediret, interim toto Regno, qui nomina darent delegit 40. peditum millia, eaq; in septem æquales legiones dispersit, exemplo imitationeq; veterum Hetruscorum, quod institutum ipsi à Pontifice subministratum fuisse putatum est.

Anno 1535.

[o] Per idem tempus mense Octobri Franciscus Sfortia, qui Mediolanensem statum hætenus gubernarat, nullâ sobole obiit, qui cum feudum esset Imperatoris, atque familiæ Sfortiæ sub hac conditione concessus, primò ad Imperat. translatus est, subinde hæreditario jure ad Philippum II. Cæsaris filium cecidit. [p] Mors hæc novis bellis agitavit Italiam. Rex enim Francia de Statu illo occupando statim cogitavit, quem jure sibi, à Ludovico Rege eius antecessore arrogabat. Quare Taurino, aliisq; Subalpinæ regionis urbibus expugnatis, exercitum in Italiam traduxit, Mediolanum recepturus. [q]

[o] Auctor hist. Belg. ad annum 1535. Pet. Matthæi d. loc.

[p] Hist. Belg. d. loc.

Anno 1536.

[q] Hist. Belg. d. loc.

Tursol. d. libr. 10. Ulloa d. libr. 3. ubi refert causas, cur Sabaudus transitum illi dare debuisset. Sed num Vassallus inimico Domini transitum concedere debeat; vid. suprâ Alber. d. cap. 19. in terminis post alios. Zasius de feud. pars. 7. n. 43.

Interea Cæsar Tunetanâ victoriâ clarus, (Ariadenum enim Anobartum, ex Archipiratâ Regem Algirij factum fugarat, atq; Tunetum receperat, precariumq; Regnum Muleassi reddiderat) victor Neapolim profectus, triumphali penè pompâ exceptus, cum se necessariâ contra Turcas & Archipiratas expeditione impeditum, Franciscum Regem novos motus in Italia moliri persentisceret, Sabaudia Ducem ad se venientem tanquam Imperii Principem in suam protectionem suscepit, simulq; cum Germaniæ Principibus egit, ut arma in Galliam moverent. [r] Hinc Neapoli Romam profectus, coram Pontifice in pleno Cardinalium consilio, de Francisco Galliæ Rege, quòd fidem non servaret, gravi oratione conquestus est, repetendo ea omnia, quæ hætenus sive paciscendo, sive etiam remittendo, cum illo egerit, quæ prolixiori stylo recitat Tarcagnola. [s] At succinctè Jovius. [ts]

[r] Ulloa d. l. 3. Tarcagnola d. lib. 3. part. 3. Hortens. de bello Germ. lib. 1. pag. 46. [s] Tarcagnola d. lib. 1. part. 3. Et Matthæus Gall. de bell. int.

ta d. p. 3. lib. 3. Eadem habet Ulloa d. libr. 3. Et Matthæus Gall. & Hisp. dom. p. 14. 15. &c. [ts] Jovius histor. lib. 35.

Cæsar in conclavi, astante Pontifice, cunctoq; Senatu, & Principū ferè omnium Legatis, Hispanico sermone locutus. Primùm omniū veteres, odiorum causas, quæ adhuc inter Gallos, Austriamq; domum vigerent, facundissimè commemoravit, ostenditq; neq; Franciscum

F

Regem,



Regem, nec superiores Gallia Reges, ictorum foederum legibus unquam steterisse, quum sibi Burgundiam ereptam, & repudiata, atq; iniquissime intercepta connubia quereretur, & passim Franciscum Regem perstringeret, quod bello victus, captusq; ac humaniter dimissus, nihil eorum, quæ pro obtinenda libertate pepigerat, custodiâ statim exiliens præstitisset, sed abruptâ fide jurisjurandi, totum propè terrarum orbem adversum se tam ingratè, quàm impiè concitasset, quum ad Turcas usq; miserit Legatos, ut hostilia pari odio adversus se molerentur, scilicet ut inania aut exoleta jura ostentans Cisalpina Gallie dominatum invaderet, quod sibi Augustali, atque legitimo jure partum, tanquam tuendis reliquis ipsius Regnis maximè opportunum, omnino sibi retinendum statueret, ne sibi maritimum adeunda Hispaniæ, aut terrestre adeundis Germaniæ & Belgarum provinciis, tutum & liberum iter præcidatur, quandoquidem nequaquam sit dignitatis in Cæsare, per alienas terras transitus facultatem precario petivisse. Propterea Franciscum nefario ausu, Caroli Sabaudij avunculi sui Allobrogum regiones in Transalpinis, & Ligurum in Subalpinis immaniter occupasse, ut inde ad invadendum Mediolanense Imperium ire pergeret, Gallorum more, qui novarum provinciarum avidi, quin aliena & proxima quæq; occupent, neq; pudore, neq; jure contineri queant. Quarum rerum in vestigio eos sæpè pœnitere oporteat, quum vi & armis aquo semper Marte judice, eorum insolentia retundi reprimiq; soleat, &c. Sunt verba Pauli Jovij d. loc.

Cæsar Româ in Lombardiam perrexit, & Gallie Regem variis in locis bello adortus est, rem gestam, posteritati reliquerant alii. [t] Hoc mirabile vindictæ genus fuit, quod non solum Gallie Rex, Carolum Cæsarem, Gandavi natum, singulari arresto (quod vocant Galli) anno 1537. 15. Ianuar. hominem suum ligium & subjectum declaravit. [u] sed etiam Turcici tyranni auxilium imploravit, quam equidem historiam recensere nunc supersedemus, cum sub Henrico II. cap. seq. Eadem Tragœdia rursus sese offerat.

Vtuncq; verò hæc omnia & consiliis & armis egregiè gesta, nullum tamen alium sortiri potuerunt eventum & finem, quàm tandem (uti aliquoties factum, ex historiâ hæcce apparet) ad aliam pacem & concordiam studium omnes cogitationes convertere. Quâ  
in re

[t] Cuicciard.  
lib. 20.

Jovius hist.  
lib. 33. 34. 35.

Hist. Belg. circa an. 37. 38.

[u] Matthæ.  
d. histor. p. 16.

Bodin, de Repub. lib. 1. cap.

pag. 118. 119.  
Anno 1537.



in re Paulus Pontifex auctoritate suâ usus, utriq; , & Cæsari, & Regi, officiosè se offerens, verbis atq; re ipsâ contestando, se in summâ illâ suâ senectute Nicaam provincie urbem, quæ erat dilectis Caroli Sabaudia Ducis idcirco venturum, ut constitutâ die, ibidem ambo se fierent. Quod voluit, impetravit Pontifex, laboratum seriò de pace, sed ferè frustra, cum Pontifex impetrare non potuerit, ut ipsi Reges in complexum atq; colloquium (scribit Iovius [w] se postulante præsenteq; venirent, uterq; tamen seorsim in villâ quâdam suburbanâ Pontificem Christiano more venerati sunt. Eleonora autem Regina Gallia, cum Margaritâ privignâ & aliis Cæsarem fratrem invisit. Demum anno 1538. 18. Iunii, cum neq; multorum dierum operâ, neq; ullâ ratione tunc quidem à bello ad integram pacem, quò Pontifex respiciebat, partes adigi potuissent, decennales inducias pactæ sunt, [x] quibus expresse continebantur maxima ac clarissima quæq; nomina, quæ alterutri studebant parti. Alias condiciones induciis hisce appositæ non reperio, præterquàm quòd Tarcagnota & Villosa [y] summarie notant, tales fuisse, ut quælibet pars, durantibus induciis possideret, quæ haberet vel occupâret, & deputentur commissarii, qui terminos & confinia determinarent, quilibet, (etiam Banditi) exceptis Neapolitanis & Siculis in patriam redirent, atque bonis suis gauderent.

[vv] Jovius hist. lib. 37.

Pacificatio 18. Nicensis, seu potius decennales induciæ, de anno 1538.

[x] Histor. Belg. ad d. ann. 1538. pag. 38. Villosa d. lib. 3. p. 108.

Sleidan. hist. lib. 12.

[y] Tarcag. d. lib. 3. part. 3. Villosa d. lib. 3. p. 108.

## CAPVT OCTAVVM.

*Continuat ea, quæ inter Carolum Cæsarem & Franciscum Regem, post Pacificationem Cameracensem & Inducias Nicenses ab anno 1538. usq; ad annum 1544. quo nova Pax apud Crepium in Sueffionibus Castellum facta est, gesta fuerunt.*

**P**ost inducias Nicenses Carolus Cæsar, Pontifice Romam revertente, ad Massiliensium oras delatus, circa fossas Marianas (in portu ad aquas mortuas nuncupato) ex condicto Regem eò per terram descendentem, cum liberis suâ quadrigeme prætoriâ humaniter excepit. Impetrante quoq; Cæsare, Franciscus Rex Andree

Anno 1544



*Auria*, superiorum temporum injurias (à Gallo enim defecerat) facile remisit, quum ad exosculandam dextram produceretur, subinde plures horas (*Cæsar & Gallus*) arcanis sermonibus impenserunt, tantâ vel eorum, qui aderant, exultatione, ut ferè nemo reperiretur, qui non planè existimaret, Reges ipsos deterfis odiis conciliatos fraternæ amicitiae fœdera concepisse in spem maturæ pacis & concordiae, (a) addit *Historia Belgica*, (b) ubi, nisi qui ipse viderit, ab amplexu mutuo, hilaritatem quantam uterque vultu & gestu præ se ferebat, non facile credat unusquisq;. Hic ex alto repetita officia (ut uno verbo rem omnem expediam) syncrerissimus, nec enim verò *finem confabulationi facturus* Rex videbatur, nisi eam nox vicina diremisset, itaq; peramicè salutato ac in posterum benè valere jussu Imper. Prætoriâ celoce repetens Rex ad continentem revehitur. Postridiè, milite omni in navibus relicto Imp. oppidum introgressus, iterumq; à Rege & Regina sorore ac totâ curiâ sanè quàm honorificentissimè atq; hilarissimè exceptus, inibi propè biduum perstitit, ac demum *Cæsar* Hispaniam, Rex verò suam sedem reperit.

Anno 1539.

Præter verba & ceremonias nihil in hoc colloquio effectum, breve ergò harum induciarum fuit gaudium; Nam quum statim anno seq. *Gandavum* insignis *Flandriæ* civitas rebellaret, *Cæsar* vel quodam Gallum suspectum haberet, vel quia majus inde incendium, quod absq; suâ præsentia extinguere non posset, extimesceret, per *Navarram* mediamq; *Franciam* rectâ viâ in *Belgium* tendit, secundâ vice à Rege magnificè acceptus & regificè tractatus, deniq; à Regis liberis & Franciæ Primatibus ad *Valencinam* usq; *Flandriæ* finitimam civitatem deductus est, & circa initium anni 1540. in *Belgium* venit. (c)

Anno 1540.

(c) Hist. Belg. d. loc.

Ulloa d. lib. 3. p. 109.

De hoc itinere adde etiam Sur. in comment. circa annum 1539.

Sleidan. com. lib. 12.

Interea dum res Belgicas accommodat, & cum *Gallicis Venetiisq;* Legatis *Cæsar* de *Turcico* bello tractat, *Pauli Pontificis Vaticinium*, quod dum *Nicoe de Pace* inter *Cæsarem* & *Gallum* ageret, nonnullis considerare, vero verius fore, visum fuit, dixerat enim, credere se & ad id induci non posse, amicitiam illam *Cæsaris* & *Regis*, utpotè quæ nullam sinceræ virtutis & religionis speciem præ se ferret, diu duraturam; Mutuâ siquidem ambitione correptos esse eorum animos, quum hic (*Cæsar*) parta armis, possessaq; retinenda omninò defendendaq; statueret; Ille verò (*Rex*) *Galliam Cisalpinam*, quam nuper pos-



per possedisset, pro dignitate sui nominis repetendam arbitraretur.

(d) Jovius d.  
lib. 37.

(d) Siquidem *Franciscus Gallia Rex*, ex duplici illo cum *Cæsare* congressu & familiari conversatione omnino sibi imaginatus fuerat, *Cæsarem* filio *Aurelianensi Duci*, *Mediolanensem* Ducatum daturum, atq; hoc *Cæsarem* promississe, nonnulli *Gallia Historici* referunt, praesertim verò *Petrus Matthaeus*, (e) ubi in hunc modum ex Gallico in Latinum sermonem translatus scribit: *Cæsar à Rege Gallia per Legatos transiit, & præter alia promissit, se Ducatum Mediolanensem alicui ex Regis filiis concessurum. Regi simplex hæc promissio, juramenti loco erat, nec propterea obfides (prout antea à se Cæsar) postulabat. Magnopere laudans Franciscum Regem, subjungendo, si fides undiq; exulasset, eam in solius Francisci Regis corde resedisse. Sed hæc de fide Gallica predictus Matthaeus.*

(e) Matthæi in  
hist. bellor. in-  
ter Gall. &  
Hispan. dem.  
pag. 17.

Verum *Cæsar* & alii, qui hujus rei mentionem faciunt, promissionem illam non nisi meram imaginationem interpretati sunt, *Cæsarem* enim neq; in *Portu ad Aquas mortuas*, neq; *Parisiis* unico verbo de ea quicquam in medium protulisse, nedum certi quid statuisse asserunt, quinimò *Iohan Baptistæ Adrianus Florentinus*, (f) cum hæc & multa alia de *Cæsaris* itinere recitasset, subicit Pontificem, *Cæsarem* tum temporis *Belgio* inhaerentem, per Legatum nepotem suum sollicitasse, ut ob bonum publicum Christianitatis *Regi Gallia, Mediolanensem* Statum cederet, *Cæsarem* respondisse, se Pontificis precibus victum, *Regi* satisfacturum eâ conditione, Si filium *Aurelianensem Ducem* filia suæ matrimonio locari contingeret, ita ut illis & qui ex hoc matrimonio nascerentur, *Ducatus Mediolanensis* remaneret, sed conditionem hanc *Regi* displicuisse, atque hoc modo nihil conclusum fuisse, nisi quod post aliquot annos, rursus *Christiano* sanguine satis effuso, in eam conditionem *Gallia Rex* condescenderit, sicuti paulò post dicemus.

(f) Adrian. hi-  
stor. part. 1. l. 2.  
Et quod Cæ-  
sar dum in  
Gallia erat, ni-  
hil de pace e-  
gerit, sed o-  
mnia in advē-  
tum fratris  
Ferdinandi re-  
jecerit, abun-  
dè testatur Jo-  
vius hist. l. 39.  
pag. 213.

Sed uti fieri solet, & alia sese eo tempore offerebant causæ, seu potius prætextus, quibus *Franciscus* ad exercitium bellicum alliciebatur. Dum *Niceæ* (sicuti ex superioribus constat) de induciis tractabatur, *Carolus Geldria Dux*, nullà post se relicta prole decessit, atq; *Guilielmum Clevensium Ducem* hæredem esse voluit, (g) contra men-

(g) Hist. Belg.  
d. loc. pag. 39.



Anno 1541.

(h) Hist. Belg.  
circa an. 1541.  
Surius in com.  
hist. ibid.

De Legatorū  
securitate, &  
quatenus of-  
fendi possint?  
Pro circum-  
stantiarum ra-  
tione affirmā-  
do & negan-  
do, agunt Juri-  
& Politici, qui  
de Legatis  
scribunt Alber-  
tus Gentil.  
Laudensis,  
Kirchnerus,  
Paschalius &c.  
quā de re alibi.  
(i) Hist. Belg.  
& Surius d. d.  
locis circa an-  
num 1541.  
(k) Tarcagnot.  
hist. del mon-  
do part. 3. l. 4.  
Hortens. de  
bell. germ. l. 2.

eundem Ducatum pertinere prætendebat. Cæsar cum Gandavi, (quod diximus) ad componenda dissidia commorabatur, Iuliacensis Dux, qui jam Geldrensem quoque Principatum, ex demortui concessione possidebat, ad eum venit, ut cum Cæsare de pace tractaret, sed quoniam nihil effectum, atque interim Gallie quoque Rex, spe obtinendi Mediolanensis Ducatus se frustratum arbitraretur, à Cæsare fit alienior, jungitque amicitiam cum Iuliacensi, cui Ioannam è sorore neprem, Henrici Navarrei Regis filiam, etiam invitis & renuentibus parentibus, (quamobrem etiam matrimonium hoc non fuit consummatum, & Iuliacensis vanā spe lactatus) despondet. (h) Accessit & aliud quoddam fomentum inimicitiarum inter Gallum & Cæsarem, Cæsar enim Fregosus S. Michaëlis Eques Gallo additus, & Antonius Rincon, ad Turcas à Gallo Legati destinati, dum in togatā Galliā secundo Pado navigant à Vastensis quādam custodiā, ad Ticini ostia, cum de viā intercepti, clam subinde interficiuntur, hinc exclamare Galli, & passim lamentari incesperunt. Ac licet Cæsariani se variis modis purgarent, Alphonsus Vastius quidem, se insciente & ignorante hoc factum esse, Et quia Antonius Rincon ab Hispania exul capitis poenā damnatus, putatur jure potuisse cædi, quod ad hostes transfugisset, & omnibus Cæsaris Imperii finibus prohibitus, nihilominus ausus fuerit in hostilis terræ flumine navigare, præterea quod Franciscus de Turcico fœdere contra Cæsarem non parum suspectus, legati hi ad summum Christiani nominis hostem, in Cæsaris perniciem mitterentur. Gallia tamen Rex, nullā excusatione admittens Georgio Austriaco Maximiliani Imp. filio notho Archiepiscopo Valentino ab Hispania per Galliam, induciarum fiducia, proficiscenti Lugduni non multo post manus injecit; (i) & prorsus sine morā Franciscus non solum cum Clivenfi, sed etiam aliis Germania Principibus Protestantium nomine claris amicitiam contraxit, ita ut Carolo in religionis causā, mitius cum illis agere necessum fuerit. (k)

At Carolus Cæsar, rebus in Germaniā, quantum temporis occasio ferret, firmatis, expeditionem in Africam contra Turcas parat, quod non mediocriter eum pertraherent Hispanorum quærimoniæ, qui à Turcicis prædonibus, quos apud Algerium sive Argieram Asanaga Barbarossæ Præfectus in Sardinia natus, sed abjurato Christianismo

Mako.



Mahometanam superstitionem complexus fovebat, gravissima in Hispaniæ littoribus damna patiebantur. *Cæsar* ubi ex *Germaniâ* venit in *Italiam*, ubique incredibili studio excipitur, præsertim *Mediolani*, cum *Pontifice* apud *Lucam* in colloquium venit. Admisit etiam *Cæsar* *Francisci* Regis Legatum, qui *Fregosum* & *Rinconem* captos repeteret, nondum enim constabat mortuos, palam q̃; *Cæsar* testatus est, quicquid illis accidisset, dissimulato habitu, nomen suum celantibus, id suo injussu, & se ignaro penitus accidisse. Petebat quoque *Franciscus* Rex pro filio *Carolo Mediolanensem* Principatum, sed *Cæsar* suum jus in gravissimâ oratione explicabat, aitq̃; Gallum cæco livore corruptum invidere suæ fortunæ &c. Cæterùm *Cæsar* in *Africam* navigavit, de quâ expeditione non est hujus loci multa referre, cum ab aliis (1) id diseretè factum sit, atque ad Pacificationum historiam tantoperè non spectet.

*Franciscus* ubi viderat, cum *Cæsar*is zelo & fervore in *Africana Algerianaq̃;* expeditione, ob adversam fortunam eventum non correspondere, classe enim ventorum vi, fluctibusq̃; disjectâ, *Augustus*, irritò incepto, domum mutilatum exercitum deportavit, ingloriùs (m) is afflicto afflictionem addere voluit, & totus irâ æstuans ebulliensq̃; contractis undique fœderibus, etiam cum *Turcico Soldano* quinq̃; conflavit exercitus, simulq̃; in expeditionem uno eodemq̃; ferè tempore, sed diversis itineribus, quinque pertito mittit. *Primus exercitus* simulato & vario colore collectus sub *Longavillensi* Gallo & *Martin van rosemo* Ducibus, in finitimam *Brabamiam* ex improviso insultavit, *Hogostratam* arcem deditone capit. *Secundi exercitus* Gallici Dux erat *Carolus Aurelianensis Dux*, alter *Regiorum* filiorum, qui ferro flammâq̃; *Luzelburgensem* regionem defœdatam infestavit, *Danvillerium* excidit, *Virodunum* atq̃; alia oppida diruit. *Tertius exercitus*, cui *Antonius Borbonius* à Rege fuerat præfectus, ex *Picardiâ Artesiam* & finitimum territorium invasit. *Quartum exercitum* Gallorum duxit in *Taurinos Guilielmus Langaus*. *Quintus* novissimusq̃; cum copiis *Delphinus*, Regis filius natu major *Perpinianum*, caput gentis Comitatusq̃; *Roscionensis* Hispaniæ finitimam civitatē attentavit. Sed quid omnes hi exercitus unâ cum fœderatis *Turcis*, quibus *Polinius* Regis Legatus aderat, ad *Italia* oras perfecerint, *Historici* (n) referunt. *Cæsar* quoq̃; ut vim

(1) *Surius* & comm. circa annum 1547. *Jovius* hist. lib. 39 & seq.

(m) *Tursolin.* in epit. hist. lib. 10. in *Carolo V.* Anno 1542.

(n) *Hist. Belg.* circa an. 1542. *Jovius* hist. lib. 41, sū seqq.



Surius in com.  
circa d. an. &  
Anno 1543.  
Anno 1544.

(o) Hist. Belg.  
circa an. 1544.  
Jovius hist. lib. 45. Sleidan. comm. lib. 15. in fin.  
Pacificatio 16.  
apud Crepi-  
nium in Suc-  
fonibus Ca-  
stellum, de  
anno 1544.

ut vim vi repelleret, summopere nisus est, sed demum cruenta illa  
& Hispanorum clade insignis ad *Carasulam* pugna paci toties optata  
viam aperuit; Quare anno seq. de pace per idoneos homines agi  
captum est, quam utraq; pars necessitate efflagitante experiit, & 8.  
Octobris conclusa est, cujus *conditiones* licet à pluribus (o) recen-  
seantur, in præcipuis tamen eum seqq. conveniunt.

1. Quicquid ab *inductis Nicanis* captum est, redditur. *Astenaum* op-  
pidum Galliae Rex Lotharingiae Duci, quoniam est in clientelâ  
*Lucenburgiae* provinciae, restituit.
2. Ut *vetus religio* restituatur, & *Ecclesiae concordia*, mutuam operam &  
auxilium alter alteri præstabunt, eoq; totis viribus incumbenti.
3. Galliae Rex in bellum *Turcicum* pollicetur Equites cataphractos sex-  
centos & peditum millia decem.
4. Renunciat Rex juri & petitioni *Arragoniae, Neapolitanae, Flandricae,*  
*Atrebatensi, Geldricae.*
5. Caesar invicem renunciat ditioni *Beloniensi, Perona,* & aliis ad *Somiâ*  
fluvium positis oppidis, ad hæc *Burgundia inferiori,* & agro *Ma-*  
*riscconensi.*
6. Filio Regis *Aureliano* Duci Carolo, filiam suam, natu majorem  
*Mariam*, aut verò *Ferdinandi* fratris filiam, in *matrimonium* spon-  
det, & utram dare velit, intrâ quartum mensem exponet.
7. Si filiam dederit, *Brabantiam, Geldriam, Luceburgum, Limburgum,*  
*Flandriam, Bataviam, Hannoniam, Atrebatem, Namurcum, Frisiam* &c.  
Item *Burgundiam superiorem* Caesar in dotem promittit, ut ab ipsius  
morte utantur, fruantur, hoc si fiat, Rex juri *Mediolanensi*, pro se  
suisq; renunciat liberis.
8. Quod si non relictis liberis filia Caesaris decedat è vitâ, jam *Au-*  
*relianus* ab omni illâ possessione discedit, & integrum ei manet jus  
*Mediolanense*, Caesari verò *Burgundicum.*
9. Si *Ferdinandi* filiam dederit, Principatum *Mediolanensem* in dotem  
largitur, utrumcunq; erit matrimonium, iatrâ spacium anni per-  
ficietur.
10. *Sabaudiae Ducem* Rex integrè restituet, *Hesdinum* Regi permittitur,  
at inter Galliae Regem, & Anglum *Pax* quoq; fiat, Caesar omnem  
operam pollicetur.

II. Ad



II. Ad Ducem Clivensem quod attinet, quia Rex eiusq; Regina Navarra confirmabant, filiam suam ei matrimonio nunquam assensisse, immò contra testificatam esse more solemni atq; recepto, Galliarum Rex eam restitutionem intra sextam hebdomadam Casari mitteret, ut de eo aliquid statui possit. Referuntur etiam qui sub hac pace fuere comprehensi, præter supra relatos. Testantur quoq; de hac Pacificatione Tarcagnota & Villosa (p) & celeberrimus Ictus Iacobus Menochius (q) refert, factam hac inter Casarem & Franciscum Regem Pacificatione, ob summam populi lætitiā, factam esse remissionem omnibus carceratis in Ducatu Mediolanensi. Addit Jovius (r) compositionis tabula ita perscripta, postea hinc inde, modo ad Casarem, modò ad Regem delata sunt, donec in hunc maximè modum, consentiente utriusque voluntate, & Casar & Franciscus conditionibus subscripserunt, quæ pari utrinq; lætitiā receptæ fuerunt, quum Franciscus gravissimā calamitate miseros Galliarum populos liberatos perspiceret, & Casar ipse difficili periculosoq; negotio cum dignitate se explicasset. Paulò post: Hæc confecta transactaq; sunt apud Crepium in Sueffionibus Castellum, ad stipulantibus utrinq; mutuo Sacramento Casareanis & Regis ei negotio præpositis.

(p) Tarcagnota part. 3. lib. 4. Villosa in vita Caroli V. lib. 3. pag. 125.  
(q) Menoch. arbitr. quæst. lib. 2. cap. 302. n. 15.  
(r) Jovius hist. lib. 45.

## CAPVT NONVM.

### DE

Ulterioribus inter Carolum V. Casarem & Franciscum I. Galliarum Regem: atq; utriusq; successores, in Regnis Hispaniarum Philippum II. in Galliā Henricum II. Reges, emulationibus, dissidiis, fœderibus, cum Turcis aliisq; atq; inde subsequutis induciis Cambresiensibus, & Pacificatione alterā vel tertiā Cameracensi de anno 1559.

Pace Crepinensi factā, inter duos, eo tempore Europæorum facilè Principes, qui propè dicam, morum Reipublicæ Christianæ attulerant, simulq; composuerant, quies & Pax sperabatur. Casar itaq; re perfectā è Sueffionibus domum rediit: verum

G

mox



mox in principio & omina & præfagia erant, eam successu carituram, quod Cæsar tam gravi pondere obligatæ fidei distentus esset, ut ægrè promissis staturus crederetur. Apparebat enim, eum summo cum incommodo, alterutrâ quàm vellet nuptiarum pactione, aut *Patrimonio Belgico* cessurum, aut *Mediolanensem Ducatum* importunâ ratione in dotem collaturum, nec tamen erat existimandum, tantæ gravitatis, tantæq; religionis Principem adduci posse, ut eius initæ pacis leges, arcteq; obligatam fidem suam, ullâ ex parte violaret. Sed fortuna Cæsaris votis & commodis secundissimè semper arri- dens, ex arcano fatorum viam invenit, ut eum damnosæ transactionis curaq; , vel in alteram partem, si à fide datâ discedere vellet, pro- broso pudore, atq; dedecorosa invidiâ liberaret. *Carolus enim Au- relianus* (præcipuum hujus pacis, ob promissionem matrimonialem, fulcrum) postquam in complexum Cæsaris devenisset, in pestiferum incidit morbum, ita ut paucissimis diebus apud Firmum Monaste- rium sævâ morte eriperetur, [a] quam ob rem principalis Pacifica- tionis Crepinensis causa cessasse videbatur.

Anno 1544.

[a] Jovius  
hist. lib. 45.

Superioribus quoq; capitibus attigimus, durantibus inter Ca- rolum Cæsarem & Franciscum I. Gallie Regem, ab eo, quo Carolo Impe- rialis corona imposita, ad hæc usq; tempora bellis, licet aliquoties Pace sopitis, *Martinum Lutherum*, eius religionis auctorem, unâ cum suis, ob rei novitatem, gravissimis in Germaniâ motibus ansam de- disse. Hisce componendis, licet Cæsar, eiusq; frater *Ferdinandus Ro- manorum Rex*, tum privatim, cum in publicis Imperii Comitibus (quod eadem restantur) egregiam operam navasset, nihil tamen vel parum profectum, quin imò sanguinolenti demum belli religionis illud di- vortium causa fuit, accessit quoque prætenfa quorundam *Germania Procerum libertas*, ex hoc eodem fonte deducta, quam, quia Cæsar, cuilibet quod credere vel facere vellet, permittere noller, violatam, Cæsaremq; eversum iri, nonnulli clamitabant. Ingenti ergo tam primò à confœderatis Protestantibus, quorum Duces erant *Iohannes Fridericus Saxonie Elector*, & *Philippus Hassie Landgravius*, cum denique etiam à Cæsare conscripto exercitu, ad arma deventum; Capitibus alii quoq; *Germania Principes*, præsertim *VVirtembergicus*, & pleræq; li- bere civitates accessere.

Sed



Anē negotiis bellicis Imperator vel Rex ipse interesse debeat? Lips. lib. 5. P. 2.  
lit. cap. 14. Besold. d. jur. belli cap. 7. n. 17.

Sed *Cæsaris præsentia* (quæ multum juvat) virtute & vigilantia, magna & ingens belli moles subito fracta, atq; dissolutis fœderatorum animis, denuò uterq; Dux Saxo & Hesso captus; Ille Electorali dignitate exutus, quæ *Mauritio Saxoni*, Lutheranò licet, sed *Cæsaris*, in domandis rebellibus, socio, collata. Hic aliquamdiu in captivitate, donec satisfaceret mandatis & iussui *Cæsaris*, detentus est. Acta hæc sunt annis [b] & ab *Historicis* [c] eius sæculi quamvis diversimodè aliquando prolixiori stylo notata & conscripta sunt, quæ hoc tempore non ampliùs prosequor.

Inter hæc *Franciscus Gallia Rex* Carolum filium secutus, anno 1547. mense Martio obiit, & filium *Henricum II.* duo de triginta annorum juvenem reliquit; Hic dum turbata Regni negotia disponit, *Cæsar* reliquias belli Germanici, cum *Saxone*, *Hesso*, & aliis componere studet. [d]

Germaniæ rebus nondum planè sopitis bellum inter *Cæsarem* & *Henricum II.* *Gallia Regem* hoc modo exortum est. *Petrus Aloysius Parma Dux*, à sicariis interfectus, *Placentia* inter tumultum à *Cæsarianis* occupata. Qui nuncius *Paulo III.* Pontifici ex mœrore mortem attulit. [e]

*Julio exinde III.* (*Iohannes Maria Montanus* antea dictus) Pontifice electo, bellum *Italicum*, *Octavio Farnesio* auctore, qui nescio, quo metu Gallicum præsidium *Parmam* induxerat, & quia Hispanū præsidium Gallozum ope à *Senensibus* ejectum fuerat, quod *Cæsari*, multo magis *Julio Pontifici* displicuit, inceptum, atq; inter *Cæsarem*, Pontificem & Gallos, ad *Parmam*, & ad *Senas* bellatum est. [f] Hanc rerum novam faciem, & Pacis Crepinensis rupturam Galli novum *Octavio* accidenti adscribebant, nec propterea ruptam pacem asseriebant, [g] quod equidem multis persuasum, nisi levia hæcce, maiora & Christiano orbi duriora sublecuta fuissent, *Henricus* enim *Galliæ Chambortico* fœdere, *Mauritium Saxonem*, *Cæsaris* socium, atque alios Germaniæ Principes acatholicos, ob captivitatem *Philippi Land-graviij Hassiæ*, à *Cæsare* alienos sibi junxerat, ergò *Mauritius*, qui hactenus *Cæsari* fidelis, eius nomine *Magdeburgum* obsederat, pace tali

[b] Anno 1546.

1546. 1547.

[c] *Ludovico*

ab *Avila* &

*Hortensio de*

bello Germ.

*Thuan. hist.*

lib. 3. & 3.

*Sleidan. Com.*

lib. 17. & seq.

*Ulloa in vitâ*

*Caroli V. l. 4.*

Anno 1547.

1548. 1549.

[d] Idem qui

suprà dd. loc.

Anno 1550.

[e] *Turfol. in*

epit. hist. in

*Carolo V.*

Anno 1551.

[f] *Turfol. in*

epit. in *Ca-*

*Carolo V. &*

*Surius rer. in*

orbe gest. cir-

ca ann. 1551.

*Historia Bel-*

*gic. cod. temp.*

[g] *Tarcagno-*

ta d. part. 3.

lib. 5.



De fœdere Chambortico Bodin. de Repub. lib. 5. cap. 6. Thuan. hist. lib. 9. Arumæus ad Aur. Bull. disc. 6. concl. 6. & seqq.

De fœderibus cum diversæ Religionis Principibus. Coler. de Jur. Imper. sect. 76. 77. Patrie in Marte Gallic. lib. 2. cap. 1. & seq.

quali Magdeburgensibus præscriptâ, cum aliis Cæsareas copias contra Cæsarem rerum harum ignarum ducit eumq; inermem Oenoponte ad Italiæ fines profugit. [h] Gallus quoque interea ex fœdere cum Germanis validâ satis manu, in Lotharingiam moverat, Tullo, Viroduno, & Meti ad Germanicum Imperium pertinentibus Episcopatibus & civitatibus occupatis, Argentoratum usq; perrexerat. [i] Quinimò, quod magis deplorandum, Patris Francisci Regis infecutus exemplum, (de quo suprâ cap. 8.) arctiori tamen, quod scribunt vinculo, cum Turcico Tyranno fœdus pepigit, quod quale fuerit, ab eximio quodam Germaniæ Politico [k] pœsteritati relictum est, atque hoc loco inferere placuit.

Anno 1552.

[h] Sleidan.

comm. libr.

23. 24.

Hist. Belg. ad

annum 1552.

pag. 88.

[i] Hist. Belg.

d. loc.

[k] Warem. ab

Erenb. in me-

ditam. pro fœ-

deribus lib. 2.

Anno 1553.

De fœderibus

cum Turcis.

Arumæ. com.

ad Aur. Bull.

discurs. 6. n. 8.

Alber. de jur.

bell. lib. 3. c. 19.

Cacheran. JC.

in terminis

conf. singulari

decision. Pe-

demonst. adje-

ctâ.

Fœdus Solimanni Turcarum Imperatoris, & Henrici II. Regis Francorum Christianis. cognomento, de bello in Italiâ gerendo, contra Carolum V. Imperatorem, maritimo bello, Constantinopoli percussum, Aramuntio Henrici Legato. Solimannus Maximus Imperator, & Henricus Valesius II. cognomento Francorum Rex Christianissimus, de bello maritimo gerendo, contra Carolum V. Cæsarem, quod felix faustumq; sit, his quæ infra scripta sunt verbis, fœdus inierunt.

1. Cum Solimannus Maximus Turcarum Imperator, Henricum Valesium Francorum Regem classe contra Carolum V. Cæsarem, in inferum mare transmissâ, sæpè quidem accersitus, tum verò maximè obnixeq; rogatus integrum propè biennium juverit, placere, ut Henricus Rex reliquorum stipendiiq; nomine, cum primum instructa Turcica classe, tutior ei facta fuerit, ad trajiciendam pecuniam navigatio, millia aureorum nummum CCC. pendat, quæ donec Solimanni classis Præfecto numerabuntur, Henrici Regis triremes ab eâ ne discedant, sed pignori relictæ hujus pecuniæ tanquam Prædes, ac Pignori constitutæ censeantur.

2. Vtiq; Solimannus Maximus Turcarum Imperator, si hæc bonâ fide præstabitur triremes instruens LX. Piraticos myoparones XXV. proximis Maii Calendis in quatuor insequentes menses, Henrico Regi compareret.

4. Vtiq;



4. Vtiq; quæcunq; *Cæsaris naves*, aut *sociorum onerariæ*, *actuariæ*, *biremes* maiores minoresvè à *Solimanni* classe capientur, *Solimanno* *Turcarum Regi* cedant.
5. Vtiq; quas *urbes*, *municipia*, *oppida*, *vicos* ea classis expugnabit, quosq; *cives*, *municipes*, *incolas*, *puberes*, *impuberes*, *mares*, *fæminasq;* capiet; Quicunq; *cives*, *incola Christianam fidem*, atq; disciplinam tueantur, *deditionemq;* faciant, eæ *urbes*, *municipia*, *oppida*, *vici* *Turcis præda*; *cives* autem *municipes*, *incolæ*, *puberes* & *impuberes*, *viri*, *fæminæq;* *mancipio servitutiq;* concedantur; Ita quidem, quemadmodum inter se proximis superioribus, ante verò decem & septem ab hinc annis, optimè cum *Francisco patre*, recteq; convenisset; *Henricoq;* tamen *Regi*, ex hoc supraq; scripto fœdere, *dominium ipsarum urbium*, *municipiorum*, *oppidorum*, *vicorum*, & eorundem *annonâ commeatusq;*, *bellica quoq;* & *ahenea* majora tormenta, cum omni eorum apparatu instrumentoq; relinquuntur.
6. Si *Solimanni* classem *Rex Henricus* non ad occasum, sed *orientem Solem* & *meridiem*, hoc est, à *Truenti fluminis ostiis* ad *Crotonem* contra *Carolus Austrius* navigare ferriq; jusserit, ita demum ea classis *Henrico Regi* sine ullis stipendiis militet, uti cedentibus *Henrico Regi urbium*, quæ captæ erunt à *Turcis*, *municipiorum* paratu, nec non *annonâ*; eæ *urbes*, *municipia*, *oppida*, *vici*, *Solimanni* classi, quod superiori capite præceptum est, *præda*; *cives* verò, *municipes*, *incolæ*, *puberes*, *impuberes*, *mares*, *fæminavè*, etiamsi religionem *Christianam* profiteantur, ultrovè se dederint, *servituti* permittantur, tradanturq;.
7. Vtiq; quocunque *Turcica* classis appulerit, locus is *ultrà continen-*tem, *urbs*, *oppidum*, *municipium*, *vicus*, *portusvè*, vel intrà *mare*, extravè *sinus* sit, à *Truenti* scilicet *limiibus* ad *Hydruntem* atque *Crotonem*, inde *Siciliam* provinciam ac *Neapolim*, & ubicunq; *Quintus Austrius Cæsar* quid habeat, possideat, ea loca, & quæ inciderint *navigia*, si *Turcicæ* classis *Præfeto* è re esse videbitur, nomine *Solimanni Regis* expugnare, diripere, obtinere, *incur-*siones facere, *populari*, *mares*, *fæminas*, *puberes*, *impuberes* in *servitutem* adducere, & in *arbitratu suo* eam omnem *prædam*,



cum urbium & villarum, tum hominum habere sibi, & ea etiam invitos, maximeq; prohibente Franco, frui potiriq; liceat.

8. Vtiq; quandoq; Solimannus, maximus Turcarum Imperator operâ *Ferdinandi Sanseverini* Salernitarum Principis, unam ex quatuor urbibus, cum eius arce, uti verbis conceptis spondit, in *Apuliâ* obtinebit, Solimannus Maximus Imperator CCC. millia aureorum, quæ suprà deberi sibi, persolviq; cavit, quæ tum soluta erunt, illa itaq; Henrico Regi salva atq; integra renumeret.

9. Triginta præterea triremes, earumq; remiges Christianos sine ullâ mercede, nec non tormenta, commeatus, & reliquû omnem apparatus, nautis tantum suis, atq; militibus exceptis tradat. Principi verò *Salernitano*, quod is, hisce procurandis egregiam operam navarit, patriâ quoque, domo & dignitate pulsus sit; huic ergo Solimannus Rex expensâ liberaliter millia nummûm aureorum XXX. quamprimum ferat.

Hæc uti suprà scripta sunt, *Aramontius* Henrici Francorum Regis apud Solimannum Legatus, totidem verbis de more stipulatus est, *solemni jurejurando* addito, Salernitanorum Princeps ad hæc inter-auncius fuit. *Rosthanes Bassa*, ex Solimanni Regis auctoritate, ultro spondit. Acta hæc omnia conventaq; *Byzantij* Calend. Februar. anno 1553.

[A] Arumæ.  
comm. ad Aur.  
Bull. discurs. 6.  
n. 3.

Anné Mauritius citra perfidiæ notam à Gallico fœdere discesserit? Heig. part. 1. quæst. 11.  
Arumæ. d. disc. 6. Joh. Friderich. Brand. in Viadicis Mauritan. contra Bodin. de Rep. lib. 5. cap. 6.

Verum *Mauritius Saxo*, cum id quod vellet, se affectum cerneret, à Gallico fœdere discessit, id tamen effecit, eoq; *Cæsarem* adegit, ut *Passaviensem transactionem* Pacis religiosâ in Germaniâ initium *Ferdinando* fratre Romanorum Rege interveniente, facere & inire necessum fuerit. Transactionem *Passaviensem* mox insequuta est *Augustana Pacificatio*, in causis religiis & Politicis omnium celeberrima. [m]

de compos. pacis contra Syring. de Pac. relig. concl. 15.

[m] *Recessus Imp.* de anno 1555. *Sleidan*, hist. lib. 25. & seqq.

Gallia



Gallia autem Rex (quod diximus) Episcopatibus finitimis occupatis, & Protestantibus Germaniæ religionis libertate procuratâ, retrocessit, Germanorum cum Encomio, quod tale fuit:

*Turpe quidem dictu, sed si modo vera fatemur,*

*Gallus amicitias, utilitate probat.*

Uterius progressus fuisset, ni Cæsar Henrici conatibus obstisset, ad Flandriæ enim confinia ingentem exercitum duxit, Metim sed irritò conatu obsedit, ob injuriam enim temporis, obsidionem solvere coactus fuit, ex quo Galli jocose in Cæsaris Symbolum *Plus ultra*, Metim actionum suarum metam, quam transgredi non licere, dixerunt. Nunquam autem Cæsar in totâ vitâ fortunam sensit magis adversam & contrariam, quàm in Mauritaniâ, Magdeburgensi & Metensi obsidione, locis à lit. M. incipientibus, ad quod etiam alludunt sequentes Versus:

*Ni Metz, ni Mauritz, ni Mauritania, ni Magd.*

*Ni Mors, quid multis? fueram per singula felix.*

In Hetruriâ quoq; inter Cæsarem & Henricum Regem armis concertatum fuit, [o] atq; hæc in annis [p] gesta, nondum tamen omnia peracta fuere.

Trahebatur enim adhuc ingentibus Europæ motibus ferale bellum, inter Carolum Quintum Imperatorem, & Henricum II. Gallie Regem, scribit Famianus Strada [q] ad quem cum hæreditate transierant parentis iræ animiq; , quum Maria Angliæ Regina, ubi primùm nupsit Philippo Hispaniæ Principi, de pace sedulò agitare cepit, eiusq; operâ anno 1555. missis Caletum Cæsareis, Regiisq; Procuratoribus, si non Pax, uti sperabatur, certè quinquennialium induciarum fundamenta posita sunt. Poli Cardinalis studio negotium hoc pertractatum, qui ad Cæsarem Galliaq; Regem profectus, eos de Pace, multis in medium allatis rationibus seriò & vehementer adhortabatur, atq; Angliæ demum Reginæ Mariæ mediatrix consilio & auxilio, res eò deducta est, ut inter Caletum, Ardeam & Gravelinum, Anglica, Gallica, Burgundica ditionis oppida, velut in triangulo posita, locum idoneum & succum in mediâ planitie deligi juberetur, & excavatis circum fossis, quatuor ibidem domicilia constructa, temporanea quidem, sed tamen expolita & accommodata. Ad eum locum Maii die vigesimo

tertio

De jure Gal-  
lorū in eusm.  
Episcopatus  
Thuan. hist.  
lib. 11. & 37.

[o] Alphonf.  
Ulloa in vitâ  
Caroli V. lib. 5.  
Thuan. hist.  
lib. 9. 10. 11.  
Sleidan. com.  
lib. 24. & seq.  
[p] annis 1553.  
1554. 1555.  
[q] Strada de  
bello Belg.  
lib. 1.



Anno 1555.

[1] Sleidan.  
comm. lib. 26.  
Thuan. hist.  
lib. 15.  
Anno 1556,

Induciz quin-  
que annorum.

[6] Thuanus  
hist. lib. 17.  
Sleidan. l. 26.  
Hist. Belgic.  
circa an. 1556.  
pag. 131.

tertio Legati anno 1555. convenère, à Cæsare quidem inter alios *Atrebatensis* Episcopus, à Gallia autem Rege *Lotharingia* Cardinalis & *Connestablinus*; Ab Angliâ Pacificatores aderant *Polus* Cardinalis, Comes *Arundellus* &c. Sed quia in litem veniebant, *Mediolani* Principatus, *Burgundia*, *Sabaudia*, *Pedemontium*, *Corfica*, *Navarra*, *Lotharingia*, *Lucenburgicus* ager, *Tullum*, *Virodunum*, *Metis* &c. re diu multumq; disceptatâ, nullâ re perfectâ discessum fuit. [1] Sed anno sequenti, interventu prædicti Cardinalis Poli, qui Mariæ Anglicæ nōmine, quasi *Sequester* de pace agebat, urgebatq; , dum Pax, atq; antiquarum controversiarum plenaria compositio desperabatur, de induciis in aliquot annos peragi cæptum est. Ad hoc negotium Cæsaris & *Philippi* filii nomine, *Carolus Lalanius* Comes, *Simon Renardus* & alii missi. Pro Rege Gallie *Caspar Colinius* maris Præfectus & *Sebastianus Albaspinus* libellum supplicum magister. Qui sub anni initium juxta *Cameracum* in cœnobio, cui *Valuechlis* nomen, congressi, post longas altercationes tandem in hæc pacta convenère, ut terrâ mariq; tam in Belgio, quàm per *Italiam* & alia loca utriusq; Regis ditioni subiecta, inducia in quinque annos essent, quibus ab annis utriusq; abstineretur, Possessionem interea quisq; eorum, quæ belli tempore occupaverat, retineret. His comprehensus ab utrâq; parte Pontifex, exclusi à Cæsare *Neapolitani* & *Siculi* exules, comprehensus & fuerat à Rege *Albertus Marchio Brandenburgicus*, sed postea convenit, quod citra Imperii præjudicium, quod ab utrâq; parte comprehensum fuerat, induciarum beneficio uti non posset, nisi prius revocatâ proscriptione ipse Imperio reconciliaretur. [3]

*Carolus Cæsar* jam rerum humanarum tædio, evocato ex Angliâ *Philippo filio*, quam Regnorum Imperiique abdicationem dudum animo meditabatur, exequi tandem, ac magnâ orbis terrarum parte spoliare ipse se statuit, editurus ignotum Principum aulae prodigiū, ut, quum posset, imperare desisteret. Imperij ergo Coronam, Sceptrumq; *Ferdinando Fratri*, multis ante annis Regi Romanorum creato transmisit, per *Guilielmum Orangii Principem*. *Philippo* verò filio, Regna & Provincias hereditarias, extra Imperium sitas, cum *Burgundicis* tamen & *Belgicis* resignavit, quibus ex causis, & quâ solennitate id factum, ac quomodo Cæsar in Hispaniam navigaverit, *S. Iusti cœnobium*



bium ingressus fuerit, & quæ circa hæc memorabilia inciderint, elegantissimè describit *Famian. Strada*. [t] Sed nondum exacto anno induciæ hæ violatæ sunt, culpâ ab Hispano in Gallum, & Gallo in Hispanum rejectâ, [u] de novo enim, tum in Italiâ, cum in Belgio inter partes concertatum fuit. *Paulus* quippe IV. Pontifex à Cæsare alienatus, in *Hispanos* tanquam suspectos impetum fecit. Itaq; M. Antonio Columna fortunis everso, Iohannem Montorii comitem fratris filium Paliani Ducem appellat. Mox accitis è Franciâ auxiliis, de Neapolitano bello agitare cæpit. Dux ergo *Albanus*, multis Campaniæ oppidis ac Latio potitus urbem obsidet. At Pontifex Petri Strozzia ductu, amissa magna ex parte recepit, Galli verò Guisio Duce Regnum Neapolitanum sed frustra tentârunt; [w] è contrâ *Philippus*, dum nimia quâdam confidentiâ, vel temeritate, Gallos neglectâ patriâ, alienum appetere Regnum, & ad Neapolim, Mediolanumq; simul adspirare, animadverteret, valido exercitu, ex propinquo Belgio in Franciam contendebat, quo sic hostium audaciam frangeret, & comperto *Sanquintinum*, quò præcisè respiciebat per exiguo præsidio teneri rectâ ad eundem locum movit, circa quam urbem loco per metatores castris delecto, suburbano occupato, nec non propugnaculo flumentano, quod erat in adversâ ripâ, potitus Sabaudus, pluteis dispositis, tormentisq; admotis obsidionem adornavit, Galli ut eam obsidionem dispellerent, totis viribus laborârunt, sed dum id agunt prælio occasionem dedere, quod ipsis contrarium, ita ut ad *Sanctum Quintinum*, Franciæ nobilitatis florem cecidisse, nec illustriorem victoriam, Austriacam domum ex Gallis sibi peperisse, *Historici* [x] scribant. Vrcunque verò *Henricus Rex Gallia*, cum ex prælio hoc adverso, sibi suisq; magnum periculum impendere, prævideret, Guisum Ducem ad se ex Italiâ revocaret, armatoq; ingenti exercitu, Hispanorum ex victoriâ *Sanquintianâ* conceptam lætitiâ interturbare conaretur, atq; multa ad Caletum aliaq; loca maritima moliretur, ad eas tamen extremitates demum redactus est, ut quam fortunâ blandiente respuerat pacem, geminârâ intra annum clade, cæsis veteranis cohortibus, & quod caput est, captâ plerâq; Regni nobilitate, hoc est Gallicæ militiæ robore, non illibenter complexus sit. Et Philippus Hispaniarum Rex, Caleti ad

H

Galliæ

[t] Strada de  
bell. Belgic.  
lib. 1.  
Histor. Belg.  
ad ann. 1556.  
[u] Strada d.  
decad. 1. lib. 1.  
in Philippo 2.  
Anno 1557.  
1558.

[v] Turfolim.  
in epit. hist.  
in Carolo 5.  
Histor. Belg.  
pag. 133.  
Auxil. & mul-  
tationes inter  
Henricum &  
Philippum Re-  
ges controversia  
de præceden-  
tiâ hisce tem-  
poribus reno-  
vata; de quâ  
Vasquius in  
præf. illust. cō-  
trov. Chop-  
pin. de doman.  
Franc. lib. 3.  
cap. ult. Jacob.  
Valdesi tract.  
pecul. de di-  
gnit. Hisp. in  
procem.

[x] Turfolim.  
d. loc. in Ca-  
rolo 5.  
Histor. Belg.  
pag. 137. cum  
seqq.  
Thuan. hist.  
lib. 19.



[y] Strada d.  
decad. 1. lib. 1.

Pacificatio 17.  
Cameracensis  
seu Cambre-  
siensis de anno  
1559. 3. April.

[z] Hist. Belg.  
sæpè allegata  
pag. 182. cum  
seqq.

Tarcagnola  
d. lib. 3. p. 7.  
Ulloa d. lib. 5.  
in fin.

Amnestia.

Gallia Regnum accessione commotus, simul alternas belli vices ex-  
pertus, eandem pari studio susceperit. Ita enim usu plerunq; eve-  
nit, ex collis fractisq; nubibus serenitas prodit. Et spes nunquam major  
affulget pacis, quàm quùm seridè bellum geritur, satiata nimirum aut fesi-  
sà per cædes irâ. [y] Accessit etiam, quod pacem maximè promo-  
vebat, Mors Caroli V. Imperatoris in Hispania, & Maria Regina Angliæ,  
Philippi II. Hispaniarum Regis conjugis. Ergò ad Pacis tractatus  
Regum deputati in urbe Cameracensi, seu, ut variant Scriptores (de  
quo paulò post) in Castello Cambresienfi conveniunt, quæ demum  
post longam disceptationem, Christierna Lotharingicâ promovente,  
aperiente se vere mense Aprili, in hunc modum confecta & conclu-  
sa est, referentibus ita diversis Scriptoribus [z] cum quibus confor-  
mes sunt Pacificationis hujus articuli eodem anno Germanicè Dil-  
lingæ impressi.

1. Primò omnium, ne acta conventaq; majorum ullâ ex parte tantillum  
rescindantur, sicuti Reges ipsi biennio ante corroborassent, ni  
nova hæc pactio secus speciatimq; statueret.
2. Ut inter Reges, Regios liberos, atq; omnem posteritatem fraternus  
sit amor, mutuum studium, benevolentia, officium, charitas, di-  
lectio, societas, itaq; in universâ generatim Republicâ, pax una  
constans & perpetua, quæ nihil habeat insidiarum, sive domestica-  
rum, sive peregrinarum, sic uti nullâ in re sese mutuo deinceps  
per conventicula aut sodalitates Europæas, Christianorumve, vel Asiati-  
cas Turcorum ac Barbarorum defraudent.
3. Fidem auctoritatemq; interponant Reges, quam primùm con-  
vocando, habendoq; cùm in honorem Dei optimi maximi, tum ad  
salutem Reipub. Christianæ ac tranquillitatem civitatum Oecumenico  
seu universali Concilio.
4. Vtrivis subiectis populis aut clientibus, quocunq; illi tandem ordine  
ac conditione essent, sive sacris initiati, sive profani, & quamlibet ab-  
acti seu proscripti, aut adversum Dominos rebellionē intentata con-  
surrexissent, aut contra Patronos bellum armaq; gessissent, deser-  
tam liceat adire hereditatem, & possessionem statuum bonorum  
cernere, quæ aut Fiscus Regius sustulerat, aut hasta in foro posita,  
acerbæ voci præconis Prætor subiecta vendiderat, exceptis ab  
hâc



hâc liberalitate Regiâ illis, qui è Sicilia, Neapoli atque ab Insu-  
bribus exsulabant.

5. Ut veluti alterna damna præstando, toto octennio, bello aut alio quovis modo usurpatas civitates invicem reddant. Particularim verò Franciæ Rex, Divodurum, Marianum, Ivosium, Danvillerium, Moncedium, Belgica municipia, & Valentiam in Ducatu Mediolanensi, unâ cum castris, oppidis, arcibus, locisq; omnibus, quæ ille cis, transvè alpes occupasset (eaq; omnia salva atq; integra, præter unum Ivosium, quod mœnibus nudet, ad compensationem everse Teravane) Philippo restituat. Contrâ Philippus cedat Augustam Verumandorum, Castellum, Hanensem arcem, cum ditione universâ.
6. Philippus possessum eat, Comitatum Carolatem cum Hesdino, & toto eius gentis statu.
7. Delphinus Franciæ eo ipso temporis puncto, quo promulgatio hujuscè pacis fieret, usucapiat Crepacorium cum subjectâ ei ditione, citrà tamen præjudiciû Cruningij Toparchæ, qui præsumptâ opinione, id juris sibi arrogare videtur.
8. Cùm ad corroborationem, fundamentum, stabilimentumq; æterna pacis, tùm ad veram, sinceramq; amicitiam, reconciliationem, injuriarum superiorum oblivionem, simulratum obliturationem, discordiæ extirpationem, ceu indissolubile affinitatis vinculum, Philippus Isabellam filiarum Franciæ Regis majorem natu (quantumvis ea puella undecennis esset) dictâ dote quadringenties mille aureorum, uxorem ducat.
9. Franciæ Rex, Sabaudia Ducî, ex quo deturbatus jam pridem bello fuerat, Statum citrà ultravè alpes de integro restituat, præter Taurinum civitatem, Pinarolium, Chivassium, Chierum, Villam novam Astenensem oppida, quæ triennio sibi reservaret, Pignoris loco, interea dum lege in eam rem cognosceretur, jureq; municipali ac justis judiciis definiretur, ad utrum litigatorum ex æquo & bono, controversa jam pridem pertineret hæreditas, eâ conditione, ut Philippus contrâ, ex nepotis ditione Astam coloniam retineat, & Vercellas, quousq; Villam novam illam modò commemoratam Rex Franciæ habeat.
10. Alterutrius partis ne sit Sabaudus, ei nubat Margarita soror Regis

H 2

Fram-



Franciae, quæ præter dotem tercenties mille aureorū Ducatu *Barrensi*, dum superesset, utatur, fruatur.

11. Excedat *Francia Rex* locis omnibus, quæ ipse *Senensis* ditionis in *Herruriâ* usurpasset, indidem præsidia, stationes, custodias, vigiliasq; educeret, eâ lege atq; conditione tamen, ut cum *Montealcino*, & patriciis eius civitatis, Magistratui *Senensi* obtemperatoris universè crimen condonetur.
12. Restituat itidem *Francia Rex*, *Liguribus*, seu *Genuensibus*, quicquid ipse *Corfica* insulæ invasisset, modò *Ligures* civibus rebellionis pœnam remittant, qui contrâ patriam sub *Gallis* militaverint.
13. Reddat arcem *Bullanam*, & si quid aliud eius ditionis obtineret, *Eburonum Antistiti*, reservato nihilominus negotio *Sedanensi*.
14. Maternæ dotis debitione *Maria Lusitana* Infans ne deinceps torqueatur.
15. *Philippus* Domine *Totivillanæ*, Comitatum *S. Pauli* restituat, excepto tamen jure clientelari, quod à Regibus ambobus supra eâ ditione, multis rationum involucris obtenditur.
16. *Mantuanorum Duci* restituat uterq; quicquid municipiorum ipsi *Monferratensum* subtraxissent, sic tamen ut in arbitrio amborum esset, atq; in voluntate liberum relinqueretur, sive moles, sive munitiones abs se illic ædificatas exstructasq; demoliri, nec ne.
17. *Francia Rex* prior conventa exequatur, trimestriq; restitutionem universam expleat, indicatumq; faciat, quo præstito, *Philippus* uno mense fidem suam liberet, promissis faciat satis, obsides det quatuor, quos *Francia Rex* arbitrato suo optasset, nominatimq; delegisset, putà *Albanum*, *Barocum*, *Auriacum* & *Egmondanum*.

In hujus fœderis ac societatis partem veniant *Roman. Pöntifex*, *Imperator*, *Septemviri Principes*, & civitates *Germaniæ*, *Romano* subditæ Imperio. Complectatur pax eadem Reges *hoscæ*, *Polonum*, *Danum*, *Suecum*, *Scotum*, unâ cum *Reginâ Britannia*. Respub. item cùm *Venetam*, tùm *Helvetiorum* ac *Rhetorum* superiorum societatem. Duces *hoscæ*, *Florentinum*, *Lotharingum*, *Sabaudum*, *Ferrarium*, *Parma* & *Placentiæ*, *Vrbinate*, *Genuenses*, *Lucenses* &c.

[aa] Strada de  
bell. Belg. de-  
cad. 1. lib. 1.

Mentionem quoq; facit hujus Pacificationis *Famianus Strada* [aa] hisce verbis: Accessere & nuptiæ firmamenta fœderum, man-  
sura



fura tamen inter Principes, quamdiu annuerit *dominandi cupido*, cui plerunq; tenaciùs nubunt Reges. *Philippo* (defunctâ superiori anno *Mariâ Angliæ Reginâ*) uxor oblata est ea, quæ *Carolo Hispaniæ Principi* pacta erat, *Isabella* Henrici Regis filia undecennis, quam quia ortus eius in tempus incidit pacis cum Anglo initæ, & nuptiæ occasione Pacis cum Hispano celebratæ sunt, *Principem à Pace* cognominavere. Simul Henrici sororem *Margaritam Emanuel Philibertus Sabaudie Dux* uxorem accepit, unâ cum urbibus, quibus illum, patremq; trans alpes ac citrà, *Franciscus Primus & Henricus* ipse spoliaverat.

Nonnihil etiam de hac pace agunt *Iacobus Augustus Thuanus*, ac *ICti Cravetta, Alexander Raudensis, Iacobus Menochius*. [bb]

Adjicere etiam libet, quod ab Auctoribus diversimodè traditur, Pacificationem hanc factam esse *Cameraci*, ab aliis *Cambresii*, seu in *Castello Cambresi*, declarationem seu potius descriptionem utriusq; loci, ex *Guilielmo Cambdemo*, [cc] ubi tradit Castellum Cameracense, (*Chasteau in Cambresi*) parùm ab urbe Cameraco abesse, atq; ibidem quoq; *Elisabetam Angliæ Reginam* eodem anno cum Gallia Rege transigisse, ex quo patet faciliè civitatem cum castello, & hoc cum illâ confundi potuisse.

Sed claudat hoc caput infelix *Henrici Gallia Regis* exitus, qui in ipsis nuptiis eodem anno *Parisis* celebratis accidit. Nuptiarum hilaria (scribit *Strada* [dd]) nunquam profectò Gallia peregit funestiori catastrophæ. Inter alios apparatus, equestris decursio indicta est, (*Hastiludium* vocant) atrox enimverò voluptas, speciosumq; periculum, quo nec ludere credas, qui sic præliantur, nec præliari quidem ludunt, gratum tamen Gallis, ingenuumque spectaculum, quippè audenti bellicæq; nationi. Iamq; hippodromo in theatri speciem superbè constructo, ac flore hastatorum equitum referto (namq; ad huiusmodi ludos totius Europæ hastas Gallia provocaverat) uno alteroq; die Rex ipse decurrerat, palmari semper laude. Eoq; gloriosior dum postridiè, repetito tertium campo, contra suorum preces, cum *Prætorianæ cohortis Præfeto* (*Gabriele Comite Mongomerio*) galeâ præproperè non satis oclusâ congre ditur, ab adversæ hastæ fragmento apertam bucculam irruente, transfosso dextero oculo, ictoq; inde cerebro, *inspectantibus Reginis Regiûq; libe-*

[bb] Thuan.  
hist. lib. 22.  
Cravett. conf.  
685.

Raudens. de-  
cif. 42.  
Menoch. de  
arbitr. jud.  
lib. 2. c. 302.  
Idem vol. 1.  
conf. 104.  
[cc] Cambd.  
rer. Anglic.  
lib. 1.

[dd] Strada d.  
lib. 1. Eadem  
habet Histor.  
Belgica.  
Thuan. hist. d.  
lib. 22.



ris infelicem ludum illicò exanimatus &c. quintoq; post die Princeps juxta bellicosus ac prudens, decessit. Reliquit autem *Franciscum* filium juvenem quindecim annorum Regni successorem, cui quod scribit *Tarcagnota*, observantiam pacis commendarat. At *Philippo Hispano* hoc gloriosum fuit, quòd sub Regno Regis juvenis, eoque nonnihil turbato, & ipse Pacem hanc nunquam ruperit, idem *Tarcagnota*, quâ de re capite seq.

## CAPVT DECIMVM.

*Refert, quæ hinc inde, tum in Galliâ atq; Hispaniarum Regnis, cum etiam in Imperio & Belgio ab anno 1560. ad presens negotium spectantia, notatu digna inciderunt, & in specie agitur de Pacificatione Vervinianâ de anno 1598, quæq; præterea ad hac usq; tempora insecuta sunt, summarie & partim remissivè.*

Anno 1560.

1561.

1562.

1563.

**F**ranciscus II. Gallie brevis Rex, vix enim biennio Regno præfuit, successorem habuit fratrem *Carolus IX.* undecim annorum, horum tempore, ab infelici Regis *Henrici* casu, contemptâ tenerâ Regum ætate, Christiana res in *Franciâ* ruere cepit, utcunque enim grassante per *Germaniam* Lutheri doctrinâ, incolumem se aliquandiu servasset *Gallia*, anno tamè hujus sæculi sexagesimo secundo & tertio, per aliquot novæ doctrinæ præcones Calvinisticos tentari primùm capta, atq; ab illustribus personis adjuta, tantas egit radices, ut in sanguinolentum bellum demum proruperit, quam ob rem ad *Gallicos Scriptores* eiusdem tempestatis me remitto. Quâ certè occasione *Philippus Hispaniarum Rex*, si voluisset, vel ruptâ, vel sepositâ quodammodo Pace, à prædecessoribus, præsertim *Francisco I.* & *Henrico II.* Regibus violatis fœderibus, illatas injurias, quod *Hispani* dicunt, ulcisci potuisset, sed tam sanctè illam servari voluit, ut præterea etiam quicquid auxilii *Gallus Rex* contra rebelles *Gallos* peteret, ultrò mitteret. (a) Quod nec *Galliæ* Regibus addictissimus *Historicus* (b) ex *Gallico* in *Latinum* translatus, diffretur, dum ita scribit: Licet multorum esset opinio Regem *Hispaniarum* ex æmulatione & magni-

(a) Strada de bell. Belg. dec. 1. lib. 3.

(b) ex *Gallico* in *Latinum* translatus, diffretur, dum ita scribit: Licet multorum esset opinio Regem *Hispaniarum* ex æmulatione & magni-



magnitudine suâ facilè contra Franciam moturum iri, non aliter quàm scintilla, flatu leni adjuta ignem suum explicat, nunquam tamen visum fuit prioribus bellis civilibus (id est sub *Francisco II. & Carolo IX.*) Hispanum vel se miscuisse, vel illis qui sub prætextu libertatis Regi se opposuerant, favisse, quin imò subito post *Ambrosianam* conspirationem Galliarum Regi sufficiens auxilium, etiam vitam ipsam, ad sedandam seditionem, promissit.

Verùm dum Francia pacatur, *Flandria* eodem modo, sub prætextu libertatis concitari cepit. *Dux Albanus*, supplicio de *Comite Egmondano*, cæterisque conjuratis sumpto, multorum odia incurerat. Princeps ergò *Auricus* Saxonis aliisque auxiliis *Flandriam* infestat, *Zelandiam* & *Hollandiam* occupatis, proxima quæque loca tentabat. Progressum *Belgici* Scriptores, iiq; varii ex diversis judiciis notârunt, quæ hoc tempore cum ad institutum non faciant, prætermittimus, ordinis tamen causâ, & quia in posterum horum motuum, mentio fieri posset, tangere volumus. Idq; eò magis, cum, quod *Strada* (c) summo judicio notavit, motus eiusmodi *Gallicos & Belgicos*, sive originem causamq;, seu etiam auctores, & modum spectes, omninò perfimiles esse, atq; ita non nisi uno remedio sopiri sanariq; posse. Verba comparationis hæc sunt. Tantum armorum, turbarumq; excivit hæreticorum libertas, Procerum fovit ambitio &c. Vtrobique (in *Gallia & Belgio*) conatus, utriusq; aulae dissidia. *Hugonotorum* illic (in *Gallia*) hîc (in *Belgio*) *Geusiorum* nomina, fortuitu nata, atque inter turbas, *Cardinalem Lotharingium*, cum *Cardinali Granvillano*, *Condeum* cum *Orangio*, *Mediceam* (Reginam) cum *Austriacâ*, consimiles nobilium conspirationes, paria Regum edicta, geminas sacrarum ædium atque urbium direptiones, eadem fermè omnia, nempe ex iisdem causis, nisi quòd arma celerius à *Gallis* sumpta, pertinacius à *Belgis* & perniciosius retenta; hæcenus *Strada*. Cæterum quibus conditionibus & Pacificationibus, bellum hoc *Belgicum* à primordio per *Cæsares*, Reges & Principes sopiri tentatum fuerit, hoc tempore referre, extra institutum esset.

*Carolus IX. Rex Franciæ* cum fuisset Rex annis 13. turbatâ adhuc *Galliâ* vivos reliquit annò 1574. *Henricus* eius nominis tertius, *Dux Andegavensis*, jam antè à *Polonis* in Regem ascitus, & coronatus, intellectu

(b) Petr. Matthæ. de bell. inter Franc. & Hisp. Reg. pag. 25.

De motibus Belgicis, diversimodè scribunt, *Meteranus*, *Connestagi*, *Burgundus*, *Guicciardinus*, *Strada*, *Vernulæus* &c.

(c) *Strada* d. lib. 3.

Annò 1574.



Anno 1585.

Anno 1589.

(d) Turfolin.  
in epit. histor.  
lib. 10. in Im-  
peratore Ru-  
dolpho II.

(e) Bocalin. in  
lapide lydio &  
pleriq; Galliar  
Historici.

(f) Continuat.  
Tarcagnotæ  
in hist. univ.  
part. 5. lib. 10.  
Anno 1594.

Anno 1598.

intellectâ fratris sui, Regis Caroli morte, cui ætate proximus erat, ideoq; Regnum Francorum successionis jure ad se spectare sciret, convocatione *Statuum Regni Polonia* non expectatâ, comitatus duobus domesticis Gallis, intempestâ nocte, equorum incitatissimo cursu, ex urbe primariâ *Cracoviâ* evadit in *Franciam*, Rexq; Francorum eodem anno coronatus est. Qui miserrimum Galliarum statum invenit, deteriorem reliquit. Demum nescio quibus consiliis & rationibus *Guisium Ducem* per insidias interfici curavit; Cardinalis etiam *Guisus* eius jussu necatus est; *Borbonius* verò Cardinalis Archiepiscopus Lugdunensis, *Dux Nemoricensis*, aliiq; Proceres in custodiam dati, & quid amplius? cum *Rege Navarre* societatem iniit, *Parisos* à se deficientes circumfedere parabat, quo tempore à Cœnobitâ Dominicanò percussus, Regno, vitâq; exiit anno hujus seculi 1589. moriens *Regi Navarre* Franciarum Regnum per manus tradidit. Ab eo deinde *Lutetia Parisiorum* acriter obfessa. Ventum erat ad ultimum inopiæ, periculiq;, cum *Farnesius Dux Parmensis* opportuno adventu obfessionem solvit anno 1590. (d)

Cur verò etiam contra Henricum Regem Philippus Hispaniarum Rex *Ligæ Catholicæ* in Galliâ auxilium miserit, idq; postea contra *Henricum IV. Navarream* continuârit, varia fuerunt, & adhuc sunt hominum judicia, notum est quid *Traianus Bocalinus* (e) atq; alii suspicentur, è contrâ sunt, qui pro *Philippo* rationes allegant: 1. *Religionem* periclitari. 2. *Navarream* eius esse hostem, atque hâc occasione Regnum Navarræ, contra Pacificationes superiores prætereendere. 3. *Belgis* suis rebellibus, ex Franciâ non clâm, sed apertè auxilia submitti. 4. Causam eandem *Francos Belgasq;* fovere. 5. *Catholicos* ubivis pati, & *Galliarum* Regum culpâ huic periculo subjici. 6. Hoc modo *Galliarum* Regnum non solùm ab avitâ religione & fide deficere, sed etiam futurum, ut Regem haberet A catholicum, & si quæ sunt alia. (f)

At *Henricus Navarreas*, tùm quòd Catholicam religionem amplexus, cùm etiam quòd *Galliarum* Proceribus & populo placeret, *Galliarum* Rex eius nominis *quartus* proclamatus, hostilia quæq; contra Hispanum continuavit. Et quamvis *Pontifex* compositionis media variis tentasset modis, nihil tamen effecit, donec tandem, summâ *Clementis 8. Pontificis* curâ anno 1598. 6. Maii hoc modo inter utrumque Regem



Regem Henricum IV. Gallum, & Philippum II. Hispanum conventum fuit. Pacificationem hanc, post alios refert *Marta Neapolitanus*. (g) Cùm Gallia & Hispaniarum Regna, Germania inferior, Anglia, & Sabaudia Ducis ditio, ex præteritis bellis maxima damna contraxerint, nemo ignorat Sanctissimum Pontificem Dominum Patremq; nostrum Clementem VIII. cognito ex ipsorum Regnorum excidio, communis Christianæ Reip. hostis incremento patrio amore ductū, nil intentatum reliquissē, quo per nuntium apud Catholicum Regem permanentem, amplissimumq; Florentiæ Cardinalem suum, ac sanctæ sedis Apostolicæ legatū, apud Christianissimum Regem, eos ad pacem hortaretur, quousq; ad eam ritè atq; ex animo faciendam induceret. Hinc piis summi Pontificis admonitionibus ducti, quo debitum honorem Deo tribuerent, ac populum amore teneri se ostenderent. Præpositis ad eam rem agendam, pro Rege Christianissimo, illustrissimis viris Pomponio de Belieure equite, &c. Nicolao Brulart equite &c. Ac pro Catholico Rege, serenissimo Principe Alberto Cardinali Austriæ Archiduce, Iohanne Ricardot equite &c. Iohanne Baptista de Salsis, & Ludovico Vereichen &c. iisq; summā de rebus jam dictis auctoritate ab iisdem Regibus tradita, quod Deo sit gloriæ, totiq; Reipublicæ Christianæ saluti, ad firmandam pacem, ut infra, convenerunt.

1. Servanda esse pacta ab iisdem Regibus infra describenda, prout in pace nunc iterum confirmatā, in oppido *Cambresi* sive *Camera-censi*; cap. antecedenti; anno 1559. inter Henricum II. gloriolæ memoriæ & Philippum Catholicum Regem inita, cuius nihil immutetur præter illud, cui pax præsens refragatur.
2. Post huius conventionis diem, mox esto bona, tuta, stabilis ac perpetua Pax, fœdus & amicitia inter hosce Reges, eorum natos, & nascituros hæredes & successores, eorumq; Regiones ac subditi fraterno se amore colunto, mutuū rerum omnium incrementum pro viribus perquirendo, omnem sibi met ipsius causam damni inferendi vicissim fugiento, nemini quâvis apertâ vel fictâ ratione, in cuiusvis eorum jacturam favento, finem cuiusvis dissidiorum generi imponunto, omnia fœdera quovis modo cum aliis habita, quæ utriq; eorum detrimentum essent allatura, huius pa-

(g) Marta.  
tract. de iuris-  
dict. part. 1.  
cap. 10.  
Pacificatio 8.  
Verviniana de  
anno 1598.  
6. Maii.



ditionis vi ac robore, pro irritis habento, gravi eos pœnâ puniunt, qui terrâ marivè, seu quâvis aliâ ratione iis adfuerint, qui damnum cuiusvis eorum Regum moliantur.

3. Amborum Regum subditi (legibus moribusq; Regionum servatis) ubiq; vivere, versari, manere, ire, discedere possint, sive mercium, sive aliarum rerum causâ, terrâ mariq; ubi ipsi Reges dominantur, habitâ tamen vectigalium ratione.

4. Litteræ ad interceptum missæ non valeant, neque aliæ concedantur, nisi in eos, qui hanc pacem non servaverint, vel ubi jus locum non habeat.

5. Totius Flandria ditionis subditi, atque incolæ, aliæ provinciæ, ac Regna, sub Hispaniarum Rege, privilegiis, ab aliis Gallia Regibus concessis, fruuntur. Quiq; Francorum Regi parent, itidem ab Hispanorum Regibus privilegia concessa retineant.

6. Si Catholicus Rex testamento, munere, assignatione vel aliter quovis nomine donet, cedat aut transferat Serenissimæ Isabella primogenitæ suæ, vel aliis omnes Germaniæ inferioris provincias, & Burgundia & Carolis Comitum ditiones, omnes in hoc fœdere esse debeant, prout erant anno 1559. Ipsaq; serenissima eius filia vel alius, in quem Catholicus Rex, ut suprâ has ditiones contulerit, hâc pace fruatur, nullo alio negotio accedente.

7. Tàm Ecclesiastici, quàm Seculares, sub utriusq; Regis Imperio, ad sua munera ac beneficia revertantur, licet inimicis inservierint, dummodò ante mensis Decembris finem anno 1588. eadem fuerint consecuti (iis exceptis, qui ritè Ecclesiis fuerint præpositi) neq; immobilium bonorum fructus repetantur, quæ usq; ad diem, quâ fœdus hoc prodierit, fuerint occupata, neque ut ere alieno leventur, in quod his de causis ad dictam diem inciderint.

8. Redeat quisvis horum Regum subditus, in suorum immobilium bonorum possessionem, solitisq; fruatur fructibus, nullâ impediende donatione, concessione, declaratione, aut publicatione jam factâ, neq; civilibus, criminalibusvè causis, quod apud adversarios fuerit, requiratur, si aliam non accusetur ob causam.

9. Qui ab utrisq; Regibus fuerit beneficia consecutus, quorum collatio ad ipsos pertineat, iisdem fruatur.

ro. Alex

De quo cap. 9.  
Pacif. 17.



10. Alter eorum Regum, vicissim alteri, quod post annum 1559. occupavit, restituat, imprimisq; Rex Christianissimus reddat Catholico Regi Comitatum *Carolois*, quodq; ad ipsum pertineat, intra duos menses post hoc initum fœdus.
11. Catholicus Rex reddat Christianissimo præsidia, post tractatum Cameracensem occupata, & præsertim *Calais*, *Ardres*, *Dorlens*, *Castellet*, *Chapelle*, *Monthulin*, *Blavet*, & quicquid in *Belgio*, *Armoricisq;* civitatibus caprum ab eo fuerit.
12. Duobus mensibus post diem compositæ pacis, restituantur *Calais*, *Monthulia*, *Dorlens*, *Chapelle* & *Castellet*, nullis horum oppidorum mœnibus dejectis, neq; repetitis sumptibus ad muniendum, aliamq; ob causam factis, primumq; *Calais* & *Ardres* restituantur. Reliqua verò tempore jam præscripto.
13. Tribus post initum fœdus *Blavet* restituatur, deicianturq; si Catholico Regi videbitur, mœnia.
14. Datur Catholico Regi, ut per suos tormenta, pulvis, pilæ, arma, commeatus, aliæq; munitiones exportentur, quæ in iis præsidiis ab eo collatæ invenientur, iis relictis, quæ in ipsorum expugnatione fuerint inventæ, secumq; milites impedimenta sua efferant, quæ tamen civibus, oppidanisq; non abstulerint.
15. Christianissimus Rex, naves militibus Hispanis præsidii *Blavet*, curabit, quibus suis cum impedimentis in Hispaniam transvehantur, datis tamen ab eo vadibus, tutum se iter habituros.
16. Catholicus Rex, Galliæ Regi quatuor dabit *obsides*, quorum duo mox, post *Belgij præsidiorum* restitutionem, dimittantur, reliqui verò apud Christianissimum retineantur, quousq; *Blavet* fuerit restitutum.
17. Ut quæ anno 1559. de *S. Pauli Comitis* ditione acta, sed ad finem perducta non fuerunt, de finitimis ipsorum Regum regionibus, de immunitatibus, & vectigalibus, quorum jus sibi ascribunt *Burgundia* Comitatus subditi *Terovanna* Episcopatus, *Bullionis Ducatus*, de aliquot oppidorum, quæ ab utroq; Rege fuerunt, vicissim occupatâ restitutione, ab arbitris, ab ipsis Regibus electis, decidentur ac judicentur.
18. Summi Pontificis auctoritate, ab utroq; Rege viri delegantur,



quibus controversias quotidie inter urbium *Amiens* & *Arras* Episcopos orientes, componendi cura demandetur, causa quorundam oppidorum ad suos Episcopatus pertinentium, idq; anni unius tempore.

19. Ab utraq; parte omnes *captivi* milites dimittantur, expensas vero, quodq; aliis debent, solvere teneantur, si *ante hoc fœdus* initū, de se redimendo non convenerint, nullo impendio pro redemptis habeantur.

20. *Tirimibus* utrinq; addicti, mox ab omni sumptu immunes dimittantur.

21. Vtriq; *Regi*, hæredibus & posteris eorum, ac *Serenissimæ Isabellæ*, integra servantur *Regnorum Regionumq; suarum jura*, judiciis vero, at non armis exequenda.

22. Cū monuerit *Catholicus Rex* præstare, hujus pacis securitate, *Sabaudia* Ducem, eidem interesse affinitatis causâ, quâ est cum utroq; Rege conjunctus, concedente id *Christianissimo Rege*, idem Dux, *Christianissimæ Majestati* satisfactorius oppidum atq; arcem *Berræ*, duobus post præsens fœdus mensibus restituat, nullâ eius parte demolitâ, sive dejectâ, neq; pro factis muniendi expensis, aliisq; rebus aliqua repetita.

23. Idem Dux præsidium à *Scurra Burgundiæ* deducet, neque opem alicui feret, qui illius contrâ Regem *Christianissimum* potiri conabitur.

NB.

24. Dissensiones inter ipsos *Christianissimum Regem*, ac *Sabaudia* Ducem, deputatorum consensu, Paci consulentium, *Summo Pontifici* judicandæ relinquuntur, unius anni post perfectam hanc Pacem tempore, juxta *Christianissimi Regis* responsum, quod sub die 4. Junii hujus anni 1598. scriptum apparet, omniaq; rata se habituros promittunt, quæ fuerint à suâ beatitudine judicata, neq; novi quicquam se interim esse novaturos.

25. *Ipsi Reges, filiiq;* ac eorum posterî incorruptam colent amicitiam, neq; ullam ob causam, *alter alteri bellum* inferre studeat.

26. Vtriusq; partis *subditi* tam *Ecclesiæ*, quàm seculo servientes, possint, quod eorum fuerit, recuperare, iis exceptis, qui *Provinciis* præfuerunt.

27. Dux



27. Dux Sabaudie ab utroq; solutus, atq; utriq; Regi sit *aque amicus*, commeatunq; liberum per eorum regiones tum habeat, cum ipsorum subditis tribuat.
28. Hac in Pace, si velint, pro inclusis habeantur, ipsorum Regum consensu, cum *Christianissimo Rege*, Summus Pontifex, Apostolica sedes, Imperator, Principes Ecclesiastici, seculares, oppida, communitates, & Imperij ditiones, & inprimis Comes Palatinus Elector, Marchio Brandenburgensis, Dux VVirtembergicus, Landgravius Hassie, & alii plures.
29. Sint cum Catholico Rege, S. Pontifex, Imperator, & si velint, plures alii relati; qui omnes unâ hac pace fruantur. Hoc pro expresso habito, ut nemo duorum Regum ritè vel contrà per se ipsum, vel per alios, cuius eorum molestiam possit asferre, siq; ipsorum aliquis ab eis quicquam sit repetiturus, iudiciis, non armis usuros esse intelligant.
30. In hac etiam Pace sint omnes illi, qui utriusq; Regis consensu nominari possunt, dummodò sex mensibus post hujus pacis editionem extent eorum litteræ, quibus, ut par est, declaratio, ac eorum obligatio appareat.
31. Et quò hæc omnia, de quibus actum est, omnesq; eorum partes & capita, tutiora existant, in *Parisiensium* aliisq; *Galliæ Regni* conciliis firmabuntur, notabuntur, atq; edentur, idq; ipsum fiet in magno, aliisq; *Catholici Regis conciliis*, in suis *inferioris Germaniæ regionibus* juxta formam, quæ in eo, quod actum est anno 1559. continetur, hisq; de rebus, tribus post hujus Pacis editionem mensibus, diplomata expedientur.
32. Suprascripta conventionis capita, quodq; in ipsis continetur, acta, confirmata, & stipulata fuerunt inter supradictos electos supradictorum Regum nomine, & eorum mandatis promiserunt, ac promittunt cuiuscunq; eorum Regis ac Domini præsentium, futurorumq; bonorum obligatione, ab ipsis nullâ re impediende servanda, perficiendaq; esse. Promittunt etiam ea comprobari debere, & ab utroq; probationis litteras firmatas, atq; obsignatas habere, in quibus ad verbum, quod in hoc fœdere continetur, sit narrandum, videlicet à *Christianissimo Rege*, *Cardinale Archiduce* & *Sabaudie Duce*, unico mense post Pacem hanc initam, & à *Rege Catholico* dictus jam *Cardinalis Archidux*, trium mensium



intervallo easdem litteras dari debere. Insuper ipsi electi suorum Dominorum nomine promiserunt, ac promittunt, habitis ipsius confirmationis litteris, ipsos *Regem Christianissimum, Cardinalem Archiducem & Sabaudia Ducem* solemniter, *suprà crucem, sancta Dei Evangelia, misse Canonem, & honorem suum esse juraturos*, coram quocumque ipsis videbitur, cumulatè, *regiè ac fideliter*, illud servare ac perficere, quod in his continetur, idemque facturum *Catholicum Regem*, tribus post harum rerum nuncium mensibus, in quorum fidem ipsi electi *propriâ manu* omnia firmarunt, *Vervini* sexto Nonas Maii anno 1598. Amen.

(h) Meteran.  
de reb. Belg.  
lib. 19.

(i) Neumairs  
tract. von Frei-  
denhandlung  
gen cap. 6.

(k) Contin.  
Tarcagnote

part. 3, lib. 10.

Petr. Matthæ.

de bell. inter

Gall. & Hisp.

p. 45. & in vi-

tâ Henrici IV.

l. 1. narrat. 2.3.

(l) Matthæ. d.

lib. 1. narrat. 4.

(m) Marra. d.

tract lib. 1.

cap. 40. n. 5.

Anno 1599.

1600. 1601.

(n) Matthæ. in  
vitâ Henri-

Hanc Pacificationem etiam habet *Emanuel Meteranus* (h) & post eum *Iohann V Vilhelm Neumairs* (i) atque eius quoque mentionem faciunt, *Continuator Tarcagnote & Petrus Matthæus*, (k) subiungitque; prædictus *Matthæus* in fin. histor. *Publicationem*, quemadmodum *Pacificationis* hæc in Gallia fuerit publicata 10. Iunii anno 1598. & plenius de eadem tractat in vitâ *Henrici quarti*, ubi recenset *Processum tractandi & publicandi* hanc pacificationem. Sed *Philippus Hispanus* hæc penè confectis, eodem anno, mense Septembri diem obiit, relicto omnium Regnorum hærede *Philippo III.* (l)

Ducis quoque *Sabaudie*, qui hætenus Hispano adhæserat, in *Pacificatione* fuit facta mentio, qui cum Gallie Rege jam per multos annos præcipuè de *Salassiorum* (Saluzzo) ditione, eiusque pertinentiis, litem aluerat, quæ licet controversia in superiori *Pacificatione* anno 1559. disputata & quodammodo composita fuerit, hoc tamen tempore cum aliis in Scenam rursus producta est, quoniam verò decisio vel accommodatio huius lites, *Pacificationem* inter Hispanum & Gallum, magno subditorum damno impedivisset, remissa, & *S. Pontificis* iudicio atque arbitrio submissa fuit, (m) Pontifex cum cunctaret, & sententiam differret, atque inter *Henricum Gallie Regem & Sabaudum*, spes reconciliandi, post longam tractationem evanuerat, *Gallus* Pace religionis Hugonottis datâ, bello *Sabaudum* aggreditur, cui demum *Hispanus* adfuit, donec tandem hæc inter partes 1601. 17. Ianuarii, pax inita & formata, quâ de re *Matthæus*.

(n) Et quoniam *Sabaudi* actiones ad Austro-Hispano-Gallicas multum fa-



tum faciant, etiam hanc Pacificationem, quam idem *Marta(o)* post *Mattheum* & alios latine tradidit, hic inferere placuit.

ci IV. libr. 2.  
narrat. 2. 5. &  
lib. 3. narrat.  
1. 2. 3. 4. lib. 4.  
narrat. 1.  
(o) Mart. d.  
cap. 40.

Capitula Pacis

Inter Regem Christianissimum & Serenissimum Ducem  
Sabaudia, firmata sub die 17. Januarij

Anno 1601.

1. Quod praefatus Serenissimus Dux cedit, transfert, ac relinquit Christianissimo Gallia Regi singulas regiones ditionesq; *Bresse Burgei, Verominis*, & generaliter quicquid ad eum pertinere potest, usq; ad flumen *Rhodani* complectendo ipsum flumen, ita ut ab exitu *Genevae*, totum dictum *Rhodani* flumen sit Regni Galliae, spectetq; ad ipsam Regem eiusq; posteros. Suntq; ex oris quantum ut suprafacta est cessio, cum singulis earum pertinentiis, tam in dominio, iustitia, ac ditione, Vassallis & subditis, omniq; recto nomine, ratione & actione, quae pertinere possent, ad ipsum D. Ducem in praedictis regionibus aut ratione vel causa ipsorum. Nihil igitur sibi reservat, ac retinet, praeterquam quod, opportunitate transitus, ipsi Serenissimo Duci remanebit *Pons Gresin* super dictum fluvium *Rhodani*, inter *Clasam* & pontem *Arli*, quae res ob praesentem tractatum, erunt ipsius Christianissimi. Sed ultra *Rhodanum* remanebunt penes ipsum D. Ducem Parochiae, *Lea*, *Aueran*, & *Chezeryj*, cum omni eorum agro inter flumen *Gaucermes*, & *Logan* Montanae appellatae *Graneredus*, usq; ad locum dictum *Riviera*. Et post dictum fluvium *Gaucermes* locus nuncupatus *Negrocames*, ad ingressum viciniorem eundi, ac transeundi ad *Burgundiam*: hoc addito pacto, ne penes ipsum D. Ducem facultas sit, ullam inibi arcem adificandi: transitus autem liberè remanebit per dictum pontem *Gresin*, & quicquid etiam est reservatum, tam per subditos ipsius Regis, quam per omnes alios ituros & reversuros in Galliam, sine aliqua illorum itineris molestia, perturbatione ac impedimento: transeuntes tamen exercitus & militum copiae pro ipso Sereniss. Duce, sive altero Principe attingere nunquam valeant regionem seu oppida Regis Christianissimi



- nissimi, nisi prius licentiâ impetratâ ab eius Majestate, sive Gubernatoribus vel Generalibus Præsidentibus: nec subditis dictæ Majestatis aliquod inferent incommodum.
2. Et ut ad effectum reduci possint omnia supradicta, Sereniss. Dux rediget in potestatem Regis Christianissimi, sive à suâ Majestate deputati, arcem *Burgi* in eum, quo reperitur statum, nihil demoliendo, vastando, nec destruendo, cum omnibus tormentis bellicis, pulvere & aliis præparatoriis bellicis, quæ inerunt in dictâ arce, cum tradita fuerit.
  3. Et insuper inita est conventio, quod ipse Sereniss. Dux cedat, transferat & relinquat Majestati *Ripas* trans Rhodanum, loca, oppida & pagos *Haie*, *Causi*, *Amessi*, *Pontis Arli*, *Seissel*, *Chiava* & *Perrachiasol* cum omni superioritate, justitia, dominatione, omnibusq; emolumentis, quæ ex præhabitis locorum cessionibus & ipsismet colonis deduci possunt, non aliter comprehendendo in his, plurimos præfatorum locorum, eorumq; agri defectus.
  4. Item ipse D. Dux dictæ Majestati transfert, relinquit ac cedit Baroniam sive potestatem *Gez* cum omnibus accessionibus, pertinentiis, & juribus, eodemq; modo, quo ipse D. Dux eiusq; Prædecessores potiti sunt, & sine ullâ reservatione atque retentione, præter illud, quod est ab alterâ parte Rhodani, exceptis tamen locis atq; pagis *Aire*, *Causi* & *Amezi*, superius exactè nominatis, & cum conditione, quod omnia supradicta cessa & concessa sint unita, & incorporata Coronæ Gallie Regis, & deinceps æstimentur de dominio & patrimonio ejusdem Coronæ, à quâ, nullâ unquam occasione, nullo unquam tempore separari neq; alienari valeant, sed semper sint in loco & natura locorum permutatorum, de quibus infra.
  5. Sanctum est etiam, ut ipse Dux reddat & restituat in effectum dictæ Majestati, vel à dictâ Majestate ad hoc specialiter deputatis, locum, vallem & cætera oppida *Castri Delphinij*, simul cum turri pontis, & omnia quæ ex *Delphinatu* occupata fuerunt, ab ipso Sereniss. Duce, vel ejus dependentibus in eo statu, quo nunc reperiuntur, ullam rem quovis pacto minimè demoliendo, vastando, aut ullo detrimento afficiendo. Imò pulverem, pileas, tormenta, aliasq;



aliasq; bellicas copias in dictis locis hoc tempore manentes deferet: Sed milites, turmaq; militaris, & alii ex dictis præfidiis exeuntes, poterunt curare ut extrahantur eorum suppellectilia: eis tamen non liceat exigere rem aliquam ab incolis dictorum castrorum, vel provinciar, neq; aliquod ad ipsos incolas pertinens extrahere.

6. Item quod ipse Christianissimus Rex jubeat, tuendam, demolientdam, & funditus evertendam esse arcem *Boccedelphini*, quæ instante præfenti bello condita fuit, & *Serenis*. Dux pro transitu ei concessio supraq; nominato & reservato, solvent summam centum millium Scutorum, pretio in singulis trium Francorum, moneta Gallicæ, vel tantidem in hac *Lugduni* civitate, quibus onus exigendi ab ipsa Majestate impositum fuerit, videlicet quinquaginta millia hoc præfenti tempore, cum primùm *Arx Carbonera* restitueretur sibi, & reliqua quinquaginta ab hinc sex mensibus.
7. Et ob causam dictarum cessionum omnia tormenta bellica, pulvis, & cotameatus acquisiti à sua Majestate, sibi omninò restabunt. Et virtute præfatorum omnium ipse Rex pro quiete pacis contentus est relaxare, cedere & transferre ipsi Duci eiusq; hæredibus & successoribus, prout nunc relaxat, cedit & transfert omnia sua jura, nomina & actiones, & omnia & quæcunq; prætendi possunt à Regibus & Galliar Delphino super *Marchionatu Salucij*, cum suis pertinentibus & dependentibus: Item super locis *Centales Mont* & *Arcis Sparveria*, nihil sibi reservando & retinendo: Itemq; ipse Rex Christianiss. quietavit, remisit & renunciavit D. *Serenis*. Duci omnia tormenta bellica, & copias reperi-  
tas in dictis castellis dicti *Marchionatus* & *Centalis* de anno 1588.
8. Pollicetur etiam ipse Rex operam dare, & in effectu restituere ipsi Duci, reverà, & perfectâ fide, vel cui ab ipso Duce dabitur ad id facultas, totam regionem, præfidia & loca, quæ nunc reperiuntur occupata, & à sua Majestate, vel suis famulis detinentur, & acquisita fuerunt ab ipso Duce post an. 1588. & omnia prædicta restituere eo modo & formâ, prout ad præfens reperiuntur, nihil ullo pacto demoliendo, vastando aut detrimento afficiendo.
9. In restituendis dictis præfidiis, possit ipse Rex Christianissimus

K

extra-



extrahere omnia instrumenta bellica, pulverem, pileas, vectigalia, ceterosq; comineatus, qui tempore restitutionis prædictæ reperientur intus dicta præsidia: Imò etiam milites, & omnis gens militaris, ceteriq; ex dictis castris exituri poterunt operam navare, ut eorum suppellectilia, ad eos spectantia tollantur, omni eisdem ereptâ potestate exigendi rem aliquam à dictorum locorum incolis, vel vicinæ regionis, vel istorum aliquid distrahendi.

10. Vtriusq; partis *restitutio* fiet statim quòd præsentis compositiones rata, firmæ & completæ fuerint, videlicet ipse Dux curabit, ut reponatur in manibus suæ Majestatis, aut illorum, quibus à sua Majestate impositum fuerit, *Arx Burgi*, cum tormentis bellicis, pulvere, pileis, omnibusq; comineatibus, qui intra dictum castellum reperiuntur, post hanc restitutionem, Rex Christianissimus curabit etiam, ut restituantur loca & castra *Chamberi* & *Momigliani* ipsi Sereniss. Duci, qui illicò imponat & mandet, ut reddatur castrum *Delphini*, cum omnibus suis membris, ut suprà dictum est, quæ omnia cum reipsâ, perfectèq; ab ipso Duce peracta fuerint, restituentur eidem infra mensem *Vallis*, & *Vicariatus Barcelonæ*, omniaq; alia præsidia & loca præsentis tractatu promissa, eidemq; rationabilis securitas prout volet, tribuetur.

11. Omnes *scriptura, tituli & documenta*, quæ adhiberi possunt in justificandis juribus, rerum invicem inter se permutatarum, restituentur, & reverà reddentur, tam ex unâ, quàm ex alterâ parte.

12. Dicta Majestas non teneatur pro *retributionibus, donis, & assignationibus* factis ab ipso Sereniss. Duce vel eius Prædecessoribus, super terris & dominationibus per illum suæ Majestati cassis: Nec teneatur raras habere *hypothecas* super eisdem factas: sed ratione *venditionum & alienationum* ad *titulum onerosum* peractarum sub formâ consuetâ & requisitâ veritate ante hanc ultimam dissensionem S. M. in hoc devicta sit, sicuti etiam Ser. Dux, & non prius, idem observetur, circa *dona, remunerationes, & alienationes*, in d. rebus à S. M. cassis.

13. Quas ob res, ac etiam ob tractatum *Vervini*, pax erit à die & datâ præsentis tractatus stabilis amicitia & proba vicina inter prædictos, Regem Christianissimum & Sereniss. Ducem, eorumq; filios



lios natos, nascituros, eorumq; hæredes & successores, eorum regna, regiones & subditos, ereptâ qualibet potestate, aliquod facinus ineundi, cum detrimento aliquorum, sive eorum regionum ac subditorum, quâcunq; ex causâ sive prætextu, sitq; commercium liberum inter subditos, & regiones utriusq; Principis, solvendo tamen jura & impositiones à propriis subditis regionis solvendas.

14. *Subditi & utriusque partis servi, tam Ecclesiastici, quam seculares, quamvis adversæ parti fuerint famulati, summâ cum pace revertentur, cumulateq; fruuntur omnibus eorum bonis, officiis & beneficiis, prout continetur in septimo articulo dicti tractatus Verumini, ereptâ omni Gubernatoribus facultate quicquam agendi sive perturbandi.*
15. *Omnes captivi, atq; cæteri, qui belli occasione ab utrâq; parte detinentur, in libertatem restituantur, si solverint impensas, atque omne æs alienum, quod jure debent, nec teneantur ad debitum talionis, nisi jam prius convenerint de solvendo eo. At si in conditionibus erit excessus, vel ipsæ conditiones essent exorbitantes, ordo ab eo Principe ponatur, in cujus regionibus erunt.*
16. *Quilibet in carceribus detenti, subditi præfatorum Regis & Ducis, præsertim ex Marchionatu Salucij, aliorumq; locorum, quorum cessio facta est, qui ob belli calamitatem possent detineri in trimenibus dictorum Principum, promptè in libertatem reponantur, amotâ facultate aliquid ab eis requirendi, nec ex causâ redemptionis, nec propter expensas sibi factas.*
17. *Omnes processus, judicia, arresta, sententiæq; prolatæ ab anno 1588. in subditos Marchionatus Salucij reliquorumq; locorum, de quibus cessio à dicta Majestate facta fuit, & post hæc novissima bella à judicibus & consiliariis ordinariis in Sabaudia Bressâ, cæterisq; locis recuperatis à S. M. consequentur, eorum plenû, integrumq; effectum: in quibus sint salva jura ipsis, quomodolibet competentibus: Verum si sententiæ in contumaciam latæ fuerint, aut lite non contestatâ, sint nullæ, nulliusq; effectus, tanquam prolatæ non essent, & quoad instantias indecisas, non judicatas, nec peractas, cognitio sit officialis illius Principis, ad quem pertinebit.*



18. Incolæ & Subditi orarum & regionum ad invicem datarum, ob præsentem tractatum nullâ molestiâ afficiantur, nec quovis modo vexentur, si famulatum præstiterint parti contrariæ, vel qualibet aliâ præliorum præteritorum ratione, immò *redintegrentur in plenâ possessione, & dominio omnium & quorumcunque bonorum, rationum graduum, privilegiorum, immunitatum & omnium eorum mobilium*, quæ tunc reperientur, iisq; liceat, prout libuerit ire, recedere, solumq; vertere, poterunt etiam omnibus bonis frui, vendere, commutare, & ad liberam voluntatem quomodolibet disponere.
19. Et quia incolæ *Marchionatus Salucij* & aliorum locorum, de quibus dicta cessio à S. M. facta fuit, eorum facultatibus potiti non fuerunt, post pacis tractatum *Vervini* factum restituentur, & dabuntur *immobilium bonorum fructus* olim non habiti, atque *census ac proventus*, ex illo tempore quo potiti non sunt, post dicti tractatus *Vervini* proscriptionem usq; ad initium novissimi belli, & circa *officiales Salucij*, & alios qui serviverunt Regibus Galliæ in *Pedimontium* regionibus, potientur immunitatibus & exemptionibus eis datis & concessis temporibus præteritis in aliis tractatibus à Regibus *Carolo IX. & Henrico III.* cum eodem Dn. Duce *Sabaudia* initis, & postea confirmatis à Duce regnante.
20. Pollicetur etiam Serenissimus Dux omnes *officiales* & alios *Salucij incolas*, atq; aliorum locorum à S. M. cessorum, nequaquam molestiâ afficiendos esse, vel vexandos, aut jure vel injuriâ quovis modo agitandos, ob aliquam occasionem præteritorum bellorum inter d. M. & d. Ducem, immò in libertate, eorumq; securitate conservabuntur, ut tranquillè, pacificè & liberè fruantur eorum bonis, & quod ad regionum onera & gravamina pertinet, illi nimium non gravabuntur, sed potius leniter atq; benignè, ut condemnati à S. M. accipiantur, de quibus ipse Seren. Dux litteras dabit, ac privilegia in formâ validâ.
21. *Antistites ordinarij* S. M. subditi habentes beneficia ad suas collationes in oris d. Dom. Ducis poterunt conferre dicta beneficia cum opus fuerit, & qui ritè & canonicè electi fuerint, fructibus eorum beneficiorum fruuntur sine ullâ eorum molestiâ, atq; incommodo, idem servabitur, quantum spectat ad beneficia sita in Franciâ,



Franciâ, quorum collatio spectat ad Antistitem alicuius ex regionibus d. Ducis.

22. Rationes quas contra d. Ducem præterdit, reservatæ sunt d. Majestati, si sequatur, quod continetur in tractatu facto sub anno 1599. in castro *Cambresi* & *Taurini* sub anno 1574.
23. Quod d. *Dux Nemours* & *Genevois*, qui solebat possidere & habere omnia oppida, tributa, collationes & census à suo *appanagio*, emanantes sub ditione *Sereniss. Sabaudia Ducis*, eisdem virtute præsentis concordia deinceps habebit ab utroq; Principe, scilicet sua Majest. & *Duce Sabaudia*, qui illum benignè ut bonum consanguineum promiserunt habere, illiusq; habere rationem, ut nec iuribus, nec auctoritatibus, quæ ex *appanagio d. Ducis Nemours* exstant, contraveniatur, vel aliquo modo derogetur, ut illis pacificè potiri possit, juxta sententias, conditiones & conventiones dicti sui *appanagij*; & insuper promiserunt, quod si deinceps aliqua differentia respectu d. *Appanagij* orietur, summarie familiariter, & amice sine processu diffiniri mandabunt.
24. Item ad instantiam Illustrissimi & Amplissimi Legati, nomine suæ Sanctitatis factam, sancitum fuit, ut omnes copie militares vel paratæ, vel stipendiis unitæ, causâ hujus novissimi belli, dimittantur, tam in *Galliâ*, quam in *Germaniâ* infra mensem, post hujus præsentis tractatus publicationem, ut quisq; valeat universali pace gaudere, & quiete promissâ, in dicto tractatu *Vervini*, qui confirmatus est in omnibus punctis & articulis, præterquàm quod per præsentem tractatum mutatum esset, vel expresse derogatum.
25. Ob majorem securitatem hujus tractatus, omniumq; eius rationum, pactionum, articulorumq; in ipso contentorum, ipse idem tractatus publicabitur, & acceptabitur in *Parlamento Parisiensi*, & inibi registrabitur, sicuti etiam approbabitur in *Senatu Chamberi*, atque in *Senatu Taurini*, & in quibuslibet aliis locis solitis, cujus publicationis, ratificationis atq; registrationis ab utraq; parte literæ Patentes præstabuntur, infra tres menses post publicationem hujus præsentis tractatus.
26. Qui articuli & capita supra nominata & comprehensa, & quantum singulis istorum, tractatum, transactum, &



stipulatum est per ipsos deputatos à præfatis Principibus, qui vigore facultatis & auctoritatis eisdem demandatæ, & sub illorum nominibus promiserunt, & promittunt sub obligatione omnium & singulorum, bona præsentia, & futura dictorum Majest. & Sereniss. Ducis, & quod ab ipsis inviolabiliter observabuntur, & ad effectum deducuntur; Et amplius pollicentur, quod sibi alter alteri litteras authenticas ratificationis dabunt, approbatas, subscriptas & obsignatas, quibus totus præsens tractatus insertus erit, idq; efficietur intra mensem, à die & datâ præsentis tractatus. Præterea d. Majest. & d. Dux, in Corona eorum, quos suo arbitratu eligent, omni solenni modo jurabunt, exactè bonâ fide, & realiter observare, quantum in d. articulis continetur &c. In quarum rerum fide d. Legatus, & præfati Domini Deputati subscripserunt eorum proprio nomine præsentem tractatum Lugduni die 17. Februar. anno 1602.

Conclusa Pax  
anno 1602.

*Petrus Cardinalis Aldobrandinus.*

*Nicolaus Brulart de Sylveri.*

*Franc. Arconatus.*

*Petrus Feberinus.*

*Renatus de Lusigne.*

Anno 1602.

(p) Pet. Matth.  
in vitâ Henrici  
IV. lib. 5.  
narrat 1.  
Vide tamen de  
hoc Finariensi  
Marchionatu

Pace tum Vervinensi inter Hispaniarum & Galliarum Reges, cum etiam prædictâ Lugdunensi inter Gallum & Sabaudum omni ex parte conclusâ firmataq; universus orbis Christianus exultare videbatur, anxius tamen & dubius, tam quod prudentes & rerum periti fluxam Regum, atq; eorum à quorum consiliis dependent, fidem non ignorabant, quàm quoq; quia statim gravissimæ suspensionum causæ emergebant, Hispani enim Comite Fontium Mediolanensium Gubernatore auctore, Finariensem Marchionatum invadebant, eiusq; portum occupabant, muniebantq; , quæ res Gallis planè suspecta accidit. (p) Quam suspensionem mirificè augebat, quod Dux Bironius Burgundiarum Gubernator, atque cum hoc alii, erga Henricum Galliarum Regem, vel quod acatholicis in Regno plus nimium tribueret, vel etiam quia hæreticos Belgas pecuniâ juvaret, malè affecti, occulti quid contra eundem



eundem molirentur, quod licet *Bironius* carceri tandem mancipatus pernegaret, jussu tamen *Henrici Regis* capite truncatus est. (q)

E contrà *Hispanos* non parùm mordebat, quòd *Galliæ Rex* undiq; circumvicinorum Regum & Rerumpublicarum amicitias Regni sui statum stabilire, *Hispanæq;* fidei & auctoritati non parùm detrudere dicebatur. Cum *Helvetiis* enim novum arctissimumq; fœdus contraxerat, quem tractatum idem *Matthæus* (r) *Henrici* historicus graphicè describit, additq; eò magis *Helvetiis Galli* amicitiam plaussisse, quòd *Rex* eosdem in solenni convivio veterum *Helvetiorum* & *Germanorum* more tractasset, atque aureis torquibus donasset. Accedebat quòd *Galliæ Rex Superioritatem*, quam olim suprâ *Comitatum S. Pauli* & provincias *Atrebatensem Hannoniensemq;* prætenderat, sed superioribus Pacificationibus, *Madritanâ* aliisq; remiserat, nunc cùm *Albertum Archiducem* bello *Belgico* impliciunt videret, sibi rursus tribuere conaretur, quod promissis omninò contrarium judicabant. (t) Quinimò licet *Galliæ Reges*, aliquot Pacificationibus promiserint, atque in novissimâ *Vervinensi art. 2.* hisce verbis disertè cautum fuerit (omnem sibi met ipsius causam damni inferendi, vicissim fugiunt, nemini quâvis apertâ vel fictâ ratione, in cuiusvis eorum jacturam favento, finem cuiusvis dissidiorum generi imponunt, omnia fœdera quovis modo cum aliis habita, quæ utriq; eorum detrimentum essent allatura, hujus pactionis vi ac robore pro irritis habento.) Quòd omnes confœderationes, maximè cum alterius Subditis, irritæ esse deberent, *Henricum* tamen Regem non destitisse, post solemnem illam & à se juratam Pactionem, quin *Austro-Hispanorum* subditos rebelles *Belgas*, militum & pecuniarum subsidiiis juvaret, quod certè factum quamvis nullo modo justificari posset, atq; à Pontifice *Clemente VIII.* teste *Cardinale Gallo Ossato* (u) pro iniquo habitum fuerit, ab *Henrico* tamen eiusq; Successoribus hæctenus continuatum esse constat.

Referemus quoq; & alias causas, quæ successu temporis emerferunt, quarum occasione Pax illa (si veteres *Gallorum* rumpendi modos intueamur) inter utramq; *Austro-Hispanam* & *Gallicam* domum facile violari potuisset, nisi *Deus* singulari gratiâ & amore in miserum populum Christianum, id avertisset, quæ nihilominus ad id inservient, ut exinde videamus, quàm lubricæ plerunq; sint, hæc Magnatum pactiones.

Imperii feudo Menoch. & alios Jctos in causa Finariensi.

(q) Matthæ. d. lib. 5. narrat. 2. 3. & seqq.

(r) Matthæ. d. lib. 5. & 6.

(t) Contin. Tarcagnoræ d. part. 5. l. 10.

(u) Card. Ossato epist. 327.



Anno 1603.

(vv) Matthæ. d. libr. 5. narrat. 7.

(y) Mercur. G. B. rom. 5. lib. 1.

Anno 1604.

(z) Matthæ. in vit. Henrici 4. lib. 4. 5. Mercur. d. tom. 5. lib. 4.

Anno 1605.

1606.

1607:

tum pactiones, & si non directò, quæsitâ tamen occasione extrinsecâ, ab illis secedere soleant; Dux Sabaudus, jam pridem Gallo reconciliatus, ex causâ veteri Genevensibus infestus, civitatem illam stratagemate occupare tentabat, res malè cessit, quod ubi Sabaudus aperto Marte perficere constituisset, Gallus contra Sabaudum Genevensibus auxilia & protectionem promissit; nec defuisse etiam Hispanum Sabaudum facile credendum est, nisi partium hoc dissidium maturè compositum fuisset. (w) Circa idem ferè tempus de Argentoratensi Episcopatu, grave sceleris & funestum exortum est bellum, inter Cardinalem Lotharingum & Marchionem Brandeburgicū, quod tamen interventu Regis Gallie (y) [non sine mysterio] quodammodo sopitū est. Præterea Gallos cum civibus, præcipuis urbis primariæ, Regni Navarrai Pampellona, ad recuperandū & obtinendum tale Regnū (cujus tamen controversia superioribus pacificationibus sopita fuerat) circa idem tempus conspirasse scribitur, quam tamen perfidiam Domini de Villeroi Gallie Regis in Hispaniâ legati substitutus ad Hispanum retulisse, propterea creditur, quòd civium plus quàm ducenti in civitate Pampellona securi percussi fuerint, de substituti quoq; illius morte agit Matthæus. (z) Cæterum de Ducis Nivernensis Gallie Principis in Ducatum Clivensem subitanè expeditione, ut propriâ auctoritate, Cæsaris Majestate neglectâ prætensam dotem extorqueret: Deq; Bironij Ducis non ita pridem in Galliâ ob prætensam cum Hispanis conspirationem decapitati, consociis inter quos numerabatur Dux Bullioneus, quem Gallie Rex propterea bello petebat; Ac demum de Venetorum cum Pontifice gravissimis controversiis, eorumq; excommunicatione, quæ omnia hæc incidebant tempora, atq; (prout aliis temporibus ut plurimum accidit) alterutri partium vel Pontifici vel Venetis sese jungendi occasionem præbere, sive etiam (quod aiunt) novam causam rumpendi dare potuissent, nisi Deo, summo Pacis auctore sic volente, & quia utraq; Serenissima domus bellis fessâ, enervata & debilitata, ut ultrò à mutuâ cæde abstinere, quàm humanum sanguinem ulteriùs effundere voluisse credatur, nunc plura tractare supersedeo.

Germania nostra jam per aliquot secula, sub Ferdinando I. Maximiliano & Rudolpho II. pacificis Cæsaribus, post Augustanam Pacificationem, de quâ supra cap. 9. in suis visceribus quieverat, licet interea Augusti,



gusti, in Hungariâ, atq; Hispaniarum Rex Philippus III. per mare per terras alibi contra communem Christianorum hostem *Turcam* præliari, flagrantiq; bello *Belgas* Hispano inobedientes persequi necessitate quasi adacti fuerint; nec tamen extrinseca hæcce, & armorum inter ipsos concives quies, quorundam internas animi *Passiones* omninò frænare potuit, quin non aliquando prorumperent, & malum futurum prælagirent; Pax Augustana utcunq; tam in prophanis quàm Ecclesiasticis satis clara esset, & si forsan dubium incidisset, id publicâ auctoritate interpretationem accipere potuisset, non defuere tamen, qui plurima suo cerebro declarando & metiendo, tum verbis, cum scriptis literisq; non solum æquales & constatus, sed ipsum etiam Cæsarem lacefferent. (aa) Ex quo demum (ut nunc brevitati studeam) effectum, quum in causis prætensis dubiis, *S. Cæsarea Majestas*, atque *suprema Imperij tribunalia* spernerentur, & iustitia pedibus quasi conculcicaretur, è contra non nisi de *unionibus*, *correspondentiis* aliisq; confœderationibus bellorum intestinorum prælagiis sermones spargerentur, ut quæ actiones & negotia legitimo iuris tramite decidi impedirentur, armis dirimi necessum fuerit; *Donawerdenses* (bb) à se iniuriam fieri voluerunt. Ab his enim *Abbas S. Crucis*, Cœnobii intra eiusdem civitatis mœnia Prælatus, cum Processiones publicè per forum instituere, more hæcenus in urbe istâ usitato conaretur, & jam urbem egressus, Sacra in pago quodam peregisset, in reditu malè excipitur, tractaturq; turbatione & violentiâ hæc ad Cæsarem delatâ, & quoniam aliâ ratione & viâ cives in ordinem redigi non potuerant, à Cæsareâ Majestate Seren. Bavarie Duci Maximiliano executio demandata fuit facta, ac pro merito inobedientes castigati; Quam rem nonnulli Proceres, maximè verò Principes & Status *Circuli Suevici* Lutheri doctrinæ addicti ægrè tulerunt, atq; *Vlmæ* Conventum instituêrunt, sed adventantibus etiam Cæsareis legatis, qui Statibus negotium & iustitiâ necessariâ expeditionis explicârunt, non nisi intercessionibus ad S. Cæs. Majest. & reliquos Imperii Electores Principesq; pro Donawerdâ decretæ sunt. (cc)

(aa) Auctor turbati Imper. status Ungersdorff. & alia eius temporis scripta.

Anno 1607. (bb) Mercur. G. B. tom. 7. libr. 3. & extant de causa Donawerdensi Scripta anonyma.

(cc) Mercur. d. lib. 3.

Verum quæ de Germaniæ Principum inter se, & cum Cæsare clanculùm natis dissidiis hæcenus dicta, & quæ de maioribus sub-

L

sequu.



Anno 1608.

sequeuturis prudentes omnes ominabantur, statim eo tempore id impedimenti attulerunt, ut quamvis Cæsar Comitibus Ratissponæ indictis, per *Ferdinandum Archiducem*, præclara aliquot atq; Reipublicæ salutaria negotia ibidem consultanda & deliberanda proponi curârit, Comitibus tamen sine ullâ capitum & rerum, ad quietem tutelamq; Imperii spectantium tractatione vel consultatione finita fuerint. Fatalis quoq; fuit, internis Germaniæ motibus, *Iohannis Guilielmi*, ultimi eiusdem Prosapiæ, *Iuliacensium*, *Clivensium & Bergensiû Ducis &c.* (dd) interitus sine omni prole, Amplissimas defuncti provincias nonnulli ex parte ambiebant, alii ex asse, Inter priores fuere *Comites de Marca*, *Bullionensis* respectivè *Lumaxensis*, & *Carolus Gonzaga Dux Nivernensis* Gallicæ nationi & partibus addicti; Cæterum proximiores esse dicebantur *Saxonia & Brandenburgici Electores Principesq;*, & *VVolfgangus VVilhelmus Comes Palatinus Rheni Neoburgicus &c.* quorum iura inter se quoq; adhuc incerta dubiaq; erant, & licet Cæsareo iudicio Gordius hic nodus solvendus, litigiosa tamen hæc hereditas, Austro-Hispanæ domus æmulis & hostibus, non semel, solito protectionis juris prætextu, in Imperio motus novos ciendi occasionem dedit, atq; adhuc sub iudice lis est, incerti quid alter annus vel dies feret.

Monuimus supra hoc capite in principio, quemadmodum inter *Philippum II. Hispaniarum Regem*, & *Ordines quosdam Belgij*, periculossissimi motus excitati fuerint, qui cum hætenus nullâ pacis ratione sopiri potuerint, in gravissimum bellum proruperunt; Quoniam verò *Belgica hæc provincia* ad Imperium pertineant, atque huius Superioritatem Majestatemq; semper agnoverint, nec negari possit, quin *Gallorum ope & subsidiis*, *Belgarum hæc rebellio* adjuta, aucta totq; per annos continuata sit, *inducias Galliarum Regis aliorumq; vicinorum consilio*, toties tractatas, hoc demum anno, post multos labores & diversa partium studia conclusas, inferere hîc placuit, negotium autem hoc describit *Domin. Baudius* (ee) cujus Capitula hæc est:

I. Primum *Serenissimi Archiduces* tam suo, quam Regis *Hispaniarum* nomine declarant se paratos esse cum *Ordinibus unitarum Provinciarum* agere, tanquam cum libero populo, \* suis legibus, moribus, atq; institutis utente, in quem nihil juris prætendunt, quemadmodum

Anno 1609.

(dd) De causa & successione *Iuliacensi*, extant discursus *Historico-Politici*; Item *Apologia Saxonica*, atque alia Scripta complura.

Anno 1609.  
Induciarum Belgicarum.

(ee) Dom. Baudius de induc. Belg. per tot. & in fin. Neumei. tract. von Friedens. händlen cap. 6. \* De hac qua-



dum nunc præsentem induciarum contractum cum iis inierunt, sub pactis & conditionibus, quæ deinceps subjiciuntur.

litare vide A.  
lex: Patrit. in  
Marte Gallico  
lib. 2. cap. 5.

II. Ut per XII. proximè sequentes annos, firmæ, fidæ, & inviolabiles sint ac servantur Induciæ, quibus labentibus supersedeatur ab omni actu hostilitatis terrâ mariq; fluminibusq; inter subditos, incolas & advenas Regis Hispaniarum Archiducumq; & Ordinum confœderatorum sine ullâ exceptione locorum personarumvè.

III. Vtraq; pars placidè pacificeq; retineto salvam & incolumem possessionem regionum, urbium, locorum, terrarum & Dominorum, quæ nunc detinet, absq; ulla injuriâ & molestiâ, Quod & locum obtinebit, in pagis, vicis ac territoriis, quæ inde expendent.

IV. Subditi & inquilini utriusq; partis tam Regis & Archiducum, quàm fœderatorum Ordinum, invicem colunt mutuum benevolentiam, & amicitiam; nec fas jusq; esto præteriti temporis damna vel offensiones ulcisci aut exprobare, suntq; libera utrinq; negotiandi commercia per terras, per maria, per flumina. Quod tamen Rex Hispaniarum cupit restringi ad regiones, terras ac provincias, quas possidet in Europa: vel ad alia regna dominiaq; quò Regum ac Principum amicorum subditi negotiandi causâ commeare solent. Ab iis verò locis, urbibus, portibus atq; insulis, quæ extra fines prædictos sub eisdem Regis Imperio sitæ sunt, Ordines eorumq; subditi abstinento, neq; eò commerciorum causâ profiscuntor, nisi impetrato Regis consensu commeatuq;. Quod verò attinet ad loca, quæ aliis Regibus, Proceribus aut populis subjecta sunt, etiam extra limites Europæos, licet Ordinibus eorumq; subditis iis in locis ac regionibus commercari ac negotiari, dum id fiat permittentibus locorum Dominis, nec ullam moram aut impedimentum objiciet Rex eiusvè Administri, Vicarii & Officarii, quò minùs Domini locorum eam libertatem suo arbitratu concedant, nec ipsis Ordinum subditis negotium aut molestiam facesset, quò minùs eo jure commeandi commercandiq; liberè utantur.

V. Et quoniam longi temporis tractu opus est, priusquam certiores fieri possint, qui extra fines Europa cum instructu & navibus commercia exercent, ut ab omni hostilitate desistant, placuit ex communi

L 2

sententia



sententia initium Induciarum fore demum intra annum ab hodierno die supputandum. Tamen si citius perveniat ad eos notitia pactorum conventorum, rectè & ordine, atq; ex bonæ fidei præscripto facient, si ab eo tempore sese ab omni actu hostili contineant. Quòd si post illud spatium ulla hostilitas admissa fuerit, damnum & injuria continuò & sine tergiversatione reparabitur.

VI. Subditi & incolæ Regionum tam Regis Archiducumq; , quam Ordinum fœderatorum ultrò citroq; negotiantes ne gravioribus tributis, portoriis ac vectigalibus onerentur, quam ipsi earum regionum, ubi illa solvuntur, subjecti, amici & fœderati, qui minimis oneribus adstringuntur.

VII. Subditi & incolæ Dominorum Ordinum eadem securitate ac libertate fruuntur in locis ac dominiis Regi & Archiducum Imperio subjectis, quæ concessa sunt subditis magnæ Britannię in tractatu pacis nuper cum ipso conventæ, secundum arcanos articulos, qui cum Comestabilio Castiliæ pacti fuere.

VIII. Non esto fas sistere, aut manum injicere in mercatores, magistros navium, exercitores, nautas, nec in eorum naves, pecunias, merces, bona, quocumq; prætextu id fiat, sive ex causâ generalis aut specialis mandati, sive per occasionem belli, sive quæsito colore conservandi defendendiq; fines. Nec tamen unâ ibidem comprehenduntur, si quæ manus injectiones factæ sunt per legitimos justitiæ tramites ob debiti æris nexum & obligationes ritè contractas, quæ obtinebunt suum vigorem, & in iis servabuntur solennes viæ ac formulæ Iudiciorum.

IX. Et quod ad *Commercia* attinet, quæ in Belgicis regionibus frequentabuntur, si ex justis querelis apparebit quædam *vectigalia* propter belli erogationes, & necessitates introducta modum excedere, ut inde mutua negotiatio plurimum capiat detrimenti, propositis ab alterutra parte rationibus gravaminum, delegabuntur continuò iudices, qui super ea re cognosceant, & ex communis consilii sententiâ, quoad eius fieri potest, omnia ad moderationem debitam reducentur, neq; tamen, si id obtineri non possit, idèò violatas esse inducias existimari debet.

X. Si quæ sententiæ iudiciumq; reddita fuerint in contrariarum partium sequu-



sequeutores, tanquam in contumaces, quorum defensionem nemo suscepit, tam in civili, quam criminali causa, non poterunt pendentibus Induciis mandari executioni, nec adversus personas, nec adversus bona condemnatorum.

XI. Literæ pignorationis aut represaliorum non obtinebuntur pendente eo tempore, nisi ex dextro causa cognita, quibus casibus id per leges & constitutiones Cæsarii Iuris concedi solet.

XII. Fas jusq; ne esto appellendi ad portus, plagas, promontoria alterius partis cum tali numero navium, aut armatorum, ut *justi timoris suspicio* generari possit vim parari, nisi ex permisso eius, sub cuius ditione loca illa sita sunt, aut nisi tempestatibus aliq; necessitate delati illuc fuerint, ad maiorem vim, aut naufragii periculum effugiendum.

XIII. Hi horumvè heredes, aut successores vel mandatarij, quorum bona belli, vel partium odio per manus injectionem capta, aut fisco addicta fuerint, durantibus Induciis, ac privatae authoritatis arbitrio, non implorato legum ac magistratuum auxilio vindicanto à quibuscunq; possessoribus, eisq; utuntor, fruuntor vi & vigore præsentis tractatus, etiamsi in *fisci jus & naturam transierint*, aut per oppignorationes, donationes, pacta, conventa, transactiones, aut quascunq; *renunciationum clausulas* alienata fuerint ad excludendos eos, quibus jure competunt. Ita tamen ut de iis non sit libera disponendi potestas, alienandivè aut oppignorandi, nisi impetrata venia ab Archiducibus vel Ordinibus.

XIV. Quod & locum obtineto in hæredibus Principis *Aranionensis* ex causa juris, quod ipsis competit in *Salmas Burgundici Comitatus*, quarum usus fructus ipsis restitutor cum silvis & saltibus inde dependentibus. Et quod ad litem *Castellobelini* attinet, jam vivo Principe intentatam in supremo Senatu curiæ *Mechliniensis* contra fisci procuratorem Regis Catholici, promittunt & spondent Archiduces se bonâ fide daturos operam omniq; studio ac diligentia curaturos, ut sententia ritè feratur intra anni spatium, ex quo lis contestata fuerit sine ulla longinquiori mœra vel comperendinatione.

XV. Si à fisco distracta fuerint utrinq; bona, contenti esse debebunt,

L 3

ii ad



ii ad quos ea jure & vi præsentis tractatus pertinebunt, usuris sex nummorum cum quadrante in singulos centum constitutis, quæ fideliter solventur, à possessoribus dictorum bonorum pendentibus Induciis, si autem illi non in morâ fuerint, tunc proprietariis è fundo prædiorum, & ex capite ac sorte satisfiet.

XVI. Sed si eiusmodi bonorū *distractio in iudicio facta fuerit*, servatis solennibus ob expungenda nomina justa & legitima eorū, ad quos ea bona pertinebant, antequam fisco addicerentur, licebit ipsis aut eorum hæredibus vel successoribus ea redimere solvendo pretium intra anni spatium numerandum à die præsentis tractatus, post quod tempus non amplius competet talis facultas. De *redemptis* verò statuere ac disponere pro suo arbitratu poterunt sine interpretatione commeatus, aut illius indulti.

XVII. Hujusmodi tamen redemptio seu redhibitio non extenditor ad *ades sive domos, quæ in urbibus atq; oppidis sitæ sunt*, si quæ ex ea causa venditæ distractæq; fuerint propter maxima incommoda ac detrimenta, quæ inde possent oriri contra possessores talium locorum, qui instaurandis iis aut reficiendis ingentes sumptus impendisse potuerunt, quorum ratio futura esset, & spatio longinquæ, & factu minimè expedita.

XVIII. Quod verò ad *refectiones & meliorationes* attinet in aliis bonis divenditis, quorum *retractus* seu *redhibitio* vi præsentis tractatus permittitur, si quis eo jure se munitum putat idonei & competentis iudices in rem præsentem venient, & cognitâ causâ decretum interponent, manebuntq; prædia, de quibus controversia est hypothecæ nomine obligata pro dictis meliorationibus, ita tamen ut emptoribus non sit fas jure retentionis uti quo illis solvatur aut satisfiat.

XIX. Si quæ *propugnacula*, vel *opera publica* fuerint utrinq; ædificata permisso & autoritate supremi Magistratus in iis locis, quæ secundum formulam hujus conventionis restitui debent, *Proprietarij* contenti esse debebunt pretio & æstimatione factâ per eos, qui jurisdictioni præsunt, nisi ex mutuo consensu partes inter se conveniant.

XX. Quod ad *Ecclesiastica bona, Collegia, Cœnobîa*, & id generis pia loca attinet,



attinet, quæ sitæ in Provinciis unitis, spectantq; ad Ecclesias beneficia & collegia ditioni Archiducumq; subiecta, quæ non venierunt ante Kal. Ian. anni c10 10 cVII. redduntur, & restituuntur, idq; privatâ authoritate sine ministerio apparitoris aut ordine Iudiciorum, ut iis utantur, fruuntur, quamdiu durabunt Induciæ, non tamen ut habeant alienandi minuendivè facultatem, quemadmodum antea dictum fuit. Quæ verò ante dictum diem vendita erunt, aut ab Ordinibus quarundam Provinciarum in solutum data, redditus annui ex eâ causâ solventur, redactis usuris ad decimum sextum quemq; nummum à Proyinciâ, quæ huiusmodi bona vendiderit. Siremps lex, jus, causa esto ex parte Archiducum.

XXI. Quibus *confiscata bona* restituenda sunt, non tenentur solvere redditus retrò lapsos, onera & officia prædiis aut hærediis annexa pro eò tempore, quo talia iura non perceperunt, ac si quid molestiæ ipsis utrinque hoc nomine exhibeatur, absolvuntur indemnesq; dimittuntur.

XXII. Siremps lex esto, si quæ bona distracta concessavè fuerint *sub conditione meliorationis refectionisvè*, nec alia iura vel onera vindicantur, quam quibus se devinxerunt possessores ex lege venditionis aut concessionis, cum usuris nummorum in antecessum datorum redactis ad eum modum, quem supra diximus.

XXIII. *Res iudicata, judiciaq;* ob causam confiscatorum bonorum pronunciata contra eos, qui subiecti fuerunt Iurisdictioni, aut ultrò concesserunt in Iudicem, quiq; rectè & ordine defensi sunt, rata, firma & immota sunt, nec alia pacto rescinduntur, quàm per usitatas Iuris vias.

XXIV. Serenissimi Archiduces, & fœderati Ordines delegato Magistratus, & administratos aptos & idoneos, qui *iura judiciaq;* reddant, ordinemq; constituent in iis locis, oppidis, castellis, quæ proprietariis restitui debent utenda fruenda durante tempore Induciarum.

XXV. *Mobilia bona fisco adjudicata & fructus*, quorum dies ante hunc contractum initium cessit ne reposcuntur, non restitutioni obnoxia sunt.

XXVI. Et



XXVI. *Rerum mobilium actiones*, quæ ab Archiducibus & Ordinibus ante Kal. Ianuar. cIo Io cVII. remissæ fuerunt in gratiam & commodum privatorum utrinq; ne reviviscunto, sed extinctæ manento.

XXVII. Tempora quæ ab exordio Belgicorum motuum, hoc est ab anno cIo Io LXVII. ad hanc usq; diem præterfluxere, ne numerantur & imputantur *ad inducendam præscriptionem* aut *usurpationem* inter eos, qui à diversis partibus steterunt.

XXVIII. Qui durante bello concessere in regiones *neutrarum partium*, hujus quoq; conventionis fructu ac beneficio potiuntur, iisq; liberum ac licitum esto sedem deligere, quibus in locis placuerit, aut ad antiquum domicilium reverti, ut ibi habitent secure pacificeq;, dum tamen secundum leges, mores atq; instituta, cujusq; regionis vitam instituant, nec ob causam delecti pro arbitrio domicilii bona eorum conveniri poterunt, aut ipsi excidere dominio rerum suarum.

XXIX. Nulla nova castella aut propugnacula pendentibus induciis ab ambobus populis in omni Belgio extruuntur.

XXX. *Proceres ex familia domoq; Nassovica* durantibus induciis, nec quoad bona, nec quoad personas conveniuntur, aut inquietantur, vel ob debita ab *Arausionensi Principe* ab anno cIo Io LXVII. usq; ad obitum ipsius contracta, vel ob redditus non solutos, ex quo bona fuerunt annotata & iis Regia manus injecta.

XXXI. Si quid *adversus hanc conventionem fraude* vel *temeritate privatorum* sine publico consilio Regis, Archiducumq;, vel Ordinum admissum fuerit, damnum ibidem resarciunt, ubi noxa facta fuerit, si tamen injuriæ vel maleficii authores ibi deprehendantur: vel in loco domicilii, nec alibi licetò adversus eorum corpora seu bona litem aut actionem intentare. Nec ob eam rem ad arma veniendum erit, aut violandæ *Induciæ*, sed si justitiæ asyllum includatur, ad usitata remedia litterarum pignorationi, seu repræsaliorum procedere jus, fasq; esto.

XXXII. Omnes *exhereditationes*, & dispositiones partium aut belli odio factæ, nullius momenti sunt, ruptæq; & irritæ manento, perinde ac si nunquam factæ essent.

XXXIII. Sub-



XXXIII. Subditi & incolæ tam sub Archiducum, quàm sub Ordinum imperio, cujuscunq; status aut conditionis sint, apti & idonei sunt *ad succedendum invicem* sive ex testamento, sive lege ab intestato juxta mores, & statuta locorum, ac si qua forte *hereditas*, vel *bonorum possessio* ante hoc tempus cuipiam obvenisset, jus cuiq; saluum & inviolatum permaneto.

XXXIV. Omnes utrinq; *bello capti* sine redemptionis pretio liberi dimituntur.

XXXV. Et ut hic tractatus Induciarum melius atq; exactius observetur, tam Regia Majestas & Archiduces, quàm Ordines pro se quisq; promittunt ac spondent, se omnem curam & diligentiam adhibebituros, ut *itineria*, *maria*, *flumina* sint libera tutaq; ab incursionibus & grassaturis turbidorum hominum, prædonum, piratarum, latronum, adversus quos, si deprehendi queant, severiter animadverretur.

XXXVI. Iidem pollicentur insuper, se nihil contra præsentem tractatum, aut in fraudem ac præjudicium esse facturos, aut ab aliis fieri passuros *directè* vel *indirectè*: si quid secus admissum fuerit, id sine ulla cunctatione aut molestia reparatum iri. Cujus rei ut certior sit fides & autoritas, Rex & Archiduces se & *successores* suos eodem nomine obligavere omnibusq; legibus, moribus ac statutis huic contractui repugnantibus atq; contrariis renuntiavere.

XXXVII. Præsens hic tractatus ab iisdem, nimirum à Rege Hispaniarum, Archiducibus, itemq; ab Ordinibus confirmator & approbator, litteræq; ratihabitionis in debita solenni; forma expediuntur, intra quatrimum ab Archiducibus, atq; Ordinibus, & ab unâ parte alteri traduntur. Quod autem ad Regiam Majestatem attinet, Archiduces fidem suam devinxere, intra trimestre spatium ratihabitionem debito iidem more rituq; conceptam ab Hispano Rege adfuturam, quæ & Ordinibus tradatur, ut ipsi & eorum subditi placidè ac pacificè beneficio conventionis hujus frui possint.

XXXVIII. Contractus hic omnibus locis, ubi de more solet & expedire videbitur, statim post ratihabitionem utrinq; datam & acceptam,

M



acceptam, publicè proclamator & promulgator. Iamq; nunc decretum & constitutum esto, ut ab omni hostilitate abstinatur.

Anno 1610.

Firmatis Belgicis induciis *Henricus IV. Gallia Rex*, postquam dudum animo agitaverat, quemadmodum rebus Germaniæ contrà Cæsarem & Austriam domum (quod idem in Belgio per aliquot annos fecerat) se immisceret, quod occasione Iuliacensium controversiarum demum accidisse, si diutius vixisset, rerum periti judicabant, in civitate *Parisiensi* à particidâ miserè confossus vitam finiit, anno, quem versiculus hicce exhibet:

tristia sangVineo LILia rore MaDent.

Anno 1611.

*Gallia* itaq; , *Italia*, *Belgium* aliaq; *Regna & Provincia*, dum quiete & pace gaudent, quicquid vitiorum, & pravorum consiliorum unquam aliis in regionibus viguerat, Germanorum corrupti mores & animi imbuerunt, idq; effecerunt, ut ne annus quidem præterierit, quo non nova consilia, novæq; machinationes contrà pacem & quietem publicam in lucem prodire. Præter Iuliacenses enim adhuc ambigâ fortunâ nutantes motus, in *Aquisgranensi* Imperiali olim aulâ, & etiamnum coronatione Cæsareâ clarissimâ, atq; Imperio Germanico singulari fide obstrictâ civitate funesta seditio exorta est, quæ eò periculosior, quod *Brandenburgicus & Neoburgicus*, qui Iuliacensem hæreditatem non ita pridem occupant, à rebellium civium partibus stare videbantur, nec quoq; tandem Gallici Legati deerant falcem in alienam messem missuri. Taceo de Tutelâ Electorali Palatinâ, inter

(ff) Mercur. d.  
tom 9. lib. 1.  
& exstant scri-  
pta de Tutelâ  
Electoral  
Freheri, Go-  
tolfredi,  
Zeschlini & c.  
Anno 1611.

(gg) De hoc  
Colonienfium  
privilegio.  
Gail, libr. 2.

*Neoburgicum & Bipontinum* acerrimam disputationem. (ff) Inter hæc & plurimas alias animi sollicitudines obiit *Rudolphus II. pacificus Cæsar*, cujus in locum subiectus est *Matthias*; Quo tempore quoq; *Colonia Agrippinæ*, nonnulli spiritu vertiginis corrupti Reipublicæ statum turbassent, nisi maturè ejecti fuissent, at relegati, *Mülheimj* non procul à Coloniâ sedem elegerunt, eumq; locum Iuliacensium Principum aliorumq; munire cæperunt, donec tandem Imperialibus rescriptis territi & fortificationes à Coloniensibus demolitæ fuerint. (gg) Inciderunt & plurima alia quotidie, quæ pacem Germaniæ turbare, & vicinis Imperium invadendi occasi-  
nem dare potuissent, sed *Matthias Cæsar* Comitia *Ratisponæ* indixit,  
ut gli-



ut gliscencia inter partes dissidia & æmulationes, antequam nimiam crescerent, sopiret, componeretq; verum cum Rudolpho antecessore in cassum laboravit, (hh) stante in hoc dubio statu Germaniâ, & Procerum nonnullorû consiliis inter se concertantibus pacemvè ampliùs habere, vel Bellonam amplecti mallerent; In Italiâ Francisco Mantua Duce sine masculino hærede sublato, & fratre Ferdinando Cardinale, Ducatus possessionem apprehendente, inter hunc & Sabaudia Ducem, sub prætextu tutelæ & educationis relictæ à Francisco filia, simularq; hujus successionis in Ducatu Montisferratenfi, lis bellûq; exortum est, (ii) cui demum Mediolanensis gubernator sese immiscuit, sed Galli Sabaudi causam suspectam habentes, durante adhuc Regis minorennitate armis abstinere maluerunt, quamobrem mox controversia hæc transactione finita est. (kk) Cæsar, ut qui ex præparatoriis, quid in Imperio futurum prudenter prævidebat, necessitate sic efflagitante, cum Turcis ad annos viginti inducias pepigit. (ll) Hæc inter quid præterea in Galliâ, inter Regem Ludovicum XIII. post acceptam Regni administrationem, & contractum matrimonium cum Infante Hispaniarum Regis sorore, & Condæum aliosq; Galliæ Proceres? Quid in Italiâ inter Hispanos & Sabaudum? Quid in consinibus Italia, inter Ferdinandum Archiducem & Venetos, atq; alibi inter alios actum, non est, ut huic loco ampliùs inferamus; Tempus jam erat, quo in Germaniâ fœdera fœderibus opponebantur & à confœderatis publici conventus haberentur, ex quo nihil aliud quàm civilia bella oriri potuerunt, & certè licet Cæsar unitos Heilbronna, ut à proposito desisterent, paternè admonuerit, nec alibi officio suo deesset, aleâ ramen semel jactâ, & consiliis turbulentis eò tendentibus, ut nullam ampliùs, quàm in armis quietem turbulenti existimarent, animis armisq; paratis, unam belli occasionem præstolabantur, tandem quam magnis ignibus hætenus clanculùm coxerant conspirationem, per Bohemorum rebellionem in apertum bellum ebulliit, & per totam deinde Germaniam conspersa, totam (quod pro dolor nunc experimur) adussit; Idq; ipsum externis quibusdam Regibus & Rebuspubl. qui partium studia & dissidia eum in finem callidè promovebant, ut Gens Germana aliàs potentissima, intestinis motibus divisa, obnoxium proximis latus aperiret,

obl. 69. n. 24.  
exstant etiam  
hæc de re alia  
Scripta.

Anno 1613.  
(hh) Auctor  
turbati Imp.  
status, adde  
Comitia Ra-  
tisp. eiusdem  
anni.

Anno 1614.  
1615.

(ii) Capriata in  
hist. Ital. lib. 1.  
Mercur. tom.  
9. lib. 4. &  
tom. 10. lib. 4.  
(kk) Capriata  
d. loc. libr. 2.

Mercur. d.  
tom. 10. lib. 4.

Anno 1615.  
1616.

(ll) vid. Mer-  
cur. tom. 11.  
lib. 2. ubi earû  
capita recen-  
set.

Anno 1617.



riret, longæq; libertatis licentiâ divisim partimq; hinc inde dilaceratis membris concideret.

Anno 1618.

(mm) De bello Bohemico, ejusq; causis, multorum scripta & tractatus exstant.

Anno 1619, ad annum 1629. De controversiâ Palatinâ ratione Electoratus antiquâ & modernâ, agunt Freherus, Geuvvoldus, Burgundus Rusdorffius, quem nuperrimè refutavit Dn. Adelsreutter, præter alia scripta anonyma.

(nn) De hac Mantuanâ controversiâ agunt Franc. Niger Cyria-

Matthias ergò Imperator retare curisq; fractus cùm sobole care-  
ret, postquam Ferdinandum patrualem, Regno Bohemiâ inaugurandû  
curasset, tumultuantibus adhuc Bohemis moritur, cui legitimâ Ele-  
ctorum Electione Francofurti habitâ Ferdinandus eius nominis se-  
cundus, uti in Regno Bohemiâ, ita quoq; in Imperio successit; At  
Bohemi nihil hisce moti, Matthiâ mortuo, Ferdinandum abdicant, &  
Fridericum Palatinum in Regem eligunt; hinc illa tempestas, quæ to-  
tam inundavit Germaniam, hinc tot populorum ruinæ & interitus;  
Cæterum de bello hoc Bohemico, (mm) ejusq; origine, causis & progressu,  
tum quòd per plurimi in eo scribendi genere se exercuerint, cùm  
quia adhuc res ipsa in luce versatur, atq; omnibus nota est, plura a-  
gere super sedemus, de eo satis constat, atq; ab aliis hætenus lucu-  
lenter ostensum, inq; publicis Imperii Comitibus & conventibus con-  
firmatum est, Ferdinandum Imperatorem legitimum fuisse Bohemiâ Regem,  
& contra omne jus, fas & equitatem Palatinum eam Coronam ambiisse.  
\* Res ergò uti cæpta, ita cessit, Palatinus enim & sequaces toto ferè  
Imperio profligati, & qui ex illis pœnitentiam non egerunt, aut mi-  
serè perièrè, aut miserè adhuc vivunt, atq; hæc quidem per decen-  
nium ad annum usq; 1629. magnis cladibus peracta sunt, quo tem-  
pore Dania Rex, qui & ipse fortunam suam expertus, Pacem accepit.  
Interea finitis Belli Belgici induciis, superioribus annis factis, & hi bel-  
lum, ut Palatinæ factioni & sociis præstò essent, redintegrarunt, nec  
minori curâ Rex Gallie, ut Regnum stabiliret, & ad externa animum  
adjiceret, bellum Hugonotis suis non solùm indixit, sed magnâ etiam  
ex parte vicit, atq; in ordinem redegit.

Dum hæc alibi fiunt, Fata inter Austro-Hispanos, maximè verò  
Cæsarem, & Gallos ad aperta dissidia jam magis magisque inclinare vi-  
debantur, nam licet Galli hætenus Cæsaris & Imperii hostibus clam  
favissent, neutrales tamen & conciliatores potiùs quàm inimici vi-  
deri voluèrunt. Ecce ergò in Italiâ Vincentio Gonzagâ Mantua (nn)  
& Montisferrati Duce sine liberis mortuo, Carolus Dux Nivernensis iti-  
dem ex Gonzagâ familiâ oriundus, sed in Galliâ natus educatusq;,  
hujus se successorem & agnatum proximum profitebatur, quare hæ-  
reditatis.



reditatis à Vincentio relictæ, clàm palamvè, quàm benè poterat, possessionem apprehendit, quæ res *Cæsarem*, *Hispanum* & *Sabaudum* non parùm mordebat. *Cæsarem*, quod Mantuæ & Montisferraten-  
sis Ducatus, Imperii feudum esset, atq; inconsulto Cæsare feudi Do-  
mino Carolus inaugurationem maturasset, *Hispanum*, quia Carolum  
Gallum, & Gallicis affectibus indulgere sciebat, vicinum ergò nole-  
bat, maximè cùm nondum à Cæsare feudo investitus esset, *Sabaudū*,  
quoniam & hic in Ducatum Montisferratensem prætendebat (ut  
suprà aliquoties dictum) Erat quoq; *Dux Guastalla* demortui agna-  
tus, qui hæreditati se immiscere satagebat; hinc necessariò ad arma  
ventum, ex quo vetera partium, inter *Austros* & *Gallos* studia recru-  
duerunt, *Gallia* enim Rex, licet ab initio *Rupellanâ* obsidione districtus,  
attamen eâ finitâ, & rebus in Galliâ expeditis, *Italiam* magno cum  
exercitu ingreditur, atq; unâ cum *Venetis Nivernensis* partes contra *Cæ-  
sarem*, *Hispanum*, *Sabaudum* & alios defendere conabatur, unde cru-  
delissimum bellum exortum, donec *Mantuâ* aliisq; locis captis Ca-  
rolus ad pacem & preces verteretur. Convenière itaq; inter legatos  
certæ pacis leges, quæ demum *Ratisponâ*, per *Cæsareos* & *Gallia Regis* le-  
gatos, consensu *Sabaudia Ducis* sunt confirmata. Sunt autem hæ:

1. ~~Præ~~ (puta inter Cæsarem & Galliæ Regem atque utriusq; socios) *universalis* non solum in *Italiâ*, sed etiam *Germaniâ* esto, ita ut pars altera alteram nec lædere, nec eius hostibus suppetias dare debeat.
2. *Sabaudia Duci* pro prætensionibus in Ducatum *Montisferratensem*, *Trinum* & alia loca, unde quotannis 80000. coronæ millium re-  
ditus habeat, cedentur.
3. *Lotharingica* prætensiones, post *Nivernensis* investituram, intra sex  
menses amicabiliter componi debebunt.
4. *Dux Guastalla* pro suâ portione, quotannis ex Ducatu Mantuæ  
6000. millia coron. habebit.
5. *Dux Nivernensis* delicta commissa coràm Sac. Cæsarea Majestate  
deprecabitur.
6. Quo factò sua Majestas, intercedente Sum. Pontifice, & Rege  
*Franciæ Nivernensi feuda utriusq; Ducatus* concedet.
7. Vigore cujus investituræ Cæsarea Majestas Mantuanum contra  
omnes hostes defendet & tuebitur.

M 3

8. Post

cus. Frid. Bo-  
fius. Marta  
Neapolitanus  
pecul. libris.

Pacificatio 19.  
Ratisponensis  
de anno 1630.  
13. Octob.



8. Post subscriptionem & publicationem hujus Pacificationis quævis hostilia in Italiâ cessabunt.
9. Ac demum intra quinq; hebdomadas exercitus Cæsareus, exceptâ Mantuâ & Canneto ex Italiâ deducetur.
10. Civitas, arx & fortalitium *Casalense*, cum omnibus aliis locis in Ducatu Montisferratenfi (iis duntaxat exceptis quæ art. 2. Duci Sabaudia assignata sunt) Nivernensi Duci restituentur, ita ut eadem ad placitum proprio milite custodire possit.
11. Tunc etiam Sac. Cæs. Majest. *Mantuam* & *Cannetum* Duci Nivernensi, prout quoq; Rex Gallia Sabauda *Pinarolum*, *Pricaras*, *Susam* & *Aveglianum* restituet.
12. Quoscunq; *passus* & *fortalitia* Cæsar in *Valletellina* & vicinis locis extrui fecerit, & teneat, demolientur, ac in pristinum statum restituentur.
13. In majorem securitatem utriusq; partis *obsides*, donec omnia executioni mandentur, vel S. Pontifici, vel Magno Duci Hetruria, vel alii cuidam Principi Catholico Germaniæ dabuntur.
14. Comprehendentur quoq; sub hac pace *Veneri*, atque exercitum suum dimittent.
15. *Controversiæ* inter Cæsaream, & Gallia Regis Majestatem, de *Mertensi*, *Tullensi* & *Verdunensi* Episcopatibus, uti quoq; de *Abbatia Garzensi*, ad componendum in aliud tempus rejicientur, interim fortalitium *Meyenrvick* in pristino suo statu manebit.
16. *Lorharingia Dux* sub hac quoq; Pacificatione sit comprehensus.
17. Hanc compositionem *amnistia universalis*, & abolitio omniū injuriarum, etiam restitutionis mobilium & bonorum raptorum, captivorumq; utriusq; partis absq; omni sumptu sequetur.
18. Hæc omnia à Sac. Cæsareâ, & Regis Gallia Majestate, nec non à Duce Sabaudia fideliter & absq; fraude Ratisponæ 13. Octob. Anno 1630. accordata & conclusa sunt.

Subscripta ex parte Cæsaris

à Dn. { Anthonio Abbate in Cremsmünster.  
Ottone à Nostitz Barone.  
Herm: à Questenberch Barone.

Nomine Regis Franciæ

M. Brulard, Reg: Maj: Confiliarius & Orator.  
Fr. Josephus Capuzinus adistens.

Quæ



Quæ dum alibi geruntur, Cæsar publicis edictis *restitutionem Ecclesiasticorum* (oo) contra Pacem religiosam à Protestantibus occupatorum repetiit, quæ res acatholicos, etiam *Saxonem Electorem*, hæctenus Cæsari fidum ad desperationem adegit; Conventu itaq; *Lipsiæ* habito, novum fœdus invito Cæsare pangitur; *Gustavus Adolphus Sueciæ Rex*, jam aliquot per annos tùm contra *Moschos*, cùm etiã *Polonos*, felicia bella gesserat, atq; cum utrâq; gente inducias fecerat, cum hoc *Bogislaus XIV.* atq; ultimus eius familiæ *Pomeraniæ Dux*, certum clientelare & commerciorum fœdus (ut in principio præ se ferebat) variis ex causis iniit, atq; insimul Suecus cum exercitu *Rugiam* insulam, & *Pomeraniam* invadit, adventus sui & hostilitatis contra Imperium *causas speciosas* (pp) afferens, quasi bellû hoc, tùm protectitium, cùm vindicatorium (prout titulus eius erat) propterea contra Cæsarem moveret, quòd Cæsar Regi *Poloniæ* copias auxiliares miserit, cùm tamen Rex *Sueciæ*, nullâ omninò injuriâ Imperatorem vel Imperium affecerit; Idq; factum esse nullâ clarigatione præmissâ; Cæsarianos non sine contumeliæ notâ Regis *Sueciæ legatos* à tractatu *Lubecensi* exclusisse, litteras Regis ad *Bethlemum* destinatas interceptisse, Imperatoris Legatum, sine aliquâ justâ causâ *Gedanum* reliquisse, atq; ita studium reducendæ pacis deferuisse; *Sueciæ* Regem, bello Danico jam sopito, præsertim occupatis omnibus maritimis *Pomeraniæ* ac *Mechlenburgij* locis, & insulis, à Cæsarianis, classeq; in *mare Balthico* exstructâ, nudæ Imperatoris fidei amplius se committere non potuisse; Sed jure & merito vicinorum Principû (putà *Germaniæ*) periculo cautiorem factum, præveniendò majoribus malis obviaffe, quinimò pro gloriâ DEI pugnando, *Germaniæ Principes* *Conscientiæ*, *paciisq;* *publicæ* causâ oppressos in patrocinium suscipere debuisse; Accesserunt & aliæ minutiores, quibus omnibus Cæsar respondit, easq; in Regem merito retorfit, prout suo loco demonstrabimus; Sed litteris in arma conversis, *Suecus* magnam *Pomeraniæ* partem suæ potestatis fecit, è *Pomeraniâ* itaq; *Marchiam Brandeburgicam*, *Silesiam* ac *Saxoniam* respiciens *Lipsiæ conventus* novam confœderationem parturientis, protector & caput supervênit, nec aliter *Germani* confœderati illum acceperunt, missisq; legatis omnium facta est unio eadem, confœderatio una; Primo equidem

(oo) De restitutione bonorum Ecclesiasticorum Auctor. de compositione Pacis.

Anno 1630.  
1631.

(pp) Publicatæ sunt hæ causæ Latine & Germanicè, easq; pro Sueciæ Rege defendit Balthaf. Henckel. peculiari scripto, sed vide Vernulæi discurs. de bello Sueco-German. Burgum in Marte Suecico &c.



intuitu conjunctio hæc magnum videbatur habere applausum, sed num tanti fuerit, & adhuc sit momenti, ut gravissimum illud damnum & periculum, quod *Germania*, per vicini Regis protectionem incurrebat, & adhuc præ oculis est, recompenset, non meritò ambigitur.

Verùm ut ad Pacificationes nostras revertamur, cum Rex Sueciæ, blandiente fortunâ, tot tantosq; progressus faciebat, Gallicus Legatus *Hercules Charnacæus* pro more temporis se accommodans, cum *Boerwaldæ Rex* in stativis per aliquot dies moraretur, confœderationem, seu conventionem (procul dubio dudum conceptam, & à Rege Gallie comprobata) ad quinquennium nomine sui Regis cum

(qq) Burgus in Marte Sueco-Germ. lib. 2.

(rr) Alex. Patric. in Marte Gallic. lib. 2. cap. 7. & 12.

Sueco iniri, (qq) Quæ inter alia hæcce continebat capita; Fœdus iniri pro defensione omnium amicorum qui oppressi sunt, pro securitate commercii maritimi, & ut restituantur in status suos omnes Principes atq; Ordines Imperij, quemadmodum ante Germanicum bellum fuerant &c. Deniq; ut omnia restituantur in eundem locum, quem ante tumultus Germanicos habuerunt; (rr) Si itaque examinandæ erunt causæ, cur à *Ratisponensi* (ut antiquiores taceam) Pacificatione, vix ante annum confirmatâ discessum; Novæ certè ob quas discedere licuisset, ex parte Cæsaris & Catholicorum Statuum Germaniæ nullæ intervenierunt; vix ulla à Gallis excogitari poterit; Et licet hoc fœdere exceptum videatur, ne quid fiat in detrimentum Catholicæ religionis, & contra confœderatos Catholicos; *Ridicula* tamen hæc erat exceptio & prorsus captiosa, cum Rex Sueciæ, & confœderati Status Lipsiæ, præter Catholicos nullum haberent hostem, quinimò principalis fœderis illius causa, fuit restitutio bonorum Ecclesiasticorum, quæ directò militabat contra Catholicos, non solum Cæsarep, sed etiam reliquos Status, nec ignorabant Galli, Cæsaris & fœderatorum Statuum Catholicorum exercitum non ita pridem, exauctorato *VV alsteinio*, sub ductu *Tillij* in unum corpus coaluisse, vix ergò aliud dignosci poterit, quàm sub vocabulo restitutionis omnium Principum & Ordinum &c. Et rursus omnium, id est, bonorum tam Ecclesiasticorum quàm Secularium, utrumq; Regem Gallum & Suecum iisdem motum esse causis, & ad eundem (nisi quatenus diversum interesse impedit) tendere finem, quod etiam successu temporis experti sumus, & nî Deus avertat, ulterius experiemur.

Quòd



Quòd si moderniores Gallos audiamus, quos prosperi successus elatiores reddidère, illi cum *Charnaceo*, causas non dissimulant, *Tractatus enim Vlmensis violationem, Palatinorum, Trevirensisq; Electoris restitutionem*, & similia alia obtendunt, atq; satis superq; nonnullos incredulos confundunt, qui persuaderi sibi patiuntur *arma Gallorum* ad perniciem & ruinam *Austriacorum* principalem habere respectum, reliquos status tantoperè non periclitari, quod nihil aliud est, quàm caput à membris & hæc à capite divellere; Ex recentioribus hisce est, qui se *Dominum de Silhon* (ss) nuncupat, homo (uti apparet) non infimæ sortis, qui sub descriptione ministri vel consilarii status, *Cardinalis Richelij* defuncti personam egregiè agit, eiusq; consilia & actiones acerrimè defendit explicatq; , cuius quoq; *cap: ultimo* mentionem faciemus.

Hæc societate inter *Gallum* & *Suecum* aliosq; *Catholicæ religionis* inimicos peractâ, *Suecus* per *Marchiam* in *Saxoniam* atq; in ipsa *Imperii viscera* penetrabat, *Gallus* contra *superiorem Pacificationem Ratisponæ* confirmatam (quâ *art. 16. Lotharingiæ* quoq; *Dux* comprehendebatur) occupatâ *Lotharingiâ* (tt) diversis vicibus *Alsatiâ* & *Brabantiam* petebat, ac demum cum *Suecis* se conjunxit, progressum descripserunt alii, atq; ipsæ ruinæ *Germaniæ* & *Belgiæ*, præcipuè verò *Catholicorum ditionum* (licet quoq; suis clientibus non pepercerint) sufficienter ostendunt & attestantur, eos qui *libertatis defensionem* prætexerunt, eandem subvertere solere. Cæterum de sollicitâ *Pacis reducendæ curâ* & *qualem* utraq; pars exoptet, *cap. ultimo* referemus.

Atq; hæc quidem de variis *Pacificationibus* ab annis plusquàm ducentis inter *Austro-Hispanos*, & *Gallos*, atq; utriusq; partis *Socios* initis; Quarum nunc *recapitulationem* quandam, cum præcipuis circa easdem occurrentibus *fundamentis* & *motivis* subjiciemus.

(ss) Le ministre d'estat avec le véritable, usage de la Politique moderne Par le Sieur de Silhon.

Anno 1632. cum seqq.

(tt) Causas vñ de diversis de apud Verulanæ. in discursu, de bello Gallo-Lotharing.

N

CA:



## CAPVT UNDECIMVM.

Recapitulationem omnium harum Pacificationum cum  
*præcipuis earundem fundamentis & motivis exhibet.*

**L**icet in recitatione harum Pacificationum, hoc tempore, & pro moderno instituto brevitati magis, quàm prolixitati studuerimus, Ea tamen quæ hæcenus dicta sunt, succinctius repetemus, atq; insimul *principalia controversiarum puncta*, quæ circa Pacificationes hæc earumq; substantiam, quodammodo mota, vel etiamnum moveri poterint, adjiciemus.

Pacificatio 1.

*Prima* ergò inter *Gallicam & Burgundicam* (quam demum *Austro-Hispanicam* excepit) domum incidens controversia ex ambitione Gallorum exorta est, *Ludovicus* enim *Dux Andegavenfis*, *Philippum Burgundum* præire satagebat, quod dissidium *Carolus VI. Gallia Rex* composuit, & pro *Burgundo* judicavit; Haud fallax augurium, fore scilicet, ut ambitiosi hi affectus *Burgundicam* quidem *felicitatem* concomitarentur, nunquam tamen eandem sint oppressuri, *justitiâ resistente*, cap. 1.

Pacif. 2.

*Secunda* eiusdem farinae esse videtur, nam quum *Carolus VI. Rex Gallia* in mentis alienationem incidisset, atq; inter *Iohannem Burgundum*, & *Ludovicum Aurelianensem* de Regni administratione quaestio exoriretur, *Burgundo* administratio commissa est, cum verò *Aurelianensis* nihilominus Regnum affectasset, *Parisiis* interfectus est, quod licet *Burgundo* imputaretur, à Rege tamen absolutus, & *Aurelianensem* boni publici causâ interfectum esse, conclusum fuit cap. 1.

Pacif. 3.

*Tertium* autem dissidium *justissimâ* ex causâ pro *Burgundis* est compositum, contrà enim *jus gentium & datam fidem*, *Aurelianeses Galli*, *Iohannem Burgundum* apud *Monstrelium* interfecere, unde inter *Gallos & Philippum Bonum Burgundia Ducem* diuturnum bellum gestum, cumq; *Burgundi* laude pacificatum; cap. 1.

Pacif. 4.

*Quarta* æmulatio *Ludovici XI. Regis Gallia*, & *Caroli Ducis Burgundia* multorum erat caput, ut enim uterq; erat consilio præceps & ingenio vario, ita variis ex causis inter eos controversiæ nascebantur, si tamen *principium* spectes, in eo *Ludovicum* peccasse videtur, quòd



quòd *Carolo* in paterno solo infidatus fuerit, quam ob rem *Carolus Burgundus Gallia Proceribus*, qui à Rege more inaudito, novis oneribus vexabantur, & privilegiis juribusq; privabantur, (*Ludovicus enim hic Primus Regum Franciæ esse scribitur*, qui restrictâ Principum libertate, Regiam auctoritatem sibi conciliavit) adhæsit, atq; ita quamdiu vixit, suspectum illum habuit, sed tamen hæc omnia certis conditionibus sopita fuere, *cap. 1.*

Quintò inter *Ludovicum Gallia Regem & Maximilianum Austriacum*, *Pacif. 5.* de *Burgundicis & Belgicis* provinciis dissidium & bellum incidebat, *Maximilianus* jure uxorio (prout etiam tam *Burgundia* quam *Provincia Belgica* ad *Burgiones* pervenerant) & matrimoniali nexu in se suâq; domum easdem transtulisse asseribat, atq; Galli ultro concesserunt, Regem nihil juris in eiusmodi Provincias habere (si non *Gallicum jus le droit de bien seance*) Quid ergò bellum injustum, *Pacificatio pro Austriis* justissima, quâ *Belgium* cum incorporatis Provinciis iisdem permansit; *Cap. 2.*

Sextò sine omni controversiâ, repudiatio *Maximiliani Austriaci* filia *Margarita Burgundica*, & raptus *Anne Britannica* *Maximiliano* desponsata, à *Carolo VIII. Gallia Rege* commissus justissimi belli vindicatorii causa, & mitissimi *Maximiliani* erga pacem & quietem cum *Pacif. 6.* Regibus *Gallia* animi index fuit; Quis enim privatorum, filiam unicam solenniter alicui promissam & domum deductam, repudiari, atq; è contra propriam sponsam sibi eripi patierur? *Cap. 2.*

Septimò, circa *Neapolitanum & Siculum* Regnum variæ occurrunt controversiæ; Sed ut *vetustiores* hoc tempore omittam, utpote quæ per jura & pacta posteriora vel finitæ vel obliteratæ sunt; Indubium est, *Ferdinandum Catholicum Hispaniarum Regem*, *Alphonso Arragonij* eius nominis I. Vtriusq; *Neapolitani & Sicilia Regni Regis*, *patruelem*, sive fratris filium fuisse, ad eum ergò, excluso *Alphonso* filio spurio utrumq; Regnum pertinuisse, omniq; jure ad eius acquisitionem animum adjecisse; Ut verò expeditionem hanc per aliquot tempora dilatam, faciliorem sibi redderet, cum Rege *Gallia* (qui si- *Pacif. 7.* ve de jure, sive de facto similiter, in Regnum *Neapolitanum* prætendebat) de invadendo, occupando & inter se dividendo Regno pacem inivit, successerunt omnia benè; *Cap. 3.*



Pacif. 3.

Ottavo; At Galli in Regno licet diviso quietè stare non potuerunt, ergò cum Gallie Prorex contra Hispanos causâ non satis probabili bellum moveret, Galli tandem Regno pulsi, æquam tamen, intercedente inter Ferdinandum Hispanum cum Gallie Regis sorore matrimonio obtinuerunt pacem: Cap. 3.

Pacif. 9.

Nonò; Mediolanensis Ducatus Imperij feudum, primò Vicarios, deinde Duces, qui si Imperii nomine præerant, habuit, inter eos fuit Galeacius, qui duos reliquit filios, Iohannem & Philippum Mariam, atq; unicam filiam Valentinam Ludovico Aurelianensi nuptam. Galeacii itaq; filiis sine masculâ prole extinctis, Ludovici Aurelianensis filii occasione prætensi juris materni Ducatum invadebant, sed repulsi, demum Ludovicus Gallie Rex ex Valentinâ nepos, eundem occupavit; Maximilianus Cæsar, eò quòd Mediolanum Imperii feudum & quidem ad masculos saltem transitorium esset, & per consequens demortuis Galeacii filiis ad Imperium sit reversum, asseribat, Gallo omnem successionem & meritò quidem denegabat; Postea tamen certis conditionibus pacem cum eo pepigit; Cap. 4.

Pacif. 10.

Decimò, hæ pacis conditiones (nec enim Rex Ludovicus clausulas præsertim matrimoniales pactiõni consentaneas eiq; insertas adimplevit) à Gallis non fuerunt observatæ; Et licet præterea Cameraci inter Cæsarem & Regem Gallie, de prædicto Ducatu, alia intercesserit Pacificatio, cum tamen ea in præjudicium Caroli Austriaci facta, atq; Ludovicus Gallie Rex, se Conciliabuli Pisani defensorem præbuisset, Cæsariq; se opposuisset, conventio hæc meritò annullata fuit; Et quod amplius Valentinâ descendantibus, & stirpe Valesiâ extinctâ, Borbonis modernis Gallie Regibus nihil juris in Ducatu Mediolanensi competat, Cæsariani validis juris fundamentis statuunt; Cap. 4.

Pacif. 11.

Vndecimò; Regni Navarrai occupatio & possessio, ob inobedientiam & hostilitates Ludovici Gallie Regis, Ferdinando Catholico Hispaniarum Regi adjudicata fuit, ubi sprete S. Pontificis potestas disputabatur, verum singulari Pacificatione, Ferdinando Regnum istud remansit, quod idem de Roscionensi Comitatu dicendum; Cap. 5.

Duodecimò; Ludovico XII. Gallie Regi defuncto Franciscus I. successerat, qui contra pacta superiora Ducatum Mediolanensem invasit & occu-



& occupavit, sed rursus, ob juventutem & periculosum statum Regnorum Caroli Austriaci jam novi Hispaniarum Regis, sub conditione aliquâ matrimoniali *Pacificatio* facta est; Cap. 6. Pacif. 12.

Decimo tertio; sed quum interea Maximilianus quoq; Cesar diem obierat, Franciscus Rex Gallia varia contra Carolum Austriacum movit; Primò Prætensiones contra Imperij quædam loca ex orco revocavit. Secundò Imperialem Coronam contra Carolum Austriacum, vel alium quempiam Germaniæ Principem, quem libera electio daret, ambiit. Tertiò, Carolum variis injuriis & contumeliis affecit, ac postquam ambitum Imperialis dignitatis frustraneum vidisset, Quartò ad veteres jam dudum inter utriusq; antecessores decidas sopitasq; causas recurrit, Navarram aggreditur, Mediolanensem Ducatum invadit, atq; Belgij fines infestat, unde inceptum est bellum Italicum variâ fortunâ gestum, donec Franciscus ipse penam luens caperetur, atque in Hispaniam mitteretur, quam captivitatem subsequuta est *Pacificatio* Madritana, quâ Rex Gallia omnium suorum Prædecessorum promissa & pacta renovavit, confirmavitq; , atque plura alia pollicitus, libertatem recuperavit; Cap. 6. Pacif. 13.

Decimo quarto; sed nihil horû præstitit more suo Gallus, quamprimùm enim in Galliam rediit, tum quòd coactus illa promississe dicebat, cum quia Proceres Regni (uti prætendebat) promissa approbare nollent, novum in Italiâ bellum incepit, quod aliorum intercessionibus rursus Cameraci sopitum, memorabilibus punctis (præter ea, quæ Madritana transactioni insertæ fuerant) adjectis; Inter quæ & hicce articulus erat, ne Rex Gallia in posterum Italia, vel Germania rebus se immisceret, nec ulli Principi, in Cesaris damnum suppetias daret; Cap. 7. Pacif. 14.

Decimo quinto; At Franciscus non solum Smalcaldici fœderis sociis Protestantibus 6. Principibus & Statibus in Germaniâ favebat, Ferdinandi Cesaris fratris electionem in Regem Romanorum impedire conabatur, in Italiâ novas turbas ciebat, Mediolanensi Ducatui inhæbat, sed etiam contra Cesarem Tunetano bello impeditum multa alia moliebatur, quæ res Cesaris animum ad justam vindictam commovebat, sed interventu S. Pontificis Niza nova pax, vel potius novennales induciæ factæ sunt; Cap. 7. Pacif. 15.

Decimo sexto; Licet post inducias Nicenses in duobus collo-



Pacif. 16.

quibus magna inter Cæsarem & Franciscum familiaritas intercesserit; brevis tamen induciarum operatio & effectus erat; Nam Rex Franciæ cum nec Pacis tractationibus, nec familiaribus colloquiis Mediolanensem Ducatum pro filio obtinere posset, novas & quidem prohibitam amicitias cum Guilielmo Clevensum Duce, qui Ducatum Geldrensem ad Carolum Cæsarem devolutum (quæ quæstio tum temporis post Caroli Geidria Ducis mortem agitabatur) ad se pertinere prætendebat, atq; Principibus Germaniæ religionis causâ à Cæsare dissidentibus, sibi conciliavit, accessit & aliud infortunium, quod Galli Legati, ad Turcicam portam cum literis destinati, ab Hispanis intercepti fuerint; Cæsarem ergò, dum ab infelici Africanâ expeditione in Italiam redit, Gallus quinque diversis exercitibus, quibus classem Turcicam maritimam, cui Polinius Regis Legatus aderat, junxerat, aggreditur verum Cæsarianis se strenuè defendentibus, pace Crepinensi omnia in pristinum statum fuere restituta; Cap. 8.

Pacif. 17.

Decimo septimo, Dum Cæsar Germanicum bellum, à Iohanne Friderico Saxone, & Philippo Hassia Landgravio religionis causâ excitatum componit, Franciscus Rex Galliæ moritur, & filium Henricum II. Regni & æmulationis erga Austrios hæredem reliquit; Hic ex levi accidente, ad se non pertinente, ob occupatam in tumultu à Cæsarianis Placentiam, in Italiâ bellum resuscitavit, atque demum Germanicis rebus, contra pacta prædecessorum se immiscens, cum Mauritio Saxone, Cæsari ex improvviso bellum infert, Turcicis etiam armis, ut Italiam infestarent (quod & factum) arctiori fœdere, magno cum Christianorum damno & scandalo, sibi iunctis, quo ipso Protestantibus in Germaniâ Pacem religionis à Cæsare & Ferdinando fratre Romanorum Rege extorsit, & quoad reliquas controversias, ex tractatu in Cænobio Vallectusensi propè Cameracum habito, Induciæ quinquennales subsequutæ sunt; Cap. 9. Quibus obtentis, Carolus Cæsar tædio vitæ Ferdinando fratri Imperium, Philippo verò filio, Regna hæreditaria, cum aliis provinciis resignat, atq; in Hispaniam navigans S. Iusti Cænobium ingreditur. Sed pactæ induciæ vix annum durarunt, ergò rursus in Italiâ & Belgio armis concertatum, donec insigne illud prælium apud Sanctum Quintinum, quo flos nobilitatis Gallicæ cecidit, solenni Pacificationi Cameracensi viam aperuit, quâ inter Philippum II. Hispaniarum, & Hen-



& Henricum II. Gallia Reges atq; utriusq; socios, non solum omnes controversiæ sopitæ, sed simul etiam contracta amicitia matrimoniali vinculo firmata fuit; Cap. 9.

Decimo octavo, Henrico II. Gallia Rege in infelici hastiludio interfecto, miserrimus sub Francisci II. Caroli IX. & Henrici III. imperiis, fuit Gallia status, quem si voluisset, Philippus magis interturbare potuisset, sed paci, Catholicæq; religioni consulere maluit; Tandem cum Henrico Navarrao, primo Regni hujus invasore, deinde Henrico III. extincto eiusdem legitimo Rege, eius nominis quarto, tum quod hic præensiones Navarraas renovaret, cum quoq; rebellibus Belgis auxilium mitteret, aliquamdiu bellum gerere coactus fuit. Quod Pacif. 18. demum inter utrumq; Regem, & socios, Pace Vervinensi sopitum, hæcq; Pacificatio solennibus juramentis confirmata fuit; Cap. 10.

Decimo nono; Henricus tamen Navarraus (quod promiserat) à Belgicis auxiliis non abstinuit, quin imò eadem postea singulari conventionem & pacto iisdem confirmavit; Atq; dum Germanorum Principum aliorumq; in vel extra Germaniam Imperio devinctorum Cæsari obedientiam denegantium, iussaq; supremorum Imperij Tribunalium spernentium Protectionem (contra Antecessorum & propria pacta) pro peculiari Gallia jure habuit, eamq; persuasionem Successoribus reliquit, Germaniæ negotia exinde non semel difficiliora reddita sunt, quæ causa etiam est, cur (cæteris omissis) demum Ludovicus eius filius Mantuano bello aliisq; Italicis negotiis sese immiscuit, quæ tamen ultima difficultas Ratissponensi Pacificatione satis sublata fuisset, si in eadem Pacif. 19. Galli acquievisent, atq; ab ulteriori, cum Sæcis, aliisq; juratis Imperii hostibus, in ipsius Imperij eiusq; fidelium Statuum perniciem, colligatione & conspiratione abstinuissent, quo ipso tandem Galli Christianissimi (uti videri volunt) in causa Palatinatus, restitutionis bonorum Ecclesiasticorum, abolitionis omnium criminum contra Imperium, Cæsaream Majestatem, & fideles Imperij Status, præsertim Catholicos commissorum, atq; aliorum similium, se suspectos reddidère; Cap. 10.

Hoc caput ut claudam, lectorem moneo, me non ignorare, ultra eas, quas breviter recensui, Pacificationum enarratarum tum constitutarum cum violatarum causas, adhuc alias prætendi referriq; posse, verum animadvertendum, ne cum imperitis causas cum præ-

TEXTUM



(a) Gentil. de  
jur. belli lib. 1.  
§ 4. 7.

textu confundamus, Id enim peculiare esse Regibus post *Cominatum* in comment. Gallicis scribit *Alber. Gentiles* (a) ut semper aliquam probabilem causam vel pretextum suscipiendorum bellorum (adde quoque violandarum Pacificationum) præ se ferant, quamvis sæpè nulla causa sublit; non ergò quid prætenditur, sed quid reverà agatur, inspiciendum, atq; inde rei veritas judicanda, quod non nisi rerum ordine benè cognito, quo scilicet tempore, & quibus circumstantiis gestum, fieri poterit.

## CAPVT DVODECIMVM.

*Cujusdam Gallici Scriptoris de Pace futurâ Germaniæ, discursus continet; Quis eam hætenus impediæ? cujus conditionis esse debeat? & quomodo, satis secura reddi possit?*

**P**ostquam *Pacificationes Austro-Hispano-Gallicas*, hætenus inter utramq; gentem initas recensuimus, *Gallicus* quidam Scriptor nobis occasionem dedit, ut de *Pace futurâ* (quam ipse & procul dubio alii cum eo, vel sibi imaginantur, vel saltem certis ex causis prætexunt) nonnulla referamus, quæ licet iis, qui publicis hujusmodi negotiis intersunt, superflua & non necessaria videri poterint, cùm tamen aliis æquè non sint obvia, hisce laborem non ingratum futurum existimavimus; *Gallicum* autem idioma non de verbo ad verbum transtulimus, operam tamen dedimus, ut de mente auctoris satis constaret; Est autem Scriptor, quem supra cap. 10. nominavimus, nuperus quidam *Silhonius* nomine, qui partes duas ( quarum tertiam quoq; promittit) discursuum, si rerum varietatem & novitatem spectes non contemnendorum, si veritatem & exemplorum malam applicationem consideres, vix ferendorum, conscripsit; Is (inquam Auctor) præter alia, justo examine (quod aliis temporibus relinquimus) non indigna, tria hæc, quæ præsentis maximè sunt materiæ, inculcare voluit;

1. *Casarem in culpâ esse, cur Pacificationis hoc negotium tantopere differatur, & tantum humani sanguinis sine causâ effundatur.*

2. *Pacem*



2. Pacem futuram debere esse generalem, id est omnium partium tum principalium, cum iisdem confœderatorum.

3. Quomodo Pax hæc generalis, omnibus membris semel communicata, ex parte Gallorum eorumq; adherentium secunda & inviolabilis reddi debeat?

Quod priorem discursum attinet, quem Auctor (a) prolixè proponit, conatur omnibus persuadere, quicquid hætenus in Pacificationis negotio, etiam Coloniae, ex S. Pontificis interpositione tentatum, atq; alibi actum, non nisi dissimulatè, & ad hunc finem factum esse, ut mundus fallatur, atque simplices zelum pacis reducendæ credant, cum tamen è contra Cæsariani oleum (quod dicitur in proverbio) camino addiderint, & bellum omnibus modis promoveant; Deinde ut adversarii repidiores redderentur, & confœderati interea ad separatos pacis tractatus allicerentur, (quod etiam partim tentatum effectumq; esse) ex quo demum Gallis id eveniret, quod Politicorum Maxima tradit, confœderatos nimirum, qui primo loco se accommodant meliores consequi conditiones, & colligere granum, quod alii seminârunt, ultimos vel secundum Oraculi illius effatum, devorari, vel demum universam belli molem sustinere, necessum habere;

Quæ omnia ita esse, ex sequentibus clarissimè patere Auctor censet; Nam primò cum Legatus Florentinus anno 1637. mense Julio Vienna necessarias litteras salvi conductus, pro Gallis eorumq; confœderatis peteret, à Cæsarianis responsum accepit, se id facere non posse, Cæsarem enim cum Suecis in particulari tractaturum, quod Germaniæ Principes sibi subiectos, sed hætenus rebelles attineret, qui arma adhuc in manibus haberent, inter quos sunt Hessi, cum hisce similiter particulares tractatus instituendos fore, reliquos esse incapaces, ut cum illis tractaretur, auctoritate Cæsareâ & Imperii Legibus ad unionem reduci posse; Deniq; Galliæ Regem immeritò rebus Germanicis se immiscere, quod si idem Cæsar faceret in Gallicis, Regem id malè habiturum &c. Hoc responsum postquam multis modis examinasset, tandem ad secundam dilationis causam progreditur, quam in eo statuit, quod Regis Hungariæ (ita enim Cæsarem Ferdinandum III. ex rationibus, quas se parte 3. suorum discursuum allaturum pollicetur) Legati Hamburgi, circa præliminaria generalium

(a) Silhonius  
in consil. Stat.  
tus part. 2.  
lib. 1. discurs.  
12.



lium tractatum non satis fideliter rem gesserint, sed quoniam (dum hæc scribo) *Acta tractatum præliminarium, circa negotium Pacis generalis*, ab ipso Legato Gallico Claudio de Mesmes, cum iisdem scholiis, seu potiùs scommatibus ex falsis præsuppositis confectis anno præterlapso in lucem edita viderim, ordinis gratiâ libare hæc, non etiam ulteriùs prosequi volui, hoc saltem nunc addo, ex prædictis scholiis atq; causis contra Cæsarem adductis iis qui jura Germaniæ norunt, & de illis seposito sinistro affectu judicant, satis constare, talia fuisse, quæ ex parte Cæsaris remoram hætenus injecere, ut salvâ Imperii auctoritate, & absq; læsione Legum fundamentalium nequiquam cedi potuerint, id quod ex demonstratione causarum, (quam nunc omittimus) luce meridianâ clariùs evaderet; Quid si (ut iuridicis *Politica*, quæ plus valent apud externos, subnectamus) Cæsariani præviderint, idem quod illis forsân falsò objicitur à *Gallis & Suecis* prædicari, scilicet, sub prætextu tractationis, de Pace generali. Neq; enim novum, sed commune nimisq; quotidianum est, ut sub umbrâ pacis bellum lateat. *Petrarcha de remed. utriusq; fort. lib. 1.* (quæ quàm difficilis futura, postea nonnihil attingemus) præcipuè id quæri, ut dum tractatus particulares, (sive cum exteris, sive cum illis Imperii Statibus, qui nondum ad obedientiam redièrunt) dissuadentur, horum confœderatorû ope in visceribus Imperii bellum in infinitum trahatur, perpetua exinde inimicitia, inter caput eiusq; membra alatur, atq; (quod *Gallici Scriptores* pro indubitato asserunt) ut *universalis dissolutio harmoniæ statusq; Imperij* (quod Deus avertat) tandem subsequatur, evidens certè signum & indicium, quid *Galli*, quid *Sueci*, aliq; eorum confœderati, sub *Austriacæ domus* (quæ sola prætenditur) diminutione vel ruinâ intelligant, & quæ clades totius Imperii eam subsequutura sit.

(b) Silhon.  
part. 2. lib. 2.  
discurs. 9.

Secundum nunc accedamus *Silhonij* (b) discursum, qui est de *qualitate futuræ pacis*, de quâ ita statuit, eam esse debere *generalem*, & *tractatus particulares aliis qui eosdem appetunt, minari ruinam*; Quod omittis superfluis & ad rem non pertinentibus, ita ostendere conatur; Præsupponit, non nisi pacem hanc generalem posse esse securam, cujus securitatem, ex eo promittit, quod, dum omnes confœderati tanquam unum corpus pacem tractant, simul etiam de securitate hâc sibi cavere poterint & debeant, eo scilicet modo, ut ad observan-

tiam



tiam eorum, quæ paciscuntur omnes confœderati obligati maneant, atq; talibus mediis defensivis se muniant, quibus in omnem eventum pacta tueri possint, prout ad *discurs.* 3. dicitur; Secus esse in *tractatibus particularibus*, quos efficere, ut non solum corpus unitum infirmetur & dissolvatur, sed etiam singuli facilius decipiantur, & quod summa rei, quoniam tantæ non sint potentiæ, ut violationem fœderum prohibere vel vindicare queant, quod eadem facili vel intereant, vel etiam violentur, atq; omnia ad pristinum statum redeant; Vnicum hoc esse remedium, *Austriacam domum intra terminos assignatos & præscriptos tenere &c.* Vnde liquere, quàm gravissimè Saxoniæ Elector, & alii Germaniæ Principes, qui ab hac viâ salutari recesserunt, peccarint, quod Pacificatione *Pragensi* tam carè libertatem suam venderint, & se in extremam servitutem præcipitarint, injuriâ eos affecisse & se sociosq; se quia relictis sociis æqualibus ad infelix illud & pristinum jugum redire, socios & maximè *Suecos*, quod erga eos ceu liberatores ingrati existere voluerint.

*Tractatus* hosce *particulares* esse nocentissimos, & si non ex *Politica Hispanorum*, quæ non solum *Madridi* in Hispaniâ, sed etiam *Vienne* in *Austriâ*, in viridi sit observantiâ commensurandi, saltem *Duêtrice* experientiâ respui debuissent. Quis ignorat *Pacem Pragensem* ex parte Cæsaris fuisse coactam? Nihil aliud ergò superesse, quàm quod præsertim *Successores*, (quos non teneri præstare factum Cæsaris) eam non sint servaturi, ex quo necessarium consequens, vincere aut vinci *Austrios*, Saxonem aliosq; novos amicos, fore prædam victoris. Et solere *Austrios*, eiusmodi pacta & paces *particulares* violare, *exempla* posse recenseri infinita, paucis id nunc declarandum, iisq; novissimis *Italiæ* & *Germaniæ*; *Ex Italicis* nonnulla cum *Sabaudia* Duce gesta & non servata refert; *ex Germanicis* tractatum *Vlmensem*, præsentis Regis *Galliæ* Legato conclusum à Cæsarianis & adhærentibus violatum valdè exaggerat; Hinc insecutam esse cladem *Pragensem*, profugatum *Palatinum*, *Electoralis dignitate* & omni *Imperio* exutum; *Magnæ Britanniæ Regem* dum de *Palatinatu* restituendo *particulares tractatus* instituit, sapissimè esse deceptum, maximè post infaustum *Suecis* aliisq; confœderatis *Pralium Nörlingense*, post cujus obtentam victoriam, *Palatinatum* antea ad vitam *Bayariæ Duci* concessum,



cessum, exclusis Palatini filii & Palatino Neoburgico, Bavaro eiusq; familiae hereditariò contrigisse, omnem nunc eâ de re spem, etiam ulterius tractandi evanuisse, praesertim rebus in Angliâ sic stantibus, ut Rex cum Parlamento non conveniat; Per simili modo Austrios valdè laborare Suecos particulari pace, ut faciliùs decipiantur, circumvenire; Hosce esse effectus privatarum harum pactionû, quæ utcumq; fiant, nunquam tam firmæ erunt, quin non occasione temporis violari, & subtili quâdam ratione everti possint; Hæreticis non servandam esse fidem, libertatem religionis iisdem datam, æquè illis relinquendam, ac furioso cultellum in manu, ita concludit Gallus, homo Cardinali Richelio addictissimus, & uti præ se fert, Catholicus.

Sed non novum hoc Gallorum commentum est (*amice Lector*) pacis tractatus particulares contemnere, atque è contra generales suadere, eadem Henrici II. Galliae Regis cum sociis Chambortici fœderis (cujus *sup. cap. 9.* mentionem fecimus) quoq; mens & intentio fuit, quare cum Mauritius Saxo ab eadem confœderatione discederet, & cum Cæsare se conciliaret, malè à Gallis audiebat, & Bodino (c) teste, perfidiæ prorsus insimulabatur, sed gravissimè à nostris, quos alibi notavimus, refutatur, nec enim fœderis leges præduræ & perpetuæ servituti causam præbere debent, societas liberè inita, habet quidem vinculum obligationis, & ne quis dolosè vel fraudulentè socius esse desinat, sed tamen cessante causâ fœderis, ipsa quoq; obligatio cessare debet, à bello enim desistendum est, quando consequimur in pace causam, propter quam suscipiendum bellum erat; Thom. Morus in *Vtopia*. maxime si talia cum alterius subjectis sint contracta, qui si perpetuo nexu, contra superiorem devincirentur, quid aliud eveniret, quàm sub fœderis & patrocinij specie cives alienos à Principum suorum obsequio & obedientiâ distrahere, quod ipse Bodinus (d) Gallicum mancipiû, iniquum & nefas esse duxit. Saxoniam ergò Elector meritò Mauritiû prædecessoris vestigia secutus Gallicam amicitiam, quàm citò potuit deseruit, quod exemplum omnes bonos imitari oportebat; Esto enim eos quandam secessionis suæ causam habuisse, ergonè æterna habebunt odia? numnè patriam Germaniam perpetuis exterorum Regum depopulationibus objicient, atque ex Regno justitiæ, speluncam latronum efficient? Quod verò de firmitate pacis generalis

(c) Bodin. de  
Repub. lib. 5.  
cap. 6. pag.  
964.

(d) Bodin. d.  
cap. 6. adde  
infr. consult. 5.  
n. 11. & seqq.



neralis (qualem in suo genere omnes boni desiderant, sed forsitan optanda magis, quàm speranda) & de violatione fœderum Austriacis, aliisq; Imperii fidelibus Principibus imputata, proluxius quàm fas erat, ab Auctore disputatum, vel meræ chymæ & imaginationes, vel gravissimæ injuriæ & contumeliæ in Austrios & universam Germanicam gentem sunt, & facili labore in ipsos Gallos retorqueri poterunt.

Succedit nunc *tertius Silhonij* (e) *discursus*, quo efficere satagit, quemadmodum pax ista generalis *secura reddi & conservari possit*, In cujus persuasione egregiè laborat, idq; eò magis facere debuit, quòd facile prævideret, in eo omnem disputationis cardinem versari. (e) Silhon. d. part. 2. lib. 2. discurs. 10.

Accedamus ergo ad *Silhonij discursum*, qui sic ulterius ratiocinatur; Illud igitur certò certius est, (sicuti supra monuimus) omnis futuræ quietis & securitatis, fundamentum & basin esse pacem generalem, nec hanc fore firmam, nisi omnium interessentium & unitorum confœderatione permanente conservetur, talem verum esse fundamentum & cardinem, contra omnium machinationes; atq; unicum illud remedium, quo Austrij eorumq; confœderati & dependentes in officio contineri, & ne amplius aliena ambiant, impediri queant; Iam verò ad propositum deveniendo, confœderationem, quæ etiamnum inter Regem Gallia, atq; alios Principes ipsi nunc assistentes, viget esse eiusmodi, ut eius virtute non solum Pax honesta & secura universæ Christianitati procurari, sed etiam ad eius manutentionem contra domum Austriacam eiusq; socios, omnibus modis & conditionibus necessariis unio & perfecta correspondentia formari possit; Ita evinci arbitratur, si famosissimorum quorundam fœderum & unionum, quas in duobus penè seculis vidimus, natura, conditiones, & defectus, ob quos perire necessum fuit, expendantur, & vice versâ, quemadmodum de hisce omnibus in præsentī Gallica confœderatione cautum satisq; provisum sit, ostendatur.

Hoc ut fiat, auctor duo fœderum genera præmittit, quorum prius ex primariâ suâ intentione ad hunc finem contrahit, ut quidem fœderati se non moveant, sed tamen impedian, ne quid damni, quod timent, patiantur, & se contra turbulentorum invasiones vigilantia suâ præservent. Posterius fœderum genus totum in actione & motu confi-



consistere, cum malum, quo quis de facto premitur & afficitur, ipso facto, & vi contrariâ, vel repellat, vel avertere conetur; Inter prioris generis exempla refert, *Fœdus Italarum Principum*, Laurentio Mediceo auctore, pro conservandâ pace & tranquillitate publicâ Italiæ, tum temporis contra Venetos præcipuè, tanquam potentiores hoc consilio pactum, ut si quis Italiæ statum (cujus arbiter Laurentius erat, & esse volebat) turbaturus, omnes confœderati contra eum insurgèrent, ac quovis modo conatus reprimerent, quod licet sapientissimum fuerit Laurentii institutum, cum tamen in ipsius solius prudentiâ, absq; alterius cujusdam Regis manu fortiori fundaretur, cum Laurentii morte idem quoq; fœdus interiisse, Ludovicus enim Sfortia, ut Mediolanensem Ducatum usurparet, Carolo 8. Galliæ Regi, ad invadendum Regnum Neapolitanum (de quo supra cap. 3.) viam adaperuit, quem postea Germani, Hispani & aliæ nationes sequutæ, ex quo miserrimus Italiæ status, & totius harmoniæ dissolutio originem traxit; Si præter Laurentii prudentiam, potentior quidam Rex, qui validâ manu confœderatos unitos tenuisset, fœderi interfuisset. Nec solam alicujus potentiam (pergit auctor) sufficere, ut liga vel unio quædâ diu conservetur, sed prætereâ etiam requiri, ut potentia illa sit moderata, & directâ ad finem communem fœderis vel unionis, nam secus si fiat, cessante bono publico & communi, mox sociorum unionumvè fiet separatio; Idem accidisse fœderi Schmalcaldico, quod ex Principibus minùs potentibus conflatum, cum Cæsar Carolus V. eidem potentior ligam (cui Pontifex etiam intererat) opposuisset, unico enim quasi ictu & prælio utrumq; fœdus exspirasse, Schmalcaldicum quidem, quòd fortunâ adversam haberet, & potenti manu, quæ minùs potentibus subveniret, careret; Cæsareum verò cum Pontifice & aliis Catholicis Schmalcaldico oppositum, quod Pontifex, post devictos à Cæsare Germaniæ Principes, jam pridem animadverteret, bellum hoc non religionis causâ, & ut hæreses extirparentur, sed (quod Auctori placet) pro dominandi libidine, & ad suppressendam Germaniæ libertatem, gestum esse, quam ob causam Pontificem & alios ulteriores suppetias Cæsari denegasse, atq; ita famosam hanc ligam esse desuisse. Novissimam Protestantium in Germaniâ unionem, ejusdem cum Schmalcaldico fœdere fuisse conditionis, nam quicquid



quicquid *Dania* Regem, *Halberstadium*, *Mansfeldium*, & alios post devictam *Palatinum*, & clade semel acceptâ, attulerint, nihil aliud juvasse, quàm quod ægrotis evenire solère, quorum quidem vitam pretiosis medicamentis prolongare, sed prorsus ab interitu liberare non licere; E contra *Catholicorum Ligam*, sub alis Imperialibus esse firmiorem, utpotè ejus damnum, si quod perpeffa, potentiâ Cæsaris resarciri queat; Nam licet *Germania Principes*, jam dudum à temporibus *Francisci I.* ab ejusd. legato *Langeio*, aliisq; exemplis edocti, ne *Austriis* dominatum affectantibus amplius fiderent, & propterea directionem ligæ *Duci Bavaria* commiserint, nihil tamen inde effectum fuisse, nam transmutatis vexillis, Imperatorem quod directò habere non potuit, per obliquum assequutum fuisse, &c. Hæc omnia postea per Regis *Sueciæ* adventû, ejusq; liberiolem directionem, quoad Protestantium fœdus in aliam formam redacta fuisse, *Gallico fœdere* ita firmata, ut asseverare oporteat *unionem quæ nunc est inter Gallos & confœderatos*, ejusmodi necessariis conditionibus & requisitis constare, ut bellum contra *Austrios* & confocios usq; dum secura pax subsequatur, continuare possit; Esse hîc *potentiam illam* sufficientem (*Gallicam*) ad subsistentiam & conservationem fœderis perpetui contra domû *Austriacam* & dependentes, necessariam; Esse eandem ita *moderatam*, ut *Galliæ Reges* (quod nunquam) nec hoc tempore alium finem & intentionem, quam omnium fœderatorum libertatem, pacem & tranquillitatem sibi proponant, esse eos ab omni ambitione alienos, ac propterea confœderatos ut socios tractaturos, eosq; in causa communi nullo tempore deserturos, quæ & alia multis exemplis Auctor firmare conatus fuit, quæ hoc tempore præterimus.

Verùm quàm difficilia hæc sint, quæ Gallus per discursum tam plausibiliter proponit, idem ipse ex *Comineo* (f) *Gallia Historico* discere potuisset; Qui de difficultate horum negotiorum in hæc verba scribit; Facile quidem & proclive est, ut inter potentes Principes bellum excussetur, sed ob diversitatem rerum quæ incidunt, vix magnâ difficultate componitur; Nocere enim quisq; studet adversario suo quantum potest, & celeres plerumq; sunt in ejusmodi rebus animorum motus, qui postquam simul in actionem transierunt, sisti non possunt, aut revocari; Hæc prudentissimè *Comineus*, cùm de paucorum reconciliatione ageret; Quale ipsius judicium

(f) *Cominæ*.  
comment. de  
*Ludov. II.*  
cap. 3.



cium (si adhuc viveret) futurum, si de omnium ferè Christiani orbis Imperatorum, Regum, Principum ac Rerumpublicarum tot capitibus inter se dissentientium mutuâ amicitia reconciliandâ interrogaretur? Sed esto ex singulari Dei providentiâ subsecuturam aliquando pacem illam generalem, numnè in illâ plus securitatis, quàm si se legibus Imperii & legitimo capiti quisq; rursus subiciat, habebit? Quemadmodum (si pacifica tempora præsertim nostri Imperii intueamur) sub alis aquilæ Imperialis, & sub clypeo justitiæ omnes & singuli, qui quietè vivere voluerunt hætenus vixerint notum est, nec dubitandum, quin tempora meliora, sub Rege pio, & viridi legum observantiâ sint subsecutura. At quis rerum status sub novâ illâ unione futurus, nemo est qui ignorat, quàm qui fœderum naturam non satis perspectam habet, nam qualiscunq; tandem eorum forma effingatur, tractu temporis vel pereunt, vel minùs potentes, magno cum pudore & damno deferuntur. (g) Quod in fœdere Gallico cum Pontifice & aliis, (de quo supra cap. 7.) Venetis & Florentinis accidisse, Jovius (h) hisce verbis attestatur: Nam hoc fœdere (id est novâ Pacificatione) cum Veneti, tum Florentini facillè sunt prætermissi, qui non sine calumnia Gallorum, eo pacis beneficio nihil adjuti, sed magnoperè injuriâ affecti, de fluxâ fide Regis conquerebantur; Et quod de Potentiâ Regis fœderis moderatrice tantoperè inculcat Gallus, perpendant prudentiores illud quod monet sæpè citatus Cominæ; (i) Vix enim est (scribit) ut providere sibi aliquis diligenter satis possit, quò minùs fallatur, & quò sunt potentiores Principes, eò major est insidiis & improbitati locus; Nam & suâ quâdam sponte illi eò propendent, ut quod libet, licitè sibi putent &c. plura nunc omitto; Cæterum an plus Gallis vel Austriacis eorumq; adherentibus, in observatione Pacificationum fidendum (de quo tantoperè garrit & Austriacos calumniatur Silhonius) prolixius quidem Examen, quod nunc brevitatè causâ effugimus, requireret, non obscurè tamen ex hætenus relatis id apparère arbitramur, quænam pars alteri, toties juratas Pacificationes rumpendi & violandi occasionem dederit.

(g) vid. infra  
consult. 3.

(h) Jovius hi-  
stor. lib. 26.

(i) Cominæ. d.  
lib. 3.

26.108  
2  
66  
SYLLA-



2-6-108  
BK 2

1

—(—)



SYLLABVS  
CONSULTA-  
TIONVM.

I.

Captivorum materia,

**U**bi differitur de personis in bello justo captis, quid jura Victor in easdem consequatur? Capti quomodo sint tractandi? An interficiendi? Ad quid Victori sint obstruendi? Quomodo permutandi, dimittendi, redimendi?

II.

Obsidum materia, De obsidibus, eorumq. jure, & Victorum in eosdem potestate.

III.

Confederationis materia, Qui fiat, quod multi Proceres ad propulsandum commune periculum difficulter consentiant, & quamvis semel confederati fuerint: eadem tamen Societas vix diu subsistat?

IV.

Neutralitatis materia, Ubi de Neutralitate quaesitum, an ea alicui suadenda, quaeq. commoda & incommoda secum trahat, & num Subditus vel Vassallus impunè se neutralem gerere possit?

V.

Submissionis & protectionis materia, Quâ occasione indagatur, an Princeps, Comes, Baro, Civitas &c. potentiori cui resistere

a



2 SYLLABUS CONSULTATIONUM.

*sistere non potuit, ad evitandum majus periculum se submittere, ejusq; protectioni dedere possit, ita ut propterea crimen laesa Majestatis non incurrat, neq; poena, vel bonorum confiscationi locus sit?*

VI.

*Res immobilis (puta Territorium, Castrum, Oppidum) jure belli occupata, & hosti ablata cuinam cedat, & quomodo res tertii innocentis, eidem sit restituenda?*

VII.

*An autem Victor & acquirens rem immobilem, eam occupet, & possidere debeat, cum pristino suo onere?*

VIII.

*De re mobili in bello capta cujus illa sit? & quid si ab hoste Titio ablata, & penes hostem ipsum vel tertium quempiam inventa, eiq; rursus erepta fuerit, ad quem illa pertineat?*

IX.

*Iura incorporalia devictorum (nomina scilicet actiones & credita) an simul cum re corporali ita ad Victorem transeant, ut Victor nomina & credita vel exigere, vel eadem debitoribus remittere possit?*

X.

*In casu cheirographi inter pradam à privato milite reperti, & desuper solutionem exigente, an debitor solvendo militi, liberetur à vero creditore.*

PRÆFA-





# PRAEFATIVN CVLA

ad

## LECTOREM.

**L**icet commune & tritum sit axioma, in bello filere leges, armis jus ferri, & omnia fortium virorum esse; secundum sententiam Livii lib. 5 & Tertulliano teste; dolus, asperitas, iniustitia, propria bellorum sunt. Quae omnia expressit melius Ennius Poëta dum in hac verba scribit:

Pellitur è medio sapientia, vi geritur res,  
Spernitur orator bonus, horridus miles amatur,  
Haud doctis dictis certantes, sed maledictis,  
Miscent inter se, inimicitias agitantes  
Non ex jure, manu confertum, sed mage ferro  
Rem repetunt, regnumq; petunt, vaduat solidâ vi.

Quod sanè si privatos, eosq; qui ex militiâ parùm participant, inspexerimus, horumq; commoda & incommoda ponderaverimus certò certius est.

Attamen & bellis certa sua esse jura, certasq; leges, eximiae prudentiae Ictus Gallus Per: Erodus rer. in omni antiquit. judic. lib. 10. tit. 3. cap. 5. eleganter ostendit, quae quatenus in bello rectè incipiendo, prosperè gerendo, laudabiliter finiendo consistant, ab aliis Ictis & Politicis non ignobilibus (inter quos ex vetustioribus sunt Ioannes Lupus tract. de bello & bellatoribus, Martinus Laudensis de bello, Franciscus Arias de bello ejusq; instit. Ioannes de Lignano tract. de bello &c. ex mediâ ætate & neoteriores laudantur; Georg. Obrechtus tract. de bell. Albericus Gentiles de jure belli; Victoria de bello; Ioannes Baptista Valenzuola de status & belli ratione, & nuperrimè Hugo Grotius de jure belli & pacis; taceo alios sive Germanos, Hispanos, Gallos, Italos, qui hanc materiam illustrarunt.) pertra-



ctatum satis & congestum est; Ego illis in hac materiâ nihil amplius addo; Nonnulla verò, quæ ad effectum belli pertinent, & quæ depulsâ demum militarium temporum nebulâ seu injuriâ, in judicia, atq; in consultationem venire poterint, in otio & exilio examinare libuit, tum ut appareat, etiam ea, quæ inter arma & bella geruntur certis, divini, gentium & humani juris principiis fundari & determinari; cum quoque, ut quod clade bellicâ turbatum est, pacis remedio reformetur. c. cum per bellicam. 34. quest. 2. Interim hisce fruiere Lector benevole & fave. Scribebam Roschachii Sancti Galli ditionis apud Helvetios, Anno 1633.



# CONSULTATIO

## PRIMA.

### CAPTIVORVM MATERIA.

Vbi differitur, de personis captis in bello justo, quid juris victor in easdem consequatur? Capti quomodo sint tractandi? An interficiendi? Ad quid victori sint obstricti? quomodo permutandi, dimittendi, redimendi?

#### SUMMARIA.

1. Bellorum varia species cur in hac primâ questione sint præmittenda?
2. Belli divisio in publicum & privatum.
3. In solemne & minus solemne.
4. In justum & legitimum, vel minus justum & illegitimum.
5. Bellum justum & legitimum an possit esse ab utraq; parte tale?
6. Bellum injustum & illegitimum quodnam?

7. Bellorum



7. Bellorum divisio in externum & internum.
8. De quâ bellorum specie in subjectis questionibus sumus dicturi?
9. Transitio ad questionem propositam.
10. Capti in bello iusto, jure Gentium servi efficiuntur, & quis inde effectus?
11. Ea hodie apud Christianos non obtinent, & quare?
12. Victor in genere quid, & quantum possit in captivos?
13. Duo captivorum genera.
14. An captivos aliquo modo interficere liceat? pro affirmativa cum exemplis.
15. Pro negativa.
16. Quod etiam ad privatos extendendum & quatenus?
17. Captivos cum regulariter interficere non liceat, idem rursus victori quodammodo sunt obstricti.
18. Ergo aliis dedere se non possunt.
19. Nec Domino, cujus in manibus sunt, resistere.
20. Nec sine causâ aufugere.
21. Quomodo hodiè liberentur, vel permutentur.
22. Cognatarum ad hanc materiam pertinentium questionum remissiones.

**B**ellorum varia species (quas in præfatione citati Scriptores plenius pertractant) varios quoque & diversos producant effectus; Vnde quod juris est in una, in altera sæpenumerò non procedit. Ne igitur actum agam, & in subsequenteribus questionibus, confusè procedam, & distinctiones quasdam fundamentales sæpiùs (quàm par est) reperam, rem ab ovo (quod dicitur) exordiar, & præmissis bellorum distinctionibus, de quâ specie belli decisiones nostræ in effectu loquantur, in primordio ostendam: Bellum autem nostræ aliud publicum, aliud privatum esse Dd. statuunt; De hoc nihil amplius. Publicum illud intelligunt, quod publicâ auctoritate geritur. Hoc rursus in solenne & minus solenne dispescunt, Bellum solenne ex jure gen-



rium perhibetur id, quod geritur primò utrinq; ab iis, qui summam in Imperio seu Republica habent potestatem; Secundò cui certi quidam ritus & forma indicendi (qualis est Clarigatio, de quâ alibi) adhibetur. *Bellum minus solenne* id esse ajunt, quod quidem auctoritate summi Magistratus geritur, sine tamen prædictis solennitatibus subsistit, & in privatos quoq; (puta rebelles immorigeros) geri potest. Vtrumq; ex causâ, ob quam geritur, *justum & legitimum* est, vel *injustum & illegitimum*. Sola enim causa, illud ab hoc discernit, & bona causa in bello dicitur *Caput bonæ spei*, quod nimirum triumphus, fortuna & bonus eventus inde spectari debeat; Ita *Livius lib. 5. in Rhodior. oratione* differit, certè quidem vos estis Romani, qui idèd felicia bella vestra, quia *justa sunt, præ vobis fertis, nec tam exitu eorum, quod vincatis, quàm principis, quod non sine causâ suscipiatis gloriamini*. Vnde tritum illud:

- - - tandem bona causa triumphat. Et Propertius:  
Frangit & attollit vires in milite causa,

*Quæ nisi justa subest, excutet arma timor.*

§. Et certè quin bellum ab unâ parte poterit esse justum & legitimum, ab alterâ verò injustum & iniquum, nemo dubitat. *Anne verò ab utraq; parte, justum, legitimum & licitum haberi possit?* ambigunt nonnulli, *Antonius Quatta* Ictus non incelebris *conf. 14. n. 13.* ita à contrario sensu argumentatur, quod ubi bellum ab una parte dicitur esse justum, necessariò ex alterâ sit injustum; Quod & verum agnosco, si de justitia unius partis vel expressè constet, vel si ratione Dei (qui est cordium scrutator & omnia perspicit) rem considerem; Huius enim respectu semper necesse est, alterutrius causam esse iniquam. *Achat. Enenchel. de privileg. parent. & liberor. prin. 1. part. 9. n. 27.* ratio est, quia apud Deum justitia alicuius rei, non dependet ex quadam credulitate, sed certâ scientiâ; Verùm politicè & ratione hominum, (qui interna penetrare tantoperè nequeunt) causâ & finis, si modò speciem & imaginem justî habeant, dubitationem inferunt, ita ut si de partium jure, ex aliâ ratione clarâ & perspicuâ, controversia decidi nequeat, utrinq; bellum justum reputetur. Quod & in privatis litibus, haud rarò contingere, non obscurum est, utpotè in quibus, ab initio vix discernitur, quis justè litiget, & utraque sæpe pars, justam litigandi causam habere videtur, quo facit illud *Aristo-*

*telis*



*relis 3 Rhet. cap. 17.* cùm in litibus juris controversi neutrum impro-  
 bum esse docet. Ita quoq; quoad effectum *juris*, ut scilicet bellum  
 notabiliter justum, non magis operetur, quàm quod præsumptivè  
 justum, & legitimum existimetur, bellum ab utrâq; parte justum ha-  
 betur, justumq; producit effectum, & capta capientium fieri, effi-  
 cit, prout in seqq. quæstion. patebit; adde quæ subtiliter disputat  
*Hugo Grotius de jur. bell. & pacis, libr. 2. cap. 23. n. 13. Leonh. Less. de just.*  
*& jur. lib. 2. cap. 13. dubit. 3. n. 30. Coauar. in reg. peccatum. 2. p. §. ij. n. 6.*  
 E quibus, quodnam bellum justum esse, & dici possit, clarè constat;  
 Nam si justa belli gerendi causa adsit, & is debito modo bellum in-  
 cipiat & moveat, qui bella gerendi potestatem habet, quin tùm ju-  
 stum & legitimum bellum sit, nemo est, qui ambigit, secùs si requi-  
 sita illa deficient, de quibus omnibus prolixè *Hugo Grotius d. tract. pas-*  
*sim, & Dd. in præfatione allegari. Barthol. tract. de repressal. Iohan. & Paul.*  
*de Lignan. tract. de bell. & repressal.* quibus jungendi moderniores. *Li-*  
*ppius Polit. libr. 5. cap. 4. Rosenth. de feud. cap. 8. concl. 20. n. 11. & seqq.*  
*Gail. de pac. publ. libr. 1. cap. 4. n. 40. & seqq. in terminis. Anton. Quetta.*  
*cons. 6. per tot. Georg. Everhard. vol. 1. cons. 17.* Demum est & alia bel-  
 li divisio, quâ in externum & internum sive civile dispescitur; De priori  
 specie, ut plurimum hætenus egi; *Civilia bella*, utrunq; etiam suis pos-  
 sint constare causis, nihilominus uti odiosa, & Reipublicæ nimis no-  
 civa, plerumq; ceu illicita, impia & abominabilia existimantur; *par-*  
*tialitas* enim teste *Baldo, in l. unica. C. de Caduc. tollend.* in civitate est id,  
 quod vermes in caseo, & eiusmodi bella, latrocinia magis, quàm  
 bella sunt dicenda; ac propterea in bellis civilibus capta, non fieri  
 capientium tradit *Grotius d. tract. lib. 3. cap. 6. Georg. Everhardi. vol. 2.*  
*cons. 17. n. 14.* quâ de re infra quæst. 6. & seq. Bellorum autem civi-  
 lium mala, piè & doctè describit *D. Augustinus d. civit. Dei lib. 3. cap. 23.*  
 Quamvis verò hætenus adducta, nonnullis à quæstione præsentis  
 aliena videri possent, ad id tamen allata conducunt, quod hisce præ-  
 missis, multæ inanes repetitiones evitentur. De bello itaq; publico, ju-  
 sto & legitimo, sive reverà tali, sive præsumptivè eiusq; effectibus & con-  
 sequentiis in subsequentibus consultationibus agam.

Nunc ad propositam quæstionem transeo, & quid de personis in  
 bello captis sentiendum explicabo: Ne autem quid lura gentium ve-  
 lint,



lint, & antiquitas observârit, sicco (quod dicitur) pede planè præteream, tritum est captos in bello iusto & legitimo Iure gentium olim in servitutem redactos & servos effectos esse, l. 5. ff. de stat. homin. l. postliminij. §. 1. ff. de captiv. Idq; etiam non nemo ad Reges extendit Iohan. Corasius ad d. l. 5. Verb. ab hostibus capiuntur. Hoc tamen certo respectu intelligendum arbitror, scilicet Regibus quidem captis, libertatem eripi videri in eo, quòd vectigales & stipendiarii efficiantur, non verò, quòd uti mancipia haberi & tractari debeant; Ita de Hannibale & Carthagenensibus scribit Livius lib. 20. Hannibal vectigalis stipendiariusq; & servus populi Romani à patre relictus; & Antiochus servientium Regum dirissimus à Tacito lib. 2. hist. cap. 51, appellatus est; Humanus enim visum fuit captos servare, quàm occidere (quod Iure gentium victoribus licuit) Barthol. in l. in laqueum. 55. acqu. rer. domin. Vvesemb. in parat. ff. de stat. hom. n. 4. Atque hinc Dominis in servos quodvis patrare licitum fuit; In servum enim Domino, nihil non licere, dixit Seneca. Nulla perpeffio est, quæ non illis impunè imponatur, nulla actio quæ non quovis modo imperetur aut extorqueatur, ita ut etiam sævitia Dominorum in personas civiles impunita sit, nisi quatenus lex civilis, sævitie modum finemq; imponit. Apud omnes perag, gentes (ait Ictus in l. 1. ff. de his qui sunt sui, vel alien. jur.) animadvertere possumus, Dominis in servos vitæ necisq; potestatem fuisse. Atq; indè est, quòd servi eo Iure pro mortuis sint habiti. l. intercidit. 59. ff. de condit. & demonstr. l. cum his. 32. §. 6. ff. de donat. int. vir. & uxor. l. servitutem. 229. ff. de R. I. & quadrupedibus, quæ gregatim pascuntur, comparati. l. lege Aquiliæ. 2. §. ut igitur. 2. ff. ad l. Aquil. Imò etiam Iure civili servi pro nullis habebantur. l. quod attinet. 32. ff. de R. I. & nulla in eos cadebat obligatio l. in personam 22. ff. de R. Iur. Deniq; alia quoq; ratio Romanis occasionem dedit, ne captivos occiderent, juventutem quippe & virilis ætatis viros, ex devictorum regionibus, in suas transtulere, quibus (Romanorum legibus & moribus assuetis) postea in bello utebantur; Nam uti ait Entropius histor. lib. 7. A vicir (ugustus) præliis Dacos Germanorum ingentes copias cecidit, ipsos quoque trans Albim fluvium submovit, qui in Barbarie ultra Rhenum est. Hoc tamen per Drusum privignum suum administravit, quo bello C. C. C. C. millia captivorum ex

II. Germania transtulit, & supra ripam Rheni in Gallia collocavit. Hi tamen effectus,



effectus, uti quoq; ipsum servitutis jus tale, hodiè apud Christianos non obtinet; nec enim ampliùs capti in bello fiunt servi & mancipia, ita ut mancipiorum more, vendi possint, prout tradit *Les. de just. & jur. lib. 2. cap. 5. dub. 4. n. 12.* *Didac. Coararuv. in c. peccatum part. 11. §. 11. n. 6.* *Victoria de jur. belli. n. 42.* *Alber. Gentil. de jur. bell. lib. 2. cap. 15. & seqq. Georg. Everhard. vol. 2. conf. 15. n. 15.* licet nihilominus captivorum venditio de facto & certo modo hodiè inter milites practicetur ac vigeat; Præterea quod dixi, captivos apud Christianos non fieri servos, duobus modis limitatur; *Primò*, quoad *Subditos rebelles*, quos in servitutem redigi posse existimat *Morla in emporio juris tit. ult. quest. 5.* Nec mirum, si ob seditionem & nefandam rebellionem subditi libertate, privilegiis & juribus priventur, & duriori iugo (quod jam multis in locis familiare est) premantur, libertas siquidem (uti prudens quispiam dicebat) amitteretur. *Secundò* nec minus jus servitutis in bellis contra *Turcas & Saracenos*, aliosq; *Barbaros & Infideles* in usu esse, testes sunt. *Angel. in §. item ea. & §. fin. Inst. quib. non est permis. fac. testam. Alberic. in l. hostes. ff. de V. S. & ut obiter hæc inferam, jus servitutis certo respectu, nec Christianis legibus contrariari, nec Reipublicæ inutile esse contra Bodin. de Repub. lib. 2. cap. 8. meliori genio statuunt Auger. Gisl. Busbeg. epist. 3. legat. Tarcica. R. P. Adam. Contzins. Polit. lib. 8. cap. 15. & Auctor discursus Iuridico-Politici peculiaris, sub tit. de servitute in Republica Romana iterum introducendâ, impressi Francofurti Anno 1626.*

Redeo ad jus victoris in captivos; Licet itaque illa servitutum 12. jura quodammodò apud Christianos sint abolita, de eo tamen constat, manere nihilominus jus quodpiam Victori in captivos etiam inter Christianos, id quod *Imperatorium* appellat *Cicero Verrina 3.* Hanc forsàn ob causam, quod *Duces belli*, partâ aliquâ de hostibus victoriâ, militum acclamatione *Imperatores* saluari consuevissent; Quod jus in eo consistit (brevibus tradam, quod amplissimos habet effectus) quòd victoris sit, *leges dare & velle, victi accipere & obsequi*; *Quodcumq; libuit facere victori, licet, ait Seneca*; Quamobrem victoriæ legem esse, vix victis tradit *Pet. Ærod. rer. jud. lib. 10. tit. 2. cap. 3.* De eo itaque nullum est dubium, quin durante bello, & deditione nondum factâ Victori majora liceant, & verum sit, quod *Marcellus*  
b apud



apud Livium lib. 21. dicit. *Quidquid in hostibus feci jussu belli defendit.* At victoriâ obtentâ, & resistantiâ jam cessante, Christianum erit victis & captivis parcere; Imperatorium quippe est

Parcere subjectis, & debellare superbos.

Et uti rescripsit Claudius Imperator, Eunoni apud Tacitum lib. 12. *Quantâ perviciâ in hostem, tantâ beneficentiâ in supplices utendum.* At num in victos clementiam vel severitatem exercere oporteat, alibi peculiari

13. quæstione pertractabo. In specie propositum nostrum aggressurus, duo captivorum genera sese offerunt, vel enim ipsi Principales, veluti Reges, Principes & Duces capti sunt, vel alii ex reliquâ militum cohorte; Utrovis modo dubium occurrit, *An tales captivi interfici possint vel debeant?* Sunt nonnulli, qui pro affirmativa pugnant, atq; victoriæ jus, etiam ad jus vitæ & necis extendunt, quod belli jus nuncupant secundum illud Papinij:

Nec querimur cæsos, hæc bellica jura vicesq;

Armorum

Et sanè si quis Hetruria Doctorem Machiavellum in suo Principe consulere, responsum tali viro dignum acciperet, vim omnem saviendi semel esse effundendam; Vitam devicti mortem esse victoris, & vice versâ, in summa ait Italus: (huomo morto non fa piu guerra. Huiusmodi vindictæ exemplum (occasione tamen datâ) Bajasetes primus (quem Childerun Chan à fulmine Turcæ dicunt) ostendit, hic cum decennalis victor, tandem magno prælio à Themire Chano (quem Temir-lancum à claudicatione item vocant) victus, captus, primùm honestè exceptus, demùm interrogatus (adscribam verba annalium Turcicorum, quæ eadem habet Iust. Lips. in monit. polit. libr. 1. cap. 5. Monit. 2. n. 4.) ô Chan (inquit) magnas uterq; Deo gratias debemus, ego quod claudius ille, ab ipsis India finibus, ad mœnia Sivasta Imperium extenderim, tu quod à Sivasta ad ipsos Pannoniæ fines, orbem terræ inter nos partiti penè sumus, debemus igitur gratias, atq; ego reddidi, & reddam; Tu verò parum fortasse memor, gratâq; mente fuisti, & idè hæc calamitas intervenit; sed age mi Chan, si ego in tua sic esse potestate, quid ageres? dic liberè & veraciter. Ibi aiunt, Bajasetem, qui feroci & elato animo erat, subjecisse; Equidem te si numen victoriam annuisset, in ferream caveam inclusum circumduxissem, spectaculo & ostentui cunctis. Temir eo audito, sententiâ hac in ipsum est usus, & sic



sic inclusit: Miser triennium ferè ita vixit, & cum desperatâ liberatione audivisset, in *Tartaros* se abducendum, caput validis iteratisq; ictibus cavæ ferreæ incussit, & indignantem animam sic emisit; Atq; hanc eandem ob securitatem, cum *Carolus Andegavensis* contra *Manfredum*, ad utriusq; *Siciliæ* Regnum occupandum à Pontifice vocatus *Conradinum Sueviæ Ducem*, eius familiæ ultimum, paternas ditiores repetentem, capisset, carnificis manu cum insigni nobilitate, nefandâ cæde interfici iussit, historiam plenius narrat *Pandolph. Colletut. in histor. Neapolit. & Gallie Historicus Ioan. de Serres en inuentaie general, de l' historic. de France en Lovys, q.* Vbi ignominiosum hoc spectaculum vespers *Siculis* recompensatum fuisse tradit; Iudicium de hoc crudeli facto videre licet apud *Bernhard. de la Roche. tract. de Parlam. Franc. lib. 13. cap. 19.* Auctor *Chronici Chronicor. in Ducibus Sueviæ, in Fridrico II. vol. 1.* subicit, quod *Henricus Truchsessius de VValdpurg*, morti ipsius *Conradini* Domini sui adstans, cum annulum signatorium ei *Conradinus* digito extractum porrigeret, insignia Sueviæ ab eo consecutus sit, quæ etiam ad suos (puta modernam *Truchsessiorum*, sive *Sacri Romani Imperii Dapiferorum hæreditariorum* perillustrem familiam) transmisit. *Mariæ Stuartæ Scotia Regina* miserabile exemplum refert *Guilielmus Cambdenus*, aliis nunc parco.

Sed hæc quidem ex vindicta, vel rigore juris bellici (quod dicunt) 15: ita victores poterunt, maximè si necessitas, personæve victæ conditio, & extrema pertinacia hunc procedendi modum exegerit; Aliàs pius magis & Christianus erit, quâdam moderatione in captivos uti, multa quippè nonnunquam licent, quæ tamen laudabilius est omittere quàm facere; Omnia (inquit Apostol. Paulus 1. Cor. 6.) licent mihi, sed non omnia expediunt, Vnde Regem sive Imperatorem informans *Claudianus* rectè ait;

Nec tibi quid liceat, sed quid fecisse decebit,  
Occurrat

Non enim sic crudelitas inimici vindicanda, ut crudelior esse iudicetur; scribit *Laurentius Valla lib. 2. de Ferdinando Arragonia Rege.* Omnium itaq; pulcherrimum Victoriæ suæ fructum percipiet Victor, si ita in victos agat, ut & nocere ultra non possint, & ut nocere ultra nolint, immò doleant, se non citius victos esse. Duo enim hæc sunt summa capi-

b 2

ta, in



ta, in quibus jus victoriæ consistit; injuria accepta ultio, & in posterum securitas. Quæ si sine sanguine possit obtinere, victor, rectè ager, sin minus jure suo utatur, necesse est; Vide etiam hanc in sententiam pulchrè Hug. Grot. tract. de jur. belli & pac. libr. 3. cap. 4. & 11. passim V Vilhelm. Ferdinand. ab Efferen. in manual. Polit. lib. 5. punct. 7. in fin. Taceo quòd Rex in Regem, vel Dux contra Ducem tanquam Subditus non delinquat, atque ita ceu par in parem vi jurisdictionis animadvertere nequeat. per text. in l. nam Magistratus. ff. de recept. arbitr. glos. 1. ibid. & text. in l. à quo. §. tempestivum. ff. ad 5. c. Trebellian. latè Tuschus. pr. concl. lit. P. concl. 89. Sichard. cons. feud. 1. n. 54. Ant. Quetta. cons. 92. n. 7. Gail. de arrest. Imp. cap. 4. n. 2. Quo argumento etiam usus fuit Conradinus Suevia Dux (de quo paulò ante) teste Pandolpho Collenutio in compend. histor. Neapol. libr. 4. fol. 125. Principes enim semper sunt Principes, & qualitas Regia semper unita est personæ Regis, licet catenis sive aureis ornatus, sive ferreis sit alligatus. Rex Pyrrus ab Alexandro captus, interrogatus, quomodo veller esse tractatus, respondit more regio, & pergenti Alexandro anne quid amplius cuperet, nihil dixit, annuendo, satis sibi fieri, si Regis instar haberetur. Bernhard. de la Roche. de Parlam. Franc. lib. 13. cap. 19. Vnde cum Valentinianus Imperator Iovinò Duce bellum gerebat adversus Alemannos; Accidit ut Rex inimicus ab hastariis interciperetur, quos Iovinus miserat per aliud iter ad diripienda tentoria Alemannica, & ut eum Regem milites suffixum patibulo miserè interfecissent; Facinus erat duplex sanguinem Regium effudisse, & id propriâ auctoritate commisisse, non jussu, non Imperio Ducis; Statuerat igitur Iovinus in Tribunum animadvertere, & procul dubio eundem damnasset (inquit Ammianus & post eum Pet. Ærod. d. lib. 10. tit. 2. cap. 4.) nisi evidentibus documentis constitisset, facinus illud militari impetu commissum, non jussu, non conscientia, non dissimulatione tribuni; Majori etiam cum laude, primogenitus Anglia Regis, Ioannem Francia Regem in prælio Pictaviensi anno Christi 1356. ab Anglis captum, ut hospitem amicissimum tractavit, & uti amicum in Anglia recepit, quam historiam describit Frossard. Tom. 1. hist. cap. 165. & 173. adde eund. lib. 1. pag. (m.) 53. & Comina. comm. lib. 10. p. 701. Carolus V. Imperator Franciscum I. Gallia Regem, in prælio Papiensi captum, satis honorificè



norificè in Hispaniis habuit, & postmodum pace factâ liberum dimisit. Idem Carolus Ioannem Fridericum Saxonie Electorem, apud Mulbergam captum, & licet per sententiam capitis damnatum, liberum tamen dimisit, solâ scilicet clementiâ adductus, cum totius Germaniæ interesset, ne ad extremam salutis desperationem ij compellerentur, qui spem suâ in Cæsaris mansuetudine positam, solo Friderici exemplo librabant. Ludovic. ab Avila de bell. German. lib. 2. p. (m.) 269. Lamb. Hortens. de bell. Germ. lib. 7. p. 405. Quod de Regibus & exercituum Ducibus dixi, idem quoque in aliis privatis captivis obtinet. Casus tamen sunt obvii, in quibus circumstantiæ contrarium suadent, & captivi licetè, & magnâ cum utilitate Reipublicæ, interfici possunt. Prædicta ergò regula, quòd captivi non sint occidendi, limitatur Primò si id fieri oporteat, vel ad terrorem, vel ex jure Talionis, quâ ratione Anno Christi 1523. Ioannes de Medices (unus ex Ducibus Caroli V.) contra fidem datam Helverios nonnullos occidit, qui ut suos vindicarent, omnes etiam Hispanos, Cæsariosq; alios interfecere. Bellag. libr. 2. fol. 178. licet huiusmodi jus Talionis admittere nolit Hug. Grot. de jur. bell. & pac. lib. 3. cap. 11. n. 14. indies tamen ita praticari videmus. Limitatur Secundo, & captivi occidi possunt, qui durante pace, nec præviâ diffidatione more latronum alios invadunt. Non enim sunt veri hostes, nec jure & privilegiis hostium gaudent, infra ead. decad. consult. 8. passim. Limitatur Tertio in iis, qui delictum ante militiam vel etiam durante captivitate, tale perpetrant, ut etiam propterea de jure interfici queant; Sub tali colore Gandavenses Imbercortum & Cancellarium captos carnificis manui tradidere. Comina. comm. libr. 8. Limitatur Quarto non procedere in subditis rebellibus maximè auctoribus rebellionis (den Nedlingsführern) & qui rebellionem suscitârunt, foverunt, &c. in hosce enim maximè justa est ira, quod tamen quatenus fieri possit & debeat, peculiari loco tractabitur. Limitatur Quintò in bellis Turcarum & Barbarorum, quia hi captivos occidere solent, sic circa annum Christi 1396. cum Galli ob æmulationem cum Hungaris, contra Turcam infelicitè pugnassent, & Proceres ferè omnes ob armorum ornatum & splendorem capti essent, Barbaris magnum ab eis emolumentum expectantibus, & à Victoria Rex Basam, cum ex ipsius mandato Cæsorum numero perlustrato, è suis multò plures interemptos audisset, irâ vehementiori



mentiori percitus, crudelissima morti subiecit circiter trecentos nobiles, tam Gallos, quam Hungaros atq; Germanos, sunt verba translatoris Frossardi. *histor. lib. 4 pag. (m.) 271.* Quomodo demum Burgundi filium, idem Rex allocutus sit, & cum aliis dimiserit, notabilis penes eundem au-

17. ctorem lectio est. Atq; hæc quidem de principali quaestione; ceterum ad *captivorum* quoq; *materiam* monere necesse est, quod sicuti à victoribus clementiam & fidem expectant, ita etiam è contra victoribus certo modo, fide obstricti sint; Ergò sive apud eosdem permaneat, sive ad pretium pro captivitate afferendum dimissi fuerint, si illud ferre vel habere nequeunt, nihilominus ob fidem datam redire debent; Nisi tamen fidem dederint, de aliquâ re præstandâ, quæ sit contra jus publicum vel militare, taliter enim fidem
18. servare non tenentur. Hinc etiam captivus invito victore, alii se dedere non potest, suâ enim pactione, jus tertio quaesitum auferre nequit, id quod de jure verissimum. Nam licet servi non efficiantur, ita ut domino invito, servitutis jus excutere nequeant, victor tamen jus aliquod capiendo in eorum personas consecutus est, quod ipsi
19. invito adimi non debet. Nec etiam Domino seu Victori (illâso justitiæ officio) resistere possunt. Immo in bello justo captum (nisi intollerabilis servitia, hanc illi necessitatem imponat) salvâ conscientia aufugere non debere, ex *Scholasticorum* traditione refert *Hugo Grot. d. tract. lib. 3. cap. 14. n. 7. Ærod. rer. jud. lib. 3. tit. 5. cap. 12.* Quamvis de captis in bello injusto, aliter sentiat idem *Grot. d. lib. 3. cap. 7. n. 6.* adde tamen quæ de fugâ servorum ad suos jura civilia disponunt *S. item ea. Inst. d. rer. divis. l. nihil. 26. ff. de capt. & postlim. revers. Coavar. ad c. peccatum 2. p. §. 11. n. 6. & lib. 1. var. resol. cap. 2. n. 10. & distinctionem Lessj, tract. d. just. & jur. lib. 2. cap. 5. dub. 5. n. 24.*

21. Et demum ut captivi ad meliorem fortunam redeant, vel etiam protenus liberentur, hodiè vel permutari vel dimitti solent; Permutantur cum aliis, qui ex adversâ parte sunt captivi; Dimittuntur autem, ut plurimum prætio pro captivitate soluto, quod & *λύτρον* sive taleam, vulgò *Ranson*; viscatto, oder *Lösgele* appellitant, & in locum obsoletæ servitutis successit. *Coavarruv. c. peccatum p. 2. §. 11. n. 6. Fachsi. conf. 4. n. 7. inter conf. Pistor. vol. 2. Bosius tract. crim. tit. de captiv. n. 58. & 74.* Quod prætium quale sit? à quo præstandum? & ad quem perve-



perveniat? nunc breviter videbo. *Quantitas* nullibi definita reperitur, sed Christiana Charitas quemlibet merito edocere deberet, ne nimium exigeret (quamvis paucorum hâc in re reperitur misericordia) nisi itaq; certi quid de pretio convenerit, eiusdem aestimatio in arbitrio victoris manet; Sanè (Regibus, Ducibus, aliisq; præcipuis personis exceptis) hodie ferè usu receptum videtur, ut captivus lytri loco tot solvat, quot menstruum stipendium meret, sed laudabile est in hâc materiâ *Pyrrhi* ad *Romanorum* Legatos (qui pro redimendis captivis missi erant) responsum, quos ita alloquitur, iisdem captivos liberè dimittens

Nec mî aurum posco, nec mihi pretium dederitis,  
Non cauponantes bellum, sed belligerantes.  
Ferro, non auro vitam cernamus utriq;.  
Vosne velit, an me regnare Hera; (fortuna) quidq; feras  
fors?

Virtute experiamur; Et hoc simul accipe dictum;  
Quorum virtuti belli fortuna pepercit,  
Horundem me libertati parcere certum est,  
Dono ducite, doq; volentibus, cum magnis Diis.

Aliàs captivorum redemptio multum favoris habet, maximè apud Christianos, quibus lex divina hoc misericordiæ genus singulariter commendat. *Matth.* 25. 36. 39. *Grot. d. lib.* 3. *cap.* 21. *n.* 23. 24. & seqq. Ex quo est, quòd Subditi pro redimendis captivis, qui pro salute Patriæ militarunt, ad collectas teneantur, quia pietas & publica necessitas eandem injungit *arg. c. cum Apostolus. c. prohibemus de censibus, & similibus.* Quem tamen favorem nolim extendi; ad fugitivos & desertores militiæ, uti etiam illos, qui quidem (prout indies experientia tradit) miseros subditos contributionibus vexare, eosq; excomare norint (ad quos rectè refertur illud *Lucani lib.* 10.

Terrarum fatale malum, fulmenq; quod omnes  
Percuteret populos, pariterq; & sydus iniquum  
Gentibus)

Sed ubi ad prælium ventum, hoste vix conspecto, se dedunt, captivosq; sistunt; Perfimiles enim *Romani* infames judicarunt, & *Titus Imperator* militem qui captus aufugerat ab hostibus, exauctoravit, quòd



quod vivus captus esset à Iudæis; Immo Roma nunquam indulgens  
 fuit in captivos, ut esset insitum militibus AUT VINCERE AUT  
 EMORI, Petr. Ærod. rer. jud. lib. 10. tit. 2. cap. 1. ubi cap. 2. alium de  
 captivo proponit casum, adde Gail. de pac. publ. lib. 1. cap. 4. n. 32. &  
 22. seqq. Pretium hoc pro liberatione militum à captivitate, an belli  
 Q. Duces teneantur prestare, & suâ pecuniâ captivos redimere? di-  
 sputat Petr. Heig. part. 2. quest. 32. n. 3. & tractabo in seqq. Decad. pecu-  
 liari loco. Quod si verò alius quispiam sive expeditione, & conven-  
 tione, sive ex commiseratione captum ab hoste redimat, redemptus  
 redemptori tamdiu manet obligatus (etiam quoad arrestum & re-  
 tentionem personæ) donec pretium redemptionis rursus exsolvatur  
 text. in l. qui in testamento. §. 1. ff. de testam. & similib. Gail. de pac. publ.  
 lib. 2. cap. 2. n. 12. Num etiam pactio sive conventio de pretio fa-  
 cta rescindi possit, ex eo capite, quod captus deprehendatur esse lo-  
 cupletior, quàm antea creditum fuit? Et an pretium non solum,  
 ante mortem captivi, ab hærede debeatur? tractat Hug. Grot. d. cap.  
 21. n. 27. & seqq. Quoad priorem autem questionem, si semel de pre-  
 tio conventum, eam conventionem sub prætextu, quod captus plus  
 in ære habeat, & dare possit, rescindi non debere post Guidon. Pa-  
 pam quest. 113. tradit, Ioh. Papon. de arrest. Franc. libr. 5. tit. 6. arrest. 1.  
 jus itidem capros servandi, & pro iisdem pretium liberationis su-  
 mendi solet con- di. Singulis qui caperunt (extra personas eximie di-  
 gnitatis, vel nisi ca- civi gravius deliquerint, ita ut pro pretio dimitti  
 nequeant, aliavè circumstantiæ suadeant, ut ei qui bellum gerit, sint  
 relinquendi) adde quæ disputantur infra consultat. 3. Cæterum ca-  
 ptivi domum reversi, quid jure postliminii recipiant latè tradit Grot.  
 d. tract. lib. 3. cap. 9. per tot. VVesemb. in parat. ff. de jur. postlim. & ibid.  
 Ed. communiter.

CON.



## CONSULTATIO

## SECVNDA.

## OBSIDVM MATERIA.

De Obsidibus, eorumq; jure, & Victoris in eosdem potestate,

## SUMMARIA.

1. *Obsides quinam? Quotuplices? Cur? Et quales dari soleant?*
2. *An etiam absentes & inviti?*
3. *Obsides quomodo olim sint habiti?*
4. *Hodie in quonam sint statu?*
5. *Questiones in hac Materia ventilanda.*
6. *Obsides illes à fide aufugere non possunt.*
7. *Debitor ad pœnam carceris obligare se potest.*
8. *Quo facto ex carcere impune non aufugit.*
9. *Quod & in fidejussore obtinet.*
10. *Obsides si aufugerint, & à dante recepti fuerint, an fides data propterea violata censeatur?*
11. *In quem finem hodie Obsides dentur?*
12. *Obsidum datio & fidejussio, quam interpretationem recipiant?*
13. *Obsides dati, si id quod promissum prestitum sit, liberandi.*
14. *Pignoris & fidejussoria obligatio transit ad heredes.*
15. *An idem in obsidum obligatione obtineat?*
16. *Obsides an ad pœnam corporalem obligare se possint?*
17. *Concluditur de jure, pro negativa.*
18. *Quid? si quis de facto id fecerit, an executionis in corpore fieri possit?*
19. *Rationes & exempla pro affirmativa.*

ad Stat.



20. *Stat melior sententia pro negativa.*

21. *Quæ tamen limitatur & demum extenditur.*

22. *Concluditur hæc Consultatio insigni Philippi Cominai loco.*

**Q**uestione seu Consultatione antecedenti de personis captis principalibus disserui; Nunc de **OBSIDIBUS** nonnulla afferam, qui ut plurimum inter personas accessorias referuntur; Neq; tamen id semper; Nam duo invenio Obsidum genera; *Primum* est eorum, qui ab hoste vel victore *inviti* abducuntur, & tamdiu retinentur, donec aliquid fiat, vel præstetur; *Secundò* alij Obsides sunt *voluntarij*, & consentientes, atq; in hunc finem dantur, ut similiter pax publica, induciæ, vel alia promissa serventur. *Hering. de fidejussor. cap. 20. §. 9. n. 59. & seqq. Gail. de pac. publ. libr. 2. cap. 2. n. 10.* Dari autem & postulari ita Obsides possunt, qui victori pro securitate satisfecerint. Hosti quippè sive socio (cui dantur) satisfieri sufficit, quemadmodum opinatur *Petr. Aerod. rer. judicat. lib. 3. tit. 5. cap. 15.* sic consuetudine quasi receptum, ut filii Obsides dentur teste *Iohan. Sichardo ad rubr. c. de patrib. qui fil. distraxerint n. 9.* Atq; hoc modo *Carolus II. Gallie Rex* *Iacobo Regi Arragonie* obsides reliquit filios tres, *Ludovicum* secundò genitum, *Robertum* quartò genitum, & *Iohannem* Principem *Moreæ.* Collenut. in *comp. histor. Neapolit. lib. 5.* & *Franciscus I. Gallie Rex* in prælio *Papiensi* captus *Carolo V. Imperatori* & *Hispaniarum Monarchæ.* Anno 1526. filios obsides dedit. *Sleidan. hist. lib. 6.* An autem posteriori modo (pro aliis scilicet) à Republicâ, vel communitate absens aliquis, vel etiam invitus, Obses hosti assignari queat, non immeritò movetur? & non posse, exemplo ejusdam Præfecti concludit *Petr. Aerod. d. tit. 5. cap. 22.* Quod & juri communi consentaneum esse autumo; Quis enim invitas & non consentientes personas aliis obligabit? Licet utilitate & necessitate publicâ ita efflagitante, Subditum (non etiam Vassallum) obsidem invitum, ab eo qui imperium habet, dari posse existimet *Hugo Grotius tract. de jur. belli & pac. lib. 3. cap. 20. n. 52.*

33. Obsidum verò cujuscunq; sint generis, olim alia erat conditio, habebantur enim pro captivis, nec testari potuerunt, nisi illis permitteretur, & ferè eorundem bona fisco applicabantur, & sic statum au-



rum mutabant *Petr. Arod. d. lib. 3. tit. 5. in princ. Roding. cent. 2. obs. 60. n. 2.* Verum hodie (prout etiam de captivis dixi) statum non mutant, detinentur enim non in causam Servitutis, aut alicujus ministerii, sed ut liberi homines, quibus sua libertas in nullo alio constringitur, quam in non recedendo à loco, ad quem se obligarunt. *August. Beroi. vol. 3. cons. 159. n. 19. Coler. de process. execut. part. 1. cap. 8. n. 8. & seqq. Gail. de pac. publ. lib. 2. cap. 2. n. 11.*

Ad propositum, tria præcipue de Obsidibus in dubium vocari possunt. Primum, an liceat illis aufugere, & si aufugerint, num inter partes principales (dantem & accipientem) propterea fides data, violata censeatur? Secundo quodnam jus victoribus in obsides competat? ad quid hi teneantur & quomodo jus eiusmodi cesset? Denique Tertiò an Obsides ad poenam vitæ se obligare possint, & si de facto se ita obligarint, ut supplicium de illis sumi possit, num rectè interficiantur?

Quod Primum membrum primæ quæstionis atinet, Obsides 6. certe (voluntarii maxime) citra violatæ fidei & perfidiæ notam, aufugere non debent, fides enim etiam si hosti data sit, inviolabiliter tamen servanda est, teste S. *Augustino Epist. 1. ad Bonifacium.* Fides quando promittitur, etiam hosti servanda est, contra quem geritur bellum. Licet enim sit hostis, homo tamen esse non desinit, ac propterea juris gentium ligamen inter ipsum & promittentem non tollitur, sed uti cætera quæ sunt juris gentium, illæsa & illibata permanent *Petr. Arod. d. lib. 3. tit. 5. cap. 12. Henning. Gæden. cons. 20. n. 10.* Taceo quod apud Dd. fidem fallere, à gravibus grave, gravioribus gravius, gravissimis verò (qui aliis exemplo esse debent) gravissimum esse dicatur. *Bald. cons. 343. Frider. Pruhm. de Regal. memb. 2. cap. 4.* Atq; Obsi- 7. des fidem dant hosti, se permansuros donec promissa fiant, eam itaque sanctè & inviolabiliter observare tenentur. Quò facit, quòd Debitor ad poenam carceris obligare se possit, vel ut se sistat & maneat in certo loco, donec debitum solutum sit, per ea quæ latè tradunt. *Hering. tract. de fidejuss. cap. 17. n. 66. & seqq. Myns. cent. 6. obs. 51. per tot. VVurmser. tit. 28. obs. 8. Gail. lib. 2. obs. 45. Moller. Semestr. lib. 3. cap. 30. Anna. Robert. rer. judic. lib. 2. cap. 6. Henning. Gæden. cons. 103. n. 56. & seqq.* Quo facto, promissis stare, à judice ad id compelli 8. debent,



debent, nec illæso fidei Sacramento debitores aufugere possunt vel debent *Dd. allegatis locis*. Pacta enim sunt juris gentium. *l. ex hoc jure. ff. de just. & jur.* Ideoq; intemeratè sunt servanda, & nihil magis bonæ fidei convenit, quàm id præstari; quod inter contrahentes actum est. *Text. notabilis. in l. ex empto. ff. p. de act. empt. & l. 1. ff. de pact. adde*  
 9. *Ioh. Koppen. decis. 3. per tot. & decis. 35. n. 3.* Simili etiam modo fidejussor (cui obsides, maximè voluntarii in multis æquiparantur) se obligare poterit; Nam licet in causam duriores (quàm est ipsius principalis) fidejussoris obligatio non valeat. *§. fidejussores. ita obligari. inst. de fidejuss. l. Gracè. 8. §. illud commune est. l. hō qui accessiones. 35. ff. d. tit.* Et si facta sit nihilominus redigatur ad illam quantitatem, & modum, ad quem ipse principalis se obligavit; per *l. si ultra 22. C. de fidejussor. ubi Sichard. in comm. n. 4. & 5. l. si à reo. 70. in princ. & §. 1. ff. d. tit. VVesemb. in parat. ff. de fidejuss. n. 5. Gomes. var. resol. tom. 2. cap. 13. n. 2. Et ibid. Emanuel Soarez. sub lit. A.* Tamen poterit & fidejussor se efficacius, quàm principalis debitor obligare, & quidem ad pœnam obstagii vel carceris; Quomodo verò obligatio hæc valeat, tradunt *VVesemb. d. tit. de fidejuss. n. 5. Koppen. d. decis. 3. Gail. d. obs. 45. & alij citati.*

10. Quid autem si proprio Marte, absq; consilio & consensu par-  
 tis, à qua dati sunt, obsides aufugiant, & iterum à parte dante reci-  
 piantur, recepti foveantur, & non remittantur, annè propterea vio-  
 lata fides esse censeatur, ita ut pax vel induciæ inter partes principa-  
 les initæ propterea ruptæ esse videantur? *Clælie* factum huic quæ-  
 stioni apud Romanos, occasionem dedit; Bello siquidem inter Roma-  
 nos & *Porfennam Regem Clusinum*, sopito, à Romanis sunt dati obsi-  
 des viginti Nobiles; In his D. Valerii Cos. filia nubilis *Clælia*, & a-  
 liæ quædam; Accidit ut *Clæliâ Duce* virgines frustratis custodibus,  
 noctu inter tela hostium Tyberim trajicerent, Romamq; ad suos  
 commigrarent; Et licet in discussione facti, ex Romanis quidam re-  
 perti sint, qui autumarent, hanc seu fugam, seu discessionem, publi-  
 co consilio non accidisse; Pudori pudicitiaq; Virginum dandum,  
 quod cum ei studerent, aufugissent. Attamen meritò apud Regem  
*Porfennam* Romani violati fœderis sunt accusati, pignora enim pacis  
 fuerunt adempta fraude & machinatione; Romæq; erant obsides,  
 neq;



neq; remittebantur, itaq; perinde videbatur ac si publico consilio evasisent, nihil enim interfuit, sive publicè evaserint, vel elapsæ suâ sponte publicè retineantur; Rex igitur Porsenna misit Legatos qui repeterent obsides, se virgines intactas inviolatasq; habiturum; Placuit remitti, totidem ferè verbis hoc factum, ejusq; decisionem recenset *Pet. Ærod. d. tit. 5. cap. 4.* post quem *Hugo Grot. d. c. 20. n. 54.* Nullum ergò est dubium, quin ex hæcenus dictis appareat, quod-  
nam jus victori vel obsides recipienti, in eisdem competat; scilicet ut de re facienda vel præstanda, ob quam dati, victor vel recipiens securus sit; Licet igitur certo fidei vinculo obsides victori obstricti sint, mitius tamen quàm captivi, tractari & haberi debent. *Pet. Ærod. rer. jud. lib. 7. tit. 6. cap. 2.* Hinc obsidum obligatio, strictam recipit  
interpretationem, quemadmodum etiam fidejussoria. *Moller. Semestr. lib. 1. cap. 17. in fin. VVesemb. in comm. C. de constit. pecun. n. 57.* Ergò sicuti fidejussores in duriores causam, quàm ipse reus principalis, se obligare non possunt, ita nec obsides; Per ea quæ dixi *sup. ead. n. 9.* Ex quo demum & hoc sequitur, obsides datos, si præstitum vel factum  
sit id, ob quam causam dati sunt, meritò liberari, nec ex nova causa, vel prorogatione termini, (si ad certum tempus dati, nec ipsi consenserint, vel in culpa sint) amplius detineri posse exemplo eorum, quæ de fidejussoribus tradunt *ICri VVesemb. in parat. ff. de fidejuss. n. 6. Koppen. decis. 40. Myns. cent. 6. obs. 53. Hartm. Hartm. tit. 30. de fidejuss. obs. 6. n. 4. & seqq. VVurms. tit. 29. obs. 1. Coler. de process. executiv. past. 1. cap. 1. n. 302. Gail. lib. 2. obs. 30. n. 11.* De eo quoq; inter *ICtos*  
non est dubium, fidejussoriam & pignoratitiam obligationem, mortuo principali, qui fidejussit, vel pignus dedit, ad hæredes quoque transire, idq; regulariter tam activè quàm passivè. Hæres namque succedit in universum jus defuncti, & cum defuncto una eademq; persona censetur *auth. de jurejur. à mor. præst. cum simil. l. hæredem. ff. de R. I. & ex qua persona quis lucrum capit, eius quoq; factum præstare debet. l. ex qua persona. ff. de R. I. l. cum à Matre. C. de rei vindicat. Pulchrè Moller. Semestr. lib. 5. cap. 61. n. 1. Sichard. conf. feud. 1. n. 2. 21. Gæden. conf. 32. n. 6.* In specie verò, quòd hæredes fidejussoris mortui, succedant in locum fidejussoris, & non secus ac ipse fidejussor obligentur est *text. in §. fidejussor non tantum Inst. de fidejuss. & l. fidejussoris. C. de*



*fidejuss.* & in terminis decidit *Coler. part. 1. decis. 30. VVurms. Pract. obs. tit. 29. per tot. Hartm. Hartm. d. tit. 30. obs. 1. n. 2.* An autem in obsidibus datis idem obtineat, nunc discutiendum venit? Quâ in re distinctione quâdam opus erit, nam si quærimus de eo, qui accepit obsidem, certè eo mortuo, ipsius successor & hæres, non secùs ac creditoris hæres, obsidem & debitorem obligatum sibi habet; Personâ autem intermediâ, sive ipso obside obeunte, is qui eum dedit, nihilominus id quod debet, vel solvere, vel alium obsidem dare tenetur; Quod rursus probatur exemplo fidejussorum (quos magnam affinitatem cum obsidibus habere dixi.) Nam fidejussor datus moriens, obligationem passivè ad hæredem transmittit, ita ut hæres ex facto defuncti teneatur *sup. n. 14.* Quando autem fidejussor decedens, nullum hæredem relinqueret, tunc is qui illum dedit, alium idoneum fidejussorem dare teneretur. Vide *Speculat. tit. de fidejuss. §. si igitur. 1. n. 3. lib. 4. part. 3.* Ita etiam, ubi fidejussor idoneus datus, si postea inidoneus reddatur, alius dandus erit. *Marfil. in Rubr. de fidejussor. n. 74. Horat. Carpan. 1. Stat. mediol. l. 44. n. 31. cum seqq.* Quod itidem exemplo pignoris, sine culpâ creditoris amissi amplificari posset, sed brevitatis causâ hæcce ulteriora omitto. At tertio eo mortuo, pro cuius liberatione obsides dati sunt, in quæstionem venit, an obsides quoq; liberati sint. *Hugo, Grot. tract. de jur. bell. & pac. lib. 3. cap. 20. n. 36.* ita arbitratur; Obsidem qui solum datus est, ut alterum captivum, & obsidem redimat, eo mortuo liberari; Nam in illo, dum moritur, jus pignoris extinctum est, uti in captivo redempto dicit *Ulpianus. l. si patre. ff. de captiv.* Quare sicut in *Ulpiani* quæstione pretium non debetur, quod in personæ locum successit, ita nec hîc persona manebit obligata, quæ personæ principaliter obligatæ, vicaria facta est, ibiq; *Demetrii* exemplum introducit, qui obses Romæ erat, cognitâ morte *Antiochi* fratris, Senatum adiit, obsidemq; se vivo fratre venisse, quo mortuo cuius obses sit, ignorare se dixit, & liberationem petiit. Demum etiam alii ad hanc sententiam firmandam afferunt, quod is qui fidejussit pro in carcerato ut liberetur, eo mortuo fidejussio quoq; expiret, eamq; opinionem tenent omnes, qui fidejussorem in causa criminali ad pœnam quamvis corporalem obstringere se non posse afferunt. *Schneider. in §. in*



§. in omnibus Iust. de fidejuss. n. 8. 9. VVesemb. in parat. ff. de fidejuss. n. 4. Coler. de process. executiv. part. 2. cap. 3. n. 51. & seqq. Fidejussit & pollicitus est is, in quantum possibile, cum impossibile nulla sit obligatio, c. nemo de R. I. in 6. Atq; qui promisit hominem rursus sistere, qui interea mortuus sit, promisit equidem ab initio quod præstare potuit, sed ex casu superveniente aliquod impossibile; Cum ergo hoc negotium redierit ad illum casum, à quo incipere non potuisset, in nihilum redigitur, & fidejussor obsesq; mortuo principali liberatur. text. expressus in l. si decesserit. 4. ff. qui satisd. cog. Pet. Beck. ad c. nemo. 6. de R. I. in 6. n. 7. Quod equidem verum, si ante diem exhibitionis decesserit d. l. 4. & ubi fidejussor simpliciter saltem de personâ rursus sistendâ promisit, secus si insimul, vel ad pœnam pecuniariam, vel ad pretium liberationis se obligarit; Hujus enim ratione non liberabitur. VVesemb. in parat. ff. de fidejuss. n. 4. in fin. Angel. Aretin. in §. fidejussor. I. de fidejuss. Paul. Christiana ad consuet. Mechlin. tit. 2. art. 43. n. 17. Idem quoq; jus in obside (mortuo principali) militat. Quod eò magis jure meliori procedit, cum semper aliquid facti mixtum habeat, & milites jura nostra ignorare præsumantur. arg. princ. juss. de milit. testam. Obsides ergo, si capientes potestatem habuerint, licet principales mortui sint, vix liberabuntur, nisi pretium pro suâ facultate exsolverint.

Ad tertiam questionem nunc progredior, quæ duobus explicatur membris. *Primò*, An liber homo ad pœnam corporalem, seu ultimum supplicium se obligare possit? *Secundò* si id fecerit, an obligatio ex parte recipientis tam sit efficax, ut promittentem ex solâ obligatione ad mortem condemnare queat? *Primum* certè membrum nonnihil dubitationis habere videtur, cum à Dd. in utramq; partem disputetur; Nam licet I. nemo sit Dominus suorum membrorum, l. liber homo. ff. ad L. Aquil. Farinac. quæst. crim. 128. n. 7. ita ut se ad pœnam vitæ obligare nequeat. Et II. Homicidium in volente tam sit culpabile, ut etiam voluntarius homicida puniatur. Vide Const. Carol. crim. cap. 135. & ibid. Dd. *Tertiò* quoq; nemo torturæ semetipsum subijcere possit, docente Gail. de pac. publ. libr. 2. cap. 2. n. 15. Multò minus itaq; ad pœnam vitæ se quispiam obligabit; Ad hæc tamen & similes pro negativa facientes rationes, quàm subtiliter  
respon-



responderi possit, ostendit *Paul. Christianæ* (vir profundæ eruditio-  
nis) *ad consuet. Mechlin. tit. 1. art. 5. n. 6.* Verum enimverò (ne hunc  
disputandi campum prolixius quam par est ingrediar) melior stas

17. *sententia Ictorum communis*; Neminem scilicet ad pœnam corpora-  
lem seu vitæ obligare se posse, ira enim tam veteres, quam Neoteri-  
ci sentiunt (paucis ostentandi ingenii causâ exceptis) prout maximè  
in fidejussoribus de præsentando, vel iterum sistendo personam ali-  
quam post *Bartolum* statuit *Angel. Aretin. in tract. maleficio. Vers. fide-  
jussit. in princ. latè Hippolit. de Marsil. in repet. rubr. de fidejuss. quest. 29.  
n. 206. & in pract. sua. §. examinanda. ubi dicit, quòd ne statuto qui-  
dem hoc ipsum introduci possit. Adde ad præmissæ decisionis cor-  
roborationem. Schneidevv. VVesemb. Coler. supr. n. 15. allegatos. Gomes.  
lib. 3. variar. resolut. cap. 9. n. 9. Iul. Clar. §. fin. quest. 46. vers. sed nun-  
quid poterit. Didac. Coavarruv. var. resol. lib. 2. cap. 8. n. 8. Hottom. illustr.  
quest. 26. per tot. & infinitos alios.*

18. Verum præsupponamus unum vel plures obsides ad supplicii  
pœnam vel tacitè vel expressè se obligasse, annè ex facto victori, vel  
obligationem illam recipienti, jus quæsitum erit, ut in eos statuat,  
quidquid facere velit? Exemplum traditur de *Leodis*, qui *Carolo Bur-  
gundie Duci*, post destructam *Dynantum*, ne *Leodium* armatâ manu ag-  
grederetur, & quòd pactiones initas servare velint, trecentos dedê-  
re obsides, hæc quidem conditione, ut si quid contra pactiones fa-  
cerent, integrum esset *Carolo* supplicium de illis sumere; *Leodij* pa-  
ctioni contravenerunt & quidem graviter, quæsitum fuit, an datos
19. Obsides occidere licuerit? Ita equidem primo intuitu videri pos-  
set, ut obsides præfatâ conditione dati, si frangatur fides, ab iis qui  
eos dedêre, puniantur, ac si ipsi suo facto, non alieno deliquissent;  
*Samnitibus* (inquit *Livius*) Obsides dati, qui capite luerent, si pacto  
non staretur, ut meritò quasi pœnæ destinati ac dediti, sub conditio-  
ne dici possint. Quod disciplina militaris, ac humana necessitas  
exigit, ne scilicet frustrâ & illudendi causâ dati videantur. Exem-  
plo fuêre trecenti Obsides à *Volsis P. Servilio* dati, ut eos *Romam* qua-  
si pignora fœderis duceret, hos enim trecentos postquam *Volsi* bel-  
lum integrarunt, consul *Appius Claudius* in forum adduxit, atq; spe-  
stante populo & approbante, virgis cæsos, securi feriri iussit. *Petr.  
Ærod.*







distinctione & non consideratis circumstantiis applicare id, quod  
 ICtis commune axioma est: *Luat in corpore, qui non habet in are.*

22. Intermittere autem non possum, quin præsentem Consulta-  
 tionem, Philippi Cominei *comm. lib. 2. p. (m.) 362.* verbis, ob loci rari-  
 tatem & elegantiam, claudam. Ita verò scribit: *A Condeo interroga-  
 tus Imbercorus Ambianus (puta in proposita consultatione, an Leodien-  
 sium obsides interfici deberent) Vir nobilis, & singulari virtute, ait in pri-  
 mis cavendum esse, ne Deus aliquo scelere offendatur, debere Carolum ita se  
 comparare, ut hoc uno facto, clarum faciat & demonstret omnibus, quàm non  
 sit crudelis, aut vindicta cupidus; Sibi videri dimittendos esse obsides, qui suo-  
 rum fidem secuti, pro salute Patria in discrimen venissent; Abeuntibus autem  
 illis declarandum esse, beneficium, quo sint affecti, & mandandum, ut modis  
 omnibus hortentur, suæ civitatis populum ad æquitatem & pacem colendant,  
 quod etiam si non impetrent, ut tamen ipsi memores beneficii accepti, non su-  
 mant arma vel in Carolum vel in Episcopum suum. Hæc sententia quum in  
 consilio vicisset, liberati obsides fidem dabant, se satisfacturos esse mandatis;  
 Tum & illud additum fuit, quod si qui deprehenderentur, ex ipsis nullo tempore,  
 cum armis adversus Carolum, magno id eorum capitis periculo futurum. (per-  
 git idem Auctor) posteaquam Condeus tam atrociter dixisset in miseros ob-  
 sides, qui simplicitate persuasi, in eas angustias venerant, ex nostris quidam ad  
 me tacite; vides (inquit) Condeum licet ætate sit gravis, firmâ adhuc esse va-  
 letudine, sed ausim affirmare, quandoquidem adeo crudeliter sententiam dixit,  
 intra annum esse moriturum; Atq; ita quidem accidit. Hæc Comineus  
 acerrimi iudicii historicus, ut eum merito Polybio comparet Iust. Li-  
 psius in not. ad lib. 1. Polit. cap. 9. &c.*

## CONSULTATIO

### TERTIA.

#### CONFOEDERATIONIS MATERIA.

Quæ fiat, quòd multi proceres, ad propulsandum com-  
 mune periculum difficulter consentiant, & quam-  
 vis semel confœderati fuerint, eadem tamen socie-  
 tas vix diu subsistat?

SVM-



## SUMMARIA.

1. Cur hac consultatio inferatur?
2. Natura omnibus animalibus sui defensionem indidit, præterquam autem homini.
3. Licet hoc ab hominibus receptum, certis tamen terminis inclusum sit.
4. Defensio Juris gentium adscribitur.
5. Ejus tamen forma & moderamen Jure civili, & peculiaribus constitutionibus moderatur.
6. Singuli ubi defendere se non possunt, plurium conjunctionem & confederationem natura suadet, & jura permittunt.
7. Quod exemplis probatur.
8. Unde fœdera juris gentium esse perhibentur.
9. Quamvis & hic jura particularia cujusvis Reipublicæ, certam formam & modum præscribant.
10. Uti fit in Imperio nostro.
11. Nam Imperator solus habet potestatem belli indicendi.
12. Quod reliquis statibus inhibitur.
13. Ita quoque, fœdera pangendi, jus Imperatorium est.
14. Et regulariter statibus, aliisque, superiorem recognoscentibus non conceditur.
15. Nisi id necessitas, publica auctoritas, Reipublicæ utilitas, & communis defensio permittat.
16. Ergò in casibus illicitis, statibus & superiorem recognoscentibus fœdera inire non licet.
17. Etiam si sub falso pretextu hoc non raro fiat.
18. Cur itaque, necessarie & licite confederationes ab aliis omittantur & negligantur?
19. Vere hujus rei causæ, sunt ambitio, æmulatio & invidia.
20. Ambitio res tumida est.



21. *Natura pravitatis, publicum bonum impediens descriptio.*
22. *Invidia ubi vis dominatur.*
23. *Affectus maligni predicti, diffidentiam inter magnates creant.*
24. *Ita ut in commune non consulant.*
25. *Exemplo civitatum Græciæ.*
26. *Querela de statuum discordia.*
27. *Concordiæ effectus & commoda.*
28. *Hactenus dicta efficiunt, ut non solum necessaria confederationes negligantur, sed etiam fœdera inita sint infirma.*
29. *Nisi mutuo metu sustententur.*
30. *Fœdera multorum quomodo intendantur?*
31. *Ejus rei causa.*
32. *Defectus consilij, & varietas sententiarum.*
33. *Et quia privata publicis præferuntur.*
34. *Interesse privatum facit cessare fœdera.*
35. *Confederati fortunam sequuntur.*
36. *Arte & industria adversarij, fœdera facilius rumpuntur.*
37. *Quibus mediis hoc fiat.*
38. *Conclusio cum excusatione.*

1. **U**Ti verè & prudenter D. Chrysostomus scribit: *Nemo laeditur, nisi à seipso.* Et Seneca Epist. 71. *nemo nisi suo vitio miser est.* Nec non alius: *Quilibet est faber sue fortune:* Ita certè multis tam in publico quàm privato statu contingit, utpotè quòd belli pericula evadere possent, nec utriusq; partis prædæ, sæpè etiam victoris indignationi sese exponere cogerentur, nisi propriâ culpâ, vel potius negligentia, illa media contemnerent; quæ si non singulis possibilia, universis verò & junctis salutaria & utilia esse potuissent; undè haud rarò, non quidem ex delicto commisso, sed ob crimen omissionis, & supinæ quasi negligentiae, & neglectæ vigilantiae (cùm jura, in publicis præcipuè, vigilantibus subvenire soleant, teste praxi notissimâ) maximâ parte bonorum; honore, dignitate, & quod maximum est, existi-



estimatione, & à majoribus quæsita reputatione, à victore, & iis, qui fortiter communi hosti resistere, privantur.

Horum itaq; causâ, pro instituto nunc indagare libet, cur id fiat, quod ad propulsandum commune periculum, si non protenus frigidi, tepidi tamen satis sint, cum nihilominus natura omnibus animantibus & præsertim homini id indiderit, ut omnem vim & injuriam à se propularent. Cicero lib. 1. de offic. ait: *Omni animantium generi, à naturâ insitum est, ut se, vitam, corpus tueatur, declinetq; ea, quæ sibi nocitura videntur.* Et præterea de animalibus, arietibus, bovis est textus pulcher, in l. 1. §. cum arietes. ff. si quadrup. pauper. fecis. dicat. De hominibus verò tradit Ulpianus in l. 1. §. vim vi. 27. ff. de vi & vi armat. *Vim vi repellere Cassius scribit, idq; jus naturâ comparatur, apparet autem ex eo, arma armis repellere licere;* Hinc Propertius lib. 2. ad Cynthia: *Non solum taurus ferit uncis cornibus hostem,*

*Verum etiam instanti læsa repugnat ovis.*

Quod sanè jus cum brutis animantibus commune, ab hominibus jure gentium, postea etiam peculiari modo (id est cum moderatione justæ defensionis) receptum reperitur, ex quo juri gentium adscribitur in l. 3. ff. de just. & jur. ubi Dd. communiter. Verum quomodo ulterius ex jure gentium prædicta defensio concessa, & jure civili, aliisq; constitutionibus approbata sit, me remitto ad Dd. qui hanc materiam satis amplè tractarunt. Commentatores ad const. crimin. Caroli V. Imperat. cap. 139. 140. 141. ubi Vigelinus, Remus, Zieritzius, Bullatus in not. Georg. Obrecht. pecul. tract. de necess. defens. Hippol. de Marfil in pract. crim. §. aggredior. Prosper Farinac. in pract. crimin. tit. de homicid. Gomes. tract. de potest. in seip. cap. 5. Gail. lib. 2. obs. 110. idem de pac. publ. lib. 1. cap. 16. & Dd. alii infiniti, qui de moderamine inculpata tutelæ, & necessariâ defensione, sive publica, sive privata agunt.

Quod adeo ex jure naturali & divino obtinet, ut homo non solum seipsum defendere, sed etiam si singulorum defensio sit insufficientis, plures ad mutuam defensionem jungere se possint, atque ita confederationes & amicitias ad mutuam defensionem inire, quam rem latè explicat Ioh. Lupus tract. de confed. Princip. passim. Vnde rectè Aristoteles quodam loco dixit; oportere quemq; aut pro se arma sumere, si injuriam acceperit, aut pro cognatis, aut pro benefactoribus, aut sociis injuriæ affectis



affertis auxilia afferre. Et Solon docuit: *Beatas fore Respublicas, in quibus alienas injurias quisq; suas existimaret.* Hinc S. Ambrosius lib. 1. de officiis. relatus in c. fortitudo. 23. quest. 3. ait: *Fortitudo que bello tuetur à Barbaris patriam vel domi defendit infirmos, vel à latronibus socios, plena justitia est.* Et idem in d. lib. procul habetur in c. non inferenda eod. c. & 9. *Non inferenda sed depellenda injuria lex virtutis est. Qui enim non repellit à socio injuriam, si potest, tam est in vitio, quàm ille, qui fecit, &c.* Atq; ad hunc locum existat egregium Menandri dictum:

Injuriarum si improbis auctoribus  
Reponeremus ultionem singuli  
Nobis putantes fieri, quod fit alteri  
Inter nos juncti conspiratis viribus,  
Non prævaleret innocentia, impetus  
Audax malorum - - - -

7. Exemplis quoq; satis probabile est, singulorum pericula mutuis viribus propulsari, uti scribit Iustin. lib. 34. histor. Et auxilia humillimè firma, consensus facit, ait Publius; unde olim de Germania Regulis, quòd mutuà ope, & sanctissimo liberalis amicitia jure, seipsos ab injurià & superbià potentiorum, facilè defenderint, scribit Iovius lib. 32. hist.
8. Et hæc est ratio, cur fœderum jus, juris gentium esse, plerique velint arg. novell. Leonis 102. Pet. Gregor. Tholosan. de Repub. lib. 11. cap. 11. De quo equidem parum dubitandum arbitraret, cùm fœdera nihil aliud sint, quàm conventiones & pacta publica VVesemb. in parat. ff. de pact. n. 4. adde Petr. Aerod. rer. judicat. lib. 1. tit. 5. de pact. publ. Grot. de jur. belli & pac. libr. 2. cap. 15. Pacta autem, conventiones & contractus ferè omnes ex jure gentium descendunt §. jus autem gentium. 5. Inst. de jur. nat. gent. & civ. l. ex hoc jure, 5. ff. de just. & jur. Deinde confœderatio (de quâ hoc loco agitur) nihil aliud est, quàm mutua & auxiliaris quædam defensio. Defensionem verò ex jure naturæ & gentium originem trahere supra ead. consult. n. 2. & seqq. dixi. Et
9. licet jure civili, particularibusq; constitutionibus, & moribus variarum Rerumpublicarum & Regnorum, præsertim verò Germanici
10. nostri Imperii, hoc confœderationum jus nonnihil sit restrictum, ac saluberrimè introductum, ut fœderum jus majestati adhæreat, nemoq; fœdera inire possit, nisi qui majestatem (qualis est Imperator)



rator) habeat. *arg. l. conventionum. §. ff. de pact. & ibid. Dd.* Cum enim <sup>11.</sup> in ista lege dicatur, publicam conventionem (sub qua confederationes etiam intelliguntur *sup. n. 8.*) esse, quæ fit per pacem, quoties inter se Duces belli (id est qui bellum inter se gerunt, nam aliàs dicere oportuisset Duces exercitus) quædam paciscuntur; nemo autem gerere possit bellum, nisi qui majestatem, & summum habet Imperium. *per l. hostes. 24. ff. de captivit. usus. c. quid culpantur. 23. quest. 1. ubi inter alia D. Augustinus* hisce verbis: *Ordo naturalis, mortalium paci accommodatus hoc poscit, ut suscipiendi belli auctoritas, atq; consilium penes Principes sit.* Atque ita in Imperio Germanorum, bellum nullum censeatur justum, nisi quod ab Imperatore sit indictum. *Ant. Quetta. conf. 6. n. 4. Ioh. Lupus. tract. de bello in princ. n. 3. Georg. Everhard. vol. 2. conf. 17. n. 1. Grotius d. tract. lib. 1. cap. 3. n. 4.*

Reliquis autem statibus per salutatem constitutionem pacis <sup>12.</sup> publicæ omnino sit inhibitum. *Das niemand hinfüro / was Würden / Standes oder Wesens er sey / vmb keinerley Ursachen willen / wie die Namen haben möchte / die andern befehden / bekriegen / berauben sehen / überziehen / &c.* Vide passim recessus Imperii, & in primis confirmationem de Anno 1555. *Gail. de pac. publ. lib. 1. cap. 4.* Exinde indubitata sequitur, uti bellum gerere soli Imperatori, non etiam statibus est concessum. Ita quoq; soli Imperatori, aliisq; qui majestatem habent, (secundum tamen Leges Regni) non etiam statibus & aliis superiorem recognoscentibus, publica pacta ineundi, vel fœdera pangendi jus competere. Quod vel ex lege Regiæ patet, cuius <sup>13.</sup> hæc sunt verba; *Fœdus cum quibus volet (Cæsari) facere liceat, ita uti licuit Divo Augusto; Tiber: Claudio, Cæsari Aug: Germanico.* Hinc est, <sup>14.</sup> quod in quovis superiorem recognoscente, in dubio fœdera & ligæ censeantur illicitæ. *l. 1. & 2. C. de seditios. l. conventicula. C. de Episcop. & post alios tradit Maria Neapolit. de jurisdict. lib. 2. cap. 23. n. 8.* sunt enim status, aliiq; inferiores, in tutela & protectione superioris, ideoq; non opus habent querere aliorum auxilium, quod tenderet in contemptum & præjudicium Domini.

Attamen per necessaria fœdera, & mutuuum auxilium defen- <sup>15.</sup> sio, inferioribus proceribus non denegatur, maximè eo casu, ubi periculum & necessitas id exigit, jussuq; superioris permittit, & defensio non ad publi-



- ad publicam solum, sed etiam privatam utilitatem verget, nam hoc modo, non conspiratio, sed vera confœderatio dicitur, per *Bartolum in extravanti ad reprimendum in verbo occulte*, *Raphaël Cuman. in l. 1. n. 12. ff. ad L. Iul. Majest.* Immo defensio & concordia est *Roland. à Valle conf. 17. n. 31. versic. ulterius dicitur lib. 3. Myns. cent. 6. obs. 2. per tot.* ubi testatur *Cameram Imperiale anno 1553. fœdus inter Episcopos VVirtzburgensem, & Bambergensem ac civitatem Noribergensem adversus Marchionem Albertum initum*, pro licito judicasse, propterea quod ad mutuam defensionem tenderet, cuius quoque decreti meminit *Iac. August. Thuan. histor. lib. 11.* Argumento itaque à contrario sensu ducto, ita arguo, si confœderationes absque causâ injustâ, & sine consensu Imperatoris initæ, sunt illicitæ. Accedente causâ defensionis justâ,
16. & consensu Superioris licitæ & permittæ sunt. In casibus ergo illicitis (liciti autem casus vel illiciti qui sunt, Imperatoris vel Superioris esse judicare, ex *A. B. tit. 15. ad fin. ibi. donec de his aliud duxerimus ordinandum*, quidam censent) maximè sine consensu Superioris, fœdera ini-
17. re non licet, præcipuè verò contra Superiorem ipsum, prout non raro, sub libertatis aliisque prætextibus à Proceribus & Subditis fieri solet; vide *Gail. de pac. publ. lib. 1. cap. 4. n. 33. & seqq.* Atque de similibus Gallicæ nationis confœderationibus sub *Ludovico XI.* abundè scribunt *Robert. Guaguin. in vita Ludovici lib. 2. Petr. Matthæi lib. 3. Comina. comm. lib. 1. Petr. Gregor. Tholosan. de Republ. libr. 13. cap. 1. per tot. cap. 8. 9. cum seqq. ad 15.* ubi demum hisce verbis finit: *Vidimus non sine lachrymis, in Gallia & Germania hunc pretextum religionis, populum demulsiße & armasse, persuasum à seditiosis contra legitimos Principes, tandem & personatam causam detectam evanuisse cum suis auctoribus, &c.*
18. Hisce ita præmissis (ut ad causas nostri propositi tandem deveniam) mirari quispiam poterit, cur licitæ confœderationes & defensionibus (ad quas naturæ ductu omnes meritò inclinare deberent) à multis spernantur & negligentur, vel etiam ubi initæ fuerint, vix diu subsistant; Causas itaque hujus rei investigando, non impossibilitatem, vel quia

fracti bello, fatisque; repulsis  
tot jam labentibus annis.

Belli diuturni onera sustinuerint (quæ tamen causa forsan apud nonnullos



nullos locum invenire posset) introducā; sed ut sincerè & apertè 19.  
loquar, omnem hanc negligentiam, è quibusdam corruptis naturæ  
affectibus, ambitione, emulatione & invidiâ descendere, plusquàm ve-  
rum esse, existimo, adde Ferdin. Vasquium illustr. contr. in præfat. n. 1.  
2. 3. Cum enim ambitio (Seneca teste epist. 4.) tumida res sit, vana, vento- 20.  
sa, nullum habens terminum, quæq; tam sollicita est, ne quem ante se videat,  
quàm ne se post alium. Exinde videmus, eam matrem esse omnis dis-  
cordiæ, & inter eos, quos amor Patriæ, & avitarum ditionum, ad  
communem defensionem impellere meritò debuisset, variis modis  
animorum diversitatem creare, ita ut deliberationes, & consilia pu-  
blica effugiant, atq; invidiâ accensi, alter alterius fortunam (quili-  
bet etiam propriam) impediāt.

De hac naturæ pravitate, & hominum malignis affectibus 21.  
pulcherrimè scribit Leo Imperator const. 102. hisce verbis: Multa cumu-  
latim bona mortalium vitæ confert prudenter & cum ratione instituta commu-  
nio; etenim qui viribus valeat, si cum altero, qui similiter viribus valeat, com-  
municet, longè præstantiores atq; utiliores ejus vires fuerint, & divites si divi-  
tias communes faciant, majorem ex divitiis voluptatem capiant, deniq; si pau-  
peritas premat, operarum communio consolatione, quæ paupertatis acerbitas  
mitigetur, non indigebit: Verùm cum adeò commoda, atq; utilis, in communi  
vitâ communio & societas sit, mirabilis quadam hominum animos subiens pra-  
vitas, nedùm aliis ad utilitatem impedimento est, verùm etiam qui ipsam fo-  
vent, & rebus suis noceri, quàm ut in ita cum vicinis societate ipsis aliquid lu-  
cri accedat, permittere malint, persuadet &c. Nimirum ubiq; (prout me- 22.  
morix reliquit Froßard. hist. libr. 1. pag. (m.) 87. dominatur invidia &  
ambitio, ac sæpenuerò fit, ut dum alter in alterius gratiam, nihil vult susci-  
pere molestia, omittantur præclarissima occasiones, & adversarij hoc ipsum dein-  
de in usum suum transferant, quæ invidia vel in paribus dignitate & sta-  
tu maximè locum habet, teste Cicerone 2. de oratore. Invident (inquit)  
homines maximè paribus, aut inferioribus, cum se relictos sentiant,  
illos autem dolent evolasse, Ferdin. Vasqui. cont. illust. in præfat. n. 19.  
& seqq. ubi ultra ad hanc rem adducit. Hujusmodi affectus, post- 23.  
quam ita radices egerint, emulationes & animorum dissensiones  
inde oriri, experientia tradit, idq; eò facilius, atq; ad majorem dif-  
fidentiam firmius, cum naturali odio, præcipuè Regum, Principum,

c

alie-



- aliorumq; Magnatum familiae inter se dissideant, referente *Cominæ*  
 24. *comm. lib. 10. pag. 688. & Aeneâ Sylvio in quadam epist. singul.* Quod  
 itaq; de *Britannis* olim scripto testatur *Cæsar lib. 5. bell. Gallic. & post*  
*eum Alexand. genial. dier. lib. 5. cap. 7. in fin.* eos scilicet, cum variis fa-  
 ctionibus laborarent, ad propulsandum commune periculum nullos aut paucissi-  
 mos conventus habuisse, atq; hinc effectum, ut cum vires sociatae non habue-  
 25. rint, dum singuli oppugnantur, universi succubuerint. Idem hodierno tem-  
 pore & aliis accidit, qui ob præallegatas causas non aliter vivunt ac  
 sentiunt, quàm de *Gracia* civitatibus scribit *Demosthenes*, eodem modo  
 (ait) quo qui grandinem spectant, optat quisq;, ne in suis agros deferatur, præ-  
 hibere conatur nemo.

26. Sic vestram pacem discordia diffuit, immò  
 Rumpit, vestra perit virtus; nam stare negatur,  
 Occasum patiens in se divisa potestas;  
 Ergò concordēs, votum curratis in unum.

Et quod *Hieronym. Arconat: ad Imperij. Ordines in Comitii Rasibonæ*  
*anno 1594. congregatos de præcedentiæ & sessionum controversiis sepo-*  
*nendis, & armis contra Turcam capiendis prudenter scripsit, huc*  
*quoq; quadrare autumo.*

O Proceres Proceres (infit) dum quâ quis sedē sedere  
 Debeat, inter vos rixæ miscentur & iræ,  
 Ne vestras sedes, & ne charissima quæq;  
 Eripiat vobis, crudelis Turca cavete;  
 Illum etenim semper discordia vestra potentem  
 Fecit, & illius victricia reddidit arma  
 Ponite jam quid cessatis? rogo ponite vanos  
 Invidia morsus, odia & mala iurgia, tempus  
 Inq; aliud magis appositum differte querelas,  
 Publica ne pereant, privatos propter honores  
 Commoda &c.

27. Concordiæ itaque unio, & confederationes quid possint &  
 plerunq; efficiant, ingeniosè ostendit *Scylurus* conjunctis fascibus,  
 quos nemo ex filiis frangere potuit; nec equi quamvis macilenti,  
 totam simul caudam quisquam militum Sertorii evellere potuit, cum  
 per pilos & partes alterius quamvis generosi ignavissimus quisq; pos-  
 set. Ex



fer. Ex relatis, aliisq; causis satis (uti opinor) apparet non solum, 28.  
 cur multi proceres difficulter inter se coeant, & mutua foedera in-  
 eant, sed etiam ubi tale quid inter eos factum, cur ejusmodi foede-  
 ra & conjunctiones (licet ab initio magno fervore pangantur) vix  
 diu subsistant, nisi quatenus aliquantisper mutuo metu sustententur.  
 Rectè enim Thucydides libr. 3. scribit: Tutissima reddidit foedera, mutus 29.  
 metus, qui ea rumpere vult, dum ambigit, an superior esse possit, absterretur;  
 & Livius lib. 8. Nec enim credideris ullum populum, aut hominem in eà condi-  
 tione, cujus eum poeniteat, diutius quàm necesse sit mansurum.

Videmus itaq; , & quotidie experimur foedera vel proprio & 30.  
 latenti morbo interire, vel arte & prudentiâ adversarii rumpi. Prio- 31.  
 ris modi quo foedera in nihilum rediguntur, quamvis causæ ex præ-  
 missis intelligantur (cùm quia ab initio vitiosa sint, tractu temporis  
 vix convalescere possint) eius tamen rei hanc tradit rationem Comi-  
 na. comm. lib. 2. ubi sic ratiocinatur; Est sanè difficile admodum, ut qui sunt  
 aequali potentiâ Principes diuturnam colant amicitiam, nisi majori alicujus au-  
 thoritate cohibeantur, ejus rei multa ipse vidi, & cognovi documenta, sic enim  
 est inter homines comparatum, ut facile suscipiant inimicitias, neq; respiciant  
 ad eum, qui ferè comitari solet, tristem & luctuosum exitum; Mea sic est sen-  
 tentia, ut existimem eum, qui solus in potestate habet decem hominum millia,  
 magis esse metuendum, quàm decem confederatos, qui singuli senis millibus præ-  
 sunt &c. Paulò post: Proverbio dici solet de Britannis, quod icti sapiant, il-  
 lud hic locum habet. Et præterea in aprico est defectum consilii in 32.  
 publicum, & varietatem diversitatemq; sententiarum id efficere,  
 ut antequam aliquid constituatur, prætereant occasiones, quod de  
 Germaniæ Proceribus, tempore electionis Maximiliani II. Imperatoris  
 singulari fabulâ ausus est proferre Ibraimus Bassa Turcici Imperatoris le-  
 gatus, apud Camerarium medit. histor. cent. 2. cap. 23. quam uti notam  
 nunc non infero. Atque hujusmodi foederum interitum accelerat, 33.  
 quod pleriq; confœderatorum, interesse magis privatum, quàm pu-  
 blicum respiciant, quâ de re sequentibus verbis Sidonius Apollinaris  
 lib. 7. epist. 9 ad Gracc. Parum in commune consulitis, & cùm in consilio con-  
 venit: non tam cura publicis mederi periculis, quàm privatis studere fortunis.  
 Et famosissimus Italus Iohan. Boterus dum ait: I Principi per l'ordinario,  
 non si sono mosi, se non per interesse, e non cognoscono amico, se non per lo be-  
 ne, che



ne, che ne sperano, ò per lo male che ne temeno. adde R. P. Adam. Contzi.  
Polit. lib. 8. cap. 24. §. 4.

34. Ex quo demum necessarium consequens est, (quod & ipsa experientia confirmat) ubi id, quod privatâ utilitate ductus, hic vel ille confœderatorum consecutus, vel contra sibi defuturum animadvertit, confœderationi valedicat, & (maximè si res malè cedant) fortunæ se accommodet. *Vt cumq;* (enim) se res inclinant, ita ambulant fœdera, inquit *Erasm. Inst. Princip. Christ. cap. de fœderib.* juxta illud *Livij lib. 1. consilium erat, quò fortuna daret, eò inclinare vires.* Quam fœderum infirmitatem pulcherrimè expressit, acerrimi judicii Ictus *Andr. Alciat.* (cui hoc testimonium reliquit *Jacob. August. Thuan. hist. lib. 8.* quòd primus purioris literaturæ, & antiquitatis cognitionem, ad juris scientiam attulerit) *Emblemate 165. ubi ita ad Ducem Mediolanensem, nova fœdera meditantem alladit:*

Hanc citharam, ò lembi, quæ forma halientica fertur

Vindicat & proprium, Musa latina sibi

Accipe Dux: placeat nostrum hoc tibi tempore munus,

Quo nova cum sociis fœdera inire paras.

Difficile est, nisi docto homini tot tendere chordas

Vnica si fuerit, non benè tanta fides

Ruptavè, (quod facilè est) perit omnis gratia conchæ

Illeq; præcellens cantus ineptus erit.

Sic Itali coeunt Proceres in fœdera; concors

Nil est quod timeas, si tibi constet amor;

At si aliquis desciscat (uti plerunq; videmus)

In nihilum illa, omnis solvitur harmonia.

36. Idq; eò magis adseverandum & timendum, *adversarij arte & industriâ accedente* (quem secundum modum fœdera dissolvendi esse, antea dixi) Noverunt enim & novisse debent, prudentes belli Duces & Principes, modum dissolvendi fœdera, & seminandi discordias inter confœderatos. *Romani (Livio teste libr. 31.) cum compertum haberent Graciam invictam fore, quamdiu staret societas Achæorum, Gallo proconsuli in mandatis dederunt, ut modis omnibus societatem illam dirimeret, neq; id frustra tentatum, nam pleraq; civitates querebantur, fœderis æqui specie Imperium sibi ademptum fuisse, inde Gallus occasione captâ, civitates defectionem meditantur,*



tantes, acrius inflammavit. Ludovicum XI. Gallia Regem hâc in re verfatissimum fuisse, variis in locis videre licet apud Comina. comm. libr. 1. & 2. ubi demum ita scribit: Omnium verò mortalium optimè callebat Ludovicus Rex artem dirimendi societates atq; fœdera, in eoq; non parcebat ulli vel sumptui vel labori, modò perficeret, quod vellet.

Per quæ media autem hoc fieri soleat (cùm in hunc discursum 37. datâ occasione inciderim) paucis (quantum ex Historicis observavi) nunc perstringam; *Primò* Confœderationum socios, instituto colloquio cum adversario facile suspectos reddi, atq; hâc occasione confœderationem solvi posse, ita accidit Carolo Burgundo apud Comina. comm. lib. 2. & à Romanis cum Hannibale tentatum, scribente Livio lib. 31. *Secundò* ferocium & bellicosorum populorum animos, molli pace conciliandos esse dicunt; *Populorum ferocia corda, longâ pace mollescent*, scribit Theodoricus, Alarico Regi Visi Gothorum, apud Cassiodor. lib. 3. var. epist. 1. Quod eleganter de Belgis in quadam epistola persuadere conatur Lipsius ita demum concludens: Remitte paululum ad ingenium & vitia sua redibunt (puta Belgæ) ut boves instante lupo coeunt, capita & cornua jungunt; abeunte, quisq; sibi pascit; sic illi. *Tertio* discordiarum semina inter confœderatos seminanda esse, arbitratur Veget. de re milit. libr. 3. Quam Drusi artem adversus Germanos fuisse testatur Tacit. annal. lib. 2. *Quartò* largitionibus & occultis præmiis ad alliciendos hominum animos, Reges & Principes prudenter hâc occasione uti solere, exemplis demonstrat Comina. d. comm. lib. 2. Frossard. hist. lib. 2. *Quintò* deniq; persuasiones hîc multum efficere; immò etiam conjuratis falsam esse objiciendam occasionem exemplo Romanorum apud Livium lib. 8. nonnulli censent. Sunt quoq; *Sextò*, qui blanditiis, verbis ambiguis, fraude, dolo, hæcce tentasse, & fœdera dissolvissè, dolum bonum, & toto ostio admittendum tradant. Lips. polit. libr. 6. cap. 4. n. 27. Sed huic materiæ nunc finem impono, & si 38. quæ de neglectu fœderum, vel etiam eorundem infirmitate (occasione illâ datâ) asserui, non de omnibus intellecta volo, novi enim Deum (bonâ causâ maximè triumphante) Principum corda regere, feliciorémq; fœderum & mutuae defensionis eventum & successum, ex immensâ suâ bonitate largiri posse.



## CONSULTATIO

## QUARTA.

## NEUTRALITATIS MATERIA.

Vbi de neutralitate quæsitum, an eâ alicui suadenda, quæq; commoda & incommoda secum trahat, & num Subditus vel Vassallus impunè neutralem se gerere possit?

## SUMMARIA.

1. Neutralitas quænam sit, & qui de eâdem hætenus tractârint?
2. Fundamentum questionis de neutralitate.
3. Distinctio personarum.
4. Persona sibi invicem ad mutuum auxilium non obligata, licetè neutralitati student.
5. Homo homini in adiutorium generatus, & certo amicitie vinculo obstringitur.
6. Humanitatis, vicinitatis, & misericordie vinculum neminem necessitat.
7. Etiam si ex defectu auxilij, oppressus maximum vitæ incidat periculum.
8. Annihilominus de facto, utile sit fœdera inire?
9. Distinctio personarum seipsas defendere valentium, vel non, introducitur.
10. Personæ sibi invicem ad auxilium obstrictæ, malè neutralitati student.
11. Harum causâ, fit distinctio bellorum, in civilia & externa.
12. Bellorum civilium tria genera.
13. De primo genere, inter ipsos concives, vel subditos, remissivè.
14. De secundo genere, ubi duo, de summa rei concertant.
15. Im-



15. Imbecillium neutralitatem periculosam esse.
16. Et diuturnitate belli, instar grani, inter duos molares conteri.
17. Ergò conjunctione & societate hic opus.
18. Cui se jungendum?
19. In tertio genere, quoad subditos & vasallos, neutralitati non esse studendum.
20. Vasallus Domino ad servitia militaria regulariter tenetur.
21. Maxime si illa in investitura sint determinata.
22. Contractum enim & investituram feudalem inspicere oportet.
23. Itaq; quid vasallus Domino debeat, investitura pandit.
24. Subditus multo magis, quàm vasallus suo Domino obstringitur.
25. Subditi omni jure ad debita & honesta servitia tenentur.
26. Ita ut ad ea, à Dominis certo modo & mediis cogi possint.
27. Quod amplius declaratur.
28. Idq; publica tam Regnorum, quàm Regentium & Subditorum necessitas & utilitas efflagitat.
29. Immo etiam privatum cujusvis commodum.
30. Et qua neutralium Subditorum (aliorumq; minorum gentium Deorum) miseria.
31. Quibus rectè comparentur?
32. Subditos & vasallos non claudicare, sed rebus in honestis & debitis, Dominis suis obsequium præbere oportet.
33. Quod obsequium ad inhonesta, indebita, & impossibilia non extenditur.
34. Quæ si vasallo imponantur, ad ea non tenebitur, sed Dominus jurisdictione suâ privatur.
35. Domini, Principes, & Magistratus, tanquam Dei ministri, ejusdem vestigiis insistere debent.
36. Nec solum ipsi, sed etiam eorundem officiales.

37. Offi-



37. Officialium malorum & rapacium mores.
38. Eorum causâ, omnia in Republica infelicitè succedere.
39. Uti Subditi Dominis ad onera & servitia sunt obstricti, ita Do-  
mini & Superiores, eosdem defendere & tueri tenentur.
40. Aliâs Subditi & Vasalli, ad prædicta onera & servitia am-  
plius non tenentur.
41. Dominus quando suum non præstat officium, nec Subditi ad  
id tenentur.
42. Domino fendi non servante fidem, vasallus non servat jura-  
mentum si delitatis.
43. Quod etiam in obligationibus pactitiis contra supremum  
Principem procedit.
44. Bonorum in utriusq; partis belligerantis territorio sitorum,  
possessio an neutralitatem excuset, Ubi Frossardi locus pro-  
ponitur.
45. Distinctione questio deciditur.
46. An bona possidens simul sit Subditus vel non?
47. Tria propterea proponuntur præsupposita.
48. Quorum primum, neminem ob solam bonorum possessionem  
effici Subditum.
49. Secundum, nec etiam, quod alicubi sortiatur forum.
50. An, quod ibidem domicilium foveat?
51. Negativa verior defenditur.
52. Casus propositi, quo ad Subditos decisio.
53. Vasallus quispiam duorum Dominorum esse potest.
54. Antiquiori ex duobus Dominis Vasallus ad servitia militaria  
tenetur.
55. Quod etiam in confederatis procedit.
56. Quid si causa Domini manifestè vel dubitative injusta sit,  
an ne neutralitati sit locus?
57. Conclusio questionis presentis.

Aliis



## CONSULTATIO IV.

41

**A**liis de summa rei contententibus, sapissimè in considera-  
tionem venit, quid tertio (vicino maximè) sit faciendum,  
annè se miscere debeat, num verò è contrà, sive impunè, si-  
ve utiliter neutralem gerere se possit vel debeat? Hæc res *neutrali-*  
*tas* communiter nuncupatur, exinde quòd talis vel neutri parti auxi-  
lia suppeditet, vel tantum præstet uni quàm alteri, quâ de materiâ  
neminem hæcenus præter *Iohannem VVilhelmum Neumeierum peculiari*  
*tractatu Germanicè edito*, tractasse video, ubi tamen non satis distinctè  
rem expedit; Fundamentum hujus quæstionis ex eo, ut plurimum  
pendere autumo; Annè homo (præsertim vicinus) homini neces-  
sariò in periculis adstare teneatur? In quâ quæstione distinguen-  
dum erit, inter personas fœderis nexu, sive etiã vasalligio & subje-  
ctionis jure sibi invicem obligatas, & alias, inter quas nulla talis ob-  
ligatio intercedit. Personæ itaq; sive Reges, Principes, Respublicæ  
& communitates, aliq; populorum Gubernatores, qui alterutri par-  
ti militanti, nec fœdere, nec alio modo obstricti sunt (si de juris ob-  
ligatione quæras) ad auxilium alicui ferendum, necessariò non te-  
nentur, sed licet neutralitati studere possunt. Nam licet homo in ad-  
futurum mutuum generatus sit, uti ait *Seneca de ira lib. 1. cap. 7.* & rectè  
*Euripid. in supplicib.*

Præbent saxa perfugium feris

Aræq; famulis; urbibus pressis malo

Tutamen urbes

(Adde quæ de amicitie vinculo perpulchrè tradit *Gail. de pac. publ.*  
*lib. 2. cap. 10. n. 26. & seqq.*) atque ita *Romani* pro amicis arma sæpè  
sumpsere, aliq; non rarò id faciunt Reges & populi; Ad id tamen,  
ad quod humanitatis, vicinitatis vel commiserationis intuitu com-  
pelluntur, cogi magis non possunt, quàm dives ad dandam eleemo-  
synam egeno; Siquidem par in parem non habeat jurisdictionem,  
*text. in l. nam magistratus. ff. de recept. arbitr. Gail. lib. 1. obs. 41. n. 9. Idem*  
*de arrest. cap. 4. n. 3. Sichard. conf. feud. 1. n. 54.* Et ne cui noceam, lex  
imperat, nefas enim est, hominem homini insidiari *l. ut vim. 3. ff. de*  
*just. & jur.* Non autem ut beneficiam extra casum obligationis, ju-  
bèt. Quod eatenus extenditur, ut ne tunc quidem teneatur, licet  
oppressus aliàs magnum periculum incurrat, quo vicinus, (præsum-

f

privè



- pivè tamen in notabili damno & periculo) avertere posset, vide
8. *Lesium de just. & jur. lib. 2. cap. 4. dub. 15.* & hæc quidem, quatenus jura id desiderant; Anne autem id, quod jus quidem non efflagitat, utile & consultius aliquando sit, ita ut præstet vicino auxilium
  9. ferre, quàm neutralem manere, de facto quæstio incidit? Vbi rursus ita distinguo, aut enim is, de cujus auxilio nunc agitur, tam potens est, ut neutram partem (victoris etiam metuendam insolentiam) timeat, vel nulla alia necessitas & circumstantiæ alterutrius partis conjunctionem efflagitent, atq; hoc casu neutralitatem & laudabilem & utilem esse, plurimi existimant. *Franciscus Guicciardin.* quodam in loco ita hanc neutralitatem commendat. *La neutralità nelle guerre de gl' alteri esser cosa laudabile & par la quale si fuggone molte molestie, & spese, quando non sono sì deboli le forze tue, che tu habbia da temer la vittoria, di ciascuna delle parti perchè allora si arreca sicurtà, & bene spesso fa stramazza loro facultà, d' accrescer il tuo stato.* (h.e. neutralitatem inter bella aliorum tunc esse rem laudabilem, per quam evitantur multa incommoda & expensæ, cum vires tuæ non sunt ita debiles, ut victorem timere necesse non habeas, quia eo modo securitatem adfert, & sæpenumero efficit, ut ex eorum (puta armis certantium) debilitate, Imperium tuum crescat. Hæc ratione *Marebodus Suevia Rex*, inter bella *Germanorum & Romanorum* neutralitati studuit; Hic enim postquam Romanam militiam addidicerat, & in *Bohemiâ* cum suis migrârat; Imperium (scribit *Paterculus*) perpetuis exercitiis penè ad Romanæ disciplinæ formam redactum, brevi in emineus, & nostro quoq; Imperio (Romano puta) timendum perduxit fastigium, gerebatq; se ita adversus Romanos, ut neq; bello illos lacefferit, & si lacefferetur superesse sibi vim & voluntatem resistendi, declararet. Quanquam & huic neutralitas non optimè cessit; Debilitatis enim per *Arminium* Germanorum Ducem, Romanorum in Germania viribus; *Arminius* (teste *Tacito lib. 2. annal.*) *Marebodem* patriæ proditorem esse, & per dona, Cæsaris fœdus petivisse, *Herciniæq; Sylvæ* latebris defensum, publicum commodum, & patriæ libertatem non curasse publicè asseruit; unde eum hostis instar habendum, quod & factum; nam *Marebodus* ad tantas reductus angustias, tandem exul in Italia, *Ravennæ* vitam finiit. Quod exemplum clarissimè demonstrat, quàm caute in hæc re proceden-



cedendum, ne scilicet viribus suis quispiam nimium tribuat, nec vicinitatis jura, (licet nullo alio juris vinculo obligatus sit) temerè negligat, atq; ita in eâdem aliquando necessitate constitutus, à vicino per simili modo illudatur; Nam uti ait *Plautus in Epidico*:

Is amicus est, qui in re dubiâ juvat

Vbi re opus est.

Ut ergò quid faciendum prudenter concludatur, omnes circumstantiæ diligenter ponderandæ veniunt, ita ut quem superiorem fore probabiliter & præsumptivè animadvertere possimus, eius amicitiam, & quæ ab ea dependent actiones non negligamus, ex quo etiam fit, ut alii, qui viribus carent, Potentioribus, pro tempore sese accommodent, de quibus *consult. seq.* dicam.

Alia verò est ratio eorum, qui vel fœdere vel vassallagio & subjectionis jure aliis obstricti sunt, horum enim neutralitas ob nexum fidei, fidelitatis & subjectionis vix approbari poterit, nisi vel mala causa, aliæq; circumstantiæ, eosdem amoveant, rectè enim D. *Ambrosius offic. lib. 1. cap. 36.* ait: *Qui non repellit injuriam à socio, si potest, tam est in vitio, quàm ille qui facit.* De *Vassallis* itaq; & *Subditis* aliorum, quid sentiendum sit, in particulari nunc adaperiam. Horum autem causâ, (quoad hanc neutralitatis & adfidentiam materiam) bellum aliud *sivile*, aliud *externum* esse assevero; *Illius* tria sunt genera; *primum*, ubi inter ipsos subditos seu concives est quædam armorum dissensio; *Secundum*, si duo pluresvè Principes, intra unius Imperii vel Regni viscera, de eodem Regno inter se dimicent; *Tertium*, quando Subditi contra Superiorem arma movent, & hic in illos,

In *primo genere* non multum laborabimus, tum quod ad propositum & intentionem nostram parum faciat, cum quia rationibus & exemplis, quæstio ista ventilata reperiatur apud *Iust. Lipsium polit. lib. 6. cap. 6.* ad quem me remitto. *Secundum autem genus*, cum illis, quos parti militanti nullo fœdere, vel alio jnr. vinculo obstrictos esse (supra hæc eâdem consultatione dixi) affinitatem habere videtur; Ideoq; (prout de illis dictum) si alterutri singulari fœdere vel pacto non sint obligati, & præcipuè, suis se viribus tueri possint, optimè facient, si tragœdiæ spectatorem egerint; At si sibi suisq; viribus disfidant, periculosa illis erit neutralitas; Idem olim sensit *Aristoteles*

f 2

*Atheniensium*



**NB.** *Achaorum Praetor apud Livium libr. 32. cap. 21. in fin. cum Cleomedonti Achaëis suadenti, & in bello inter Romanos & Philippum quiescerent, armisq; abstinerent, in hunc modum respondit: Quod Cleomedon tanquam mediam & tutissimam nobis viam consilij ostendebat, ea non media sed nulla via est, etenim præterquam quod aut accipienda, aut assernanda vobis Romana societas est, quid aliud, quam nusquam stabili gratia, velut qui e-  
venum expectaverimus (notandum hoc multis) ut fortuna applicaremus nostra consilia, prada victoris erimus?*

16. Et quis demum non videt hujusmodi neutrales, periculum quod declinare voluere, plerumq; incurrere, ita ut aut diuturnitate belli vicini, veluti granum inter duos molares atterantur, aut certe ab alterutra parte opprimantur, quod aliàs, si ab initio junctis viribus aliud tentassent, evitare potuissent; capienda rebus in malis præcepta via est, ait Seneca. Tentandum est aliquid, & uti medici in desperatis morbis, ubi præter unam eamq; dubiam medicinam, salutis ratio nulla superest, ancipiti potius illa jubent uti, quam prorsus nulla: sic quoq; in præsentibus malis, adde Piccart. obs. pol. decad. 5. cap. 5.

17. Hoc ergo casu alterum aut socium habere, aut hostem, omnino necesse erit; Cum Cæsare jacienda tunc alea, & alterutri parti

18. se jungendum ex Salustio monet Lipsius polit. libr. 4. cap. 9. n. 52. Sed cui? si pares potentia, parti meliori, si dispares (deficiente obligatione) potiori; nisi tamen aliæ circumstantiæ contrarium suadeant, quæ

19. in quæstionibus facti variæ occurrere solent. In tertio genere neutralitas citra pœnam ademptionis seu confiscationis bonorum vix locum invenire videbitur, excepto casu, quo eam necessitas urgens admit-

20. tit, quæ de re consultatione sequenti dicturi sumus; sic enim Vasallus Domino suo, ad servitia militaria ordinariè tenetur, licet de illis in investitura nihil sit expressum; per tit. 1. §. notandum est autem. tit. 5. in princ. tit. 20. 21. lib. 1. feud. Myns. cent. 5. obs. 8. Gail. libr. obs. 17. n. 3.

21. Rosenthal. de feud. cap. 8. conclus. 4. n. 3. Quod si verò in feudi concessione, vel ipsa investitura, servitia militaria à Vasallo præstanda, expressa & determinata fuerint, tantò firmitus ad eadem obstrictus erit;

22. Verba etenim contractus feudalis sunt forma ipsius contractus, & forma est illa, quæ dat esse rei; Curr. Iun. tract. feud. part. 1. cap. 7. n. 29.

23. & seqq. Myns. cent. 5. obs. 76. in princ. Gail. libr. 2. obs. 50. n. 15. Ideoq; ad di-



ad dignoscendam naturam feudi, & ad quæ servitia militaria vasallus Domino obligatus sit, ad investituram recurrere oportet, de quo latè *Bald. in c. 1. in fin. de duob. fratr. Fichard. conf. lat. 10. n. 2. Zas. lib. 1. conf. 12. Laur. Kirchoy. int. conf. var. 1 Ct. Germ. tom. 5. n. 10. & seqq.* Atq; hæc de Vasallorum servitiis militaribus Domino præstandis, eatenus vera sunt, ut si eadem denegaverint, feudo privari possint. *tit. 21. in princ. vers. vel si dominus suis. lib. 1. feud. tit. 24. §. sed non est alia. Et tit. 55. §. firmiter etiam statuimus. lib. 2. feud.* De hisce servitiis ita *Gunther. lib. 8. Ligurin.*

Publica militiæ Vasallus munera justè  
Non renuat, Dominiq; libens in castra vocatus  
Aut eat, aut aliū, pro se submittat iturum  
Arbitrio Domini, vel quem laudaverit ille  
Compenset, redimatq; suum mercede laborem.

Adde *Otton. Frising. de gest. Friderici Imp. lib. 2. cap. 11.* In Subditis idem 24  
obtinere; Nam major & fortior est Subditorum, quàm Vasallorum  
erga suos Dominos obligatio; & longè à se invicem distant, jura-  
mentum subjectionis & feudale. *Ant. Fab. lib. 7. Cod. de fin. 5. & 6. Ro-*  
*senst. de feud. cap. 6. concl. 85. Ludov. Schrad. de feud. part. 6. cap. 4. n. 6.*  
*& seqq.* Id ergò fortius jurantem obligat, quàm hoc; secundum *Ro-*  
*land. à Valle. vol. 3. conf. 1. n. 30. Andr. Knich. de jur. territ. cap. 3. n. 163.*  
addatur *Matth. Stephani de juridict. lib. 2. part. 1. cap. 7. n. 226. & seqq.*  
Licet quoq; non omnium ubivis eadem sit conditio, tralatitium e-  
nim est, alios majori, alios è contra minori gaudere libertate, atque  
ita quoq; Subditorum servitia (militaria maxime) secundum privi-  
legia, pacta & conventiones quorumvis accipienda, amplianda, &  
restringenda sunt. Vtuncq; autem omnia hæc sese habeant, Vasalli 25  
& Subditi ad illa Servitia, quæ Dominis, vel simpliciter, vel ex pro-  
missio debent, omninò tenentur, tam de jure divino, quàm huma-  
no, quod ceu tritum & manifestum, nunc ulterius non prosequor;  
Neminem quippe Domino in licitis & debitis servitiis præstandis  
obedire oportere, inficiari posse arbitrarer.

Idq; eatenus obtinet, ut etiam ad id quod facere tenentur Va- 26  
falli & Subditi cogi possint; Idq; pœnis, confiscatione bonorum, ar-  
restis, pignoratione fructuum, & gravioribus remediis. *Sixtin. de Re-*



galib. lib. 2. cap. 13. n. 65. cum seqq. Gail. libr. 1. obs. 17. n. 8. Idem de arrest. Imper. cap. 10. per tot. Andr. Knich. de pact. invest. lib. 2. cap. 3. n. 55. 58. Manl. de homag. tit. 4. n. 27.

27. Quinimò, si ex causâ necessitatis Subditis imponi potest, ut vendant, vel publicè exponant id, ad quod aliàs de jure non teneantur, prout tradit Mynsing. cent. 5. obs. 27. per tot. Petra de potest. Princ. cap. 13. n. 17. Ioh. Koppen. decis. 59. Quantò magis Superior eosdem cogere poterit ad talia servitia, ad quæ se obligarunt, & de jure, ex charitate, & ad salutem Patriæ tenentur, ita argumentatur Hug. Grot. tract. de jur. bell. & pac. lib. 2. cap. 25. n. 3.

28. Quod ipsum etiam publica Imperiorum & Regnorum commoda efflagitant, cum Proceres, Status & Subditi, non solum de privatis, sed etiam publicis commodis & utilitatibus cogitare debeant. Quamobrem non immeritò, quod ex negligentia, incuria, & tepida neutralitate membrorum Imperii, aquila Romana deplumetur, conqueritur Henricus Bebelius in opusc. suis, dum ita scribit:

Quid memoras consulta Patrum, quid verba Senatus,

Qui propriis semper, consulere bonis.

Quid si respicerent Regis quoque commoda Regni,

Et si quod debet Cæsar habere datur;

Tunc aquila invicta, ad Seres penetrabit, & Indos

Sic consulta patrum, ritè juvare queunt;

At sua dum cuncti procurant commoda; cuncti &

Velle suum soleant legis habere loco; &c.

Non tibi sit mirum (namque efficit omnia non Rex  
Solutus) si totum concidat Imperium.

29. Pari quoque modo & ratione, propria pericula & incommoda, quæ singulis seipsos defendere non valentibus, ob neutralitatem imminet, eosdem animare, atque à neutralitatis studio divertere deberent; Nam ut Imbelichi sententiam præmittam, ita sentientis, non disjunctam esse privatam utilitatem à publica, immò in bono communi, singulare quoque contineri, & non secus in animalibus, ceterisque naturalibus, ita etiam in civitatibus, in totius salute, salutem quoque partium & membrorum esse; De hoc certè constat, & experientia plus quam mille testis est, prædictam Vasallorum & Subditorum,



ditorum, aliorumq; qui seipfos defendere nequeunt, neutralitatem periculofissimam, eorumq; ruinæ causam certissimam esse, & haud raro, dum neutrius partis potentioris armis se miscent, sed rerum eventum (stultorum magistrum) expectare student, unâ cum consiliis & sæpè etiam consiliariis pereunt, uti arbitratur *VVarem. ab Erenberch. meditam. de fœderib. lib. 1. cap. 2. n. 21.* Sicut igitur in mediâ habitantes domo, ab inferioribus inhabitantibus fumo necantur, à Superioribus perminguntur; sic etiam cives medios seu neutrales, ab utrâq; factione perditos, partim quod non tulissent opem alterutri, partim quoq; invidiâ, quod hætenus fuissent incolumes, testis est *Thucyd. lib. 3.* Per similes quoq; iidem sunt hisce, de quibus Scriptura ita pronunciat: *Vsquequod claudicatis in duas partes. Si Dominus est Deus, sequimini eum, si autem Baal, sequimini illum, 2. Reg. 18. v. 21. & quia Nemo potest Dominis pariter servire duobus, Matth. 6. v. 24.* Quapropter etiam pœnas sustinent, de quibus *Apocal. cap. 3. Vtinam frigidus esses vel calidus, sed quia tepidus, evomam te, & Eccles. cap. 3. v. 21. Cor ingrediens duas vias, non habebit successus;* Id quod in ejusmodi neutralibus quotidie experimur. Hoc itaq; Subditis & Vasallis omninò 31. incumbi, ne claudicent nec simularè agant, sed ut Superioribus & Dominis suis (quatenus eorum obligatio id exigit) obediant, iisdemque debita servitia præstent; Quod ipsum omnia divina & humana jura jubent, prout tralatitium est, & satis constat, ideoq; allegationibus & rationibus amplius non indiget. Hæc ta- 33. men obligatio, non ulterius, quàm ad servitia debita, honesta & possibilia extendi debet; Regula ergò de prohibitâ neutralitate in Subditis & Vasallis, non habet locum. Primò, in servitiis & oneribus impossibilibus, indebitis & inhonestis; quæ enim contra leges & bonos mores fiunt nec nos facere posse credendum est, cum sit impossibile juris, ad quod nemo obligatur. *c. nemo. de Reg. Jur. in 6. & ibid. Peck. in comm. n. 4. & seqq.* Et Dominus Subditos vel Vasallos ultrâ debita, 34. & honesta servitia gravare non debet, nec potest, quin imò si indebita Subditis gravamina imponat feudatarius, feudo & jurisdictione privatur; *Bernh. Gravæ. ad Gail. lib. 1. concl. 16. consid. 1. n. 14.* Et Vasallus ob violenta ludibria, patronali Imperio solvitur. *Franc. Zoa- nert. de duplici Venat. n. 75. Choppin. de doman. Franc. libr. 2. tit. 8. n. 10.* latè &



latè & doctè de hisce servitiis post alios *Petr. Frider. Mindan. de Pro-*  
*cess. Camer. lib. 2. cap. 13. per tot.*

35. Deinde *Secundo*, cum Domini terrarum, Reges, Principes & Magistratus, sint ministri Dei in hisce terris; *Rom. c. 13.* Atq; ita delegati, & Vicarii Dei, ordinarii hominum Rectores *Bald. in princ. de const. pæc.* Exemplum etiam ipsius Dei in justitia colenda, uti & in mansueto & clementi regimine imitari illos oportet. *c. arripiat. 4. §. si verò. 2. novell. & omnes obed. Iudic. 69.*
36. Nec solum ipsi, sed etiam eorundem *officiales* (quorum operâ, in tantâ rerum multitudine, & ad exigenda Subditorum servitia, eosq; è contra tuendos, utuntur) taliter se gerere debent, adde *Frider. d. lib. 2. cap. 13. n. 49.* pessimè itaq; *Vespasianus*, pecuniæ avidissimus & rapacissimus Princeps, scribente *Suetonio in Vespasiano cap. 16.* *Procuratorem rapacissimum queng, ad ampliora officia, ex industria solitus est promovere, quò locupletiores mox condemnaret, quibus quidem vulgò pro spongiis dicebatur uti, quod quasi & siccos madefaceret, & exprimeret humètes &c.*
37. Nam isti quicquid faciunt, legem putant; *Lex furem deterret ab illicitis*; Isti ad iniquum malitia suæ compendium legem trahunt; uti ait *D. Laurent. Epi-*
38. *scopus Mediolan: apud Policrat: lib. 6. cap. 1.* Quàm infelicissimè autem omnia succedant, ubi hoc hominum genus, concussiores, flagellatores Subditorum, & turbarum incendiarii, etiam sub bono Principe, muneribus publicis funguntur, & quòd sæpissimè causæ ruinæ & everisionis Regnorum & Rerump: sint, præter experientiam multis ostendit *Matth. V Vehner. tract. von Enderung der Regimenten cap. 12. & Philipp. Comina. in comm. histor. de eiusmodi hominibus satis con-*
39. queritur. *Tertiò*, quemadmodum Subditi & Vassalli (ut dictum) Dominis ad certa servitia præstanda sunt obstricti; Ita quoque Domini, Reges, Principes, aliiq; Magistratus Superiores, Subditos & Vassallos (obedientes & morigeros maximè) rueri, & à malorum insultibus, direptionibus & persecutionibus defendere debent, & tenentur *text. in l. congruit. 13. ff. de offic. præsid.* Idèò quippe Principes & Magistratus, tanquam Patres, Gubernatores & Rectores, Dei ordinatio esse dicuntur, & humano generi dati, ut societatem regerent, & curarent, prolixè *Don Garzia. Mastrill. de Magistrat. & eorum Imperio. in prælud. n. 3. 22. 27. & seqq.* quæ quidem per se satis nota &

mar-



manifesta sunt. Quando itaq; Reges & Principes, aliq; Domini 49  
Superiores, ea, quæ sui sunt officii omittunt, Subditos non defen-  
dunt, sed potius prædæ loco relinquunt, Subditi & Vassalli, ulterio-  
ra servitia (sive ea realia sive personalia sint) præstare non tenentur,  
sed quovis modo se suosq; servare, & in tempora meliora salvare  
possunt, atq; hoc casu vel neutralitati studere, vel etiam Potentiori  
alicui se submittere, non erit illicitum, de quo posteriori modo,  
*consultat. seq. agam.* Non enim Dominus à Subditis præstari sibi per 41  
tere potest, nisi ipse prius ex suâ parte præstiterit illud, ad quod se  
obligavit. *l. Iulianus. 13. §. offerri. 8. ff. de action. empt. l. quero. 54. §. in-  
ter locatorem. 1. ff. Locati. Paris: lib. 1. conf. 33. n. 57.* Et qui fidem con-  
tractus non adimplet, facit, ut pars adversa liberetur. *c. frustra de R.  
I. in 6. l. 12. 21. c. de pact. l. 27. ff. de inoff. testame: argumento eorum,  
quæ tradit Myns. cent. 3. obs. 96. Coler. de Process. execut. part. 4. cap. 1.  
n. 97. & 105. Schrader. de feud. part. 9. cap. 4. n. 88.*

Vnde Dominus, si non servat fidem Vassallo, Vassallus non etiam 42  
tenetur ei servare juramentum fidelitatis, per gloss. pen. in c. de nov.  
form. fidelit. in usib. feud. Pet. Peck. d. cap. frustra. de R. I. in 6. n. 3. Mant-  
icale tacit. & ambig. convent. lib. 3. tit. 17. n. 20. adde Gail. de pac. publ.  
lib. 2. cap. 15. n. 11. 12. & ibid. relatos.

Quod etiam in Subditis, contra Magistratum, quamvis Supe- 43  
riorem (maximè si certa pacta, ratione defensionis & servitiorum  
intervenerint) procedit. *Peckius d. loc. n. 3. Alciat. conf. 167. vers. cir-  
ca tertium dubium. n. 10. pulchrè. Matth. Stephani. de jurisdict. lib. 2. part.  
1. cap. 2. n. 260. cum seqq.* Atq; hæc quidem de Subditis & Vassallis,  
quos tales esse constat.

Sed nunc aliud occurrit dubium, annè neutralitati sit locus 44  
eo casu, ubi quis in utriusq; partis dimicantis Regno vel territorio  
castra, bona vel prædia habet? Ita certè de quibusdam nobilibus  
Galliæ, scribit Frossard. *histor. lib. 1. p. 87.* Bellum istud diuturnum malè ha-  
bebat Nobiles quosdam Galliæ, quorum aliquot collectis rebus, aliò se contule-  
rant, expectantes auræ serenitatem, ne si aut ab armis quiescerent, aut alteri se  
adjunxissent, putà vel Gallo vel Anglo, rebus ipsi suis obessent; Nam talis erat  
multorum ratio, ut cum in utroq; regno possessiones retinerent, neq; hunc juva-  
re, neq; illum destituere, citra facultatum jacturam possent. In hæc contro- 45  
versia,



- versâ, tam quoad Subditos, quàm Vassallos distinctione opus erit; Quod enim Subditos spectat, *primò* inspicere oportet, An quispiam ratione bonorum, in diversorum Regum vel Principum Regnis, territoriisvè sitorum, simul uno eodemq; tempore Subditus esse possit? *Secundò* sententiâ affirmativâ præsuppositâ, cui ex duobus Dominis adstiterè, auxiliumq; præstare debeat, vel numnè hoc casu
46. neutralis manere possit? Quod prius attinet, ad hoc maximè respiciendum opinarer, an is qui diversis in locis bona possidet, ubivis subjectionis iuramentum præstiterit, & tanquam Subditus tractari velit, vel non? Nam ut obstaculum totius decisionis adaperiam, hæc
47. tria præsupponenda sunt. *Primò* neminem fieri Subditum proptereâ, quod aliquo in loco possessiones & bona habeat; *Secundò* nec etiam eo casu, quod alicubi domicilium fovet, vel forum sortitur; Verùm *tertiò*, hunc Subditum dico, qui homo jurisdictionalis est, & mediante homagio, seu iuramento Subjectionis, Superioritatis Domino se subjecit. Hisce ita discussis clariùs apparebit, an Domino territorii jure subjectionis servitia militaria sint præstanda, vel
48. numnè omitti possint, & neutralitati locus sit? Prius præsuppositum, neminem proptereâ fieri Subditum, quod quodam in loco bona vel facultates possideat, communiter tenent Doctores, per *l. libertus. 17. §. sola. 13. ff. ad municipal. l. domicilium. 20. cod. gloss. in demunica. §. eisdem etiam verbo Subditos. Gail. lib. 1. obs. 36. n. 15. Pet. Frider. de mandat. Camer. lib. 2. cap. 46. n. 8.* Et ob solam domus vel possessionis causam, publici juris auctoritas muneribus subjugari vos non sinet, respondent Imperatores in *l. 4. C. de incol. lib. 10. Vultei. libr. 1. de feud. cap. 6. n. 5. Meischner. tom. 2. lib. 1. decis. 6. n. 58.* Vnde sæpissimè accidit, ut quis in eo loco ubi bona possidet, neq; originalis, neq; incola sit. *l. 4. C. de incol. Hartm. Hartm. lib. 2. tit. 52.*
49. De *secundo* equidem variant sententiæ, non certè quoad domicilium, sed quoad id, quod quispiam in hoc illo vè loco forum sortitur; In eo enim omnes ferè conveniunt, aliud esse forum alicubi fortiri, aliud ibidem esse Subditum per allegatos à *Gail. tract. de pignorat. cap. 15. Matth. Steph. tract. de jurisdict. lib. 2. part. 1. cap. 2. n. 239. Heig. part. 1. quest. 18. n. 5. prolixè Paurmeister de jurisdict. lib. 2. cap. 2. n. 51. & seqq.*

Sed



Sed quempiam ex domicilio effici subditum, quando nimirum 50:  
 in quodam loco ita habitat, ut in perpetuum (nisi ex accidenti avo-  
 cetur) ibidem perseverare velit, per plurimi statuunt; *Lud. Gilhaus. in*  
*arb. jud. part. 2. cap. 1. §. 2.* Nam per domicilii constitutionem, &  
 inhabitationem, subjectionem fundari, tradit *ICtus l. domicilium. 20.*  
*ff. ad municipal. l. si in patria. §. ibi. si domicilium defixisti, incolatus*  
*jure, te ultro, ejusdem civitatis muneribus obligasti. C. de incol. lib. 10.*  
*l. cives. 7. C. eod. And. Knich. in encyclopæd. cap. 3. n. 26. Meischner. tom. 2.*  
*lib. 1. decis. 6. n. 129. Gail. lib. 2. obs. 35. n. 3. idem latè de pignorat. obs. 15.*  
*per tot. ferè; & post eum Paul. Christiana. ad consuet. Mechlin. tit. 5 art. 9.*  
 Quam tamen (licet à multis comprobata opinationem) non im-  
 meritò rejicit *Petr. Frider. de mand. Cam. libr. 2. cap. 46. n. 8. & 9.*  
 per rationes ab eod. allegatas. Vnde demum 51:  
*Secundò* melior & ve-  
 rior est hæc sententia, domicilium neminem facere Subditum, nisi  
 qui insimul in jurisdictionem Domini consentiat, homagium sub-  
 jectionis præstet, & tanquam homo jurisdictionalis (*als ein Vnter-  
 than oder Landsasß* ibidem habitat, animumvè habitandi habeat, in  
 quam quoq; sententiam (sui ipsius immemor) condescendit *Gail. de*  
*arrest. Imper. cap. 6. n. 10.* eaq; verissima est; Nam Subditum esse, non  
 ex patrimonio, seu jure habitationis, aliisq; accidentibus dependet,  
 sed personæ relatio est. *Paumeist. de jurisd. lib. 2. cap. 8. n. 48.* Immo  
 personalis obligatio. *Gail. de arrest. cap. 7. n. 11.* Et quemadmodum  
 homagium, sive juramentum subjectionis, est prima agnitio & pro-  
 batio Superioritatis. *Meischner. tom. 2. libr. 2. decis. 4. n. 122. Knich. in*  
*Encyclop. cap. 3.* Ita quoq; non ob res possessas, sed personæ ratione  
 præstatur, quæ hæc ratione subjecta & subdita efficitur. Secundum  
*Coler. de process. execut. part. 2. cap. 1. n. 23. Gilman. lib. 1. decis. 46. n. 34.*  
 Quibus ita præmissis, apparebit, quid in casu proposito sit statuen- 52:  
 dum, vel enim illi qui in utriusq; partis bellagerentis, Regno vel ter-  
 ritorio, bona vel possessiones habent, utrique Domino homagium  
 aut juramentum subjectionis præstitère, vel alterutri, vel neutri;  
 si utriq; homagium præstitit (quod fieri posse docet *Gail. de arrest.*  
*Imper. cap. 6. n. 21.*) tunc illi cui prius juramentum fecit, ad onera  
 & servitia debita tenetur; arg: eorum, quæ paulò post de vasallo  
 duorum dicuntur; Si alterutri, huic erit obligatus, cui fidem dedit,



- atq; ita hisce duobus casibus, neutralitati non erit locus; Siñ neutri, per ea quæ supra attuli, vel alterutri sive mediore sive potentiori
53. se jungere, vel neutralis manere potest; Idem quoq; in Vasallis obtinet, nam licet Dd. sentiant, neminem duorum vel plurium Vasallum ligium esse posse, in eo tamen consentiunt, quempiam Vasallum non ligium duorum Dominorum esse posse, & hanc communem esse sententiam per *glos. in dem: pastoralis. §. rursus non est. in verbo homo ligius. de sent. & re judicat. Gail. de arrest. Imper. cap. 6. n. 29. Roesenth. de feud. cap. 2. conclus. 4. Borell. in summ. decis. tit. 34. n. 377. & a-*
54. *ly à Gailio d. loc. citati.* Vbi ergo duo, unius Vasalli, Domini armis inter se contendunt, Vasallus Domino vetustiori adstipere, eiq; servitia præstare debet; præstita enim fidelitate Domino posteriori, semper intelligitur excepta persona Domini antiquioris. *c. Imperialem: V.*
55. *illud quoq; de prohib. feud. alien. & 2. feud. 28. in fin.* Sic quoque inter confœderatos, antiquior obligatio seu confœderatio semper excepta est; Nemo quippè à priori confœderatione, altero invito se liberare potest. *l. in operis. 26. ff. locat. l. sicut. C. de obligat. & action. Lud. Schrader. de feud. part. 6. cap. 5. n. 10.* quod plerumque disertis verbis fieri solet; Quam tamen regulam fallere autumant nonnulli, si posterior iste confœderatus, sit etiam in ditione confœderati, nam tunc eum antiquiori extraneo præferendum esse; Quod de Helvetiis dici solet eos sibi invicem adstipere, contra alios confœderatos non tam prioritatis jure, quàm quod fœdere sanctiori, sibi invicem sint obstricti adde in similibus. *Alberic. Gentil. tract. de bello lib. 3. cap. 18. fol. 645.* Quibus ita visis manifestum evadit, quid in proposita questione sit concludendum; Sed quid si causa Domini videatur esse injusta, vel irrationabilis, & probabiliter dubitetur, an rectè bellum susceperit vel non, annè tunc Subditus vel Vasallus, ob neutralitatem excusabitur? Quoad Vasallum dubium hoc decisum reperitur. *lib. 2. feud. tit. 28. in princ. & ibid. ff. communiter Subditorum quoque ratione, in genere hoc ipsum asserere videtur. D. Augustin. lib. 22. cap. 34. contra Faust. dum scribit in hæc verba: Ergo vir justus, si fortè sub Rege etiam sacrilego militet, rectè potest, illo jubente militare, si civica pacis ordinem servans, quod sibi jubetur, vel non esse contra Dei præceptum certus est, vel utrum sit, certus non est, atque ita statuunt Dd. in Subdito, Martin.*

NAYARR.



*Navarr. c. quid culpatur. 23. quæst. 1. Petr. Navarr. de restit. lib. 2. cap. 3. n. 18. secus in non Subdito, quem in dubio peccare & omnia restituere debere tradunt Petr. Navarr. cit. loc. n. 263. & ab eod. allegati. adde Molin: de just. & jur. disp. 113. quo facit, quod Superioris jussio & inhibitiō liget vel obstringat, sive justa, sive injusta fuerit. Frider. lib. 2. de process. cap. 26. n. 5. Vbi ex Herculano de attentatis. cap. 28. n. 97. adducit: Inhibitionem, etiamsi notoriè sit nulla, vel subreptitiè impetrata, non facilè esse contemnendam, præsertim cum à potentioribus procedit &c. Verùm ne huic neutralitatis materiæ 57. prolixiùs, quàm par est, inhæream, & ex propositâ consultatione tractatum conscribere videar, posterius hoc dubium non ulterius prosequor, & ad ea, quæ eadem de materiâ subtiliter, & forsàn non malè in propositis terminis disputat Hug: Grotius de jur. bell. & pac. lib. 2. cap. ult. per tot. me brevitatis causa remitto &c.*

## CONSULTATIO

## QVINTA.

## SVBMISSIONIS ET PROTECTIONIS materia.

Quâ occasione indagatur, an Princeps, Comes, Baro, Civitas &c. Potentiori, cui resistere non potuit, ad evitandum majus periculum, se submittere, eiusq; protectioni dedere possit, ita ut propterea crimen læsæ Majestatis nec incurrat, nec bonorum confiscationi, vel pœnæ alicui locus sit?



## SUMMARIA.

1. *Præfiguratio casus.*
2. *Quale sit genus tractatus in præsentî consultatione.*
3. *An sit fœdus clientelare sive miserabile?*
4. *Veteres id vocitasse Mundiburgium, & quid propriè id sit?*
5. *Differentia est inter fœdus & simplicem submissionem.*
6. *Progressio ad thema propositum.*
7. *Rationes dubitandi, Prima, à defensione Domini desumpta est.*
8. *Secunda, ad quam tenentur Subditi singuli & conjuncti.*
9. *Tertia, omnem neutralitatem Subditis & Vassallis esse inhibiti.*
10. *Quarta, defensio Subditorum &c. incumbit Domino.*
11. *Quinta, Subditi alterius Patrocinium implorantes, quibus remediis cohibeantur?*
12. *Sicut Dominus Subditos invitos alienare nequit, ita nec hi, alterius protectioni vel Dominio subicere se possunt.*
13. *Protectio est initium & fundamentum subjectionis.*
14. *Primus post protectionem gradus perhibetur invasio.*
15. *Fœdus clientelare omnium periculosissimum.*
16. *Per protectionem, veri Domini auctoritas & obedientia minuitur.*
17. *Loculi Subditorum exhauriuntur.*
18. *Subditi & confederati usq. ad aram Dominis suis adherere debent.*
19. *Nihil indignius Principibus & viris illustribus, quàm alterius protectioni se submittere.*
20. *Idq. jure Imperij prohibitum.*
21. *Pro sententia contraria.*
22. *Excusatio & preparatio ad decisionem affirmativam.*
23. *Fraus & dolus à submissionis negotio removetur.*

24. *Levi-*



24. *Levitas itidem & inconstantia.*
25. *Quod exemplis illustratur.*
26. *Causa necessaria submissionis requiritur.*
27. *Hec duobus modis consideratur.*
28. *In modo submissionis, quenam sint consideranda.*
29. *Submissio saltem ob defensionem, & ut potentior parcat, & à vi hostili abstineat, fieri debet.*
30. *Submissionis & confederationis, seu cōspirationis differentia.*
31. *Simplex amicitia cum hoste Domini, quomodo sit excusabilis?*
32. *In puncto Submissionis & deditionis dolum non presumi.*
33. *Submissio & protectionis jus, indefinite fieri non debet.*
34. *Siquidem tale quid vix excusari poterit.*
35. *Dominus ob neglectum privatur jurisdictione & defensione Subditorum.*
36. *Cessante causâ promissionis, ipsa quoq; promissio cessare debet.*
37. *Subditos & Vasallos certo modo potentiori se submittere, ejusq; protectione uti posse.*
38. *Probatur Jctorum auctoritatibus.*
39. *Præcipue hujus conclusionis rationes.*
40. *Omnis ratio expediendæ salutis honesta est.*
41. *Nemini vitio vertendum, si quovis modo sanguinem suum redimat.*
42. *Maximè si aliter se defendere & protegere nequeat.*
43. *Necessitatis vis & privilegia.*
44. *Necessitas, justus metus, & defectus defensionis quomodo probari possint?*
45. *Eadem conclusio probatur exemplis; Helviandi Episcopi Trevisani.*
46. *S. Pontificis Leonis.*
47. *D. Imperatorum, seu Hungaria Regum.*

48. *Regum*



48. Regum Moabitarum & Israëlitarum.
49. Aliorum.
50. Ampliatio conclusionis in Subditis pactitiis.
51. Subditi pactitij (extra pactum) rerum suarum sunt moderatores.
52. Subditi non sunt propter Dominos &c.
53. Ampliatur Secundo licet verus Dominus submissionem prohibeat.
55. Defensio ex jure naturæ descendens, etiam à supremo Principe tolli nequit.
56. Maxime si eam semel approbavit.
57. Ampliatur tertio etiam si Superior defensionem promittat, sed tamen re ipsa non præstet.
58. Remedium læsioni debet esse adæquatum.
59. Non fieri & non debito modo fieri, paria sunt.
60. Principiis obstare decet.
61. Ampliatur quarto etiam in læsione non actuali.
62. Potentia & actus nocendi equiparantur.
63. Minas evomentis quatenus sit resistendum.
64. Ampliatur quinto, licet defensio aliquando fiat, sed non semper.
65. Limitatur conclusio, si quid dolose, ex inconstantia vel levitate factum sit.
66. Responsiones ad rationes dubitandi; Subditos & Vasallos non nisi ad possibilia teneri.
67. Fœdera & conjunctiones aliquando non fieri, ob causam est excusabile.
68. Neutralitas Subditorum & Vasallorum ex necessitate nonnunquam promissa est.
69. Cessante defensione Superiorum, cessat obligatio Subditorum.
70. Subdi-



70. *Subditi & Vasalli ex necessitate, sine fraude & dolo Potentiora se submittere possunt.*  
 71. *Protectio non inducit Superioritatem.*  
 72. *Aliud est sub patrocinio esse, aliud sub ditione.*  
 73. *Modus se submittendi, & qua protectioni alterius se subiciens observare debeat?*  
 74. *Necessitas submissionem excusat, & omnem culpam abstergit.*  
 75. *Uti confederati, ita quoque Subditi saltem pro possibilitate obligati sunt.*  
 76. *Conclusio consultationis.*

**D**E necessariis confederationibus, & periculosâ neutralitate haftenus egi; succedit nunc affinis & cognata quædam disquisitio, quam tamen, nec inconstantia, nec emulatio, & odium, sed (uti præsuppono) dura necessitas peperit; Si itaque Potentior quispiam alterius territorium (qui eidem resistere minimè potest) ingreditur, vel nondum ingressus armatâ & validâ manu appropinquat, & ni fiat deditio vel pacifica tractatio, duriorem servitutem, flammâs & incendia, cum occisione hominum, & ruina totius, minas evomit, quid hîc faciendum? Gravis & anceps hæc quæstio est; siquidem ab una parte, fidelitas & amor erga Dominum; Ab altera, conservatio sui ipsius, & suorum pugnet militetque. Quale hoc tractatum vel contractum genus sit, cum ex prædictâ necessitate quid concluditur, mirificè variant Dd. Alii *foedus inæquale*, quod non rarò in deditionem degenerat, exinde efficiunt, tale in sacris litteris inter *Iosua* & *Gabaonitas* occurrit, qui licet cum *Iosua* foedus inire petierint, eidem tamen prorsus se dedere, & servorum instar obtulere. *Iosua cap. 9.* Hisce ferè persimiles sunt tractatus eorum, qui necessitate impulsî, foedera cum potentioribus pangunt, ita tamen, ut ad eorundem nutum & discretionem vivere cogantur; sic contigit *Israëlitis* cum *Philistæis*, quibus arma adempta, fabriq; ferrarii, prohibiti sunt. *Samuel. 13. vers. 19. & 22.* Ex profanâ historiâ, cum ejecto *Tarquinio Rege* bellum inter *Romanos* & *Porſennam Regem Etruscum* pace sopitum esset, inter reliqua, & hoc nominatim comprehensum de-

h

prehen-



- prehendimus, ne ferro nisi in agricultura uterentur Romani Petr. Arod. rer. jud. lib. 3. tit. 5. cap. 4. Sunt qui fœdus clientelare, tanquam inter patronum & clientem initum, hoc indignant; Alii fœdus miserabile (quia ab una parte ex commiseratione fit ictum) vocitant, ita in Epitom. jurisprud. publ. ante annos decem à me edita. libr. 8. cap. 3. n. 15.
4. hanc rem descripsi. Veteres jus clientelare vulgari nomine vocarūt Mundiburgium *Mundbucht*/ quæ vox significat *Freyen Schuß und Schirm* / i. e. advocatiam, defensionem, tuitionem, clientelam. Hug. Grot. de jur. bell. & pac. lib. 1. cap. 3. n. 21. Besold, in thesar. jur. lit. M. n. 58.
5. Certè in institutâ consultatione ego nullum fœdus propriè sic dictum, agnoscere possum; Maxima liquidem inter fœdus, ultrò citroq; ad mutuam defensionem, & offensionem obligatorium; nudumq; contractum inter periclitantem, & defensione omni destitutum, cum potentiori, & qui pro libitu in inferiorem procedere posset, differentia est. Illud plus in se habet, nimirum protectionem, & æquale inter partes fœdus. In hoc verò nullum est fœdus, sed simplex protectio Georg. Everhardi vol. 1. conf. 56. n. 68. Illud ad defensionem & offensionem plerumq; concipitur; Hoc ad id solum respicit, ut periculo expositus, ab eo liberetur, & nolens volens alterius auxilio se protegat, prout postea ex discursu, & declaratione hujus consultationis apparebit. Arbitraretur itaque eos, qui necessitate adacti, coactè, citra præjudicium Superioris, vel etiam propriæ libertatis & pristini status, alterius protectioni, vel ut non durius à victore tractentur se dedunt, putis dedititiis, vel quoq; tributariis esse persimiliores, & quoad effectum juris, nihil aliud præjudiciosè agere, quàm illos, qui per innominatos contractus (*facio ut facias*, vel *do ut facias*, protectio liquidem definitur quidam velut contractus, quo infirmiores tutelæ, patrocinio & Advocatiæ potentioris se subjiciunt. Erasmi. à Chokier. tract. de advocat. quest. 6.) ad certum tempus, & nutum fortunæ contrahunt. Videntur præterea, huc facere ea, quæ post Menochium & alios à se citatos tradit Georg. Everhard. vol. 1. conf. 56. n. 39. & seqq.
6. Ad rem ergò; nùm hujusmodi submissiones & tractatus Subditorum Vassallorumvè cum potentiori, cui resisti non potuit, citra præju-



præjudicium Domini superioris valeant, in principio sese offerunt rationes dubitandi non minimæ. Nam primò defensio Domini, Patriæ, 7. & quicquid ad publicam salutem pertinet, Vassallis & Subditis incumbit. Hoc enim juramentum seu subjectionis, seu fidelitatis exigit, uti *consult. 4.* passim ostensum; nec quicquam refert, quod adfistentia hæc & defensio Patriæ sive Domini, aliquo modo sit difficilis, nec sine damno Subditorum Vassallorumve fieri possit, siquidem Claudiano teste *de laud. Stilic. Panag. 1.*

Levis hæc jactura, nec unquam  
Publica privatæ, cesserunt commoda causæ.

Quod secundò eatenus verum putatur, ut, quod singuli Subditi 8. Vassallivè non possunt, ad id universi & inter se consociati teneantur, *d. consult. 3. n. 6. & seq.* ut enim se, suosq; & Patrios lares, tueantur, ad id constrikti & obligati videntur.

Qui rebus non consulit ipse cadentibus ultrò  
Inducitq; animum voces contemnere veras  
Ille quidem invisus Divis, & inutilis orbi est.

Ideoq; Tertio omnis in hoc casu neutralitas, vel potius tepiditas inhibita censetur; supra *consult. 4. per tot.* Ita ut qui communi necessitati non consulunt (non secus ac olim cives coacti) ut proditores Patriæ meritò habeantur. Idem *d. consult. 4. sub n. 9. & l. 4. §. quò post. ff. de re milit. VVesemb. in par. ibid. n. 2.* Quamobrem saluberrimè, in pragmaticis constitutionibus nostri Imperii provisum est, quomodo status Imperii, ubi periculum armorum instat, vel ex morà timeatur, ope circensium vicinorum gerere se debeant. *Recess. Augustan. de annis 1555. & 1556. Petr. Devais. in jur. Cam. tit. 212.* Facit quartò; 10. Quod tuitio & protectio Subditorum, & custodia totius territorii spectat ad officium Domini. *l. illicitas. §. nepotentiores. ff. de offic. presid. Thom: Manl. tract. pecul. de homag: cap. 11. n. 1. Georg. Obrecht. Antecessor Argentinensis tract. de jurisdic. cap. 8. n. 97. surd. cons. 289. n. 3.*

Idq; in tantum quintò, quòd Domini (quando Subditi vel Vassalli aliis se submitunt) non solum habeant jus contradicendi, per *text. Aur. Bulla cap. 15. & Recess. Imper. de anno 1529. §. Wir auch. & 1541. §. Vnd damit &c.* Sed etiam si Subditi Domino inscio, & sine causâ legitimâ, se aliis subjecerint, à Dominis injuriarum conve-



- niri possint. l. 1. §. 2. omnemq; injuriam aut ad corpus, aut ad dignitatem, aut ad infamiam pertinere ff. de injur. Petr. Frider. Mindan. de mand. Camer. lib. 2. cap. 14. n. 11. Et sextò sicut Dominus Subditos invitos alienare nequit, c. 1. de prohib. feud. alien. per Frider. cap. 1. §. 1. quo temp. mil. invest. & per multitudinem allegatorum ostendit Carol. Tapia. ad l. fin. ff. de const. Princip. part. 2. cap. 9. n. 40. latè Hottom. illustr. quest. 1. per tot. uti nec Dominus Vasallos, per text. in c. 1. §. si quis, quo tempore miles, & in c. 1. §. præterea Ducatus & ibid. Dd. prohib. feud. alienat. per Frider. Vasqu. illust. controv. lib. 1. cap. 5. n. 5. allegati ab eodem. Ita nec Subditi, alii, quàm vero Domino se submittere possunt; quod multis probare necessitas non exigit, cum mutua Principum, Dominorum, atq; insimul Subditorum & Vasallorum obligatio hoc efflagitet. *Surd. conf. 47. n. 24. & seq. Natta. conf. 445. n. 6.* Septimò magnum in hac submissione & accommodatione versatur præjudicium superiorum vel Dominorum; non solum quia sæpenumerò jurisdictionis, & subjectionis sit initium, quemadmodum attestatur Petr. Frider. de mandat. Cam. lib. 2. cap. 14. n. 5. Thom. Maul. tract. de homag. tit. 11. n. 6. Quibus jungi possunt *VVehner. pract. obs. Vest. Schuß. vnnnd Schirmgerechtigkeit. Ruland. de commiss. part. 4. lib. 2. cap. 3. n. 12. Bocer. tract. de jurisdict. cap. 8. n. 95.* Vnde primum, post protectionem gradum, invasionem indicat; Petr. Gregor. Tholosan. de Repub. libr. 11. cap. 11. n. 6. Quod & multis probat *VVehner. in metamorph. rerumpubl. cap. 18. & plerumq; evenit secundum illud Æsopicum, quod ita carminicè profert Carolus Sigonius:*

Accipitrem milvi pulsorum bella columbæ

Accipiunt Regem, Rex magis hoste nocet.

Incipiunt de Rege queri, quia sanius esset

Milvi bella pati, quàm sine Marte mori.

15. Quàmobrem fœdus clientelare, omnium periculosissimum arbitratur *Bodin. de Repub. lib. 5. cap. 6.* exempla vel vetusta, vel novissima, nunc brevitatibus studio omitto. Sed etiam *Oftayd*, quia exinde veri Domini obedientia & auctoritas paulatim minuitur, protectoris verò augetur. *VVehner. d. loc. in metamorph. rerump: cap. 18. in simili* 17. ferè *Vdalric. Zasius lib. 2. conf. 7. Paurmeist. de jurisdict. lib. 2. cap. 9. n. 19. Matth. Stephani de jurisdict. lib. 2. part. 2. n. 133.* Taceo Nònd, quòd veri Do-



ri Domini interfit, eiusdem Subditos, tributum, & pensiones pro-  
 tectori solvendo non depauperari. arg. §. *sed & major.* Iust. de his qui  
 sunt sui vel alien. jur. Cravetta. conf. 933. n. 23. vel eorum loculos non  
 exhauriri; Boc. de iurisd. cap. 8. n. 97. Et deniq; Decimo, si inter con- 18.  
 federatos bona fides exsuperare debet, nec infortunati statim sunt  
 deserendi, sed ubi semel juncti communem eventum expectare, &  
 aliquid incommodi ferre oportet, monente Guicciardino hist. lib. 1.  
 Quanto magis Subditos decebit, naturalibus Dominis adherere, &  
 quodvis eorum causâ perpeti, antequam ab iisdem desciscant; Ni-  
 hil ergo, præsertim Principi, aliisq; illustri dignitate condecoratis 19.  
 indignius esse, quàm se suosq; alterius Patrocinio subijcere autumat  
 Bodin. de Repub. lib. 1. cap. 7. Quod vel maximè Romano Germanico Im- 20.  
 perio devinctis, inhibendum esse videtur, cum non solum Legibus civi-  
 libus vetitum, ut nemo Potentiorum Patrocinium advocet. l. 1. c. ne li-  
 ceat. potent. l. illicitas. §. ne potentior. ff. de offic. prasid. l. 1. c. ut nemo ad suum  
 patrocinium Surd. conf. 47. n. 25. sed etiam novissimæ Imperii consti-  
 tutiones idipsum non admittant R. A. de Anno 1529. §. Wie auch  
 Chursürsten. item Anno 1555. §. Es soll auch kein Landfried. de Anno  
 1544. in princ. §. Doch soll auch kein Stand A. B. Caroli 4. tit. 16.  
 Vvesemb. conf. 48. n. 7. & seqq. Per: Denais. de iur. Cam: tit. 211. n. 2.  
 ibi: nemo alienos Subditos, contra morem majorum, præterquam  
 voluntatem Magistratus, in patrocinium clientelamvè suscipito.

Verum hisce aliisq; persimilibus rationibus & argumentis dis- 21.  
 suatoriis non obstantibus veriore & æquitati magis congruam ju-  
 dico illam sententiam, quæ prædurâ necessitate efflagitante, Subditos,  
 Vassallos aliosvè omni auxilio & defensione destitutos, & prædæ qua-  
 si expositos, alterius (potentioris) protectioni se submittere posse,  
 statuit; Antequam autem in hac decisione ulterius progrediar, ne 22.  
 levitatem, inconstantiam & infidelitatem multorum approbare, vel  
 etiam inobedientiam erga Superiores suadere videar, declarationis  
 causâ duo potissimum præmittam; Quorum prius duo ab hoc ne-  
 gotio excludit, dolum scilicet & levitatem; Posterius duo requirit, ut  
 hæc nostra sententia subsistat, Causam nimirum necessariam submis-  
 sionis, & modum submittendi. Ante omnia itaq; ab hoc Submissionis 23.  
 tractatu fraudem & dolum excludimus; nec enim eos defendimus,

h 3

qui



qui non solum durum necessitatis telum non expectant, sed (licet aliud prætendant publicè) secretè cum potentiore postea eodem in protectionem recipiente, colludunt, conspirant, in ejusq; verba voluntariè jurant, atq; ita spontè à Principe & ordinario suo Magistratu, absq; ullà causà, non sine maximo perfidiæ scelere recedunt,

24. Petr. Pechius in comm. ad c. in argumentum 78. d. R. I. in 6. n. 4. Removemus etiam hinc, aliorum levitatem & inconstantiam, qui ad nutum fortunæ & absq; ullà causà urgente Dominos suos deserunt, & potentiori sese accommodant. Sic de Prospero Columna Regni Neapolitani procere inter bella Arragonensium Regum & Caroli Regis Gallia de utriusq; Sicilia Regno gesta, ejusq; consortibus, memoriæ reliquit Comina. de bell. Neapolit. lib. 4. ubi in hæc verba: Columnenses etiam, qui alioquin eò spectabant, ut potentioribus sese conjungerent, ideoq; statim à nobis defecerunt, tametsi plurimis essent à Rege & amplissimis ornati beneficiis &c. adde eund. Comina. d. loc. lib. 3. pag. (m.) 827. Guicciard. hist. lib. 2. De Virgilio Vrsino iidem prænominati auctores Comina. de bell. Neapol. lib. 5. pag. 514. Guicciardin. d. lib. 2. testantur, quod turpiter cum hoste pactus sit, & relicto Carolo ad Ferdinandum Arragonium defecerit, licet hæc duo exempla Remig. Florentin: in considerat: ad Guicciardin: cap: 3. non ut licita quidem, ob quandam tamen necessitatem excusanda, politicè defendere conetur; De nonnullis Gallia civitatibus ad Somiam fluvium scribit Comin. comm. lib. 1. quod acceptà pecunià advenienti militi suppeditarint ea, quæ usui esse potuere; Verum illustrius ad hanc Tragediam spectans exemplum, in nemine unquam satis conspectum est, quàm tempore Ludovici XI. Gallia Regis in Sancti Pauli Comite Conestablio Francia, quod longè lateq; refert idem
26. Comina. d. loc. lib. 4. & 5. passim. Exclusis ergò dolo & fraude, nec non levitate & inconstantia remota (uti hætenus ostensum) ad firmandam & stabiliendam sententiam nostram affirmativam. Primò requiritur causa necessaria submissionis, ut scilicet Subditus Vassallusvè, inevitabili necessitate impulsus, alterius protectioni se dedat aut submittat.

27. Hæc verò causa partim ex Domini sive Superioris, partim ex Subditorum conditione dependet; Domini occasione, necessaria emergit causa ob defectum defensionis, quia Superior vel Dominus Subdi-



Subditum sive Vassallum ob absentiam, negligentiam, vel alias causas defendere non potest, vel non vult; *Subditorum respectu*, causa necessaria & urgentissima est impotentia & impossibilitas, quod se defendere nequeant, atq; hinc resultans necessitas, ut cum seipso defendere non possint, imminens periculum, vim & tyrannidem potentioris, deditioe & submissione mitigent, eiusq; contra alios deprædatores patrocinium implorent. In modo submitte tria considero; *Primo* ut sit nuda submitio ad parcendum, protegendum & defendendum; *Secundo*, ut fiat ad certum finem, & sub certâ conditione; *Tertio* cautè nudam submissionem, ad parcendum, defendendum & protegendum hîc requiro; Nam licet ex *Petro de Anchera- no*, *Philippo Decio*, *Grato* & aliis referat *Petr. Peckius in comm. ad c. in argumentum. 78. de reg. jur. in 6. n. 2.* ab iisdem incolas Regni Sicilia, & *Gravinia Ducem* esse defensos, quod metu coacti, arma respectivè contra *S. Pontificem* & *Imperatorem* tanquam Superiores sumpserint. In hoc tamen casu Subditum vel Vassallum moderatiorem se gerere, & vel quælibet perpeti debere, antequam arma & gladium suum in proprium Dominum vertat, omninò statuerem. Si enim in fœderibus verè & propriè ita dictis, semper intelligitur excepta persona Superioris, certè in Vassallis & Subditis hoc multò magis obtinebit. Et quamvis amicitia ex metu, cum Domini & Superioris nostri inimico contracta aliquo modo sit excusabilis, id tamen veniâ dignum non erit, si quis insimul cum inimico Superioris vel Domini contra eundem conspiraret; Sic libertus (*Vlpiano teste in l. 1. §. cum patronus. in fin. ff. de offic. præf. urb.*) si sit, aut fiat amicus inimicorum Patroni, non offendit ut puniatur, nisi & conspiraverit cum illis contra Patronum; Ita nec filius exheredari poterit, si conversetur solum cum inimicis patris, nihil autem hostile contra eundem tentet, secundum *Lasone*m; Atq; aliàs juris manifesti est, quod simplex amicitia cum inimico contracta, non sit punibilis, nisi tendat in perniciem Domini, prout *Dd.* passim declarant post *gloss. in c. 1. §. porro. quæ sit princ. causa. benef. amitt.* opus namq; de genere permissorum (qualis est amicitia) justificatur ex suo fine in quem est factum, cuius enim finis malus est, id ipsum quoq; malum est, & è contra. *Ant. Quetta. conf. 7. n. 35.* Quò etiam facit, quòd dolus regulariter non præsumatur.

tur.



- fur. Gail. de pac. publ. libr. 1. cap. 7. n. 12. & cap. 10. n. 14.* Sicut nec animus delinquendi; *Prosper. Farinac. quest. crim. 85. Decius conf. 243. n. 5. incip: in effectu.* Vbi ex hoc infert, quod actus qui in bonam & malam partem accipi potest, per interpretationem in meliorem sit accipiendus, vide *Gail. libr. 2. obs. 110. n. 5.* & in specie *Iohan: de Imola conf. 34.* consuluit, quod quia defectio facta per castrum *Ducia* contra communitatem *Imola* fuerat facta iusto metu, nullam de jure punitionem merebatur, & quidem potissimum, quod auxilium non
33. mittebatur. *Secundò* requisivi, quod submissio & accommodatio hæc fieri deberet, non indefinitè (id est) in perpetuum, quasi cum rejectione Superioris ordinarii, sed saltem durante necessitate, & citrà præjudicium Domini, idq; ad minimum ex animo & intentione Subditorum Vasallorumq; licet ita non semper verbis vel litteris exprimatur. Indefinita enim & perpetua protectio majoris præjudicii est, & terminos omninò excedit, dum Superior Dominus hæc ipsâ, jure suo privari videatur; In hoc ergò requisito, fideles Subditos & Vasallos (cuiuscunq; sint status & conditionis) non aliter se
35. gerere debere arbitraret, quàm quod dicitur ob neglectam vel denegatam justitiam, Dominum privari jurisdictione, eo saltem in casu, in quo eam neglexit, vel denegavit, arg: *Auth: statuimus. §. 1. C. de Episcop: & Cler. Myns. cent. 3. obs. 57. Gail. lib. 1. obs. 28. in princ. & relati à Rosbach. in Process. civil. tit. 3. n. 63. & seqq.* Ita quoq; deficiente defensione apud Dominum, unâ vice saltem cessare confidentiam Subditorum Vasallorumq;, & locum esse submissioni, quamdiu sci-
36. licet defectus iste durat, rationi omninò consentaneum est. Cessante siquidem causâ promissionis, cessare quoq; debet ipsa promissio. l. 1. §. fin. cum l. seq. ff. de excus. tur: plenè *Dd. in c. cum cessante. ext: de appellat. & plenissimè Tiraquell. in tract. cessante causâ cessat effectus*, quem vide. De tertio requisito ad modum submissionis pertinente, agam
37. *infra in responsionibus ad contraria sub. n. 73.* Hæc itaque declaratione præmissâ principalis hæcce manet conclusio, Quod (præsuppositis præsupponendis) Subditus vel Vasallus, cuiuscunq; sit conditionis vel status (nisi tamen singularia pacta & obligationes aliud quid induxerint) jure communi, divino, gentium & civili, nec non pragmaticis Germaniæ constitutionibus, periculo imminente, & defensione



fensione deficiente, potentioris gratiæ, protectioni & defensionis se-  
 se submittere possit; Et hanc sententiam tanquam tritam, commu- 38.  
 nem, æquitate & jure omninè suffultam tenent Icti vetustiores & mo-  
 derni. Gail. lib. 2. obs. 54. n. 4. Schurff. cent. 3. conf. 23. VVesemb. conf. 48.  
 n. 10. Mascard. de probat. concl. 713. n. 3. Menoch. de arbitr. lud. quest. 100.  
 n. 19. & seqq. pulchrè & in terminis; Petr. Peckius in comment. ad c.  
 in argumentum. 78. n. 4. per tot. Idem de reparand. Eccles. cap. 7. n. 9. &  
 seqq. Georg. Everhardi vol. 1. conf. 56. n. 65. & passim Thoming. conf. 13. n.  
 43. & seqq. Hieron. Gigas tract. de crim: laesæ Majest. libr. 1. quest. 56. Petr.  
 Frider. Mind. de mandat. Cam. lib. 2. cap. 14. n. 2. Et per totum. Quod  
 generali Germaniæ consuetudine receptum tradit Regn. Sixtin. conf.  
 Marp. 8. n. 110. & seqq. cui consentit conf. Marp. 19. n. 145. 146. vol. 3.  
 Matth. Coler. ad c. cum non liceat. n. 9. & seqq. de præscript. Et plurimi  
 alii, ab hæc & aliis allegati. Rationes præcipuæ (præter alias, quas 39.  
 apud prædictos auctores videre liceat) huius nostræ conclusionis,  
 ex iis quæ supra inducta sunt, duæ sese offerunt. Prima naturalis de-  
 fensio; Secunda exinde emergens inevitabilis necessitas. Nam cum 40.  
 omnis ratio expediendæ salutis honesta sit, teste Cicerone pro Milone,  
 suiq; ipsius defensionem omittere, non solum culpa, sed dolus per-  
 hibeatur post Bald. conf. 4. n. 111. Alberic. Gentil. de jur. belli cap. 15.  
 (adde sup. ead. Decad. conf. 3. n. 3.) atq; in præsentī vitæ, corporis, &  
 bonorum omnium periculo, nulla alia defendendi & resistendi ra-  
 tio supersit; cum Superior ordinarius ob absentiam vel impoten-  
 tiam defendere non possit, ipse quoq; Subditus vel Vasallus aliter  
 periculum evadere non valeat, vel si quid posset, id tamen non sine  
 maximo periculo faceret. Posse enim dicimur id, quod sine eviden-  
 ti periculo fieri potest. l. nepos proculo. ff. de V. S. Petr. Peck. tract. de re-  
 par. Eccles. cap. 7. n. 8. Certè nemini vitio vertetur, si quovis modo, 41.  
 sanguinem suum, suorumq; redimat; Argumento eorum, quæ de  
 transactione, in criminibus sanguinis vel capitis pœnam ingerenti-  
 bus (excepto adulterio) licitâ & honestâ tradunt Dd. per l. transige-  
 re 18. C. de transact. VVesemb. in parat. ff. de transact. n. 5. Gail. de pac. publ.  
 lib. 1. cap. 11. n. 16. Myns. cent. 2. obs. 79. n. 2. & seqq. Hartm. Hartm.  
 pract. obs. lib. 2. tit. 22. n. 1. 2. Fr. Hottom. illustr. quest. 23. per tot. Na- 42.  
 turalis itaq; sui ipsius & suorum defensio (cum nullo alio modo [uti  
 dictum]



dictum] fieri possit, quàm se submittendo, alteriusq; gratiam & auxilium amplectendo) necessitatem hanc inducit, & omne jus ordinarium remover, idq; ob privilegium necessitatis. Quemadmodum enim necessitas cum est evitabilis, jus non dat; sic quando evitari nequit, juris instar est, & omnem legem superat; *Necessitas* (ait *Seneca*) *magnum humana legis patrocinium omnem legem frangit*. Atq; aliàs dicitur telum ingens, nulli legi subiectum. l. 1. ff. de offic. procons. l. 7. §. 3. ff. quod vi aut clam. sed ipsa facit legem c. remissionem. 1. quest. 1. ac nulla curat privilegia, latè *Tiraquell. in tract. lignag. §. 26. gloss. 1. n. 19. & seqq.* Ideoq; quicquid necessitate urgente in tali casu fit, culpabile non est. c. ad limina. caus. 30. quest. 1. *Hieron. de Cavallos. in spec. comm. opin. quest. 906. n. 50.* Et propter imminens periculum receditur non solum à regulis juris communis, sed etiam prohibitivi; *Vdalr. Zasius 1. conf. 22. n. 11.* ubi exemplo id demonstrat, unde demum consequens est, urgente durissimo necessitatis telo, ea quæ injusta sunt, justissima censer, teste *Bodino de Republ. lib. 5. cap. 5.* junge post. *Victoriam de jur. belli n. 15. Grotium de jur. belli & pac. lib. 3. cap. 1. n. 2.* Immò quòd necessitas in illis quæ sunt juris gentium (qualis est nostra defensio) singulariter sit privilegiata, per exempla non absone declarat *Idem Grotius d. tract. lib. 2. cap. 2. n. 6. Peck. ad d. c. in argumentum d. R. I. in 6. in princ.*

44. Quomodo autem hæc necessitas, sive defectus defensionis, atq; ita justus metus probeatur, vel utrum aliquis resistere potuerit, vel non ostendi debeat, in æstimatione Iudicis esse, post *Matth. de Afflictis ad conf. in c. volumus. n. 7. rubr. 93. putat. Petr. Peckius de repar. Eccles. cap. 7. n. 10.* Qui omnia ad veritatem hujus rei pertinentia, ex circumstantiis & conjecturis dijudicabit; per ea, quæ tradit *Gail. lib. 2. obs. 93. n. 7. & seqq. Idem de pac. publ. lib. 1. cap. 2. n. 12. VVesemb. in parat. ff. quod met. caus. n. 3. Petr. Frider. de mandat. lib. 2. cap. 33. n. 1. Menoch. de arbitr. Iud. quest. cas. 135. n. 3.* circumstantiæ verò in nostro casu erunt, si præsidia in civitate, vel alio quodam loco, non sint sufficientia, *Matth. de Afflict. d. loc. Imola conf. 34.* Item si instet metus amissionis vitæ, bonorum, pudicitie uxoris & liberorum, si hostis sit truculentus, qui sævire solet; ita post *Thomasmum & Gratum in cons. filii Peckius ad d. c. in argumentum. n. 4.* Nec demum conclusio nostra,



Ara, exemplis omnino destituta est; Ab Ecclesiasticis exordiar. Helviandus Episcopus Trevisanus, cum Attila, Dei, eiusque S. Ecclesiae insignis flagellum, occupata Aquilegia agro Trevisano immineret, atque Trevisanis impossibile esset, eiusdem potentiae resistere, Trevisanos docta oratione coram Senatu habita persuadet, ut tempori & fortunae cedant, hosti occurrant, eiisque sese submittant. Vnde Bonifacius in hist. Trevis. lib. 2. de eiusdem Episcopi in hoc negotio prudentiam non immerito subiungit hisce verbis: *E cosa certissima, che nelle grandi risoluzioni, si come à coloro, che non le fanno usar, risultano grandissimi danni, così chi con prudenza s'adopera, può ritrarne notabili benefici, e molte volte da una calamitosa fortuna, alcuni ho semini prudentissimi, si sono mirabilmente & di reputatione, & di fortuna ingranditi.*

De S. Pontifice Leone memorat Paul. Diacon. rer. Rom. lib. 5. quod 46.  
 Genferico, cum validissimo exercitu Vandalorum ac Maurorum, ad occupandam Romam, praesidio vacuam, advenienti occurrerit, atque æquis & honestis conditionibus, nobilissimae & potentissimae urbi deditionem pactus sit; Sacratissimi & invictissimi Imperatores, tan- 47.  
 quam Hungaria Reges, ut certa Hungariae loca, ab immanis Turcici tyranni desolatione & universali ruinâ liberent, vel saltem praeservent, citra laesionem Majestatis certis pactis & conditionibus, Turcis tributum pendunt, suosque ipsorum protectioni committunt; Quod equidem haud novum, cum & Rex Moabitarum tributarius 48.  
 fuerit Regis Israelitarum, 2. Reg. 3. vers. 4. & seq. Rex Ahas Israelitarum, tributarius Regis Syriorum, 2. Reg. 17. vers. 4. Quod reculare postea conatus Hiskias, rursus in ordinem redactus fuit, 2. Reg. 18. v. 14. Sic 49.  
 praeterea Abbas Panormitan. lib. 2. conf. 3. n. 5. Squinatium & Constantiam à juramento Regi Angliae praestito defendit, quia scilicet id fecerant, ob iustissimum metum, timentes illius potentiam, qui eos cum magno exercitu invaserat, referente P. Peckio d. comm. in c. in argumentum. 78. n. 2. ubi vide. Duces quoque Ferrarienses, Bentivoli, Mirandulani, contra Iulium II. Pontificem superiori seculo in Ludovici XII. Galliae Regis devotionem & protectionem se dederunt. Bodin. de Republ. lib. 5. cap. 6. Et quam favorabiles & iustae huiusmodi deditiones sint, ex antiquo Galliae Regum instituto perspicitur, qui teste Molinao in addit. ad conf. Decis. 604. urbibus, quas defendere non po-  
 terant,



terant, permittebant se hostibus dedere, mallentes eas sic salvas esse, quam perire.

50. Atq; hactenus stabilita affirmativa conclusio, primò eò magis procedere traditur in subditis & statibus, qui certà libertate gaudet, & intervenientibus pactis Subditi sunt, quales perhibentur, status ac civitates & nonnulli alii; *Compiler Symph. tom. 2. part. 3. tit. 3. supp. 33. fol. 93. Vultei. int. conf. Marburg: vol. 3. conf. 19. n. 145. Sim: Pistor: conf. 19. n. 18.* Hi enim licet certo modo subditi & subiecti sint; si quid tamen contra illa pacta & conditiones fiat, non secus ac alii, rerum suarum arbitri & liberi dispensatores permanent. *l. etsi. §. consuluit. ff. de Pet. hered. l. 2. ff. si quis à part. mand. l. 1. §. & magis. ff. si quid in fraud. Patr.* Et si unquam verum, quod vulgò dicitur, Subditos non esse propter Reges vel Dominos, sed hosce propter illos; atque uti ait *Seneca 1. de clementia. 18.* ut tutela, sic procuratio Reipub: ad utilitatem eorum qui commissi sunt, non quibus commissum est, gerenda est, quippè quibus non civium servitus sed tutela tradita, quâ de re præclare & copiosè *Ferdin: Vasqui: illustr. contr. n. 102. & seqq. Idem lib. 1. cap. 1. per tot.* certè in liberis & pactitis subditis hoc ipsum obtinet; Idq; propter contractum correspectivum & mutuuum inter Principem & tales Subditos, quem omnium bellissimè expressit *M. Ant: Petil: in exarch: sive de exter. Princ. mund. lib. 1. cap. 17.* Idq; eò magis locum obtinebit, quando Subditi vel Vasalli jus recipiendi protectores contra Dominos præscripsere. *Thom. Maull. tract. de homag. tit. 11. n. 9.* Quod in Germania usitatum esse *Recess: Imp. de anno 1555. §. Es soll auch ic.* non obscurè indicat.
51. Secundo ampliatur principalis conclusio in præsuppositis terminis procedere, etiamsi prohibeat superior Dominus, ne quis in tali necessitate constitutus, potentioris protectioni & gratiæ se submittat.
52. Nam cum submissio hæc sit quædam defensionis species (qui enim seipsum contra vim imminentem alicuius potentioris defendere nescit, & propterea cum eodem paciscitur, quid aliud agit, quam ut cum alio modo se tueri nequeat, idipsum hæc ratione faciat? Deinde defensio ex jure naturæ dependet, eamq; etiam summus Princeps nemini auferre vel inhibere poterit; per ea, quæ tradit *Petr: Peck: ad c. indultum. 17. n. 2. de R. l. in G. Gail. de pac. publ. lib. 2. cap. 7.*

8.



n. 8. Tiber. Decian. tract. crim. libr. 9. cap. 1. n. 26. & præclare Cicero pro Milone; hisce verbis: Est etenim hæc, Iudices non scripta, sed nata lex, & quam non didicimus, accepimus, legimus; Verum ex natura ipsa arripimus, hausimus, expressimus, ad quam non docti sed facti, non instituti, sed imbuti sumus, ut si vita nostra in aliquas insidias, in vim, in tela aut latronum, aut inimicorum incidisset, omnis honesta ratio esset expedienda salutis; silent enim leges inter arma, nec se expectari jubent, cum ei, qui expectare velit, ante injusta poena luenda sit, quam justa repetenda.

Atq; hæc vera sunt, siue talis prohibitio, per statutum & legem, 56. siue etiam rescriptum supremi Principis fiat, quinimò, si Princeps talem defensionem, seu de jure licitam & permissam, siue expressè, siue tacitè approbarit, eamq; postea (causâ submissionis etiamnum durans) revocare & rejicere velit, præsumitur deceptus & memoriâ lapsus, & tale mandatum prohibitivum non valet, per tradita Mynsing. cent. 3. obs. 61. per tot.

Ampliatur tertio procedere, licet superior promitteret defensio- 57. nem, eam tamen de facto non præstaret; promissis dives quilibet esse potest, non verbis & litteris, sed re ipsâ succurritur. Et defensio est facti, igitur si non est actualis in effectu nulla est.

Atq; hinc qualis est vulneratio, tale etiam requiritur remediū, 58. & offensionem par debet esse defensio; Atq; offensionem non potentialem (nisi proximam velis, nam & hæc actuali æquiparatur, quia proxima potentia habetur pro actu) sed actualem præsupponimus, ergo perfimilis debet esse defensio, aliàs Subditi suo (quod explicamus) protectionis & submissionis jure, uti possunt. Quod etiam 59. corroboratur ex eo, quia paria sunt, non fieri, & non debito modo fieri; per jura vulgaria Gail. lib. 1. obs. 105. n. 13. Idem de arrest. Imper. cap. 4. n. 13. & cap. 11. n. 14. Et deniq; turpe est, post vulneratam 60. causam, & tunc demum defensionem expectare, cum poenam huius, melius auditur illud Ovidij:

Principis obsta, sero medicina paratur,

Cum mala per longas invaluere moras.

Quarto ampliatur prælibata conclusio, submissionem fieri pos- 61. se, etiamsi læsio nondum sit actualis, sed in proximâ potentiâ.

Tunc tua res agitur, paries cum proximus ardet.



62. Per ea, quæ ampliacione tertiâ adduxi; & huc faciunt jura, quod is etiam coactè faciat, qui scit se posse cogi, & faciendo prævenit violentiam, licet id spontè facere videatur *Petr. de Anchoran. conf. 299.* Inspicitur enim in hisce casibus æquè potentia, quàm ipse actus nocendi, per *l. Labeo. ff. de stat. lib. c. non solum de appellat. in 6. Sichard. conf. crim. 10. n. 34.* Et in terminis nostris, de Subditorum & Vassallorum submissione, ex justo meru facta, post alios concludit *Georg. Everhard. vol. 2. conf. 17. n. 53. 54. & seqq.*
63. Demum firmat hunc locum id, quod jure constitutum de eo, qui minas evomit, easq; absq; impedimento statim exequi potest, *Francisc. Herculan. tract. de caut. de non offendendo. Barthol. ad tit. ff. quod met. causâ. passim Gail: de pac. publ. lib. 1. cap. 2. n. 12. per ibidem citatos & n. 14. cum seq. Idem Petr. Frider. de mand. Cam. libr. 2. cap. 33. & seqq.*
64. Ampliatio quinta conclusionis nunc succedit, quod non minus vera sit, si planè nulla defensio appareat, sive eadem fiat aliquando ex intervallo; nam defendere, aut effectum promissionis defendendi implere non dicitur, qui aliquando defendit, si non omni tempore cum defensione præstò sit, non enim dicitur factum, quod non durat factum, per *l. si pro parte. 10. §. in rem. vers. versum. ff. de in rem verso. ff. l. acceptis. 92. ff. ad l. Falcid. Georg. Everhardi vol. 1. conf. 56. n. 113.*
65. Limitationes conclusionis nostræ principalis, ex iis quæ hætenus explicita sunt, & in responsionibus ad contraria sequentur, summarie hæ sunt; si nimirum submissio necessitate non efflagitante, sed vel dolo & fraude, vel etiam simulatè, ex levitate, inconstantia & infidelitate ergà superiorem fiat, nam tunc excusari & defendi omninò nequit, quo in casu nos in præsentì consultatione non versamur, nec etiam (uti satis ex præsuppositis constat) hujusmodi machinationibus acconsentire unquam cogitavimus.
66. Nunc facilius ad contraria, sive dubitandi rationes responderi poterit; Ad primum itaq; dicimus, Subditum vel Vassallum, ad defensionem Domini seu Superioris, uti etiam ipsius Patriæ, non amplius teneri, nisi in quantum erit possibile, nemo etenim tenetur ad impossibilia. *c. nemo. 6. de R. I. in 6. & ibid. Peck. in comm. c. 2. de feud. sine culpa non amittit: & præterea allegati à Georg. Everhard. vol. 1. conf. 56. n. 115.*



n. 115. & seqq. Deinde quatenus etiam Superior vel Dominus, id ipsum præstat, quod sibi incumbit, ob mutuam scilicet obligationem, inter Superiorem & Subditum, Dominum & Vassallum.

Ad *Secundum*, dolendum quidem & maximè detestandum, talem esse multorum Procerum naturam, ut in commune non consulant, sed vel ob invidiam, æmulationes, & similes affectus, ea, quæ publica, & universis salutaria sunt, parùm curent, sed quia hæc omnia ab universitate quidem committuntur, singuli autem in ea non consentiant; Ideoq; nonnullos commiseratione potius quàm pœnâ dignos existimarem; Interim quatenus communem defensionem neglexerunt, si quid insperatum patiantur, sibi, & negligentia propriæ impudent. Exinde quoq; *tertium argumentum* de inhibi- 68.  
tâ, Subditis & Vassallis neutralitate corrui, nullibi enim Subditorum & Vassallorum neutralitatem, nisi quatenus prædura necessitas, aliaq; requisita, eandem jubent, permittimus, sed omninò damnamus; Modus autem in huiusmodi periculis se gerendi, ex constitutionibus Imperii ibidem allegatus, in suo manet vigore, cum Imperator, Electores, Principes, aliiq; circenses, suo possunt & volunt officio fungi, eo verò deficiente, necessitati, aliisq; remediis extraordinariis parendum esse, nullum superest dubium.

*Quartum* conceditur, sed ubi Superiorum defensio & protectio cessat, cessat & obligatio Subditorum, & meritò recurritur ad pristinam libertatem, remediaq; commoda, quæ (uti dictum) ipsa natura ostendit. 69.

Ad *Quintum* & *Sextum* dico, procedere, si quid à Subditis vel Vassallis fiat, ex levitate, infidelitate, fraude doloq; non etiam urgente necessitate, quemadmodum nos præsupponimus; Hinc de Vassallo decisum reperitur, quòd feudum suum non amittat, si propter nimiam hostium crudelitatem, sævitiam, atque ita summam & extremam necessitatem Dominum in bello dimiserit. per l. *Fulcinus*: 7. §. *quid sit autem latitare. ff. quib. ex caus. in possess. cat. l. interdum. 21. §. idem juris esse. ff. de acquir. vel amitt. poss. Schrad. de feud. part. 6. cap. 6. n. 83.* Quod etiam de alienatione, submissione vel protectione prohibitâ illatum, in necessariâ exemptâ & licitâ submissione vel alienatione locum non habet, *Franc. de Caldas. lib. 1. recept. sent. quest. 23.*

*Petr. Av.*



*Petr. Ant. de fideicom. quest. 8. n. 317. Mascard. de probation. vol. 3. concl. 1234. n. 43. cum seq. per regulam antiquam & tritam, quod necessitas illicitum in lege faciat licitum Petr. Peck. ad c. in argumentum. 68. in princ. de R. I. in 6.*

71. Ad Septimum respondeo verum esse, quod licet regulariter protectio, clientela, patrociniū, *Schutz vnd Schirm* Superioritatem, imperium & jurisdictionem non afferat; sed veris Dominis sua illibata maneat potestas &c. prout multis testantur *Gail. pr. obs. lib. 2. obs. 54. n. 1. & seqq. c. ex parte tua. c. recepimus. de privil. Petra de jur. quest. cap. 22. n. 9. Petr. Gregor. Tholosan. de Republ. lib. 11. cap. 11. n. 6. Moditius. ad §. principium placita. dubit. 239. n. 4. Meischner. tom. 2. lib. 2. decis. 4. n. 176. VVehner. in obs. pract. verbo Schirms Verwandt. tets Gravens 2. concl. 54. & infiniti alii.*

72. Aliud siquidem est, sub patrociniū, aliud sub dirione esse, uti *Sylla* apud *Appianum* loquitur, & *Cicero offic. 2.* sanctiora illa Romanorum tempora describens, patrociniū Sociorum ait penes eos fuisse, non Imperium; Et sicut patrociniū privatum non tollit libertatem personalem, ita patrociniū publicum non tollit libertatem civilem, quæ sine summo Imperio intelligi nequit; Ideo apud *Livium* opponi videas, in fide & dirione esse. *Hug. Grot. de jur. belli lib. 1. cap. 3. n. 21.* Cum tamen sæpenumero efficiat famelica cupiditas imperandi, ut protectores sub prætextu protectionis & auxilii, compedes dominationis injicere soleant, atque inde non raro contingat id, quod septimâ ratione dubitandi adduxi. Ne ergo abusus huiusmodi (quem approbamus) tollat & denigret, certam cautelam in eodum protectorem & defensorem aliquis recipit, adhibere oportet, atque ita capitula componenda, ne subjectionis potius quam protectionis occasio exinde nascatur. *Petr. Gregor. d. cap. 11. n. 6.* cum quis legem rei suæ, quam volet, figere queat, *c. verum. de cond. appos. l. quoties. C. de donat. que sub modo.* & contractus primordium sit inspicendum *l. si tantum. ff. ad Sanctum Macedon. l. si voluntate. C. de rescind. vend.* Curiosè ergo ac attentè signanda erunt capita, quomodo se submiserint aliorum aliis, quod quâ ratione fieri debeat, tradunt *Id.* antea citati *Petr. Gregor. d. cap. 11. n. 6. Bodin. de Republ. lib. 5. cap. 6. VVarem. de Erenberch. de feder. cap. ult. & libr. 1. cap. 4.* quos & alios eâ de re consulere atque temporis occasionem amplecti oportet.

47. Ad



Ad Octavum & Nonum rehero, si quid propterea superior vel 74.  
 verus Dominus, in auctoritate, dignitate vel aliàs diminutum sen-  
 tiat, Subditos & Vassallos in culpa non esse, sed necessitatem, sed  
 factum & adversam fortunam, cui parere necessum fuit, quicquid  
 ergò hâc ratione illicitum & indecorum factum, id omne necessi-  
 tas excusat, quamobrem nec in consequentiam trahi debet. *Petr. Pe-*  
*ckius in comm. ad c. in argumentum. 78. de R. I. in 6. n. 4. §. caterum.* Un-  
 de quoq; facile ruit, quod in decimâ dubitandi ratione, & deductis ex 75.  
 inde consequentiis allatum fuit; Nam utut verum sit, quod de con-  
 fœderatis adductum; Iuri tamen & veritati rursus consentaneum  
 est, quod confœderati, qui tenentur ad mutuam defensionem, ob-  
 ligentur solum pro illorum possibilitate; *Martin. Laudens. tract. de*  
*confœd. & convent. Princ. quest. 4.* Quod idem etiam in Subditis (li-  
 cet Dominis suis fortiori vinculo adstricti sint) procedit. *arg. l. 1. §.*  
*occisorum. 16. ff. de Senatus c. Syllan.* Ratio in impossibilitate consistit,  
 ad quam neminem se obligasse, vel obligare potuisse, plus quam  
 certum est. *l. impossibile. ff. de R. I. & c. nemo potest. de R. I. in 6. ibi-*  
*demq; commentatores, Decius, Matthæus Peckius & alij;* Quæ demum jura  
 de principibus viris, & maxime Statibus & Subditis Imperii. n. 19.  
 20. inferuntur; eadem in suis terminis admittimus, in casu autem  
 inevitabilis necessitatis (per hætenus adducta) rejicimus. Con-  
 cludimus itaq; tam Subditos & Vassallos, quam confœderatos, a-  
 liosq; qui certo modo, sive Superiori, sive æquali obstricti sunt ef-  
 flagitante necessitate, ob defectum resistentiæ & sufficientis defen-  
 sionis, citra infamiam, aliussvè pœnæ metum Potentioris, & vi ar-  
 matâ jubentis, gratiæ, protectioni & clientelæ, prædicto  
 modo submittere se possent.



# CONSULTATIO

## SEXTA.

**Res immobilis** (puta Territorium, Castrum, Oppidum &c.) jure belli occupata, & hosti ablata cui cedat? Et quomodo res tertii innocentis, eidem, ceu vero Domino sit restituenda.

### SUMMARIA.

1. *Continuatio.*
2. *Rerum & bonorum in Ecclesiastica & seculari divisi.*
3. *De bonis Ecclesiasticis restituendis alibi dicam.*
4. *Bonorum secularium distinctio.*
5. *De immobilibus presenti consultatione agendum.*
6. *Duplex eorum consideratio occurrit.*
7. *Bona immobilia hostibus ablata cui cedant?*
8. *Romanorum mos & usus.*
9. *Qualis hic occupatio & possessio requiratur.*
10. *Occupationem corporalem requiri.*
11. *An bona immobilia capta, fisco Principis incorporanda?*
12. *In sociali bello, quid hoc in casu observandum.*
13. *Sociis confederatis pro rata portione praeda relinquenda est.*
14. *Leonina societas damnatur.*
15. *Ampliatur 1. conclusio, de participatione praeda inter socios, etiam procedere in foedere inter inaequales.*
16. *Ampliatur 2. licet de divisione praeda nullum pactum intercesserit.*
17. *An praedicta obtineant in Subditis & Vassallis?*
18. *Distinctione res expeditur.*
19. *Subditi & cives quomodo absq. recompensatione, militare teneantur.*
20. *Quid*



20. Quid hæc de re in Imperio constitutum videatur?
21. Vasalli tenentur servire Dominis, propriis sumptibus.
22. Maximè si feudum sit magnum, lautum & pingue.
23. Non oportet Principis libertati præscribere.
24. Milites & ipso opere benè meriti, quid ex immobilibus captis consequantur?
25. Quid Leges Civiles hæc de re statuunt?
26. Alexandri severi exemplum.
27. Constantini Magni institutum.
28. Romanorum laudabilis mos.
29. Bona immobilia sociis nostris, vel tertio innocenti ablata, cui sint restituenda?
30. Duplex hic consideratio occurrit.
31. Bona immobilia Sociorum ab hostibus occupata, & recuperata, ad quem pertineant?
32. Quid de Jure Gentium?
33. 34. Idq; exemplis declaratur.
35. Quid de Jure civili & moderno?
36. Rationes hujus rei.
37. 38. Responsiones ad illa exempla quæ supra n. 33. 34. sunt adducta.
39. In actibus hisce militaribus, potiùs procedi ex corpore facti, quàm juris.
40. 41. 42. Querela, quòd Reges & Principes semel occupatâ rarò restituant.
43. Ob publicam necessitatem & utilitatem, licet occupare, destruere, vel munire, alterius castrum, prædium &c.
44. Imperator, Rex &c. nemini quod suum est, absq; causa auferre potest. (tatis.
45. Quod tamen non obtinet in casu publica utilitatis & necessi-

k 2

46. Hæc-



46. *Hæcce publica utilitas & necessitas quomodo probanda sit?*
47. *Distinctio inter jus naturale & gentium, & positivum introdu-  
citur.*
48. *Iustam utilitatem & necessitatem non præsumi in Principe,  
sed probandum esse.*
49. *Ita ablata veris Dominis restitui debent.*
50. *Ad certum tempus licitum, eo elapso illicitum est.*
51. *Imperatori non convenit recuperata retinere.*
52. *Idq; etiam jure postliminij.*
53. *Necessitate cessante, cessat idem quod propter eandem indu-  
ctum est.*
54. *Quid in hac restitutione, de expensis & belli sumptibus sit  
sentiendum?*
55. *Distinctio in hac questione opus est.*
56. *Aliud in belli sociis, aliud in tertio quodam alio statuendum.*
57. *Bellum gerens, impensas sui causâ, in fortificatione vel ex-  
pugnatione alicujus loci factas repetere non potest.*
58. *Idem in aliis locum habet.*

1. **P**ostquam superioribus consultationibus, ea potissimum per-  
tractaverimus, quæ tempore belli circa personas contingere  
possunt, restat nonnullis sequentibus, de rebus & bonis, bello  
2. occupatis, vel etiam recuperatis, nunc paulisper differere. Res autem  
sive bona, bello occupata, vel recuperata, alia sunt Ecclesiastica, alia Se-  
3. cularia: Illa recuperata, in quos usus impendi, & quibus restitui de-  
4. beant, alio tempore & loco tradam. Bona secularia porro vel sunt  
5. corporalia, vel incorporalia; Corporalia rursus mobilia vel immobilia; De  
immobilibus (puta integris territoriis, civitatibus, castris, pagis, agris,  
& similibus) præsentī consultatione disquiram; Eorum autem cau-  
6. sâ duplex inspectio occurrit; Nam aut hosti eiusq; Sociis auferuntur;  
Aut ad nostros Socios, amicos, vel tertium quempiam non inimicū  
olim pertinere, atq; ex hostis manibus iterum erepta sunt.

De



De rebus hostium eorumq; Sociorum bello à nobis occupatis pri- 7.  
mò agam, & principaliter id investigabo, in cuius scilicet Dominiuni  
transeant, & inter quos demum dividi debeant. Certa itaq; & in-  
dubitata juris conclusio est, quòd res immobiles, territoria, oppida,  
castella, agri, & similia alia bona, hostibus adempta, ei acquirantur,  
qui bellum gerit, atq; eiusdem fisco applicari, vel publicari possint.  
l. si captivus. 20. §. verum est, ibi. Qui ex hostibus captus sit. ff. de captiv. &  
postlim. revers. l. in agris. 16. ff. de acquir. rer. dom. l. Lucius. 11. ibi: par-  
tim distractis. &c. ff. de evict. l. item si verberatum. §. 2. ff. de rei vindicat. l.  
Divus. 31. ff. de iur. fisci. Ant: Quetta: conf. 6. n. 3. Georg: Everhardi vol. 2.  
conf. 17. n. 8. Vbi id quòq; extendit ad bona feudalìa, adde relatos ab  
eodem ibid. n. 45. Immodè etiam ad Ecclesiastica, quatenus scilicet per-  
sonæ Ecclesiasticæ, ob fractam pacem, aliudvè delictum, iisdem pri-  
vari possunt Everhard. d. loc. n. 10. 11. & seqq. de quibus ulterius vi-  
dere licebit. Julian. Magenh. ad ord. Cam. part. 2. tit. 9. pag. (m.) 154.  
Gail. de pac. publ. lib. 1. cap. 1. n. 13. Myn. sing. cent. 5. obs. 58. n. 5. & seqq.  
Idq; ubivis, & præsertim apud Romanos receptum fuit, Ideoq; cum 8.  
olim Volsci possessa repeterent, Titus Largius (referente Dionysio Hali-  
carnassæo lib. 6.) sententiam sic dixit: Romani nos honestissimas eas, atq;  
justissimas credimus possessiones, quas belli lege captas habemus, neq; verò indu-  
ci possumus, ut stultâ facilitate debeamus, virtutis monumenta, si eas illis red-  
damus, quibus semel perierunt; Immodè verò tales possessiones, non tantum, cum  
his, qui nunc vivunt, civibus nostris communicandas, sed & posteris relinquen-  
das censemus, tantum abest, ut parta relinquendo in nos ipsos ea constituamus,  
qua in hostes constitui solent; Vnde rectè Aristotel. 1. de Repub. cap. 8. tra-  
dit; Rem militarem secum ferre naturalem acquirendi modum; Adde alia  
Exempla, apud Petr: Arod: rer. Iud: lib. 5. tit. 21. cap. 3. & 4. passim.

Quòd tamen ita intelligendum, si persimilia bona, tali modo 9.  
occupata & possessa sint; Vt verò simile sit, ea, jure belli ad occupa-  
tores pervenisse; non enim sufficit qualiscunq; possessio, sed firma  
requiritur. l. quod meo. ff. de acquir. vel amitt. poss. Ludov. Molina: de just.  
eti. jur. disp. 118: Quam talem putamus, cum quis ita agrum, castel- 10.  
lum &c. occupavit, vel muntionibus mansuris includit, ut nisi iis  
expugnatis, parti alteri palàm aditus non sit. Hugo Grot. de iur. bell. lib.  
3. cap. 6. n. 4. atq; in acquisitione bellicâ rerum immobilium, omni-



- nò requiri corporalem occupationem, pulcherrimo exemplo ostendit *Petr. Arod. rer. judic. lib. 5. tit. 11. cap. 1.* (vide quæ infra consult. 8. dicuntur.) Sed numnè ita ad Principem vel eum, qui bellum indixit, gessit, & victoriam obtinuit, bona ista immobilia transeant, ut eadem protenus fisco incorporare, & nemini de iisdem largiri debeat? Quà in re distinguendum autumarem, inter bellum sociale, five quod potentior cum sociis & confœderatis, (horum scilicet auxilio & ope) gerit, five duo vel complures socii inter se, & illud bellum, quod unius moderamine & nutu peragitur; In bello sociali, rursus distinctio quædam adhibenda erit, an nimirum de communi prædâ dividenda, tractatio intercesserit, vel non; *Priori modo* communiter agere solent prudenter confœderati, in omnem eventum sibi providentes, ne demum ferâ captâ, inter ipsos venatores discordia oriatur; sic videmus omnibus ferè *Helvetiorum* confœderationibus, pacta de lucro & damno adjecta esse, prout passim apparet ex
13. *Iosia Simlero de Republ. Helvet. libr. 1.* Hoc ergò casu juri & æquitatî consonum est, ut quemadmodum confœderati & socii, simul ope, auxilio, consilio, commeatu, & pecuniâ juvarunt, commune periculum & damnum perpeffi sunt, ita etiam pro ratâ portione, lucrî partem habeant; In *Societatibus* enim (quod non solum in *privatis*, sed quoq; *publicis* ex identitate rationis obtinet) *usitatum est* (ait *Leo Imperator nov. 103. ut ferè qui plus contulit, idem plus lucri sentiat; & rectè sanè negotium ita constituunt, inter quos tali modo convenit.* Societas siquidem ex jure gentium confraternitatis jus est. *l. verum. 63. in princ. ff. pro socio.* & iniquum esset alium plus, alium minus consequi. *d. l. verum.* Leoninam siquidem (apud *Æsopum*) aliasq; inutiles societates, *ICTi* vocitant, ubi quis damnum sentit, non etiam lucrû percipit. *l. si non fuerint. 29. §. fin. ff. pro socio.* Nam in universum cum societas contrahitur tam lucri, quàm damni communio iniri debet. *l. si unus. 67. in princ. l. cum duobus. 52. §. penult. ff. pro socio.* Et maximum est societatum vinculum, utilitatum communio, Auctore *Liurio decad. 4. lib. 9.* quem refert *VVesemb. ad tit. ff. pro socio. Georg. Everhard. vol. 1. conf. 46. n. 6.* Ideoq; societas & confœderatio ut quis damnum sentiat sine lucro, propterea admittenda non est, quia ita naturalis est societati utilitatum communio, ut sine ea nequeat societas



cietas consistere Hugo Grot: de jur: pac. & belli lib. 2. cap. 12. n. 24. Et in specie, quod bello acquisita, etiam communicanda sint inter socios & confœderatos multis prosequitur Cardinal. Tuschus. pract. concl. tom. 1. lit. B. concl. 40. Hug: Grot: d. tract. lib. 3. cap. 6. n. 9. 10. & 23. 24.

Ampliatur primò procedere hæc conclusio licet inæquale sit societas, de cujus sociis nunc agimus; nam quamvis inter plures, & quidem conditionis & status inæqualis, aliquando ita contrahatur, ut penes unum vel alterum sit rerum summa (quò felicius causa succedat, nec multitudo capitum sit impedimento) attamen eiusmodi inæqualitas efficere minimè potest, ne illi qui in fœdere minoris sunt conditionis, de prædâ & lucro, pro ratâ portione, aliquid participant, cum nec illi, cui se fœdere junxerunt, se subjecerint (fœderis enim nexus nullam subjectionem parit) nec libertate se suâ privarint, sed membra (quamvis debiliora) confœderationis sint, ut cunq; majestatem eius, qui in fœdere antecellit, comiter observent, eiusq; directione & auctoritate pleraq; peragantur. per l. 7. §. liber. ff. de captiv. & postlim. revers. Moditius, ad §. Principum placita. dub. 239. n. 7. latè Hug: Grotius de antiq. Batav. cap. 3. & idem de jur: bell: & pac: lib. 1. cap. 3. n. 21. Subjecere quippe, & adjunxerunt se fœderi, non ut servirent, & sua amitterent, sed ne servirent, & sua conservarent; confer Bodin. de Republ: lib. 1. cap. 9. n. 118.

Ampliatur secundò id, quod de communi præda participanda attuli, locum quoque habere in altero illo distinctionis membro; Quamvis enim expressum non sit in societate & confœderationibus, ut præda & lucrum, pro ratâ portione dividatur, id tamen de jure, & ex naturâ societatis ita semper intelligi debet, aliàs injusta & leonina esset societas. l. si non fuerint. 29. §. ult. ff. pro socio. VVesemb. in parat. ff. pro socio. n. 6. Vnde est, quòd lucrorum communicatio, societatis inchoatio dicatur. Henning. Gæden. conf. 87. n. 11. Et ubi partes societatis expressæ non sunt, videatur contracta societas simpliciter, pro æqualibus portionibus, per l. si non fuerint. ff. pro socio. Anton. Quetta. conf. 89. n. 6. melius tamen & cautius esse, in tabulis confœderationum, hîc quoq; modum præscribere omninò existimarem, prout quoq; supra monui.

Sed numnè prædicta de sociis & confœderatis, in participatione



- tionem prædæ bellicæ, etiam obtineant in *Subditis & Vafallis*, qui aliàs ob salutem Patriæ, Imperii, Regni &c. (cui obligati sunt) quævis servitia & onera tam personalia, quàm realia (secundum tamen cuiusvis conditionem, mores & pacta) subire coguntur, ita ut quævis ad prædicta obligati sint, nihilominus prædæ & lucri fiant participes? Bimembris videtur hæc quæstio; *Primò* enim investigandū, An Subditi & Vafalli teneantur ad servitia militaria, propriis vel superioris Domini sumptibus? *Secundò* numnè si ipso facto fideles permanferint, necessariò sint recompensandi, & partem in iis, quæ bello acquisita sunt, habeant?
19. Quæstionis *primum membrum* communiter à Dd. resolvitur, quòd *Subditi & Cives* non sint obstricti Principem vel Dominum juvare, sive etiam ad bellum sequi absq; stipendio & recompensatione, ita tenet *Boër. decis. 303.* nisi tamen Princeps ad tuendam Patriam idoneos redditus habeat, vel id Reipublicæ necessitas, & salus Imperii exigat. *Bl. in l. si aliquam. de offic. procons. VVaremund. ab Erenberch. tract. de Regn. Subsid. passim.* Et post multos à se citatos *Vasqui. illustr. contrav. lib. 1. cap. 6. n. 4.* Hoc siquidem casu, ubi periculum totius corporis imminet, & salus universorum in discrimine est, singula membra, ne simul intereant, vel à corpore suo avellantur, vires suas integras impendere tenentur. Rebus pacatis, & Germanici Imperii membris sub uno capite consonantibus, quid quemvis facere oporteat, ex constitutionibus Imperii manifestum est, tempora & secula turbata, medicamenta fortiora requirunt, & terminos excedere solent.
21. Quod *Vasallos* attinet, decisio feudalisis est, eos suis, non Domini sumptibus servitia ex feudo debita præstare teneri, arg. *l. suo victu. 18. l. quod nisi. 20. ff. de oper. libert. Lud. Schrader. part. 9. secund. part. princ. sect. 5. n. 28. 31.* Quod vel maximè verissimum est, si feudum sit magnum, lautum & pingue arg. *l. aut certè. 19. ff. de oper. libert. Zas. in epit. feud. part. 7. feud. n. 44. & seq. Borcholt. de feud. cap. 1. n. 26. Rosenth. in Synops. feud. cap. 8. concl. 30. Vasqui. d. cap. 6. n. 4.* Ut nunc ad prædictæ quæstionis *membrum alterum* me accingam, an scilicet Subditus vel Vafallus, ob debita servitia, sive personalia sive realia præstata, à supremo Principe beneficium vel recompensationem expectare debeat?



debeat? Meum sanè non est, Principis liberalitati præscribere; sciet enim præmia, ex gratia, & ob benè merita distribuere Princeps, atque ita de iis quæ mediante victoriâ, divinum concessit numen, disponere, ut afflicti, omniq; fortunâ agitati, & ob publicam cladem ad miseriam redacti Subditi & Vassalli, meritò dicere queât, cum *Claudiano de laudib; Stilicon; Paneg: 2.*

Sub tot Principibus, quæcunq; amisimus olim

Tu reddis

adde pluribus *Hug: Grot: d. lib. 3. c. 6. n. 24.*

Hactenus de Sociorum, Subditorum, & Vassallorum regressu 24.  
ad bona immobilia hostium, jure belli occupata, diximus; Quæ tamen omnia secundum libertatem Subditorum & Vassallorum, Leges & jura cujusvis Imperii & Regni ita intelligenda sunt, ne cuiuspiam injuria fiat, sed merces & portio debita maneat. Nunc ad milites, & qui ipso opere se benè meritos fecêre me vertam, quidq; illis ex spoliis, prædâ, aliisq; bonis immobilibus, omni jure debeatur, paucis inquiram; *Leges civiles*, quoad immobilia (de quibus nunc 25.  
agimus) suum præscribunt modum, jubent enim prædia five agros aut vendi, aut militibus pro emerito assignari. *l. in agris. 16. ff. de acquir. rer. domin. l. Lucius. 11. ff. de eviction. Cujac. lib. 19. obs. cap. 7. de modo dividendi ubi vis gentium usitato latè agit Grotius d. cap. 6. Alexander Severus (Lampridio teste in eod:) ea quæ de hostibus capta sunt, limita-* 26.  
*neis Ducibus & militibus donavit, ita ut eorum ita essent, si heredes illorum militarent, nec unquam ad privatos pertinerent, dicens attentius eos militatu-*  
*ros, si etiam sua rura defenderent; Addidit sanè his & animalia & servos, ut possent colere quod acceperant, ne per inopiam hominum, vel per senectutem possidentium, desererentur rura vicina Barbaria, quod turpissimum ille ducebat.*

Hunc quoq; morem postea infecutus est *Constantinus Magnus,* 27.  
de quo ita *Pompeius Latrus in ejusd. vita.* Illud constat ab initio (Constantinum Magnum) sanxisse, ut agri, villa, oppida, quæ ad victum emeritorum contributa erant, ad heredes transirent; Vnde milites sibi magis obnoxios ac deditos reddidit; prius ex veteri consuetudine *Tribunis, Præfectis, Comitibus & Ducibus,* qui pro augendo Imperio consenuerant, dabantur agri, villæq;, ut necessaria suppeterent, quo viverent, *parochias* vocabant. Atq; hinc jura feudorum originem traxisse nonnulli volunt; quâ de re tamen proli-



lixius agunt Feudista, Rosenthal, Schraderus, Vultei, Rittershusius & pluri alii. Cum itaq; ad præmia demeritorum in bello devenerimus, illud apud Romanos peculiare fuit, quod in honoribus & præmiis distribuendis, statum, genus & familiam non inspexerint, sed virtutem & benefacta; Hoc exemplum laudatissimi Imperatores, Reges & Principes meritò insequuntur, licet alios regulos, qui potius majorum insigniis, & opinione antiquitatis familiæ, quàm propriâ virtute & heroicis factis coruscare malunt, hoc non parùm mordeat. De Romanis memorabile exemplum refert Lehman: in Chronic: Spirens. lib. 1. cap. 15. quod eiusdem verbis inferam.

” Kaysers Tiberius Claudius Drusus, hatte zu seiner Zeit den für-  
 ” nembssten Herren in Gallia comata, wegen ihrer männlichen Hand-  
 ” lung / vnd dapffere erzeugte Dienste / nicht allein das Burgrecht zu  
 ” Rom mitgetheilet / sondern muthet auch einem Rath zu Rom zu / daß  
 ” sie eben solche dapffere Leut in dero Mittel ziehen / vnd zu Rathsver-  
 ” sonen gebrauchen solten / deswegen zwischen dem Kaysers vnd Rath  
 ” sich eine grosse Disputat erreget / ob man Frembdling solcher Dignitet  
 ” solte theilhaftig machen. Der Rath hat fürgewender / es were ein  
 ” newe / vnerhört vnd ungewöhnliches Ding / frembde in den Rath zu  
 ” nemmen / sintemal man in Rom einen Oberstus dapfferer Leut hette /  
 der Kaysers sagt hingegen: Omnia P: C: quæ nunc verustissima cre-  
 duntur, nova fuere, in veterascet & hoc quoq; , & quod hodie exem-  
 plis tuemur, inter exempla erit; Quæ etiam sententia vicit (& for-  
 san haud immeritò) cum virtute & heroicis factis ita se gesserint  
 prædicti, atque hodiè id faciant alii, ut cum Cæsare post pugnam  
 Pharsalicam apud Lucanum dicere potuerint, & adhuc possint;

- - - superest pro sanguine merces  
 Quam monstrare meum est, nec enim donare vocabo  
 Quod sibi quisq; dabit. - - -

29. Hucusq; de bonis immobilibus hosti, eiusq; sociis ablati, & cui eadem adjudicanda sint; prodit nunc *Secunda species*, ubi bona immobilia, quæ ad nostros socios, vel tertium pertinere, & bello vel recuperata, vel boni publici causâ occupata sunt, cui nimirum hæc restitui debeant, & quomodo? Duobus autem modis hujusmodi bona periculo belli immisceri videmus; *Primo*, si hostis bona quædam



quædam, Castellum, Civitatem &c. quæ ad socios nostros, vel alium quempiam tertium, nobis non inimicum pertinent, suæ resistantiæ & utilitatis causâ occupet; *Secundò* si ob publicum vel commune commodum, eadem nos occupavimus, munivimus, vel destruximus &c. *Casu priori* dubium exoritur, quinam loca ista recuperata restitui debeant? si jus gentium respicimus, ait *Hugo Grotius d. tract. cap. 6. n. 7.* quæ hostibus per nos erepta sunt, ea non possunt vindicari ab his, qui ante hostes nostros, ea possederant, & bello amiserant; Quia jus gentium hostes primùm Dominos fecit dominio externo, deinde nos. Quo jure inter alia se tuetur *Iephtes* contra *Ammonitas*, quia ager ille, quem *Ammonites* vindicabant belli jure ab *Ammonitis*, ut & pars alia à *Moabitis* ad *Amoreos*, ab *Amoreis* ad *Hebræos* transisset; Sic & *David*, quod ipse *Amalecitis*, *Amalecitis* antea *Palæstinis* eripuerant, pro suo habet & dividit; *Iudic. XI. 23. 24. 27. 1. Sam. 30. 20.* Eadem ratione retentam *Syriam* à Romanis *Appianus* notat, nec redditam *Antiocho Pio*, cui eam eripuerat *Tigranes* hostis Romanorum; sed & eas *Galliæ* partes, quas *Gallis* ademerant *Cimbri*.

Verùm exemplis hisce (ad quæ postea respondebitur) nihil terri; Illa mihi vera, æqua, & pia sententia esse videtur, quæ sociis nostris, vel tertio cuidam amico, ab hoste, nostri causâ ablata, à nobis verò recuperata, priori & antiquiori Domino adjudicat; Verum enim est (ait *Pomponius. in l. si captivus. 20. ff. de captiv. & postlim. revers.*) expulsis hostibus ex agris, quos ceperint, Dominia eorum ad priores Dominos redire, nec aut publicari, aut præda loco cedere, publicatur enim ille ager, qui ex hostibus captus sit; sunt & alii expressi textus in *l. 16. & 19. d. tit. Vnde & Fridericus Imperator tractatu de pace Constantiæ facto, cum Civitatibus Italiæ. §. possessiones omnes.* Idem statuere videtur, & ibid, colligit *Baldus in verb. possessiones.* Quòd possessiones perditæ in bello, si recuperantur, debent restitui prioribus Dominis, qui si eas ipsi recuperant, in illis sunt defendendi & tuendi, atque hoc ex clara *Dd. sententia*, quòd rem alienam nemo sine peccato mortali detinere queat, quam multis corroborat post alios *Leonb. Less. de just. & jur. lib. 2. c. 12. dubit. 3. 4. & seq.* Idem moderno Imperii jure cautum tradit. *Denais. de jur. Cam. tit. 213. n. 4.* adde *X. A. in Augspurg de anno 1500. §. Vnde ob vns & c.* Nec etiam rationibus traditio hæc caret; Nam cum pri-



inò Sociorum, aliorumvè vicinorum castra, civitates, & loca, nostri causâ ab hoste occupata, oppugnata, capta vel diruta sint, cur eadem recuperata, non deberent pristinis Dominis restitui, & quam ob causam afflictis afflictionem addere, & damnum passis, majus adhuc inferre vellemus? *Secundò* quòd Socii & amici nostri, hosti viciniore, magis quàm alii patiuntur, ex eo fit, quòd nostri defendendi causâ, bellum eò divertimus, id siquidem prudentis est, aliàs in proprio territorio damnum passurus (*per le preventionì & diversioni, si vintono le guerre, ajunt Itali*; prævieniendo & divertendo bellum, vincitur) ergò quod ob communem causam aliis adimitur, id illis neutriquam præjudicio erit. Atque ita in puncto juris statuunt *Vvesemb. in parat. ff. de captiv. & postlim. revers. n. 5. Hug. Grotius tract. de jur. bell. & pac. lib. 3. cap. 9. n. 13. Iohan. de Lignano tract. de bello in 6. cap. An capta in bello efficiantur capientium. Et alij relati ab Ant. Quetta. conf. 12. n. 2. ubi & ipse in terminis. & conf. 83. n. 14.*

37. Arbitraretur itaq; illa quæ sub n. 33. 34. adducta sunt exempla, vel esse *primò* intelligenda, de iis, qui nec Socii, nec amici recuperantium sunt, & qui vel propriâ culpâ, vel alio tempore bona amisserunt, quæ nunc recuperata sunt; Sive *Secundò* quia bona recuperata, à recuperatore retinentur, ob sumptus bellicos pro recuperatione factos; Sumptus enim bellicos licet non à Sociis (quando aliàs contribuunt, & auxilium pro debitâ portione præstant) à vicinis tamen & aliis quos armis nostris juvavimus, rectè repeti, indubitati
38. juris est; Seu deniq; *Tertiò*, quoniam nonnunquam in hisce casibus, ex corpore facti potius, quàm juris procedi soleat. Ita ut non sine causâ *Comineus Comm. lib. 10. in fin. Regum & Principum potentiorum injustitiam & pœnas infernales deplorans, scribere ausus sit; Quod nulli ferè sint, aut pauci admodum Principes, qui posteaquam semel aliquid occuparint, quocung; modo restituere id velint; Nam neq; ratio, neq; jurisjurandi religio, neq; metus divini numinis, neq; æquitas ulla, nec inferni cruciatus perperui, movere illos possunt, ut quod alienum est, quod à se malâ fide possideri sciunt, reddant. Hæc Comineus aulicus pius & rarus; Idem de Venetiis*
41. conqueritur in *Comment. de bell. Neapol. lib. 5. pag. (m.) 913. & appositè ad præsentem materiam Philippus Bosquier. inter sua opera tract. de finib. bonor. & malor. libr. 2. concion. 15. §. 2. hisce verbis memoriæ tradit;*

*Miror*



Miror quâ spe, Reges, regnorum urbiumve, mox suarum invasores de vitâ ex-  
eant, neq; restitutis illis neq; ullâ de restituendâ, distinctâ præceptione heredibus  
datâ, miror magis ab heredibus, nullo judicij hujus (extremi) metu possideri. Et  
pergit: Facere quidem mihi olim ajebat; ex Regibus ultimum duntaxat da-  
mnatum iri. Quod primi dum moriuntur posteris imperent, re se, & are alieno  
liberari, posteris itidem nepotibus, illiq; Successoribus; ultimus verò nulli, ita  
tuto satis à primo Regna possideri; Sed ludere hoc erat (addit auctor) in re  
non ludicra. Nescio annon persimilis, Regum, Principum aliorumq; 42  
Magnatum sit excusatio, qui contra communem, omnibusq; præ-  
scriptam juris divini & humani regulam: Peccatum non dimittitur, nisi  
restituatur ablatum. c. peccatum. de R. I. in 6. adulatorum quorundam  
præscripto, omnium (sæpenumero justa querulantium, & vi, non  
jure ablata petentium) actiones in officiales & consiliarios conji-  
ciunt, & sub velamine litis prudentiæ, vel juris per sententiam non-  
dum determinati, malefacta sua tegere satagunt, atq; ita conscien-  
tiam tutam sibi persuadent, quorsum etiam alludit Trajanus Boccalin.  
nella pietra del paragone politico ubi agit de summa Reverendiss. Car-  
dinalis de Toledo.

Ad Secundum modum, quo bona sociorum, vel alterius tertii à 43  
supremo Principe, necessitatibus bellicis applicantur, nunc progre-  
dior; ubi hoc dubium incidit: An liceat Imperatori, Regi, vel al-  
lii supremo Principi, Subditi, vel etiam tertii alicujus amici, civita-  
tem, castrum, fortalitium, vel aliud prædium occupare, idq; , prout  
necessitas defensionis vel offensionis exigere videtur, munire, vel è  
contra destruere, profanare &c.? In quo dubio, præsuppositâ ne-  
cessitate, affirmativam communiter receptam video.

Licet enim Imperator, Rex, Princeps (necum vicinus quis- 44  
piam, vel alius qui est paris conditionis, & nullum in eum, de cujus  
prædio occupando loquimur, habet imperium) sive ex ordinariâ,  
vel extraordinariâ, & plenitudine (quam appellant) potestatis, ne-  
mini jus, bonavè sua, sive eadem ex gentium vel civili jure possideat,  
sine causâ auferre vel adimere possit, per ea, quæ tradunt Petr. Peckius  
ad c. indultum. 17. n. 2. de Reg. jur. in 6. & c. decet. 16. n. 2. ibid. Ludov.  
Molina. de primog. Hispan. lib. 2. cap. 7. n. 29. Ant. Gabriel. Roman. libr. 3.  
comm. conclus. tit. de non tollend. jur. quæst. concl. 1. n. 17. Arius Pinell. latis-



- simè in rubr. C. de rescind. vend. cap. 2. n. 4. & seq. Ant. Thesaur. decis. pedemont. 10. n. 1. pulchrè Francisc. Hottom. illustr. quest. 1. pag. (m.) 7. & passim; vide præter hosce, relatos à Carolo Tapia de const. princip. part. 1. cap. 1. n. 49. & seq. Attamen recensiti auctores, & alii mox citandi, unanimiter statuunt, Imperatorem, Regem, Principem aliosq; Superiores, ex justâ causâ, & præsertim ob publicam salutem, necessitatem, & utilitatem, maximè ob imminens periculum belli (de quo casu nunc loquimur) bona immobilia quæcunvis (castra, civitates atque alia loca) occupare, munire, præsidio custodire, immò etiam ædificia tam sacra, quàm profana destruere, & ad usum belli applicare posse, ita ut hæc ratione se meliùs defendere, vel hostem offendere queat, ita tenent & rationibus firman. Mynsing. cent. 5. obs. 97. per tot. And. Gail. lib. 2. obs. 56. n. 28. ubi quoad nostrum propositum subdit, quòd Suburbia civitatis tempore belli diruere liceat, ne scilicet hostibus sint adjumento, & civitati offensionem, quod & ad Ecclesiam, locaq; sacra extendit. Pet. Peckius de repar. Christi Eccles. cap. 8. n. 1. Io. hann. de Turre cremata. ad c. Sanctorum. 10. quest. 1. n. 4. Ant. Gabriel. Roman. comm. conclus. lib. 3. tit. de jure quasit. non toll. concl. 1. & seqq. Camill. Borell. in sum. decis. tit. 12. n. 20. rationes subtiles adducit Hug. Grotius tract. de jur. belli & pac. lib. 2. cap. 2. n. 6. 9. & 10. libr. 3. cap. 1. n. 2. ubi allegat Victoriam de jure belli n. 18. 39 & 55. Peck. d. tractat. cap. 6. n. 5. & in comm. ad c. nemo potest plus. 79. item c. damnum. n. 4. & seqq. de R. I. in 6. Coavar. var. resol. lib. 3. cap. 6. n. 6. Vasqui. 1. contr. illustr. cap. 5. n. 9. Carol. Tapia ad rubr. ff. de constit. princ. cap. 1. n. 59. & seqq. qui plures alios allegat, & conclusionem præsentem satis amplificat.
46. Quomodo autem hæc publica utilitas & necessitas probanda, & num in Principe præsumatur, nunc in considerationem venit? Et
47. cum Doctores communiter omnes in hoc casu, inter jus naturalis & gentium, ac demum jus positivum distinguant, ita ut si Princeps, contra ea, quæ jure naturæ & gentium introducta sunt, agat vel disponat, tunc justa causa pro Principe non præsumetur, secus si contra jus positivum; cum verò in nostro casu manifestum sit, Principem vel Superiorem, tertio, (sive Subdito sive non) jus & bona sua auferendo, occupando, destruendo, non solum contra jus positivum, sed etiam contra jus gentium agere, siquidem proprietas & rerum dominia



minia ex jure gentium sint, quo scilicet jure, agris limites positi, rerumq; dominia distingui cæperunt. *l. ex hoc jure. ff. de just. & jur.* adeò, ut responderit *Anchoran.* & cum secutus *Folinus in c. quæ in Ecclesia, de constit.* quòd si Princeps rem meam per rescriptum concedat alteri, ego in conscientia non sum obligatus obedire. Quapropter justum 48. utilitatis & necessitatis publicæ causam, in nostris terminis, in Principe vel alio Superiori non præsumi (nisi eadem evidenter apparet) omninò statuendum arbitraret; per ea, quæ latè & fuscè tradunt; *Mascard. de probation. volum. 1. conclus. 275. & 276. per tot. Menoch. de recuper. poss. rem. 8. n. 19. & seqq. Borell. in Summ. decis. tit. 60. n. 22. Gabriel. Roman. concl. lib. 3. tit. de jur. quasit. non tollend. concl. 3. Gail. d. lib. 2. obs. 56. & 58. per tot. Mynsing. cent. 4. obs. 8. Tapia ad d. rubric. cap. 1. & 2. passim.* Deniq; utcunq; publica utilitas & necessitas hæc & alia sæpè 49. admittat, cessante tamen necessitate, & jus ipsum privilegiatum cessare debet, ideoq; etiam ea, quæ prædictâ utilitate & necessitate efflagitante, Subdito, seu alii cuiuspiam tertio non hosti adempta, ablata, destructa, vel alio modo occupata sunt (uti dixi) non durante amplius necessitate, eidem, vel eiusdem hæredibus restituere oportet; Alia namq; est ratio horum bonorum, & alia illorum, quæ hostibus propria, & iisdem tempore belli auferuntur; & cessante causâ occupationis, cessare quoq; debet ipsa occupatio; Item quod ex certâ 50. causâ ad tempus certum concessum est, hoc elapso denegatum & prohibitum censetur *l. si unus. 28. §. 1. l. epistola. 53. §. fin. ff. de pact. Tiraquell. de retract. convent. §. 1. gloss. 2. n. 44. 45.* Cum enim *Secundò* 51. Imperatorum & Principum sit, defendere bona civium, absurdissimum esset, eadem per milites suos recuperata, retinere, & sibi incorporare velle. *Ant. Quetta. conf. 12. n. 2.* Atque huc facit *Tertiò*, quòd 52. quando jus publicum propter occupationem est sopitum, cessante illâ occupatione restituatur, & redintegretur juri publico, quoniam jus postliminii non minùs locum habet in personis, quàm bonis immobilibus, uti in terminis annuit *Azo. in sum. C. de captiv. coll. 1. ibi: nunc de Secundo.*

Nec minùs *quartò*, quod exigente necessitate concessum est, in 53. argumentum trahi non debet, sed confestim, necessitate cessante cassandum, & in integrum restituendum; necessitas enim idem quod præstat,



præstat, eadem depretiat; ait *Tertullianus ad uxorem*, referente *Petr. Arodio, rer. jud. lib. 10. tit. 3. cap. 1.* Vnde rectè ad propositum *Innocentius. in c. quod pro necessitate. 1. quest. 1.* inquit; quod pro necessitate temporis statutum est, cessante necessitate, debet cessare pariter, quod urgebat, quia alius est ordo legitimus, alia usurpatio; pulchrè doctissimus *Peckius in c. in argumentum. 88. n. 5. de R. Iur. in 6.* *Hugo Grot: Sæpè citato tract. lib. 3. cap. 20. n. 13.* & alij relati à *Carolo Tapia ad d. rubric. cap. 1. n. 76.*

54. Sed numnè in hanc restitutionem, etiam *Sumptus bellici*, & *damna* perpeffa, tam activè, quàm passivè veniant? non sine distinctione explicatur (terigi etiam hanc rem *supra ead. n. 38.*) Quod itaq; expensas & sumptus belli attinet, qui ad loci expugnationem, vel fortificationem impensi sunt, omninò videndum, an *Domini loci*, vel
56. *Superioris* rem occupantis causâ, facti sint. *Primo casu*, si propterea expugnatio vel munitio alicujus loci fiat, ut Domino immediato, seu loci, idem conservetur, vel restituatur, tunc rursus distinguendû, inter belli socios, qui simul sanguinem, subditos, & bona expendèrunt; Et inter vicinos aliumvè tertium, qui nil tale egit; Ab illis (si prædicto modo fœderis jura observarint) nihil exigendum; Ab hisce quicquid impensum fuit postulari, & refundi debet; nemo enim suis sumptibus, alii inservire tenetur per jura vulgaria. Atq; hinc sæpenu-merò tot civitatum, aliorumq; locorum retentiones originem trahunt, & in tantum tollerantur, donec sumptus belli refundantur,
57. exempla in aprico sunt. *Secundo casu*, quando Superior, qui bellum gerit, & locum alterius occupavit, in sui utilitatem principaliter, in eundem locum, castrum, civitatem, vel defendendo, muniendo, vel expugnando & destruendo aliquid impendit, licet hoc Domino loci per consequentiam profit, nec tamen Superior occupans eiusmodi sumptus repetere poterit, argumento à contrario sensu ex *l. si absente. 48. pr. ff. de usufruct. text. in l. ult. ff. de impens. in res dot. fact. l. 2. §.*
58. *idem Labeo. 28. vers. cum enim. ff. ne quid in loc. publ.* Inspicitur namque quod principaliter, non quod in consequentiam fit; *l. 1. ff. de auctor. tutor. Laudens. tract. de castell. quest. 6.* Idem de damno in civitate, castro, vel villâ, expugnata, occupata, fortificata, suburbis & ædificiis destructis, in eo maximè casu statuendum, cum vicinus vel tertius



ius alterius occupantis vel destruentis causâ aliquid patitur. Quia teste *Iulio Paulo* adjuvari nos, non decipi beneficio oportet. *l. in commo. §. Sicut autem. ff. commodati.* Ita in casu Ecclesiæ tempore belli destructæ perdoctè tradit *Petr. Peck. alleg. tract. de Eccles. repar. cap. 4. §. 8.* Idq; in genere prosequitur *idem in comm. ad c. nemo potest. 79. n. 2. cum seqq. de R. I. in 6. ubi vide n. 3.* per bellam limitationem in ædificiis vel aliis operibus, publicis mœniis sociatis & cohærentibus, & in terminis *Ferdin. Vasqui. illustr. controv. lib. 1. cap. 6. n. 1. & seqq.*

Hancq; de restitutione & recompensatione expensarum & damni sententiam, præsentî in casu, æquitati, justitiæ & rationi consentaneam esse, tradit *Gail. lib. 2. obs. 56. n. 8. & 9.* quod *idem* confirmant *Roland. à Valle vol. 2. conf. 1. n. 121. 122. Vdalric. Zasius conf. 10. n. 6. & seqq. Borell. de Magistr. edict. lib. 2. cap. 7. n. 28. & seqq. Sixtin. de Regal. lib. 2. cap. 13. n. 78.* Et alii relati à *Carol. Tapia ad. d. rubr. cap. 1. n. 75.* adde *Ferdin. Vasqui. illustr. controv. libr. 1. cap. 5. & passim* ubi satis juridicè & Christianè de hac materia discurret. A quibus dissentire videtur *Prukmán. §. soluta potestas. cap. 4. effect. 5. n. 13. & seqq.* Cujus forsan, aliorumq; aulicorum & Pseudopoliticorum opinio, tanquam Principibus grata multùm in praxi observatur, atq; in hac & similibus materiis, praxis cum theoria non convenit, quod tamen veritati minimè præjudicat.

## CONSULTATIO

## SEPTIMA.

An autem victor & acquirens rem immobilem, eam occupet, & possidere debeat, cum suo onere?

## SUMMARIA.

1. Casus proposita questionis.
2. Quæ dubio carere non videtur.
3. Rationes dubitandi.
4. Primò occupatio in bello ex Jure gentium est, & naturalem secum fert acquisitionem.



5. *Secundò, aliud esse armis aliquid acquirere, aliud per viam juris.*
6. *Tertiò, Princeps jure belli succedens, non tenetur servare contractum antecessoris & quare?*
7. *Quartò, exemplo Francisci II. Gallie Regis.*
8. *Quintò, ex l. Lucius Titius. &c.*
9. *Contraria sententia verior est.*
10. *Primò, que victor in bona devicti pretendere possit?*
11. *Bona aliorum occupata sunt restituenda.*
12. *Bona devicti dici non possunt, nisi deducto prius ere alieno.*
13. *Secundò, nemo plus juris in se transferre potest, quam antecessor habuit.*
14. *Res transit cum suo onere & causâ.*
15. *Maximè verò jus rei inherens.*
16. *Victor & fiscus in se transfert jura & actiones activè & passivè.*
17. *Commodum & incommodum unius sunt.*
18. *Argumentum ab inundatione inducitur.*
19. *Maris dominium occupans, alios ne omninò navigent prohibere non potest.*
20. *Bona feudalitiam fiunt victoris, salvo jure Domini feudi.*
21. *Tertiò, nemo ex alterius delicto puniri debet.*
22. *Nemo cum alterius jactura debet locupletior fieri.*
23. *Quod etiam procedit in re alteri debitâ.*
24. *Locupletari cum alterius jacturâ quis dicatur?*
25. *Quartò victor succedit instar Fisci.*
26. *Fiscus etiam succedendo, non debet se locupletari cum alterius damno.*
27. *Sed instar privati habetur.*
28. *Hæreditas ad Fiscum transit cum suo onere.*



29. *Fiscus tenetur, exsolvere legata & fideicommissa.*
30. *Pari modo tenetur victor.*
31. *Quomodo Successor teneatur exsolvere debita antecessoris.*
32. *Quintò, executio in delinquentis bona fieri debet.*
33. *Occupatio bellica est executionis species.*
34. *Sextò, mutatio personæ, vel formæ externæ rem ipsam non semper afficit.*
35. *Concluditur, occupantem jure militari, rem tenere cum suo onere.*
36. *Responsio ad contraria.*
37. *Ad Primum, Jure gentium non licere alterum cum alterius damno locupletari.*
38. *Explicatur locus Aristotelis.*
39. *Ad Secundum, petitionem judicalem & quæ fit jure belli non planè adversari.*
40. *Habent & bella sua jura.*
41. *Ad Tertium.*
42. *Ad Quartum.*
43. *Æquissima vox, solve quod debes.*
44. *Ad Quintum L. Lucius. &c. nostro casu non habere locum.*
45. *Conclusio consultationis, facta non infringere jus.*

**C**Asus præsentis consultationis in hoc consistit; An nē nimirum Imperator, Rex, Princeps, hoste sive externo, sive interno devicto, si eiusdem Regnum, Ducatum, Comitatum, Civitatem, Castellum, Ditionem, &c. jure belli (quod fieri posse præcedenti consultatione ostensum est) occupet, detineat, & ad posteros transmittere velit, tertio cuiusdam vicino, vel alii non hosti ad debita exsolvenda, aliāq; onera præstanda, quæ in occupato territorio forsan, is ante occupationem habuit, obligatus sit? An verò occupatione bellicâ (ceu naturali acquisitione) hæc omnia extincta dici queant? Perplexæ & dubiæ hæc consultatio est, etiamsi juris

m 2

campum



campum (decisione gladii, nonnihil suspensâ) ingredi liceret; Nec enim desunt rationes & fundamenta in utramq; partem; Hisce itaq; visis, brevibus quid res sit, adaperiam.

3. Et quidem in principio videtur victorem jure belli, territorium aliquod occupantem, non teneri ad onera sive realia, sive personalia, quibus ditio vel territorium à se occupatum, à prioribus possessoribus & Dominis, gravatum fuit.

4. Nam *primo* qui jure belli rem occupat gladio & virtute eam ita sibi vendicat, ac si nunquam possessa fuisset, occupatio enim bellica, sive prædatio quæ fit jure belli, ex jure gentium est. §. *item ea. 19. Inst. de ver. divis. l. naturalem. 5. §. ult. ff. de acquir. rer. dom. l. transfugam 51. §. 1. ff. eod.* & *Aristoteles 1. de Republ. 8. asserit, Rem militarem secum ferre, naturalem acquirendi modum.* Vnde bona illa, quasi libera, & absq; omni onere immunia occupari videntur, quod ipsum quoque *Romani ad Volscos* responso dedere, apud *Dionys. Halicarnassæ. antiquit. Roman. lib. 8.* dum jus illud occupandi in bello justo, non ab hominibus, sed Deo ipso profectum statuunt.

5. *Secundo* duo diversa sunt remedia, jure experiri, & armis, idq; in tantum, ut quasi sibi invicem opponantur; quicquid enim juris remedio assequi non possumus, armatâ manu petimus; Duo sunt genera decertandi (ait *Cicero 1. de Republ.*) unum per disceptationem, alterum per vim; cumq; illud proprium sit hominis, alterum belluarum, confugiendum est ad posterius, si uti non licet superiore; Vnde demum consequens arbitramur, quod ubi arma capiuntur, & gladio controversia deceditur, vix juri locus relinquatur, quapropter *Horatius* ferociam *Achillis* describens, ita ait:

*Jura negat sibi nata, nihil non arrogat armis.*

Et alius alium, cum bellum ordiretur sic loquentem introducit:

*Hic pacem intemerataq; jura relinquo.*

Quod etiam ingenuè confessus *Antigonus* relatus à *Plutarcho lib. 4. Apoph.* cum Sophista quidam librum de Iustitia conscriptum eidem porrigenti responderet, Desipis (ait) qui quum me videas alienas urbes armis vexantem, tamen apud me de Iustitiâ differis.

6. Cui inservit *Tertio*, quod Princeps, qui jure belli succedit in Regno, ducatu vel territorio, non censeatur obligatus servare contractum an-



etum antecessoris, cum ei invito succedat, nec causam successionis ab eo habere, dici possit, & qui causam non habet ab antecessore, nec eius nomine gravari debet, facit *l. ab eo. C. de fideicom. l. si quis domum. in pr. & §. 1. ff. locati. l. lex vectigali. 33. ff. de pign. & hypoth.* Vnde etiam quarto Franciscus II. Gallie Rex, quod Lege Regia in Regno successerit (id quod magis in nostro casu procederet) Helvetiis patris debita reposcentibus, in hunc modum rescripsisse, refert Bodin. de Repub. lib. 1. cap. 8. p. (m.) 165. Tametsi debita paterna solvere non tenemur, cum hac sceptrum non hereditario jure habeamus, sed Regia lege, qua jam inde, usq; à primis Francorum Regibus lata, ad mares proximos Imperium detulit, & non aliter nos obligari patitur, quam ad ea fœdera Pactave, quæ cum exteris Principibus & populis, ad hujus Imperij utilitates & commoda à majoribus nostris contracta fuerunt; nihilominus tamen ut patris optimi & charissimi fidem religiosè tueamur, legitima ejus debita exsolvere decrevimus.

Et demum Quinto, quæstionis hujus decisio, ex *L. Lucius Titius §. 1. ff. de eviction. peti posset*, ubi cum *Lucius Titius* in Germania trans Rhenum prædia emerat, & partem pretii intulerat, iisdem postea à Romanis occupatis, exq; præcepto principali partim distractis, partim veteranis in præmia adsignatis, hæres emptoris in residuum conveniretur; *Paulus Ictus* respondit futuros casus evictionis, post contractam emptionem non ad venditorem, sed emptorem pertinere, unde rationabiliter colligitur, in agris venditis, & jure belli occupatis, jus emptoris sive possessoris extinctum esse, & militibus eadem prædia adsignata libera & integra manere.

Verùm hæctenus allata, tanta non sunt, ut quempiam à tramite recti, æqui & justii dimovere possint; Faciant alii quicquid velint, nos exemplis non monemur, jura & rationes contrariam sententiam fuadent. Primum etenim certum & indubitabile est, victorem & occupantem jure belli, non amplius prætendere posse vel debere, quam quod in præmium vindictam, & recompensationem, velit occupare bona & possessiones devicti, quatenus ejus sunt; Bona quippe aliena & tertii innocentis (quæcunq; illa sint) occupata, non fiunt capientium, sed omnino sunt restituenda (per ea quæ dixi supra consule. 6. n. 43. & seqq.) atq; bona legitimo debito aliove onere gravata, possessoris non aliter sunt, & dicuntur, quam deducto ære alieno



- l. mulier bona. ff. de jur. dot. & l. subsignatum. §. bona. ff. de v. s. ubi Petr. Rebuff in comment. Gail. lib. 2. obs. 119. n. 13. Sichard. conf. feud. 7. n. 25. pulchrè Henning. Gædon. conf. 97. n. 4. §. & seqq.* Ergò etiam eadem non nisi, quatenus possessoris fuere, atq; ad eundem illibata pertinet.
13. nuere victori occupare licuit; *Secundò* liquidem indubium est, neminem plus juris accipere & in se transferre posse, quàm antecessor (à quo causam sui juris habet) possedit, & habuit. *C. nemo potest. 79. de R. I. in 6.* Et (ut ait *Ulpianus*) non debeo melioris conditionis esse, quàm auctor meus, à quo jus in me transiit, prout hæc omnia magis explicat *Petr. Pécnius ad d. c. nemo potest. n. 1. & per tot. Hug. Grot. de jur. belli & pac. lib. 3. cap. 16. n. 1.* Atq; devictus rem occupatam, cum onere & salvo jure tertii possedit; Ergò etiam ita, & non
14. aliter ad occupantem pervenit. Nam res transit cum suo onere & causâ. *text. in l. 2. & in in l. fin. C. fin. caus. vel relig. l. alienatio. ff. de contrah. empt. & vendit. Gail. libr. 1. obs. 21. n. 13.* Quod vel maxime de juribus rei inhaerentibus (qualis etiam est hypothecatio, oppignoratatio & similia) statuendum erit; sic in terminis; *Hartm. Hartm. pract. obs. in miscell. cap. 1. obs. 20. per tot.* Et quemadmodum Victor, in re devictâ & occupatâ, jura quoque, actiones & omnia emolumenta, cum re ipsâ activè occupat & nanciscitur (vide *infra conf. 9.*) ita quoque jura & onera tertii innocentis passivè merito in se transfert, ea-
17. demq; portare tenetur; cujus enim est commodum, eius quoq; debet esse incommodum, per jura vulgaria; Argumentum quoq; naturale ducitur ab inundatione (quæ & ipsa occupationis violentæ species est) & licet cujusdam ager totus inundatus fuerit, Dominus tamen jure suo non privatur, cum agri species non mutetur, sed recedente aquâ, palàm est, illum fundum eius manere, cujus fuit; ait *Imperat. Inst. de rer. divis. §. alia sanè. 26. adde Grot. sæpè citato tract. libr. 2. cap. 8. n. 10.* Sic occupator maris, vel partis eiusdem, quamvis eiusdem dominium acquirat, atq; ita Dominum indigitare se queat, tertium tamen jure navigandi, in tantum privare non potest, ut ei navigationem inermem, transitumq; innoxium & quietum (ceu jus
20. quæsitum) impedire possit *Grotius d. lib. 2. cap. 3. n. 11. & 12.* Eadem ratione, quamvis bona feudalia hosti adempta, fiant quoq; victoris occupantis, id tamen non aliter accipiendum, quàm salvo jure tertii
- (hoc



(hoc est) Domini feudi, qui habet Dominium directum; Ita per  
*text. in c. excommunicamus. 13. §. moneantur. vers. aliàs. §. si vero ext. de*  
*heretic. Socin. Iun. conf. 68. n. 97. vol. 3. Georg. Everhard. vol. 2. conf. 17.*  
*n. 8. & 45. junde Gail. de pac. publ. lib. 2. cap. 14. per tot.*

Et Tertiò animadvertendum, illi maximam inferri injuriam, 21.  
 qui ob factum alterius punitur, & re suâ privatur; nam unusquisq; Caut  
*Calistratus Ictus. in l. crimen. 26. ff. de pœnis) ex suo admissio sorti subicitur,*  
*nec alieni criminis successor constituitur; Et neminem ignorare arbitror, 22.*  
 divino pariter & naturali jure sancitum esse, ne quis cum alterius ja-  
 ctura locupletior fiat. *c. locupletari. 48. de R. I. in 6. & Peckius ibid. in*  
*comm. ubi n. 3. hanc infert ampliacionem, quòd non referat, an quis*  
*ex re mea, an verò ex re mihi debitâ locupletetur; Res enim mihi de-*  
*bita non quidem propriè, fictione tamen legis mea est. l. si tibi & i-*  
*bid. De cujus. n. 4. ff. si cert: petat. mea dicitur, quia æquè locupletari*  
*dicitur, qui rem aut prætium habet. Alciat. ad L. Labeo. ff. de verb. sign.*  
*n. 4. Et in genere locupletari dicitur, qui cum alterius jacturâ (uti 24.*  
 hoc nostro casu) aliquid acquirit. *l. si quis mancipiis. in fin. ff. de instit. act.*  
*atq; ita locupletari & dolum committere, paria judicarunt veteres.*  
*l. 1. §. in pupillum. ff. de positi. adde Menoch. 5. præsumpt. 3. n. 90.*

Quartò sententia hæc eò magis corroboratur, quòd hujusmodi 25.  
 occupatores succedant instar fisci; cum enim devictus in justo bel-  
 lo, ex mente victoris reverà deliquisse præsumatur, ex hoc certè de-  
 licto eiusdem bona rectè occupantur, & capientium fiunt. Non se- 26.  
 cus autem, ac fiscus, in successioneibus, non debet se locupletari cum  
 alterius damno, secundum auream Constantini Imperatoris vocem in *l.*  
*1. C. de naufrag. lib. 11. Petr. Peck. in d. comm: ad c. locupletari n. 3. am-*  
*pliat. 4. sed instar privati habendus. l. fiscus. 6. ff. de jur. fisci. Chassana. 27.*  
*ad consuet. Burgund. tit. de success: de bastard. §. 1. Barthol. in l. 1. C. de bon:*  
*vacant. lib. 10.*

Ideoq; hæreditas transit ad fiscum cum suo onere, ita ut debita 28.  
 exsolvere teneatur, idq; tamen pro viribus rerum hæreditariarum.  
*l. 1. §. an bona. l. si non possunt. 11. de jur. fisci. l. mulier bona. 72. ff. de jur.*  
*dot. Chassana. d. §. 1. in verbis & payant les debtes. &c. & transeunt bona*  
 ad fiscum, affecta cum suis oneribus & causis, ex sententia Baldi &  
 Saliceti Moller. *Semest. lib. 5. diff. 23. Vnde fiscum succedentem in bo- 29.*  
 na va-



- na vacantia, etiam tenere legata & fideicommissa, testamento vel codicillis relicta præstare, quidam verius autumant per *l. quidam re-  
stamento. 96. §. quoties. ff. de legat. 1. l. recusare. 6. §. si fisco. ff. ad Scum  
Trabellian. l. cum fisco. 9. ff. ad Scum Syllanian. & similes textus. Andr.  
Fachina. lib. 6. contror. jur. cap. 22. Immo fiscum publicatis bonis suc-  
cedere, in jus & locum devicti vel condemnati, inq; illius actioni-  
bus activis & passivis, per *l. 2. C. ad l. Iul. de vi publ. l. si debitori depor-  
tatio. ff. de fideiuss. l. si ut proponis C. de bon. damnat. post Bosium tit. de pu-  
blicat. bonor. expressè tenet Sebast. Guazzin. tract. de confiscat. bonor.**
30. *concl. 24. n. 13.* Simili modo succedens jure occupationis militaris,  
ad eadem onera tenebitur, cum par sit utrobius ratio, & prædicta
31. jura, non minus in hoc, quam in fisco militent. Cæterum quomo-  
do ulterius successor, sive sit universalis, sive particularis, sive in di-  
gnitate, seu etiam in bonis teneatur ad debita prædecessoris, tradit  
*Lucas de penna. in l. 2. C. de fund. rei prin. in 3. 4. & 5. collat. lib. 11.*
32. Quintò in jure planum & quasi tritum est, executionem aliter  
fieri non posse nec debere, nisi in bona eius qui deliquit, vel eius suc-  
cessorem universalem maximè, quem hæredem nuncupamus *l. unic.  
C. ut actio ab hæred. l. 44. ff. de re judic. ad quam Zasius n. 1. inquit: Ius  
exequendi sententiam, contra condemnatum latam, etiam in eum  
influere, qui in locum condemnati successit; Non etiam contra ter-  
tium innocentem, eiusq; jura & actiones, quas sibi, in alterius (po-  
steà delinquentis) bonis acquisivit; Quid enim fecit cur ipse jure*
33. suo privandus? cur pœnam delicti ab alio commissi ipse luet? Cum  
itaq; occupatio bellica sit quædam executionis species, sive ea, pro-  
pria Regis manu facta, sive aliis mandata sit, tradente *Gail. de pac.  
publ. lib. 2. cap. 17. n. 2. 23. & seqq.* Vel ad minimum occupatio belli-  
ca, & executio fraternizent, uti benè notat *Georg. Everhardi. d. conf. 17.  
n. 4.* nullum requiritur dubium quin id, quod in casu executionis  
judiciariæ jura præscribunt, & æquitas deliderat, in occupatione  
quoq; militari seu bellica procedat.
34. Sextò demum & ultimò hanc sententiam juvat, quod quomo-  
docunq; fiat mutatio personarum, res tamen semper transeat cum  
suo onere & causâ; per notata *super eod. n. 14.* Ideoq; licet in civi-  
tate quædam sit mutata Reipublicæ forma, Regumvè familia extin-  
cta &



Sta & emortua, nihilominus Respublica, civitas, territorium &c. ad antiqua debita obligatur, nam ipsa externæ formæ in regimine mutatio, corpus civitatis non mutat, sed eadem manet civitas; Sic idem fuit populus Romanus, idem corpus, eadem civitas, sub Regibus, Consulibus & Imperatoribus; quapropter pulchrè ad nostrum propositum infert Hugo Grot. d. lib. 2. cap. 9. n. 8. non desinit (ait) debere pecuniam populus, Rege sibi imposito, quem liber debebat; est enim idem populus, & Dominium retinet eorum, quæ populi fuerant &c. Vnde concludendum omninò erit, in occupantem bona jure belli, de jure & æquitate naturali, non solum transire jura & commoda bonorum occupatorum *active* sed etiam onera, nomina, & actiones *passive*. 35.

Ad illa ergò, quæ superius in contrariam partem adducta sunt, nunc responsione opus erit. Ad primum argumentum rehero, quòd si (quemadmodum prætenditur & veritati videtur consentaneum) occupatio hæc bellica ex Iure gentium est, utiq; etiam non solum in gratiam victoris, sed quoq; victi, & alterius tertii, ea quæ sunt juris gentium admittere debet; Iuris gentium autem æquè est, neminem cum alterius damno locupletiores fieri debere; pœnas non nisi suos tenere auctores; Item unicuiq; suum esse tribuendum; nemini sine causâ id quod suum auferendum, & similia (prout in rationibus decidendi adduxi) quàm occupare bona devicti hostis, & eadem occupanti cedere, ergò etiam nec minùs quàm hæc attendi debent. 36.

Deinde quòd occupatio bellica allegato loco ab Aristotele dicitur naturalis acquisitio, seu naturalis acquirendi modus, non ita intelligendum, quasi fundus occupatus planè redeat ad pristinam facultatem & naturalem libertatem, actionesq; & jura ipsi inhaerentia per occupationem extinguantur, sed quia & hic acquirendi modus in jure naturæ & gentium sit fundatus, ex eoq; originem trahat, quod etiam de bello, tanquam naturali defensionis specie, alibi dictum est. 37.

Secundum argumentum facillè ruit. Nec enim remedium bellicum, & judiciale ita sunt duo diversa remedia, ut sibi invicem adversentur, & uti in judiciali justitia, ita in bellico, sola vis & violentia (exclusâ omni justitiâ, & æquitate) militet; sed reverà, quamvis  
n in mo-



- in modo procedendi discrepent (in eum siquidem, qui jure agere & satisfacere non vult, bellum movemus, atq; ita, quod sententia Iudicis dirimere debuisset, vi & armatâ manu petimus) causam tamen petendi, & modum utrobivis justum, æquum & honestum præsupponimus, sic ut acquisitio & occupatio, quæ fit jure belli, non minus in jure, justitiâ & æquitate debeat esse fundata, quàm ea quæ fit per
40. processum judicarium; Habent enim & bella sua jura, quæ illis omnem honestatem & æquitatem præscribunt (prout suprà in præfatione hujus Decad. docui.) Ea itaq; (præsertim quæ ex jure naturæ & gentium promanant, quo in casu nos versamur) negligere, tam nefas est, quàm nefas in omnibus aliis actionibus habetur; *Petr. Ærod. rer. jud. lib. 10. tit. 10. cap. 1.*
41. Nec multum etiam movet *tertium argumentum*; nam quamvis invito antecessori successor succedat, causa tamen debendi in bonis radicata est, potiusq; rei occupatæ, quàm personæ inhæret, & occupans ab Antecessore non gravatur, sed is onus rei occupatæ sustinere (quod juri gentium est) & debita exsolvere jubetur; Quatenus autem successor teneatur servare contractum sui antecessoris, huc non amplius quadrat, cum non jus ex personâ, sed ex re & bonis
42. pendens, nobisq; debitum, prosequamur. Vnde nec *quartum* alicujus ponderis vel valoris est, utrum enim non magnoperè disputem *Francisci II. Gallia Regis* præsuppositum, quod fundat in successione ex Lege Regiâ; sine dubio tamen debita in Galliæ Regnum, ejusvè utilitatem versa ab eo solvi debuerunt, ex æquissimo judicio, quod totidem verbis refert celeberrimus Galliæ Ictus *Petr. Ærod. rer. jud. lib. 4. tit. 1. cap. in princ.* *Æquissima vox est, & jus gentium præ se ferens, licet re & pronuntiatione difficilis (ut abs D. Ludovico Principe nostro balbutiendo dicebatur) redde quod debes inquit Seneca, neq; adèd viris, sed & infantibus cognita, &c.* Non ergò personæ vel Regis mutatio Regnum mutasse censetur, quomodo etiam mutatio personæ judicis, tribunal vel judicium non mutat, adde quæ disputat *Hug. Grotius d. libr. 2. cap. 14. n. 11. 12.* Quinimò in specie quod etiam Regius ex Lege Successor Regis Antecessoris factum vel contractum complere teneatur, cum alias nemo cum Principibus contrahere, nemo illorum Promissis & verbis poterit fidem habere, immò insimul publica fides, dignitas, honosq;



honoribusque principalis collaberetur; tradit *Acat. Enenkel. 3. de privileg. cap. 11. Chokier de juridict. in exempt. part. 3. quest. 2.*

Quinti argumenti loco allegata *L. Lucius* contra nostram sententiam parum vel nihil decedit; Licet enim evictionem in iis, quæ post contractum emptionis eveniunt ad venditorem non pertinere, *Paulus Ictus* ibidem pronunciet, neutiquam tamen, quod *Romani* eadem distraxerint, & in veteranorum usum distribuerint, eatenus approbat, illis licuisse eorum prædiorum dominium privatis & antiquis Dominis auferre, sed perversè & absurdè illo loco, in hanc sententiam nonnullos uti respondet *Hottom. illust. quest. 1. vers. sed quoniam, ubi vide.* Quibus ita in utramque partem discussis, quid in proposito casu, de jure, sentiendum sit, clarum evadit. Quid demum alii de facto tentarint, vel adhuc facere præsumant, decisionem juris non infringit, multò minùs id (quod justum, æquum & honestum esse diximus) subvertere poterit.

## CONSULTATIO OCTAVA.

De re mobili in bello capta, cujus illa sit? Et quid si ab hoste, Titio ablata, & penes hostem ipsum, vel tertium quempiam inventa, ei que; rursus erepta fuerit, ad quem illa pertinebit?

### SUMMARIA.

1. Continuatio; Aliter de immobilibus, quàm rebus mobilibus captis sentiendum esse.
2. Res mobiles in bello capte capientium sunt.
3. Quod distinctionibus explicatur.
4. Res hostium mobiles capte, quomodo fiant capientium in genere.
5. Eas directò non transire ad capientes sed belli duces.

n 2

6. Quod



6. *Quod jure gentium minus dubium.*
7. *Jure civili acquirimus per personas nostro stipendio conductas.*
8. *Milites non sibi, sed illis, quibus militant, acquirunt.*
9. *Penes belli Imperatorem est, de prædâ disponere.*
10. *Quomodo prætereâ in hoc casu distinguendum.*
11. *In actibus publicis, milites acquirunt eis, quorum stipendiis merent.*
12. *Quamvis præda non rarò inter milites dividatur.*
13. *In præsidiis manentes an præde partem habeant.*
14. *Secus est in actibus privatis.*
15. *Milites de præda hostium, non lachrymis provincialium vivere debent.*
16. *Limitatur primò conclusio, nisi aliter eâ de re provisum sit.*
17. *Princeps quomodo jus gentium temperare possit.*
18. *Varij circa acquisitionem prædæ mores.*
19. *Limitatur secundò non procedere, in re rarâ & pretiosâ, & quanam illa?*
20. *Limitatur tertio, quòd saltem locum habeat in bello legitimo &c.*
21. *Veri hostes quod capiunt, illorum fit.*
22. *Secus est in rebellibus, & similibus illicitis actibus.*
23. *A rebellibus, furibus & latronibus ablata, ubi vis vindicare licet.*
24. *Statutum & consuetudo contrà disponens nutrit peccatum.*
25. *Quod & Imperij constitutionibus probatur.*
26. *In bello injusto capta veris Dominis sunt restituenda.*
27. *Res tertij innocentis apud hostem reperta cujus sit?*
28. *Res tertij qua penes hostem in custodia est, capientis non fit.*
29. *Res nobis vel tertio ab hoste ablata, recuperata, ad quem pertineat?*

30. *Accer-*



30. *Acerrima & haecenus indecisa est disputatio.*
31. *Rejicitur quorundam distinctio.*
32. *Cujus rei ratio traditur.*
33. *Vera distinctio introducitur.*
34. *Exemplum maritimum proponitur.*
35. *Idem terrestre.*
36. *Res intra fines & presidia hostium deducta, sunt hostium.*
37. *Argumentum à jure postliminij.*
38. *Quomodo id procedat in praeda maritima.*
39. *Quid jure Gallico introductum?*
40. *Idem in praeda terrestri.*
41. *Hypotheses certa formantur, ex rigore juris decidendæ.*
42. *Quarum prima proponitur.*
43. *Secunda.*
44. *Tertia.*
45. *Æquitas, seu summi juris remissio in prædictis casibus.*
46. *Exemplo Romanorum.*
47. *Declaratio eorum, quæ sup: n. 22. 26. allata sunt.*
48. *Quid in Belgio hoc in casu sit judicatum, & ex quâ ratione ita?*

**Q**Uoad occupationem & capturam bellicam, sive quæ fit jure belli, aliter de rebus & bonis immobilibus, aliter verò de mobilibus esse sentiendum, immobilium exemplo haecenus manifestum est. Ad res mobiles ergò in bello captas nunc progredior, & cujus illæ capiendæ fiant distinctè explicabo. De eo verò apud Dd. in genere dubium nullum videtur, quin res mobiles in bello captæ fiant capientium; Sic enim simpliciter & in genere conclusionem hanc formant per l. r. §. 1. ibi item bello captæ. ff. de acquir. vel amitt. poss. l. 5. §. 7. ff. de acquir. rer. domin. §. item ea. Inst. de rer. divis. l. 28. & 30. ff. de captiv. & postlim. revers. Cujac. 19. obs. 7. Petr: Gregor Tholosan. in Syntagm. jur. univ. lib. 20. cap. 4. n. 5. Ioh: Gæddæ. ad l. itinere. 3. §. 1. n. 10. ff. de V. S. Donel. 4. comm. 21. & Dd. communiter.



3. Verum cum traditio hæc sit nimis generalis, ut veritas magis elucescat, quomodo & quatenus id intelligendum, aliquot distinctionibus expediam; *Primo* itaq; videndum, an res hosti ablata, ipsius fuerit propria, vel num antea ad tertium quempiam pertinuerit? *Secundo*, an res hostium fiant capientium singulorum scilicet, vel Ducis sive eius qui bellum gerit?

4. *De rebus mobilibus hostium propriis*, quæ in nostram pervenerunt potestatem, hæc præterea communis *Ictorum conclusio*, & superioris declaratio est, quod quidem fiant eorum, qui easdem manu ceperunt, sed quod nihilominus ad Principem seu Ducem belli sint deferendæ, qui illas inter milites dividat, ita traditur arg. c. dicat. 23. quæst. 5. Is qui pradam. ff. ad L. Iul. pecular. & l. pen. §. simili C. de donat. Angel. ad §. item quæ ab hostibus. Inst. de rer. division. Panormitan. ad c. sicut. de iurejur. n. 7. Martin. Laudens. de bello quæst. 4. Thom: Grammar: de cis. Neapol. 71. n. 17. & alii relati à Georg: Everhard. vol. I. conf. 17. n. 8.
5. Verum allegatæ leges istam Dd. opinionem non firman; Quinimò ex d. L. is qui pradam. & l. pen. multò magis colligitur, de iure quoque civili, res mobiles hostium, directò non transire in potestatem & dominium eorum, qui eas manu capere, sed ad Rempublicam pertinere, & publicas fieri, quod ipsum quoq; Cyrus apud Xenophontem §. de instit. Cyri annuit, dum ait: *Lex est sempiterna inter homines, captâ hostium urbe, eorundem res atq; pecunias victori cedere.* Et sanè iure gentium hoc minus dubium habet, cum ex historia, variisq; gentium institutis constet, gentibus ita placuisse, ut res hostium hostibus essent, non alio modo, quàm quo sunt res nullius, ita enim comparantur à ICro Paulo in l. 1. §. 1. ff. de acquir. vel amitt. posses. Atq; qui rem, quæ nullius est suo nomine occupat, eam sibi, sin alieno, illi, cujus nomine agit, acquirit. di. l. 1. & postea citandis; Ergò idem in acquisitione & occupatione bellica obtinebit.
7. Quod demum amplius confirmatur de iure civili, dum eo præsertim iure (quamvis nec jus gentium hic excludere oporteat) per personas nostras, & stipendio nostro conductas acquirere nobis liceat; Sicut sunt textus, de procuratore, tutore, curatore, negotiorum gestore, & multis aliis. d. l. 1. ff. de acquir. vel amittend. poss. l. ea quæ ff. de obligat. l. stipulatio. §. alteri. de V. S. tot. tit. Inst. per quas person. nob: oblig: ac-



lig: acquir. c. potest quis. 68. c. qui facit. 72. & ibid. *Peckius in comm. de Reg. Iur. in 6.* Sed milites stipendiis Reipublicæ, vel eius qui bellum gerit, merent; Ergo etiam quicquid tales, & in tali servitio acquirunt, non eorum, sed Reipublicæ, vel eius, qui stipendia exsolvit, erit. Hinc ille apud *Dionys. Halicarnassæ. de antiquit. Roman. lib. 7.* Scitis prædam ex hostibus captam, nostrâq; virtute paratam, ad Rempublicam legis jussu pertinere &c. Vnde quoq; est, quod penes Imperatorem, 9. belliq; Ducem potestas sit disponendi de prædâ, eamq; dividendi, uti postea dicam. Verum nec hæc sententia, quod bona mobilia 10. hostium capta, omnino ad Rempublicam vel eum qui bellum gerit, pertineant, simpliciter est tenenda vel admittenda, sed videtur distinguendum cum *Hug: Grotio de jur. belli & pac: libr. 3. cap. 6. n. 10. & seqq. inter actus verè publicos, & privatos*; Milites ubi in actu publico hoc 11. est ministerio militari sunt, ductuq; Imperatoris militant, quia tunc Reipublicæ, vel eius cui militant, personam repræsentant, atque ita non sibi, sed Reipublicæ acquirunt, per d. jura, & ex hoc jure gentium agit *Scipio cum Masinissa apud Livium libr. 30.* ubi inquit; *Syphax auspiciis populi Romani victus, captusq; est*; Itaq; ipse, conjunx, Regnum, ager, oppida, homines qui incolunt, quicquid deniq; *Syphacis fuit, præda populi Romani est.* Soliti tamen sunt *Romani*, aliivè populi vel per Ducem belli, vel quæstores prædam omnem, vel maximam eius partem inter milites distribuere, quâ de re, multa ex antiquitate testimonia congestit *Hugo Grotius*, proximo citato loco, & plura habet *Petr: Ærod. rer. judic. lib. 5. tit. 21. cap. 5. & lib. 10. tit. 9. cap. 15. & 17. ubi cap. 14.* notabilem movet quæstionem: An etiam isti milites prædæ sint 13. capaces, qui actui militari vel prælio quidem non interfuerunt, sed interim prædia & castra defendere jussi? Quam per rationes ibidem speciosè adductas, affirmativè decidit, nec enim (ait *Seneca*) ille solus militat, qui in acie stat & cornu dextrum lævumq; defendit, sed & qui portas tuetur, & statione minùs periculosâ, otiosâ tamen fungitur, vigiliâq; servat, & armamentario præest, quæ ministeria quâvis incruenta sint, in numerum tamen stipendiorum veniunt. Secus est 14. in illis rebus & bonis, quæ milites actu primo quopiam, hoc est, extra ministerium militare & ductum Ducis, (utpotè cum conniventia vel permissione Superiorum, occasione quâdam oblatâ, pauci vel plures.



- plures milites excurrunt, & singulari certamine cum hoste dimicant, vigilantia & quodam stratagemate hosti aliquid auferunt) capiunt, siquidem hæc, seu proprio periculo acquisita, sua faciunt (licet Duces & Præfecti ex militari quadam consuetudine, vel ob permissionem factam, in hisce quoq; partem sibi vendicent) quorsum pertinet illud Celsi I Cti in l. transugam. § 1. §. 1. ff. de acquir. rer. domin. *Quæ res hostiles apud nos sunt, non publicæ, sed occupantium sunt.* Atq; huc spectat egregium Aureliani ad præfectum quendam militem, monitum, quod exstat apud Vopiscum hisce verbis: *Manus militum contine, nemo aliena rapiat &c. & de prædâ hostis, non de lachrymis provincialium vivat miles.*
16. Limitatur primò, quòd prædicta distinctio non procedat, si aliter vel consuetudine sit receptum, & moribus introductum, vel ab eo, qui bellum gerit desuper ordinatione militari cautum fuerit. Qui enim habet potestatem belli gerendi, habebit quoq; facultatem, modum & formam, iis quæ circa bellum occurrunt, præscribendi per vulgatum Brocardicon, cui licitum id quod majus, eidem quoq; licebit,
17. quod minus est. Et licet Princeps ea, quæ sunt juris gentium, planè tollere non possit, poterit tamen iisdem ex causâ ob utilitatem vel necessitatem derogare. l. 6. & ibid. Dd. ff. de just. & jur. Et quod jus gentium dicit in genere, id per sanctionem civilem, ad varios casus & usus, accommodari & moderari potest Ernest. Cothman. in comm.
18. C. tit. de Legib. n. 53. Vnde videmus, quoad præsens propositum, variè in variis locis observari, & alias in Gallia, alias in Hispaniis, alias in Germania & Belgio circa acquisitionem & prædam bellicam consuetudines introductas esse, Quoad Germaniam videantur Recessus Imperij Augustani de Anno 1500. sub tit. Was dem Hauptmann von Brandschakungen &c.
19. Limitatur Secundo, distinctionem illam non habere locum, in re rara, chara & pretiosa; argumento regulæ communis; In generali concessione non veniunt ea, quæ quis non esset verisimiliter in specie concessurus. c. in generali. Si de Reg. jur. in 6. & ibid. Peckius in comment. Talia autem sunt, vel personæ ex hostibus, singularis præminentia & conditionis, vel res quæ ad Regalia & dignitatem Principum spectant, uti sunt tormenta bellica & id genus alia. An quoq; ad hujusmodi res charas &



tas & pretiosas referri debeat, magna quantitas frumenti, vini, lini, panni, aliarumq; rerum, in publico vel privato loco, occupatae cujusdam civitatis reperratur? in expugnatione cujusdam civitatis, inter Commissarios & Praefectos militum, qui eam civitatem expugnant, hac de re controversum memini, status quaestionis eò recidit, an, esse aliquam rem charam & pretiosam, aestimare oporteat ex rei qualitate, vel etiam ex eiusdem quantitate? Ego, cum per discursum sententiam meam eà de re dicerem, ita statuendum arbitratus sum, quòd licet favor militum sit magnus, utpotè qui cum discrimine vitae, & effusione sanguinis, hanc sibi prædam acquisivisse videantur, cum tamen aliàs prædam satis pinguem, tam universi quàm singuli deportent, in dubio res hasce (maximè frumentum & vinum) ad sustentationem exercitus, Fisco & Commissariis adjudicandas esse, vel maximè hac ratione ductus (licet aliæ quoque non desint) quòd facillè res redeat ad primum principium, vel originem; diximus autem, prædam in ministerio militari captam pertinere ad Dominum militiae, vel ad quaestores, ut inter milites dividatur, deferendam esse; Quod ergo ex singulari favore, vel pro mercede & recompensatione sparsi sanguinis, & exantlati laboris deprædatio ad certum tempus militibus concessa & permessa, id ad ea, quæ verosimiliter Dux belli permissurus non fuisset extendi non debet, per ea, quæ paulò ante dixi.

*Limitatur tertio prædicta obtinere in bello justo & solenni* (quem- 20.  
admodum *consult.* 1. præmonui.) Nam si res nostræ, à veris hosti- 21.  
bus nobis auferantur, earum dominium in hostes transit; *per text. ex-*  
*press.* §. *item ea quæ ab hostibus.* *Iust. de rer. divis. l. si quid bello. l. hostes. ff. de*  
*captiv. & postlim. revers. Coavar. part. 2. relect. c. peccatum de R. l. in 6. §.*  
*11. n. 1. multis.* *Hug. Grotius de jur. bell. & pac. lib. 3. cap. 6. n. 1. 2. & seqq.*  
*Paul. Christiana. ad consuet. Mechlin. tit. 2. art. 2. n. 2. & 3.* Veri autem  
hostes qui sint, definit. *l. hostes. 24. ff. de captiv. & postlim. revers.* Secus  
est, si in rebellionem, aliove hostili insultu illicito perfimile quid fiat; 22.  
Inter quos enim nullum bellum justum intercedit, inter eos quoque  
nulla est communio juris bellici, ac propterea non sunt veri hostes,  
sed instar furum & latronum habentur, & sic rerum dominium non  
acquirunt *l. hostes. l. latrones. l. postliminium. §. à piratis. ff. de captiv.*  
*l. qui*



- l. qui à latronibus. ff. de testam. Coavar. d. §. 11. n. 8. quem refert & sequitur Christiana. d. art. 2. n. 2. Myns. resp. 21. n. 22. Quæ limitatio in tantum ampliatur & extenditur primo, ut ab hujusmodi rebellibus & latronibus ablata res, non secus, quam quæ à furibus & latronibus auferuntur, ubivis recuperare & vindicare liceat. Ita de rebus furtivis est text. in l. in civilem. C. de furt. Nic. Mozzius tract. de contract. tit. de empt. vend. n. 31. cum seq. Ioseph. Ludovic. decis. perusin. 42. part. 1. Menoch. de præsumpt. lib. 5. præf. 29. n. 9. latè Vvesemb. in comm. C. de conduct. furt. n. 6. & seqq. ubi pulchrè tradit, prædones, raptores, abigeos &c. furibus æquiparari, quod idem approbat Const. Carolin. cap. 207. cui
23. jungatur Grot. d. cap. 6. passim; Secundo ampliatur procedere tertia limitatio, ut nec valeat statutum, consuetudo, & persimilia, quòd emens rem furtivam in foro publico, non teneatur eam Domino recognoscenti restituere, quia sit contra jus divinum, & nutriat peccatum; Fabian. de Monte tract. de empt. & vend. quest. 10. n. 3. Sichard.
25. ad l. 2. C. de furt. Consultat. Saxon. part. 4. quest. 3. n. 21. & per tot. Similia quoq; attentata, maliq; mores rejiciuntur, & planè abolentur, in Recept. Imp. Augustano de anno 1559. §. Und nach dem/ ibi: vnd wol len/das denen beraubten/beschädigten vnd bestohlenen/das jenige/so entweder mit Gewalt abgetrungen oder abgestohlen / vnd bey dem Thätern/ so (wie oblaut) nidergeworffen/ gefunden / oder aber noch gänglich oder zum theil verhanden/ ihnen ohne entgelt / widerumb
26. zugestellet werden solle. Quapropter bello injusto capta & directa vetustioribus Dominis omninò sunt restituenda, per tradita supra n. 22. & Coavarruv. d. §. 11. n. 8. Vvesemb. in comm. C. de conduct. furtiv. & ibid. alij Dd. passim. Hug. Grot. d. libr. 3. cap. 10. n. 4. §. quæ tamen quomodo hodiè declaranda, & ob publicam quietem & utilitatem temperanda sint, vide infra ead. conf. n. 47. 48. & hæc quidem de rebus mobilibus, hostium propriis.
27. Quid autem si res alicujus tertij innocentis & non hostis, penes hostem inveniatur? Hic rursus distinctione quâdam opus erit, vel enim res hæc, fortè fortuna, in hostis saltem custodia, atque ita dominio non est, vel hostis eandem tertio abstulit, & in suam potestatem redegit;
28. Priori casu res tertij alicujus innocentis (veluti si quid in hostium nave, domo, vel civitate &c. reperiatur) occupanti non cedit, per ea quæ



ea quæ *supra* *conf.* 6. de re innocentis immobili, tradidi, ut enim res quædam nostra fiat jure belli, requiritur, eam hostium fuisse, nam quæ res apud hostes quidem sunt, & in eorum navibus, castris, civitatibus & prædiis inveniuntur, quarum tamen Domini, hostes effecti non sunt, illæ per nos bello & occupatione acquiri non possunt, sed tertio non hosti restitui debent; Itaque si navis *Hispanica* (flagrante bello inter *Hispaniarum* & *Gallia Reges*) mercibus partim ad *Hispanos*, partim ad *Germanos* aliosvè Gallo non hostes, populos, pertinentibus Oceanum pertransiret, & à Gallis militibus caperetur, merces istæ Germanorum, vel alterius tertii, non cederent Gallis militibus, sed vel Germanis, vel dicto tertio ad quem pertinent, essent restituendæ; atq; in similibus casibus ita in *Hollandiâ* jam dudum & persæpè judicatum esse, testatur *Hug: Grot: d. lib. 3. cap. 6. n. 5. 6.*

*Posteriori casu*, quando hostis rem quandam mobilem, vel non-  
bis vel tertio aufert, eaq; per nostros recuperatur, an ea priori Domino restituenda, vel capienti cedat, acerrima certè disputatio est; maximè cum hætenus à *ICTis* decisa non reperiatur, teste *Coararr.* 30.  
*part. 2. relect. c. peccatum, de R. I. in 6. §. 11. n. 8. Ayala. in tract. de jur. & offic. bellic. lib. 1. cap. 5. n. 35. & seqq.* Rejectâ autem eorum distin- 31.  
ctione, qui statuunt, si à militibus publico stipendio conductis talis res recuperaretur, eam ad eosdem pertinere, secus si ab alio, nullo stipendio militante recuperata sit, quia tunc ad priorem Dominum redeat. Nec enim video, cur hoc in casu, inter personas recu- 32.  
perantes distinctio sit introducenda, cum leges & jura de capientibus loquentiæ, ita non distinguant, sed simpliciter, ac non aliter, quàm de inventoribus thesauri, aliarumvè rerum vacantium, disponant; Ideoq; ad hoc maximè respiciendum arbitrarer, annè & quo- 33.  
modo rem hanc, hostis in suum pertraxerit Dominium, vel non? Quod exinde decidi nonnulli volunt, num scilicet hostis rem captâ, in sua præsidia secum tulerit, ita ut demum post intervallum, ab eodem, vel alio, cui eam cessit vel vendidit, recuperata sit; vel num statim antequam ad suas redierit stationes, & aliquantisper quietè rem captam possederit, hosti rursus adempta sit, & quod priori modo fiat capientis, inq; eius dominium transeat, posteriori non item, quæ est distinctio *Coararruv. d. c. peccatum. §. 11. n. 8. & Ayala. d. cap. 5.*



34. n. 37. Rem paulisper exemplis, non ita quidem obscuris declarabo; Navis quædam ex Hispania in Belgium tendit, Galli & Angli, tum temporis Hispanorum hostes, eam capiunt & diripiunt, priusquam verò cum prædictâ navi in portum venirent, eadem cum mercibus rursus devenit in potestatem Hispanorum militum, quærebatur an
35. præda capta sit capientiû, vel prioribus Dominis restituenda? Idem in terrestri depredatione sæpè quoq; obtingit; Et ecce Turcæ Christianorû castra invadunt, Christianis militibus profligatis, res quasdam non minimi valoris auferunt, antequam autem ad sua præsidia easdè deportassent, Christiani majoribus viribus aucti & recollecti, eas
36. Turcis rursus adimunt, de eodem dubitabatur? Et sanè ut ambagibus omissis, quænam decisio in præsuppositis sit tradenda adaperiam, ex præmissâ distinctione dico, ea quæ hostes alicui auferunt, tum demum eorundem esse dici, quando res captas vel ablatas, intra præsidia sua detulerunt & deduxerunt, secundum ea, quæ tradit Alberic. Gentil. Hispan. advocat. lib. 1. cap. 2. quam sententiam quoq; ap-
37. probat rerum harum peritissimus Hug: Grot: d. cap. 6. n. 3. Argumento ducto à jure postliminii, cum eodem modo res amittatur, quo postliminio redit; Redit autem ubi intra fines Imperii esse capit, seu intra præsidia; l. postliminium. §. postliminio. l. ult. ff. de captiv. &
38. postlim. revers. E quibus omnibus sequitur, in præda maritima navem & res alias captas, tum demum censeari capientium, cum in navalia & portum, aut ad eum locum, ubi tota classis se tenet, perducta sunt, nam tunc desperare incipit recuperatio; Iure Gallico, peculiaris
39. de hoc casu extat constitutio. Quòd nimirum navis capta ab hoste, si per viginti quatuor horas in manibus hostium permanferit, tunc capta censeatur, sin minus recuperata capta non censeatur, tertia tamen pars prædæ ad recipientes venit. Codic. Henrici 3. lib. 20. tit. 13. art. 24.
40. Eâdem ratione in prædâ terrestri, res mobilis (quæcunq; illa sit) capta tum demum fit capientis, quando intra præsidia est deducta, & per viginti, vel quatuor & viginti horas, in potestate capientium permanferit. Ita consuetudinem militarem etiam in Germania esse, testantur veterani milites, quibus ceu peritis in suâ arte credendû erit. arg. l. 1. §. 1. ff. de Vent. inspic. speculat. tit. de probat. §. fin. n. 25. ponens ibidem multa exempla. Myns. cent. 6. observ. 34. per tot.

Vnde



Vnde demum consequens, & ampliùs concludendù foret, allatæ 41.  
 & introductæ distinctioni ( si ex rigore juris procedamus ) esse lo-  
 cum relinquendum, & secundùm eam in sequentibus hypothefibus  
 ita esse pronunciandum. *Primò* rem mobilem ab hoste nobis ere- 42.  
 ptam, & intra præsidia, potestatemq; suam prædicto modo reda-  
 ctam, à nobis recuperatam, vel penes alium inventam, qui eam le-  
 gitimo titulo ab hoste comparavit, eius manere, qui eam caput, vel  
 tenet, nec à priori Domino, qui eam priùs possederat vindicari pos-  
 se; Ratio in apriço est, quia jus gentium primò hostem Dominum  
 fecit dominio externo, quo ad nos translato, dominium ad nos re-  
 dit. *Secundò* si hostis, qui prædicto modo, rem suam fecit, eandem 43.  
 tertio cuiuspiam vendiderit, vel alio modo cesserit, eum tertium legi-  
 timo titulo, & bonâ fide rem captam possidere, nec eam priori Do-  
 mino restituere teneri, per dictam rationem. *Tertiò* è contra, ubi 44.  
 res nobis vel aliis, ab hoste ablata, intra præsidia & portum ( in set-  
 nem Gewahrsam ) nondum redacta est, recuperata, in ea hostem,  
 nullum dominium quæsiuisse, & propterea non fieri capientium, sed  
 pristino Domino esse restituendam, certum est; Licet hoc præsertim  
 casu, militibus exsolvenda erit, iusta laboris & expensarum solutio.  
 Verùm cum in hisce aliisq; occasione belli emergentibus casibus, 45.  
 non semper secundum rigorem juris procedere oporteat, sed non-  
 nihil aliquando pro tempore vel cedendum, vel ex aliis circumstan-  
 tiis remittendum, atq; ita rigor juris æquitate moderandus erit, ut  
 scilicet in maximâ rerum confusione eò faciliùs pax & quies inter  
 vicinos & subditos concilietur; privatæq; lites publicam quierem  
 ampliùs non turbent, cum etiam ut publico bono ( quod quoque  
 cum damno privatorum fieri potest l. Lucius. ff. de evict. ) consulatur.

Quapropter in re dubiâ, & ubi veritas aliquando etiam elicitur, 46.  
 sed tamen ob majus periculum, eandem exequi non liceret, se-  
 cundum possessores pronunciandum erit, id quod de Romanis quoq;  
 refert Petr. Aerod. rer. jud. lib. 5. tit. 2 l. cap. 6. hisce verbis: Sic etiam ob  
 utilitatem publicam vitandarum litium, atq; præteritarum calamitatum  
 memoriæ vitandæ causâ; Post bella civilia Romanorum, cum in urbe multa lo-  
 ca essent juris ambigui, dum alij propria, municipijq; sui alij publica esse affir-  
 marent, pleriq; etiam plura à possessoribus avocarent, quia sibi aut à Senatu. aut



à Pompejo, Cesare Antonio, Lepido, aut ab ipso Augusto, militibus pro premio donata, & assignata esse contenderent (quoniam Caelius Ictus, nulla vi adduci potuit, ut formulam ullam componeret, de aliquâ earum rerum, quas Triumviri contulissent) Octavius Augustus Imperator, ipse cognoscens (inquit Suetonius) pronunciavit secundum possessores.

47. Vnde demum liquet, ob eandem publicam utilitatem & quietem, & ut omnis præteritarum calamitatum memoria sepeliatur etiam in bellis injustis, civilibus dissensionibus, aliisque; quæ à non veris hostibus, sed prædonibus attentata sunt, non raro ab iis, quæ sup. ead. consult. n. 22. 26. tradita sunt, recedi, litesq; mediâ quasi viâ componi. Vnde Paulus Christianus in comm. ad consuet. mechlin. tit. 2. art. 2. n. 3. testatur reddit, In Belgio & maximè in dicasterio Mechlinensi (se referente) sæpè, secundum prædictam distinctionem iudicatum esse, etiam in iis bonis & rebus, quæ à rebellibus direptæ & postea recuperatæ sunt, non quòd res illæ factæ fuerint rebellium, postquam illi in tutò eas habuerint, sed quod demum captæ & recuperatæ, virtute bellicâ è potestate rebellium, uti & piratarum fiant capientium, ad exercendos militum animos in rebellium punitiōnem & persecutionem, & sic bono publico etiam cum damno privatorum consulitur &c. Hæc Christianus, cum quo præsentem consultationem finio.

## CONSULTATIO NONA.

Iura incorporalia victorum (qualia sunt actiones nomina & credita) an simul cum re corporali, ita ad victorem transeant, ut victor nomina & credita vel exigere, vel debitoribus remittere possit?

### SUMMARIA.

1. Continuatio & transitio ad consultationem præsentem.
2. De quibus personis hic agatur?
3. Quinam casus sese hoc loco præsentent?

4. Pro-



4. *Propōnitur facti species de Thebanis & Thessalis, ex Quintiliano.*
5. *Thessalorum fundamenta pro factâ donatione ab Alexandro.*
6. 7. *Thebanorum exceptiones contra eam.*
8. *Pro Thessalis responsio.*
9. *Controversia per Amphictionas decissa.*
10. *Franc: Hottomanni de hac controversiâ sententia.*
11. *Cardo & status questionis indigitatur.*
12. *Jus victoris, in devictos esse quoddam jus universale.*
13. *Confirmatur ex sententia Hannibalis.*
14. *Et ex presumptione & inductione juris.*
15. *Idem experientia docet, quod jura incorporalia unâ cum corporalibus ad victorem transcant.*
16. *Ad victorem pertinent jura tam personalia, quam realia devicti.*
17. *Jura, nomina & actiones, an comprehendantur sub verbis bonorum mobilium & immobilium.*
18. *Nomina & actiones veniunt, sub generali appellatione omnium bonorum.*
19. *Genus sub se complectitur omnes species &c.*
20. *Respondetur ad argumenta Hottomanni pro Thebanis, eorumq; restitutione allata.*
21. *Notatur Matthæus de Afflictis in casu quorundam Neapolitanorum.*
22. *Quæ tamen omnia non procedunt, si debitor fuerit in mora solvendi.*
23. *Concluditur adhuc, pro Thessalis debitoribus, auctoritate quorundam Dd.*
24. *Bonis alicujus creditoris captis, vel confiscatis, rectè capienti vel confiscanti solvi.*

25. *Quod*



25. Quod procedit tam in bonis universitatis, quam singulorum.  
 26. Ideoq; capiens vel confiscans, debita vel exigere vel remittere potest.  
 27. Quod & locum habet in tyranno occupante.  
 28. Nisi tamen debitor fuerit in mora solvendi, uti sup. n. 22.  
 29. Jura singularia persone non transeunt ad victorem, capientem seu confiscantem.  
 30. Prædicta non procedere in civilibus dissensionibus.  
 31. Admonitio ad victorem & judicem harum controversiarum.

1. **A**bsoluto jure victoris, in bona corporalia immobilia & mobilia belli jure capta & acquisita, nonnulla de bonis incorporalibus, juribus, actionibus & nominibus nunc differam, & num  
 2. hæc quoq; ad victorem transeant, inquiram? Vbi præmoneo, me in præsentibus consultatione, de victore saltem, seu potius illo Principe vel Duce loqui, cujus stipendiis bellum geritur, & qui in devictos universos & singulos Imperium acquirit; Miles ergo particularis (quicumq; ille sit) ab hoc jure excluditur, uti facili ex hac & subsequenti consultatione apparebit; Sed ut rem ipsam accedam, casus tam de juribus & actionibus universitatis, quam singulorum sese in historiis offerunt; De juribus & nominibus universitatis primò  
 4. & principaliter agam, reliqui casus postea inferentur. Ad quem locum ex Quintiliano lib. 5. cap. 10. notabilem Alexandri Magni actum, cum rationibus in utramq; partem allatis refert celeberrimus Gallie Ictus Petr. Ærod. rer. in omni antiquit. judicat. libr. 2. tit. 2. cap. 1. qui cum omnia nervosè proponat, ipsius verbis utar, & postea quid alii, & quid ego ipse, de hac & similibus controversiis sentiam, adductis  
 “ rationibus & argumentis subjiciam. Cum Alexander Magnus (scribit Ærodius) Thebas evertisset, invenit tabulas, quibus continebatur, Thebanos centum talenta mutuo Thessalis dedisse; Has quia usus erat commilitio Thessalorum, donavit iis ultro, postea restitutum à Cassandro, reposcebant Thebani Thessalos, se credidisse constare  
 5. & non recepisse, igitur res ad Amphictyonas deducta est. Pro Thessalis dicebatur, ea centum talenta mutua, sibi remissa ac condonata esse



esse ab Alexandro, hoc modo enim videri, qui debitori Cheirographum reddidit, debitorem liberasse, porro quod fecisset Alexander, jure belli, jure militiæ fecisse, quo regna, quo populi, quo fines gentium atq; urbium continentur. Pro Thebanis contrà; Id eos repetere, quod vi sit ablatum; nam de jure belli quod attinet, in iis quæ deducuntur in judicium nihil valere. Præterea quæ armis auferuntur, nisi armis non retineri, itaq; ubi alia valeant, ibi non esse judicem, ubi judex sit, illa nihil valere. Sic captivos post reditum, liberos & ingenuos esse; quia bello parta, nisi bello possidentur; Sed & quod ab Alexandro donatum est, fuisse eiusmodi, ut à victore non potuerit donari, quia id demum victoris est, quod & quamdiu teneat, at jus in tabulis fuisse, quod incorporale est, nec potest manu apprehendi; Aliam hæredis, aliam victoris esse conditionem, ad illud jus, ad hunc res & corpora transire. Rursus afferebatur, id creditum, quo de agitur, publicum fuisse, non privatorum; Quamobrem jus publici crediti, non potuisse transire ad victorem, quia quod populus credidit, debetur omnibus; & quamdiu quilibet unus superest, esse totius Summæ creditorem, ceteroquin non omnes Thebanos fuisse in potestate Alexandri, quidam aufugerunt, pepercit verò quibusdam, ut Sacerdotibus, familiæ Pindari, hospitibus Macedonum, & iis qui defectioni restitissent; Quid amplius si tabulæ concessæ sunt, an quod in iis continetur perpetuò concessum est? Nam neq; jus in tabulis versari, sed ex tabulis peti probationem; potuisse itaq; Alexandrum tabulas, non donandi, sed decipiendi, aut deponendi animo, Thessalis credidisse. Deniq; si quid Thebani amiserunt, id restitutione recepisse. Cassandri beneficium largissimè interpretari debere, & rem agi apud Amphictyonas, qui nihil æquitate libentiùs audiunt? Agi coram universâ Græciâ, in qua Athenienses nuncio allato everse civitatis, Sacra intermiserunt, fugitivos exceperunt, & cum audissent Thebas restaurari, publico decreto coronas induerunt. Sed quia dici non potest, quin quæ erant Thebanorum, venerint in ditionem Alexandri, aded ut potuerit, à Thessalis pecuniam hanc rectè suo nomine exigere, & certissimum sit non vi, aut postliminii jure, sed indulgentiâ atq; principali rescripto, Thebanos res suas recuperasse; idq; ita à Cassandro factum esse.



- se, verisimile videtur, ut sua clementia & liberalitas beneficium Alexandri non impediret (nam cui jus antea quæsitum est, nunquam alii facta restitutio nocet, nisi sit expressum nominatim) quia denique falsum est quod civitati debetur, singulis deberi, nisi quodam circuitu longo (uti ait *Seneca*) quemadmodum servus communis civitatis, non singulorum pro parte intelligitur, sed universitatis; Placuit Thessalos petitione liberari, ita enim arbitror Amphictyonas iudicasse, postquam id à *Quintiliano* (*d. loc.*) est prætermisum. Hactenus *Ærodius*; sed *Francisc. Hottoman.* non minus inter Gallos celebris *ICTUS* (origine tamen Germanus) *illustr. quest. 5.* aliquot juris civilis textibus seductus, *Alexandri Magni* victoris & *Thessalorum* causam deserit, atque contra *Thebanorum* causæ favet, sed quàm benè postea videbimus. In eo autem statum & cardinem præsentis consultationis versari arbitror, an *Alexander Magnus* *Thebanorum* victor jus & potestatem acquisierit in tabulas *Thebis* inventas, atque in iisdem contenta talenta? nam si hoc verum est, donatio quam fecit *Thessalis Alexander* ritè & rectè est facta, & per *Cassandrum* facta restitutio, *Alexandri* donationi præjudicare nequit; sin aliter, secùs.
12. Ad hanc rem declarandam, primò omnium inquirere oportet, an jus victoris in devictos sit jus quoddam, ratione personarum, bonorum, atque etiam universitatis, universale, vel certo modo restrictum; posterius nullibi reperitur, nisi quòd rigorem aequitate, severitatem clementiâ mitigare, humanum esse, Christiani omnes meritò suadeant, prout in secundâ decade, peculiari consultatione agam. Manet itaque quòd jus victoris in devictos (de dedititiis nunc non loquor) eorumque bona, sit jus quodpiam universale, quam sententiam propugnant clarissimi viri *Alberic. Gentil. de jur. bell. libr. 3. cap. 5.*
13. *Balthas. Ayala de bell. jur. & offic. lib. 1. cap. 5.* Vnde perpulchrè *Hannibal* in oratione ad milites, apud *Livium* lib. 21. *Quicquid Romani tot triumphis partum gestumque possident, id omne nostrum cum ipsis Dominis futurum est.*
14. (adde supra ead. decad. consult. 1. n. 12.) Et cur jus universale victori denegabimus, cum jura in jure victoris nullibi distinguant, sed ubique indefinitè loquantur? Indefinita autem locutio universaliter & indistinctè est intelligenda. c. ut circa. de election. in 6. in glos. cum similibus *Henn. Gæden. cons. 4. n. 6.* Deinde licet jura incorporea (uti nonnulli



nonnulli opinantur) manu apprehendi atque ita per victores capi non possint, hoc saltem verum est, si id per se & immediatè intelligas, cum verò talis sit jurium incorporalium conditio, ut vel rebus vel personis in, & adhæreant, eadem cum personis & rebus capiuntur. Hugo Grotius de jur. bell. & pac. lib. 3. cap. 7. n. 4. quod in jure non est novum & exemplo servitutum, aliorumq; jurium incorporalium demonstrari posset, nisi tyronibus juris satis cognitum esset; Ter- 15.  
tiò experientia & praxis hanc quoque sententiam firmat & stabilit, quis enim non videt occupatis Regnis, Electoribus, Ducatibus &c. jura quoq; Regia, Electoralia, Ducalia, aliasq; territoriorum dignitates, prærogativas & jura incorporalia insimul victores occupare & acquirere, quamvis eadem (si à superiori dependeant) nonnunquam sibi conferri, vel confirmari petant? Sed dices enumerata 16.  
jura rebus non personis adhærent, & sic meritò transeunt. Respondeo jus victoris, ex iis quæ hætenus dixi, tam circa personam devicti delinquentis & hostis, quàm eiusdem bona versatur; ergò etiam non solum illa quæ rem, quàm quoque quæ personam comitantur, victor sibi acquirit. Cum ergò quartò victoris jus & suc- 17.  
cessio, sit quoddam jus universale, circa universa & singula devicti bona, quatenus ea mediatè vel immediatè apprehendit (licet personæ ipsius servitutem, hodierni Christianorù mores non admittant, sed eandem libertati certo modo restituendam esse velint (uti consultatione I. hujus decadis ostendi) exinde sequitur, incorporalia, nomina, jura & actiones ad victorem quoq; pervenire; Quamvis enim Dd. inter se concertent, an in legato vel donatione omnium bonorum, tam mobilium, quàm immobilium, etiam intelligantur jura & actiones, prout videre licet apud Bernh. VVurms. pr. obs. lib. 1. tit. 28. obs. 5. VVesemb. in comm. lib. 4. Cod. tit. de action. n. 78. Tiracquell. in tract. de retract. lignag. §. 1. gloss. 6. & 7. ubi latissimè; Molina ad consuet. Paris. §. 57. n. 18. Pinell. rubr. C. de bon. matern. part. 1. n. 2. & seqq. Prasfes Everhardi cons. 16. n. 5. Georg. Everhardi vol. 1. cons. 60. n. 6. Gail. pr. obs. lib. 2. obs. 11. n. 9. & seqq.

In eo tamen ut plurimum conveniunt, sub generali bonorum 18.  
omnium & universorum appellatione, etiam venire nomina & actiones. text. est in l. nomina. C. qua res pign. oblig. post. l. postquam. C. de hared.



*hered. vel action. vend. Gail. lib. 2. obs. 25. n. 6.* Vt cumq; enim jura, nomina & actiones, non veniant sub appellatione bonorum mobilium & immobilium, nihilominus tanquam certa & tertia quædam species bonorum, sub generali & universali omnium bonorum appella-

19. tione comprehenduntur; Genus enim sub se complectitur omnes species, & verba generalia generaliter sunt intelligenda l. 1. §. generaliter. ff. de legat. 1. Et qui omnia dicit nihil excludit l. Iulianus. ff. de legat. 3. Bald. in rubr. C. qui accus. non poss. Etiam ea, in quibus specialis
20. alias requireretur mentio. Aym. Cravetta. conf. 292. col. 3. Nunc ad illa quæ pro Thebanis allata, & ab Hottomanno citat, loco contra jus victoris disputata sunt, facilius erit responsio; Nihil ergo juvat primo, quod jure quasi postliminii civitas in libertatem restituta, eadem, eiusdemq; juris & status fingatur, atque ita omnia recuperet. Nam Cassander hæc suâ restitutione, nihil amplius agere potuit, quam quatenus facultatem agendi habuit, reddere autem Thebanis, quod Alexander dum victor fuit, & donandi jus habuit, Theffalis dedit, in Cassandri potestate non fuit, ergo etiam non potuit jus crediti restituere Thebanis, quod nec fecisse præsumitur, facit huc, quod ea quæ aliis à victore donata sunt, generali restitutione non redeant, & in specie, creditum non esse in eorum numero, ut postliminio redeat, tradit Hug: Grot: tr. de jur. bell. & pac. lib. 3. cap. 9. n. 9. Secundum quod capta non censeantur, nisi eadem manu militari retineri queant, enervatur per ea, quæ antea de rebus incorporalibus disputavi; Deinde non habet locum, ubi res non est amplius integra, & jus devolutum uti hoc nostro casu. Tertium quod quæ universitati debentur, quamdiu quilibet unus superest, ei debeantur, habet locum ubi de debito constat, & jus debendi non cessat, atq; tale jus per Alexandrum est sublatum & liberatus est debitor, seu civitas debitorix liberalitate & remuneratione Alexandri, ergo nihil amplius hîc exigipotest.
21. Prædurum quoq; & nimis rigidum est, quod Matthæus de Afflictis decis. Neapol. 150. scriptum reliquit, & respondit, quod debitores Alfonsi Regis, qui Carolo VIII. Regi Gallia, dum Regnum Neapolitanum obtinebat, eiusq; comitibus, quibus victor jus debendi cesserat, solverant, adhuc sint obligati Regi Alphonso; cum reali solutione Gallis victoribus factâ, se semel ab obligatione liberarint, eiq; solverint, qui jus



qui jus crediti victoriosè acquisierat. Deniq; non convenit, ut mi-  
seri hi creditores, cum proprio damno, quod depradatione, aliisq;  
Gallorum victorum insolentiis perpeffi, *Alfonfi* (à quo potius defendi  
debuissent) infortunii pœnas luant; Quod tamen eatenus verum 22.  
agnosco, quatenus in mora solvendi non fuerunt, propterea quòd  
periculum post moram commissam ad debitorem pertineat. l. quod  
te. 5. ff. de reb. cred. l. nemo. 82. in fin. ff. de V. O. *Hottoman. d. quest. 5.* Con- 23.  
sequens nunc est pro *Thessalis* & jure victoris, contra *Thebanos* conclu-  
dere, quam quoq; in sententiam post *Aerodium* allegato loco, aiunt.  
*Hug. Grot. d. lib. 3. tit. 9. n. 9.* *Ioh. Papon. in arrest. Franc. lib. 5. tit. 6. ar-*  
*rest. 2.* Et in specie, quod bonis alicujus captis, vel etiam confiscatis, 24.  
confiscanti vel fisco debitor rectè solvere possit, ita ut liberetur, post  
*Farinac. tit. de crim. les. Majest. quest. 116. §. 2. n. 65.* *Gomesium Hora-*  
*tium, Carpanum* & multos alios tenet *Sebast. Guazzin. tract. de confiscat.*  
*honor. concl. 24. per tot.*

*Ampliatur Primò* procedere, tam in debitis universitatis, quàm 25.  
etiam singulorum, cum utrobivis eadem militet ratio, per tradita à  
Dd. citatis, atq; talem in *Gallia* consuetudinem esse, testatur *Papon.*  
*d. tit. 6. arrest. 2.* *Ioh. Lucius in Placit. Curia. lib. 10. tit. 6. Placito 1.*

*Ampliatur Secundò*, quòd eatenus jus crediti ad victorem & con- 26.  
fiscantem transeat, ut debitum, debitoribus devicti vel delinquentis,  
ob damnum perpeffum, bene merita, vel aliam ob causam re-  
mittere vel etiam exigere possit; Dum enim jus crediti acquisivit, in  
creditoris potestate est, juri suo renunciare, vel illud in effectum de-  
ducere, per jura trita & vulgaria.

*Ampliatur Tertio* debitorem solvendo victori vel occupatori 27.  
liberari, etiamsi illa solutio facta sit tyranno vel alii cuiuspiam ex gene-  
rali vel speciali eiusdem mandato, ita post *Horat. Carpanum. Guazzin.*  
*d. tract. concl. 24. n. 18.* quem vide pluribus, an debitor investigare  
debeat, num publicatio vel confiscatio injustè facta nec ne; Item si  
solutio in diem debita, tyranni vel invasoris terrore à debitore fa-  
cta, eundem liberet?

*Limitantur primò* ea quæ dicta sunt non habere locum si ante 28.  
occupationem dies solutionis cessit, & debitor fuerit in mora sol-  
vendi, nam hoc casu periculum ad debitorem spectat, & licet victo-



ri, occupatori vel confiscanti solverit debitor, non tamen liberatur, sed recedente occupatore &c. vel pace factâ nihilominus vero creditori solvere tenetur, atq; hoc in casu locum habet, decisio *Matthæi de Afflictis*. 150. & ea quæ tradit *Hottom. quest. 5. sub fin. ferè Bosius & Carpanus* relati à *Guazzino d. concl. 24. n. 19*. Dissentit & contradicit in terminis *Ioh. Papon. de arrest. Franc. libr. 5. cap. 6. arrest. 2. Iohan. Lucius Placit. Curia. lib. 10. tit. 6. placit. 1.* ubi ita refert (cum liber rarus sit) Flandro mercatori, mercator Gallus in mille tenebatur, Gallo procrastinatori dictat iudicium Flandrus. Ille detrectare, tergiversari; Hic horis omnibus ac momentis instare, urgere. Bello interea suborto, & inimicorum rebus, quæ apud nos erant (ut assolet) fisco addictis; Quæstor ærarius nomen exigit; Icto postea fœdere, Flandroq; litem repetente, Gallus excipit solutionem quæstori factam. Respondet Flandrus, Galli dolo culpave latâ esse factum, ut eò res deveniret, atq; ita eum teneri saltem quanta sua intererat Gallum non fuisse tergiversatum. Referebat Gallus, non modò nomen, sed & actionem omnem à Flandro hoste proclamato, perfidiæ nomine commissam esse; Depulsus exceptione Flandrus curiam appellavit, & repræsentato curiæ ipsius iudicio, provocatio sine fraude, circumducta est, idq; unde provocatum erat, comprobatum. Sed quo jure, ipsi videant, per ea quæ tetigi hâc ead. consultat. n. 22. Ideoq; Paponius citato loco eundem casum referens postea ad æquitatem recurrit, eamq; (post vulneratam causam) iudici commendat, uti ibidem videre licet.

29. *Limitatur 2.* Ea jura incorporalia non transire ad victorem, quæ ex singulari personæ proprietate fluunt, ac propterea inalienabilia sunt, ut *jus patrimonium*; Hæc enim si manere possunt, manent penes personam; si non extinguuntur, sic sentit *Grot. d. tract. lib. 3. cap. 7. n. 4.*
30. *Limitatur 3.* præfata conclusio, quòd non procedat in bellis civilibus, & privatis subitaneisq; eiusmodi *dissensionibus*, inter concives, in quibus jura privatorum non commutari, pleriq; juris militaris prudentes existimant; Facti speciem proponit *Ærodius noster, rer. judic. lib. 2. tit. 2. cap. 2.* hisce verbis. Similis fuit controversia inter Flavium & Dyrrachinos post pugnam Pharsalicam; Dyrrachini non inficiabantur, se ei debuisse, cui Flavius hæres esset, sed allegabant æs alie-



æ alienum sibi donatum esse à Cæsare; sumpsere arbitrum M. Ciceronem; succubere Dyrrachini, ut opinor. Nam in civilibus dis-  
 fensionibus, jura singulorum non commutantur, neq; juri postlimi-  
 nii locus est. Ideoq; Brutus Dyrrachinorum exceptionem injuriam,  
 appellat; Noli (inquit) pati, à necessariis tuis necessario meo inju-  
 riam fieri. Quod ipsum comprobatur *Grot. d. tract. lib. 3. cap. 8. in fin.*  
 ubi ait, hoc bellum Cæsaris non esse ex eo genere, de quo jus gen-  
 tium constitutum sit, cæterum inter bella civilia, quando Subditi  
 contra Superiorem insurgunt & rebellant, ea quæ supra pro victore  
 disputavimus, locum quoq; inveniunt, nihilominus finaliter & con-  
 clusivè, omnia quæ in hac consultatione adducta sunt, eatenus de-  
 claramus, ut *Victori* charitatis magis, quàm justitiæ legem; *Judici* æ-  
 quitatem potius, quàm rigorem & summum jus (sub cujus umbra  
 summa sæpè solet esse injustitia) recommendemus.

## CONSULTATIO

## DECIMA.

In casu Cheiographi inter prædam à milite reperti, &  
 desuper solutionem exigente, an debitor solvendo  
 militi, liberetur à vero creditore?

## SUMMARIA.

1. Casus præfiguratio.
2. Argumenta pro milite & debitore.
3. Primum, jura incorporalia transire quoq; ad militem.
4. Secundum, militem esse instar cessionarij & delegati.
5. Tertium, quia miles factus fuisset Dominus pecunia, si adfuis-  
 set.
6. Quartum quia liberatio debitoris ex solutione, & translatio-  
 ne Cheiographi præsumitur.
7. Pro creditore & sententiâ contrariâ.
8. 9. Status controversiæ formatur.

10. Solâ



20. Solâ Cheirographi apprehensione nisi alius titulus translationis accedat jus crediti non transferri.
21. Alia est ratio in Principe seu belli capite, alia in quolibet privato milite.
22. Is universa capit, hic saltem qua manu rapit.
23. Maximè ubi depredatio ad tempus saltem permessa est.
24. Jus confiscandi ad privatos milites non spectat.
25. Miles apprehensione instrumenti nihil juris acquirit.
26. An vi cessionis vel donationis?
27. Donationes & cessiones jurium sunt facti.
28. Facti quæ sunt probari debent.
29. Tabula crediti, seu Cheirographum licet suo modo debitum probent, ex earum tamen possessione cessio vel translatio non probatur.
30. Cheirographum exhibens cessionem simul verificare debet.
31. Alias ipsi rectè opponitur exceptio non competentis actionis.
32. Debitor ad nudam Cheirographi presentationem solvens invito creditore non liberatur.
33. Debitor quomodo solvendo liberetur?
34. Debitor etiam conjuncta persona absq; mandato creditoris solvere non debet.
35. Pecunia numerata, seu species interire potest, debitum, seu quantitas, corpus juris habens nunquam interit.
36. Tabulis ablatis, non potest dici pecunia ablata.
37. Cujus rei ratio traditur.
38. Jus debendi in tabulis non versatur, sed saltem ejus probatio.
39. Substantia obligationis offibus primi acquirentis adheret.
40. Cheirographum seu scriptura non est de substantia actus mutui.
41. 32. Cheirographi restitutio, vel apud debitorem inventio, an & quomodo solutionem probet?

33. Hac



33. *Hec sententia statuto Mechlinensi summâ ratione nitente corroboratur.*
34. *Et non solum locum habet in debitis activis, sed etiam passivis.*
35. *Limitatur primò, nisi ob redemptionem, vel vexatam redimendam, militi jus crediti (mediante Cheirographo) traditum & cessum sit.*
36. *Limitatur secundò, si debitor à tyranno vel milite coactus solverit &c.*

**N**on ita pridem accidit, cum civitas H. armatâ manu expugnaretur, militibus (prout fieri adsolet) prædandi licentia per aliquot horas data fuit; Quidam ex militum grege, inter alia, apud virum prædivitem, invenit tabulas, seu Cheirographum, quod continebat duorum millium thalerorum debitum, quo prædicto civi civitatis H. obstrictus erat alius quispiam cives civitatis B. miles reservato sibi Cheirographo, atq; eius vigore à debitore summam illam exigit, impetrat quod vult, quærebat, an debitor solvendo militi liberetur, ita ut vero creditori amplius solvere non teneretur?

Argumenta pro milite exigente, & debitore solvente hæc esse videntur. Primum quod consultatione antecedenti decisum, quod jura etiam incorporalia, immò omnia bona, cum ipsa persona devicta ad victorem transeant, atq; hæc ratione victor etiam nomina & actiones confiscare, sibiq; applicare possit, idem ergò jus in milite privato statuendum, cum iisdem privilegiis, quo victor, gaudere videatur.

Secundum, quia cessionario & delegato æquè solvitur, quam ipsi principali, cessionarius enim, jure cedentis utitur. *l. si ut ceruo. §. rem: 12. ff. commod. l. 5. C. de hered. act.* Et in delegatum transfertur omne jus, delegantis vel novantis, per jura vulgaria. Atqui miles habens Cheirographum illud ex legitima acquisitione vel cessione habere videtur; Ergò etiam ei, non secus ac vero creditori, validè solvitur *Ant. Gales. ad form. Cam. oblig. 2. quest. 2.*



5. Tertiò hoc firmatur ex eo, si miles ipsam pecuniæ summam invenisset, quòd eandem auferre potuisset, ergò perinde est si id faciat, mediante Cheirographo, quod talem summam in se continet.
6. Et demum *Quartò* quia realis debiti solutio intervenit, ac propterea dato obligationis instrumento vera liberatio; cùm reddito instrumento seu Cheirographo præsumatur solutio. l. 4. l. inductum. ff. de solut. Et ex restitutione instrumenti, vel ex eo, quod Cheirographum invenitur penes debitorem, licet rasum deletumvè non sit probatur liberatio. text. in l. si Cheirographum ff. de probat. l. postquam ff. de pact: Hering. de fidejuss. cap. 20. §. 8. n. 14. Borcholt. de pact. cap. 2. divis. 1. n. 5. & seqq. Ioh. Papon. de arrest. Franc. lib. 8. tit. 2. in fin. Mascard. de probat. vol. 1. concl. 477. n. 2.
7. Verùm recensitæ rationes, & si quæ persimiles in medium adduci possent, non sunt tanti momenti, ut quempiam persuadere possint, militi hoc casu esse rectè solutum, & reddito Cheirographo solventem ab obligatione liberari; Sed potiùs debitorem vero creditori adhuc teneri. Summa autem totius controversiæ in eo consistit, an miles auferendo Cheirographum, libros rationum, vel similia instrumenta & documenta, eo ipso sibi acquirat, jus in iis contentum? Quod ita declaratur, an ipso jure per Cheirographum &c. transferatur jus crediti, vel interveniente aliquo facto hominis, puta, venditione, permutatione, donatione, aliavè cessione? Prius negandum, & posterius affirmandum arbitror. Cùm itaq; per apprehensionem Cheirographi, absq; veri creditoris voluntate & facto interveniente jus debendi à milite non acquiratur, uti ex postea traditis luculenter apparebit, exinde sequetur militi, nisi de donatione, cessione, vel aliâ juris in eum translatione, per creditorem factâ constet, non rectè solvi, quod & infra limitationis loco adducemus.
11. Nihil itaq; obstat *primum* pro milite, & debitore solvente allatum argumentum, nam longa alia est ratio, in Principe victore bellum gerente, quàm in quolibet privato milite; Ille occupando locum, jure universali succedit, in omnia devictorum, non solum personas, sed etiam bona (prout supra *consult.* 9.) deduximus; Hic nihil magis acquirit, quàm quod manu capit, aufert, & in custodiam deportat, cum totum eius jus, in manus occupatione, & captivitate positum sit. l. 5.



fit. l. 5. ff. de acquir. rer. domin. in fin. l. transfugam. § 1. cod. l. 1. ff. de acquir. pos. Quod eò magis verum, cum hoc prædandi jus à belli Ducibus 13. dependeat, eiusq; licentia ab iisdem ad certum tempus militibus concedi soleat. Quicquid ergò milites intra illud temporis spatiū, vel capiendo personas vel bona eorum mobilia, ipso facto & actualiter non occupant, apprehendunt, vel in suam custodiam deducunt, Illud certè in potestate victoris ceu universalis juris successoris cum reliquis sibi aliàs reservatis juribus, circa occupationem bellicam permanebit. Adde quòd jus confiscandi ad Principes victores, non 14. etiam singulos & privatos milites pertineat, uti satis constat, ergò etiam nomina & actiones confiscandi jus, eiusmodi milites sibi vindicare non possunt (per ea quæ d. consult. 9. passim allegantur.) E qui- 15. bus constat, militem ipso jure, & vi obligationis & Cheirographi ablati, debitum illud exigere non posse, idq; ob deficientem facultatem exigendi, quam sibi auferendo tabulas, vel litteras chartaceas non acquisivit, quemadmodum etiam paulò post dicemus.

Ad Secundum argumentum, annè itaq; vi cessionis vel donatio- 16. nis, atq; reverà miles apportando Cheirographum vel libros rationum, & desuper exigens debitum in iis contentum, pro cessionario vel delegato haberi possit & debeat? Manifestum certè est, dona- 17. tiones, cessiones, juriumq; in alios translationes, cum aliis, facti hominis intervenientiam requirentibus, esse facti. Ea autem quæ fa- 18. cti sunt non præsumuntur, sed probari debent, secundum vulgatas juris regulas; Sed quid numnè cessio juris crediti, per ipsas tabulas 19. creditum continentes probabitur? Quod omninò negandum, cum (uti constat) tabulæ debiti & crediti efficiantur, ad probandum per eas, creditum ad cessionem ergo probandam, illarum demonstratio non sufficiet, sed aliter de cessione eiusq; titulo constabit, aliàs non admitteretur, ita per Barthol. in l. per diversos. C. mandati. Moller. semestr. lib. 2. cap. 20. n. 1. ubi addit n. 3. in terminis dicens. Ad probatio- 20. nem autem cessionis, negante præsertim eam debitore, non sufficit, si quis executionem petens, tabulam cautionis producat, eamq; à creditore sibi traditam & cessam dicat, nisi instrumentum cessionis simul exhibeat &c. Potuerit enim fieri, ut nullo vel tituli colore ad aliquem pervenerit, & sic creditor citra culpam jure suo privaretur,



21. adde quæ infra ad quartum argumentum ulteriùs dicuntur. Atque ita hoc in casu, quilibet eiusmodi exactoribus objicere potest, tibi non competit actio, sine quâ nemo agere potest *l. si pupilli. §. fin. ff. de negot. gest.* certum autem est, agentem ex aliquo instrumento aut Cheirographo, in quo nominatus non est, non rectè agere, immò sine actione experiri, cùm instrumentum neminem juvet, nisi quem tenor instrumenti complectitur, ut est textus ad litteram in *l. ad probationem. 1. C. de probat. & ibid. Bald.* Iniquum esset latori dare actionem, nisi constet quod littera vel obligatio ad eum pervenisset, de voluntate scribentis, prout latè docet & probat Præses Everhard. *conf. 219.* & sic post alios, judicatum refert *Christiana. ad consuet.*
22. *Mechlin. tit. 1. art. 48. n. 2.* Vnde liquet, cùm nec ex naturâ & jure Cheirographi, nec vi cessionis, donationis &c. (nisi id ipsum aliter probatum sit) miles prædictam summam exigere possit, malè facere debitorem, si ad eiusdem instantiam solvat, ac proinde quoque
23. non liberari; Quod enim dicitur solutione debitoris perimi obligationes, id verum est, si vero creditori & Domino solvatur, vel alii, eo volente & mandante. *l. 4. c. de solut. l. solutam. ff. de solution. aut ratum habente. d. l. solutam. VVesemb. in parat. ff. eod. n. 4.* secus verò, si fiat creditore invito & inscio, ei qui prepterea mandatum nullum habet, nam tunc solvens non liberatur. *l. invito. 12. c. de solution.*
24. Etiam si solutio hæc conjunctæ personæ facta sit. *text. in l. maritus C. de procurat. Ant. Quetta. conf. 15. n. 6. & seqq.*
25. Tertium argumentum minùs urget, nam licet, si pecunia numerata fuisset, eadem hoc casu, non minùs penes creditorem peritura fuisset, quàm nunc sit solutio à debitore militi factâ, atq; uti *Sabiniani* olim existimarunt, ubi res æquè apud creditorem, ut apud debitorem interitura fuisset, eo casu periculum speciei pertinere ad creditorem. *l. si plures 14. §. ult. ff. de pos. alia* tamen est speciei, alia quantitatis ratio, species enim interit, cujus certum subest corpus, quantitas non interit, quæ sine corpore juris intellectum habet. *l. pecunia. 12. ff. de legat. 2.* Itaque sicut incendium, ita nec bellum, aut naufragium ære alieno debitorem liberat. *l. incendium. 11. c. si certpetat:* animadvertere ergò & vigilare debet, cui solvat, & num ritè
26. recteq; faciat. Facit secundo quòd magna sit differentia, inter pecuniam



etiam numeratam, & tabulas, quibus eandem deberi, probari potest; Atque hisce surreptis absurdum foret, dicere pecuniam ablatam esse. Maximè cum tabulæ in potestate & dominio sint creditoris, 27. pecunia verò debita, & adhuc penes debitorem permanens, in potestate & dominio eiusdem perseveret, quomodo ergò ablato Cheirographo, illa surrepta dici poterit? Chartam & manum debitoris, miles creditori abstulit, non ipsum jus debendi, non voluntatem exigendi; Hæc ergò permanet licet tabulæ perierint, modò aliæ 28. probationes non deficient. Vide *Gail. lib. 2. obs. 37. per tot.* Et jus in tabulis non versatur, sed ex tabulis petitur saltem probatio. *Petr. A. rod. rer. judic. lib. 2. tit. 2. cap. 1.* Quinimò, substantiam obligationis 29. ossibus primi acquirentis, ac in cautione nominati coherere, donec ab ipso, vel alio mandatum ad id habente alienetur pulchrè scribit *Christiana. cit. loc. & n. 2.* Demum locus hicce corroboratur, quòd 30. in contractu mutui, scriptura sive Cheirographum, non sit de substantia actus, sed saltem adhibeatur, ut mutuum faciliùs per eam probetur. *l. 4. de pignor. l. 4. de fid. instrum. Vmmius de process. disp. 17. n. 14.* ubi refert, quinam actus scripturam requirant vel non. Quæ 31. quarti argumenti loco, de restitutione Cheirographi seu obligationis penes debitorem, allegata sunt, ea quoque ita simpliciter vera non perhibentur, quia debitor etiam si penes se habeat instrumentum & dicat se propterea liberatum, non tamen præsumitur liberatus, nisi probet, huiusmodi instrumentum fuisse sibi per creditorem redditum. *Mascard. de probat. volum. 1. cap. 477. n. 3.* & debiti instrumen- 32. tum apud debitorem repertum, non facit plenam probationem solutionis, sed tantum præsumptionem *Mascard. d. concl. 477. n. 14.* vel prout Dd. loquuntur, restitutionem Cheirographi, non liberare debitorem ipso iure, sed ope exceptionis. *Gail. d. lib. 2. obs. 37. n. 5.* *Vvesemb. in comm. C. lib. 4. tit. 8. de condict. n. 13.* quapropter præsumptiones, & probationem contrariam admittit; Quibus ita breviter 33. discussis, summâ ratione, niti videtur lex municipalis Reipublicæ Mechlinensis, quam refert *Paul. Christiana. d. comm. tit. 1. art. 48.* & sic habet. Nemo eo nomine debitum exigere potest, quòd cautionem obligatoriam ostendat, nisi constet de procuratione, aut debiti in eum translatione, quòd is qui principalis creditor nominatur

q 3

in ipsum



in ipsum contulerit, nec obstat, si in cautione expressum habetur, ei dandum esse, qui obligationem exhibuerit.

34. Ampliari videtur principalis nostra conclusio procedere, non solum in debitis activis, sed etiam passivis, ut puta, miles debitor, expugnat civitatem vel locum quendam deprædare cum commilitonibus facit, in quo creditor suus habitat, ab eoq; obligationem vel liberationem debiti extorquet, hæc siquidem liberatio non magis valida est, quàm ea, de qua hæctenus diximus, per rationes adductas, & quòd præterea debitor, contra militem (aurâ serenâ) de jure ex capite, *Quòd vi metusvè causâ agere possit.*

35. Limitatur 1. in utroq; casu, cessare prædicta, si loco lytri, pro liberatione personæ creditoris capti, vel deprædationem & vexam redimentis, instrumentum obligatorium militi fuerit cessum vel donatum, isq; hanc cessionem vel donationem probare poterit, tunc enim (nisi tamen modum planè non excedat) tenet, prout etiam supra hæc ead. consultat. monui.

36. Limitatur 2. principalem conclusionem non habere locum, si debitor à tyranno, vel milite coactus debitam summam intuitu veri creditoris, militi solverit, quia tunc eum solvendo liberari post Bosium & Carpan. tradit Sebast. Guazzin. tract. de confiscat. bon. concl. 44. n. 17. 18. atque huc faciunt, quæ de æquitate & miseratione, in hisce & similibus casibus scribit Franc. Hottom: illustr. quest. 5. §. Hac enim ita sint; Prope finem atq; hæc quoq; de proposito casu (quem in terminis ab alio quoque tractatum nondum vidi) salvo meliùs sentientium judicio, ita brevibus diffusiisse, sufficiat.

Consultationum illustrium  
militarium

F I N I S.

SEQUI.





SECVITVR  
DISCVRSVS  
DE  
VERA VI-  
CTORIA.

SUMMARIA.

1. *Bella, vel sopiuntur pace, vel finiuntur victoriâ.*
2. *De jure pacis quinam hætenus scripserint.*
3. *Quomodo ad pacem deveniatur?*
4. *Periculosum est inter potentes, (viribus adhuc integris) velle conciliare pacem.*
5. *Meliùs id suscipitur, viribus nonnihil attritis.*
6. *Exemplo Caroli V. Imperatoris & Francisci I. Gallie Regis.*
7. *Ludovici Alamanni nobilis Florentini hæc de re sententia.*
8. *De mediis & jure pacis alibi dicetur.*
9. *Per victoriam, simpliciter pacem sperandam, vel obtineri posse, fallibile est argumentum.*
10. *Quidnam præcipue in hoc discursu indagandum.*
11. *Falsæ & veræ victoriæ differentia.*
- 12, 13. *Utriusq; victoriæ causæ.*
14. *Victoriam aliam veram, aliam falsam esse.*
15. *Falsarum victoriarum species.*

ms. July



16. Julij Caesaris de Pompeianis iudicium.
17. Polybij, de vanâ victoriâ persuasione argumentum.
18. Euripidis, de Græciâ civitatibus testimonium.
19. Insigne Friderici III. Caesaris, ad Ludovici XI. Galliæ Regis Legati, responsum.
20. Victoriâ futura, ex indiciis & signis iudicium, cum aliquot exemplis.
21. Auctoris ea de re sententia.
22. Lepida Archidami ad milites exhortatio.
23. In multitudine militum incerta victoriâ.
24. Quid semel vel pluries victoriâ obtenta fidendum.
25. 26. Eadem prosequenda, ut nil ampliùs timere necesse sit.
27. Et victis arma supersunt.
28. Omnibus fortunis nudatis, etiam cultellus ad vindictam remanet.
29. Victor timere nil potest, quàm quod non timet.
30. Victi dum respirare possunt, victoriâ vera nulla speranda.
31. Exemplo Mitridatis; Idq; si non ad spem victoriâ, compositionis tamen.
32. Victoriâ vera dici nequit, quæ finem suum consecuta non est.
33. 34. Victoriâ prosequi oportet.
35. Victoriâ dubia, cui sit adjudicanda?
36. Quot modis hoc fieri contingat? cum exemplo Argivorum & Lacedæmoniorum.
37. 38. Exemplis aliorum.
39. Quomodo in hisce dubiis sentiendum?
40. Vera & perfecta victoriâ quæ?
41. Imperfecta victoriâ quanam?
42. Cui rei equiparatur?



43. Imperfectæ victoriæ effectus.
44. Ex eadem provenientia vitia.
45. Perfectæ victoriæ effectus.
46. Perfectam victoriam, post Casarem Augustum, vix alicui obtigisse.
47. Hujus rei conjectura & causa.
48. Insignis Justii Lipsii locus.
49. Victor clementiæ studeat, pacem amet.
50. Conclusio cum voto.

**O**Mne belli genus, vel pace sopitur, vel victoriâ finitur; De ju-  
re pacis exstant aliquot, tam veterû, quàm noviorû Ictorû  
scripta, inter quæ præminent; Octav: Velpelli tractat: de treug:  
& pac: Nicolai Maroni de treug: & pacè. Antonij Corseti de privileg. pacis. Petr:  
Gudolini de jur. pacis. Hug: Grot: de jure belli & pacis. Et (cum Deo) de eadè  
materia, comodiùs sese aliquando offeret tractandi tempus. Interim  
(quoad præsens institutum) ad amœnissimum pacis studium, tan-  
dem devenitur, vel tadio belli, utriusq; partis, vel insigni quâpiam, ab  
alterutrâ parte obtentâ victoriâ. Quod priorem modum attinet, sicuti  
periculosum, & res magni momenti est, inter partes potentes, &  
quarum utraq; adhuc viribus integris, recenter acceptas injurias vin-  
dicare meditatur, animorum conciliationem, & pacem tentare; Ita  
è contra, post diutinam dimicationem, post mutuas clades, damna,  
& sanguinis humani effusionem, viribus utrinq; contritis, ubi tamen  
neutra pars, debilitatem suam, & vulnus illatum agnoscere vult, pa-  
cis tractatus haud rarò feliciter, & prospero successu, ab hominibus  
rerum peritis & prudentibus instituuntur, optatumq; eventum for-  
tiantur, Vnum tempus est de pace agendi (teste Casare de bell. Civil.) dum sibi  
uterq; confidit & pares ambo videntur. Cujus rei exempla historiæ non  
pauca suppeditant; Vnicum Caroli V. Imperatoris & Francisci Gallia-  
rum Regis, hoc tempore sufficiat; Hi duo potentissimi Principes, cum  
superiori seculo, tanto fervore & animorum exacerbatione, per ali-  
quot annos armis dimicassent, & ambigûâ fortunâ & victoriâ, uterq;  
extrema tentasset, tandem inter eosdem, magnâ cum laude, mino-  
ri verò



- ri verò cum labore Pacificatio facta est, cujus rei causas Ludovicus  
7. Alamannus nobilis Florentinus, & Poëta insignis, durante pacis tractatu, interrogatus, ex tempore, Italico hoc rythmo, eleganter & prudentissimè expressit.

Com' esser può, che a noi pace si toglia

S' vn n' ha necessitâ, l' altro n' ha voglia?

- Quasi diceret, dubitandum scilicet non esse, quin inter Carolum & Franciscum pax subsequutura sit, cum alter eam velit & desideret, alter eâdem opus habeat; Remig. Florentin: confid: civil: ad Guicciard. cap.  
8. 97. Verum de hisce mediis, reliquoq; pacis jure, & quemadmodum firmanda, stabilienda & firmiter sit concludenda, tranquilliora tempora (procul dubio) meditamenta non contemnenda tradent.

9. Ad victoriam nunc redeo, & quomodo mediante illâ, pax securâ sperari & obtineri possit, videbimus, permulti enim, aliâs etiam excellentissimi viri, in hoc falli videntur, quod omnibus pacis remediis neglectis & spretis, solâ (& quidem adhuc dubiâ) victoriâ, pacem redigi posse arbitrentur, non attendentes, quàm fallax fortunæ, & victoriæ eventus sit.

10. Et quoniam in cæpta (uti spero feliciter, & cum multorum approbatione) consultationum militarium decade multæ controversiæ, quæ vel amicâ pacificatione, vel cruentâ victoriâ interveniente in considerationem venire possunt, pertractantur, hoc loco saltem indagandum supererit. Quanam sit vera victoriâ, & an unquam talis speranda, ut exinde pacem satis securam expectare liceat? Sicut enim falsæ & imaginatæ victoriæ, multos sæpenumerò fallunt, & nihil aliud quàm nova belli semina progenerant, ita è contra vera perfectâ & completa victoriâ, certissimum munimentum & fundamentum futuræ securitatis perhibetur. Quod ut paucis ostendam, nebulas quasdam falsarum victoriarum primò removebo, & postea quænam sit vera victoriâ, & quomodo eidem fidendum declarabo; Sicuti autem affectus & opinio, multarum falsitatum & imaginationum causa sunt; Sic veritatem non nisi recta ratio agnoscit & producit (est autem, ait magnus ille Lipsius in libello suo aureo de constant. libr. 1. cap. 4. in fin. Recta ratio nihil aliud, quàm de rebus humanis, divinisq; (quatenus tamen hæc ad nos spectant) verum judicium ac sensus; Opinio huic contraria,



traria, de iisdem futile iudicium & fallax.) Quamobrem falsæ victoriæ, 13.  
ceu chymæræ, ex affectibus hominum vel opinione formantur, &  
multa mala progenerant; Nam uti oculus, qui per nebulam aut aquam  
inspicit, res metitur falso modo; sic animus, qui per opinionis nubem; Hac ho-  
mini, si consideras, malorum mater, &c. Idem Lips. d. libr. 1. cap. 5. in fin.  
Ex hisce itaq; constat, victoriam esse falsam, aliam veram, & quænam sit 14.  
utriusq; causa; Opinio scilicet illius, recta ratio verò hujus.

Futilium, imaginatarum, & falsarum victoriarum plurimæ spe- 15.  
cies occurrunt; Sunt enim primò, qui ex merâ persuasionem victoriam  
sibi imaginantur, & cum cane Æsopico umbram sectando, ulterio-  
raq; petendo, ea quæ se ipsâ tenent, unâ cum vana spe perdunt; Ju-  
lius Caesar lib. 3. de bell. civ. de Pompeianis persimili persuasionem affectis, 16.  
ita scribit: Nec quibus rationibus ulterius superare possent, sed quemadmodum  
uti debebant victoriâ (quam sibi imaginabantur) cogitabant. Et perpul-  
chrè de eiusd. fortis hominibus ratiocinatur Polybius lib. 11. Multi sunt 17.  
(ait) qui quando de summâ rerum decertaturi sunt, ea tantum, ob oculos sibi  
ponunt, quæ ex victoriâ commoda adepturi sunt, & suavi futuri boni titillatio-  
ne ratiocinantur, quàm jucundè bonis illis usuri sint; Casus verò sinistros non  
considerant, nec quid in omnem eventum fieri debeat, secum animo volunt.  
Idem de Græcia civitatibus vanâ spe omnem victoriam devorantibus, 18.  
& nulla adversa considerantibus Euripides memoriæ reliquit, quem  
in hunc sensum refert Hug. Grot. de jur. belli & pac. libr. 2. cap. 24. n. 4.  
dum ita scribit:

De Marte quoties itur in suffragia  
Nemo imminere cogitat mortem sibi,  
Sed quisq; cladem destinamus alteri,  
Quòd si in comitâs funera ante oculos forent,  
Furiata bello non periisset Græcia.

Et demum nihil vel pulchrius, vel prudentius, de falsa & ima- 19.  
ginata victoriâ apud Historicos & Politicæ prudentiæ Scriptores in-  
veniri poterit, quàm illud Friderici III. Imperatoris responsum, quod  
exstat apud Cominæum comm. lib. 5. & tale est, cum enim Ludovicus  
XI. Gallia Rex, ut Caroli Burgundi Germanico & Gallico Imperio bella in-  
ferentis, audaciam compesceret, legato ad Cæsarem misso, cum eo-  
dem pacisci cuperet, ut fœdere utriq; firmato, conjunctis viribus



Carolus aggredierentur, subjungens catalogum provinciarum Caroli, quarum una pars ad Cæsarem, altera ad Regem devicto Carolo perveniret; Cæsar prudens haud difficulter animadvertit, quam stultè ageretur, si quis ante partam victoriam, de prædæ & provinciarum divisione, consilium caperet, acceptis Legati mandatis, nihil aliud præter in hunc modum ipsi respondit. Fuit non procul (inquit) à quadam urbe Germania, ingens aliquando ursus, qui totam vicinam regionem multum infestabat, ejus oppidi tres quidam juvenes, veniunt, uti consueverant, ad cauponem, rogant prandium sibi præberi, fore ut infra biduum persolverant omne debitum, sese capturos ursum illum vastatorem, ejus pellem magno posse vendi, & futurum ut aliquo præterea munere cohonestentur à civibus, ob interemptam belluam, quæ tantum dederit damni, caupo conditionem accipit, præterea contendunt ad latibulum feræ, in quam, cum opinione citius incidissent, perterrefacti subito occursum in fugam abeunt; Ex ipsis in arborem unus conscendit; alius ad urbem, quantum potest, fugit. Tertium ursus comprehendit, & prostratum pedibus conculcat, rictum deinde propius ad aurem, admovet; Interea miser ille mortui præbuit speciem, & hominis exanimati. Ea enim est ursi natura, ut si quod capit animal, mortuum esse putet, non infestet amplius. Itaque, cum & istum crederet extinctum relinquit, inq, speluncam redit; Ille tandem ubi consurrexit urbem petit. Qui arborem confugerat, incolumem illum esse videns, accurrit, & valde cupide rogat, quid in aurem immurmurasset belua; Hoc inquit, ille mihi præceptum dedit, ne quam ursi pellem deinceps vendam, nisi captâ primam feram &c.

20. Secundo alii ex certis signis & indiciis, veluti animalium, vel aliarum rerum apparitione, ex fato itidem & similibus prognosticis, vel victoriam, vel cladem certam sibi promittere audent; Serium exemplum proponit Dio lib. 47. hisce verbis scribens; Cum Lepidus & Antonius oppressum irent, C. Cæsarem Octavianum, adeoque castra castris penè junxissent, pactiorem tamen cum Octavio fingerent, accidisse inter ipsam pactiorem Cæsari, ut aquila ejus tabernaculo insideret; Ad quam mox duo advolarunt corvi, qui alas aquila evellere conati, ab eadem mox occisi sunt, addicente eâ ratione, aquilam Cæsari victoriam, contra utrumq, collegam triumphaturus, quorum clades, utriusq, corvi cade notata fuit. Quâ ratione ciconiæ, pullos suos implumes, ex cuiusdam eminentis turris culmine, in arundinetum urbi vicinum, rostro deferentis exemplo, Attila de Aquile-

gia ex-



gie expugnatione, & inde deportanda victoria indicium tulerit, testatur Nicol. Olaus in ejus vita cap. 14. Mustelam quoq; Ladislao Vngaria Regi, victoriæ fuisse nuncium scribit Bonfin. rer. Vngar. dec. 2. lib. 3. Idem de cerva Clodoveo Regi Gallia vadum per flumen Vigenam monstrante & ad victoriam eidem iter præparante, refert Amon. Monach. de gest. Francor. lib. 1. cap. 21. Atq; in hanc rem plurima testimonia (si necessum foret) adduci possent.

Quamvis autem non abnegem, divinam majestatem, à quâ 21. omnis victoria, & in bello fortitudo dependet, per indicia & auguria rerum eventus nonnunquam præmostrasse, atq; id etiamnum ex singulari gratiâ facere posse, nollem tamen talis esse, qui ex præallegatis aliisve indiciis, certam & veram victoriam alicui adscriberem; 22. Ideoq; cum de lepore sit communis traditio, quòd secundum veteres, Pierium Valerianum maximè;

*Inauspicatum det iter oblatus Lepus.*

Et fortissimi Imperatoris Archidami militibus, qui Corinthum obsidebant, lepus è confinio murorum prorupisset, atq; inde omine fugacis animalis, milites consternati essent, eosdem Archidamus animosè ita allocutus est, & omen in hostes vertit; *Parata en nobis commilitones* (inquit) *victoria; Inertes enim hostes nostros esse oportet, qui leporem tam vicinum capere noluere.* Qualis ex simili causa adhortatio bellicosa & generoso viro convenientior, quàm ut anilibus fabulis, divinam providentiam, bonam causam, & militum virtutem postponat.

Tertiò sunt, qui ex magnitudine exercitus, & numero militum victo- 23. riam certam sibi pollicentur, cum tamen historiæ ubivis testatum reddant, multitudinem plus obesse, quàm prodesse, & sæpè (divinâ annuente potentiâ, & Ducum heroicâ virtute) maximos exercitus per minores militum cohortes fugatos & dissipatos fuisse, quâ de re perplura testimonia congestit Remig. Florent. d. confid. ad Guicciard. cap. 64. & quia propterea neminem dubitare existimem, hunc locum non amplius prosequar.

Quartò perplurimi arbitrantur, quòd obtentâ unicâ vel alterâ vi- 24. ctoriâ, hosteq; enervato, & ad desperationem quasi redacto, de victoriâ verâ & securitate nunc certi sint; *chi bene comincia, ha la metà, dell' opera*, ait Italus. Et quid celeritas in bello, primusq; in hoste



- metus & terror operetur, rei militaris peritis plus quàm notum est.
25. Vt cūq; autem hæc ita sint, nollem tamen vel primæ, vel pluribus victoriis, (etiam eo in casu, ubi hostis ad summas redactus angustias, & non nisi cum magnâ difficultate respirare, armaq; arripere potest) tantoperè fidere, sed vel securâ pace (si conducit) lites sunt sopiendæ, vel progrediendum ulteriùs, ita ut de securitate certi, hostem eiusvè socios non amplius metuamus. Victoria quippè, non infemel, vel sapiùs vincendo, sed potiùs in prosequendo, & hostem
26. armis protenus exuendo, omnibusq; modis delendo consistit. Tempus & mille nunquam cogitati casus, occasiones offerunt, quibus non potens modò inimicus, sed etiam debilis, contemptus & oppressus, qui nunquam juvare potuit, nocere possit; scribit Hieron. *Cannestag. de bell. Belg. lib. 1.* Et nunquam ita omnibus fortunis quispian nudari poterit, ut non ei cultellus ad vindictam remaneat, re-
29. ste Machiavello 3. disp. 6. Victor ergò (ait Seneca) *timere quid potest? quod non timet*, prudentissimè idem sibi respondet; Vnde *Palæstrio* apud *Plautum* in milite; non scis (infit) *quum ex alto puteo sursum ad summum adscenderis, maximum periculum inde esse, à summo ne rursum cadas.* Infirmi (ergò secundum sententiam *Egesippi lib. 4. cap. 2.*) ingenij erit, lapsu aliquo, *summa rei diffidere; cūm exiguis momentis inclinentur omnia, quæ in bello geruntur*; E quibus omnibus, hoc consequens manet, victoriam veram nunquam futuram, & ex ea, securam pacem non sperandam victori, donec devicti aliquo modo respirare, vel ipsimet, sociorūvè
31. auxilio & ope movere se possunt. *Mithridates* (scribente *Floro lib. 3. cap. 5.*) à Romanis superatus, omnia tamen experiebatur more anguium, qui obruto capite, postremum caudâ minantur. Idq; si non ad spem victoriæ, certè tamen ad spem compositionis; Quod de *Catone* in *Africa* bellum reparante exprimit *Cicero lib. 11. Epist. 12. ad Atticum*; Sed uti video (ait) *multò magis laborandum est de Africa, quam quidem tu scribis, confirmari*
32. *quotidiè, magis ad compositionis spem quàm victoriæ.* Ergò (sicut antea dixi) victoriæ vera, illa dici haberiq; nequit, quæ ad perfectionem non est perducta, & effectum non habet successivum, cūm ex effectu cognoscatur causa, & perfectum illud non sit, cuius effectus imperfectus est; Multi igitur sibi falsò imaginantur, quòd victoriam deportarint, cūm id, quod adepti sunt, prosequi neglexerint; Victoriæ siquidem



liquidem non est victoria, nec dici reverà ita potest, quæ finem bello non imponit, sed *hostem tantum urget, irritata necessitatis morsu*; Quapropter donec victoria semel vel pluries obtenta, ad finem autem perfectum & legitimum non perducitur, ea, pro verâ & genuinâ victoriâ haberi nequit, rationes adduxi, experientia & exempla in aprico sunt; quorum nonnulla recenset *Remig. Florent. sæpè allegat. confid. cap. 4. per tot.* ubi prudentissimè ostendit, non tam post victoriam jubulare, & exultare, quàm de ea prosequenda consultare oportere; Hinc tot magnorum Ducum errores, qui vincere potuissent; si victoriâ rectè uti scivissent, quod de *Hannibale* traditur.

Vince Hannibal, & non sæpè usar poi  
Ben la vittoriosa sua fortuna.

Eadem de *Pompeio* querela est, quod sæpè, & præsertim, cum propè *Dyrrachium*, Cæsarem conflictu fregisset, victoriam persequi neglexerit; Ideoq; Cæsar hæcce animadvertens; Pompeium scire vincere negavit.

De hoc autem antequam ulterius in præsentī negotio procedam, primò inquirere oportet, si victoria sit dubia, cui eadem adjudicari debeat? Variis verò modis victoria dubia manere potest, aliquot depromam exempla; Primò inter *Argivos & Lacedæmonios* tale dubium exortum est, cum enim hi de *Thyrea* contenderent, & iudicio *Amphietyonum*, rem pugnae commisissent, ita pertinaciter pugnatum est, ut duo omninò ex *Argivis*, *Alcenor*, & *Chromius*, unus ex *Lacedæmoniis*, *Olhyades*, vel *Othryades* superstites essent; Hic latebat saucius inter mortuos, itaq; cum *Argivi* discessissent, surrexerat, & spoliatis cadaveribus *Argivorum*, trophæo erecto, quod suo sanguine inscripsit, statim mortuus concidit; Ambo sibi asseruere victoriam, *Argivi* numero, *Lacedæmonii*, fugâ hostium, campo, trophæo, spoliisq; *Plutarchus* (si auctor est *Parcellorum*) scribit *Amphietyones* iisse in rem præsentem, & victoriam adjudicasse *Lacedæmoniis*, *Herodotus* ait, cum iterum pugnasent, eventus, veluti æquus iudex, unde jus stabat, dedit victoriam *Lacedæmoniis*. *Petr. Ærod. rer. judic. lib. 10. tit. 9. cap. 1.* At *Hugo Grotius de jur. bell. & pacis lib. 3. cap. 20. n. 45.* nullam victoriam hoc casu agnoscit: Secundò sæpè accidit, ut nocte irruente, utraq; pars campo cedere coacta, ignoretur, pe-



- ur, penes quam victoria remansit, ita obtigit *Bruto & Valerio Coss.* contra *Marcum Antonium & Octavianum Petr. Aërod. d. tit. 9. cap. 1. & Francisco I. Gallie Regi cum Helvetiis* quod, & alia exempla refert; Remige
38. *Florent: in considerat: ad Guicciardin: cap. 62.* Ex quo demum tertio consequitur, quod neutra pars se victam confiteri velit, prout *Christiani*, se à *Turcis* ad *Agream* victos esse, fateri noluere, teste *Soranzic. cap. 66.* Multi quoq; magis pro victoribus se gerunt, quam ut tales reverà se sentiant, uti de *Philippo Macedone* notat *Polybius*, quem refert *Grotius d. cap. 20. n. 45.*
39. Quomodo verò quarto de victoria dubia sit judicandum, & quibus indiciis & argumentis eadem huic vel illi parti sit attribuenda, non una est sententia? Vetustissima siquidem *Græcorum* est consuetudo, ut qui petit suos sepeliri, victum se eo ipso fateatur, secundum *Plutarchum* in *Nicia.* *Helvetij* victores, ex consuetudine inveteratâ bleiben drey Tag auff der Wahlstatt ligen/ wann sie den Sieg erhalten haben. *Stumpsius libr. 10. cap. ult. sed Hugo Grotius d. cap. n. 45.* ait, spolia legere, cadavera ad sepulcrum concedere, prælio iterum lacessere; ut signa poni victoriæ, per se nihil probant, nisi quatenus cum aliis indiciis valent ad docendam hostium fugam; & certè qui loco cessit in dubio magis est, ut fugisse credatur; At ubi victoriæ firma argumenta non sunt, res manet eo loco, quo ante prælium fuit.
40. Hisce ita præmissis, apparebit & manifestum evadet, quæ sit, & dici possit, vera, completa & perfecta victoria, illa scilicet, quando hostis ita est superatus & oppressus, ut eum, suosq; auxiliares amplius timere necesse non sit, sed omninò securè vivere liceat; Et in summa vera & perfecta victoria, duo hæc capita in se continet; Injuriæ ac-
41. cepta ultionem, & in posterum securitatem. At imperfecta & falsa victoria (præter illam quæ in solâ imaginatione & spe consistit) est illa, per quam quidem, vincens & in prælio alium superans majorem respectum & auctoritatem consequitur, ita ut superior meritò dici queat, omninò tamen ab insultibus hostium, & inde emergente novo periculo liber non est. Hanc victoriam alii malæ herbæ æquiparare solent, cujus quamvis fructus semel vel pluries (ne scilicet nimium sese extendant) abscindantur, manentibus tamen radicibus, retinet vim &



vim & potestatem, per similes fructus rursus producendi, quos similiter demum tollere necesse est, verum protenus eradicata herbâ, nullum periculum remanet. Quemadmodum etiam imperfectam 43. victoriam ex falsâ causâ (opinionem nimirum) originem trahere, supra ostendi; Ita reverâ dici poterit, eam occasionem esse novi belli, dum in hoste adhuc superest potentia vires suas recolligendi, & denudò vincentem armis laceßere *Remig. Florent. d. confid. ad Guicciard. cap. 41.* Vbi eleganter subnectit & recenset omnia vitia, quæ ex imperfecta & falsa victoria oriuntur, inter quæ non minima sunt, negligentia, immoderata lætitia, nimia confidentia, insolentia, hostis contemptus, & in summa, intempestiva securitas; Quid autem hosce & alios subsequatur affectus, ibidem inductione exemplorum ulterius declarat, & ipsa quotidiana experientia satis superq; testatur reddit. At perfecta & vera victoria, nihil tale in se habet, 44. dummodò victor eadem non abutatur, veram itaq; hæc securitatem & tranquillam pacem victori largitur; Rara autem hæc avis in terris 45. est, ac propterea post *Octavianum Augustum Imperatorem* (cui hoc procul dubio, ex singulari Dei gratiâ obigit) vix aliquem, talem victoriam, cum universali securitate & pace consecutum, forsan haud ineptè animadvertit; Idem *Remig. Florent. d. cap. 41.* Hujus rei causæ 46. vel potius conjecturæ, quamvis plurimæ in medium adduci possent, nolim tamen iisdem prolixius inhaerere, moveor autem certâ ratione, ut credam, Divinum numen (cujus velle inperforabile est) suâ providentiâ, hæc omnia ita moderari, ut & Imperatores & Reges sentiant esse superiorem, qui illis imperitet, & cum plerunq; victoriam insolentia, atq; eius generis alia vitia comitari soleant, eadem inulta non relinquat, sed victoribus, qui prosperâ abutuntur fortunâ, & nihil mali metuunt, tum maxime cum omnium rerum securi sunt, Deus repente adversarium quempiam excitat, de quo minime suspicati fuerant. Ita non solum prudenter, sed piè quoq; historicas suas commentationes concludit *Philip. Comina. lib. 10. in fin.* Et quia hunc in locum inciderim, 47. Regumq; & Magnatum victorias, à Deo temperari, certisq; terminis includi dixerim, prudentissimum hæc de re monitum *Iusti Lipsii in monit. & exemp. polit. lib. 1. cap. 5. monito. 4.* stylo & verbis auctoris inserere hîc libet: breve monitum (ait) sed magni sensus & usus; vide- 48. re quo-



238 DISCURSUS DE VERA VICTORIA.

re quomodo Deus disponat & cohibeat, hos ne crescant, hos ne cadant, & velut in æquilibrio res suspendat; Hoc Nicephori Gregoræ lib. 5. verbis dicendum est; Mirari mihi subit (inquit) impervestigabilem Dei sapientiam, qui planè contraria uno fine conclusit. Nam cum duas adversarias potestates inter se committere statuit, nec alteram alteri subicere; aut ingenio, aut virtute præstantes utriq; parti moderatores præficit, ut alter alterius consilia & conatus evertat, & utriq; Subditorum libertati consulatur; aut utrosq; hebetes & inbelles deligit, ut neuter alterum tentare, & septa (quod aiunt) transilire audeat, veteresq; Regnorum limites convellere; Dicit prudentius nihil potuit; & providentiæ hanc dispositionem quot exempla adfirmant? non insisto, & vetera omitto; Sed nuper Carolus V. nobis, Franciscus I. Gallis, Soleimannus Turcis imperitabant, quivis eorum dignus orbis terræ Imperio, & habuissent, aut promovissent, nisi concursus ille fuisset, & alius alium interpellasset; In parte alterâ exempla, quæ verecundiâ prohibitus non dicam; Nec ego Magistri verbis plura addam, sapienti satis.

Ne itaq; divina Majestas, obtentâ notabili victoriâ, ingratitude vel alio quopiam scelere offendatur, & fortunæ rotæ cursum impediat, vel etiam planè sistat, victoris erit, ut victoriæ certam præscribat metam, clementiæ benignitatiq; studeat, & postquam in nocentes satis animadversum, parcendo rursus irritamenta pacis ostenter, uti ex Tacito Lipsius civ: doct: lib. 5. cap. 17. n. 5. Immò honestam pacem ulteriori vindictæ & absolutæ victoriæ (quam vel sperat, vel certâ persuasione sibi imaginatur) præferat, eamq; ceu humano generi amicissimam promoveat; Quia melior tutiorq; est certa pax, quam sperata victoria; Illa in tua, hæc in Deorum manu est, ait Livius lib. 25.

30.

Ita faxit Deus almæ pacis unicus  
Auctor.


FINIS.

2.6.108  
2  
Br2



139








26.108

141




2.6.108
















005647051



